



**Christeliche Verantwoording M. Matthes Zell von  
Keyserßberg Pfarrherrs vnd predigers im Mu?nster z?  
Straßburg, vber Artickel jm vom Bischo?fflichem Fiscal  
dasselbs entgegen gesetzt, vnnd im rechten vbergeben. :  
Hyerinn findest ev?ngelischer leer gru?ndtliche verklerung  
vnd reyliche Bericht, durch go?ttlich geschriff, gar nahe aller  
sachen so yetz in reden vnd disputation seind.**

<https://hdl.handle.net/1874/433536>




# Chresteliche

verantwortung D. Mat  
 thes Zell von Keyserßberg Pfarz  
 herrs vnd predigers im Münster zu  
 Straßburg / vber Artickel im vom  
 Bischöflichen Fiscal daselbs  
 entgegen gesetzt / vnnnd im  
 rechten vbergeben.

Wyerin findest Euäge  
 lischer leer gründeliche verklärung  
 vnd reylliche Bericht / durch götlich  
 geschriffte / gar nahe aller sache  
 en so yez in reden vnd dis  
 putation seind.

M. D. xxij.





*[The page contains extremely faint, illegible text, likely bleed-through from the reverse side of the document. The text is arranged in several paragraphs and is difficult to decipher.]*

# Allen liebhaberen Euange

lischer warheit / wünsch ich Matthens Zell  
von Keyserberg / 8 zeit Pfarher im Mün  
ster vor S. Laurentzen zu Straßburg gnad  
vnnnd frid in Christo Ihesu vnserem herren.

**G**ist mir kum ein sach minder in  
meinen synne kommen / weder das ich auch solt ein  
büch machen / vnnnd das selbig durch den druck lassen vff  
gon. wañ vber das ich mich 8 sache ganz vngemäß weiß /  
ja von mangels wegen kunst / vnd andier nordürffigen ge  
schicklicheit. so seind sumst der bücher vnnnd büchschreiber  
zu vnseren zeiten on das vil / also das es meins bloderens /  
oder Bapyr verderbēs gar nit bedürfft hette. Doch so ich  
mit gewalt hynein getrungen bin / also das ich nit wol mit  
eern hab mögen enpflehen / sonder hab mit meinem armē  
hausrätlin (wie schmal ja 8 ist) auch här für vorden gros  
sen hochuerstendige müssen prangen. Vnd der ich vorhyt  
für weiser vnd geleter geacht worden / muß mich yetz vnd  
selbs verraten / vnd von mir das sprichwort war machen /  
Si tacuisses / sapiēs fuisses. Hettestu geschwigen / so hette  
ich dich für weiß vnd geleert geacht. Nun wolan (wie ge  
sagt) ich bin hynein getrunge / darumb ich nit hab / künne  
oder mögen schweigen / ich wolte dann das ihenig / so mir  
mit vnwarheit vffgelegt / nit veräwortē / oder so mit war  
heit / nitt als war versprächen / so ich doch darzu erfordert  
würd. welches nit zu kleiner schmach gottes / vñ ergerniß  
der glaubigen diene. Ich weyß wol wie ein groß geschrey  
in die land von mir vffgange ist / das ich ein schädlicher ler  
er sey / welchs so es allein mein schmach berürt / muß mich  
wenig bekümeren. So aber hyedurch / die warheit gottes  
verargwont / vnd zur lügen mit ergerniß der glaubigen /



gemacht: So wil ich recht daran/vnnd erfarn/was gott  
auch durch mich armen vngelerten reden wil/wan ich ye  
wol syhe/das die sach yetz d götliche Euangelische warheit  
mir durch die kleine/vnachtsbare/vngelerte (wie zum erst  
en anfang der kirchen auch) wider muß ernüwert werde/  
Es wollen ye die grossen gelerte mit recht dran/so wil gott  
sein wort vnuer schwigē haben/es müsten ee die stein redē.  
Wolan/laß mich auch ein stein gottes sein/ja ein stocknat  
ren darzu/dānocht bleib ich sein creatur. welche so er alle  
zeit noch seinem gefallē braucht/wer weys warzu er mich  
auch yetz brauchen/vnd was er durch mich würcken wöl  
le. Wan ich befind/das ich mit mein eygne/sonder die sach  
des Euangelij Christi öffentlich geprediget/handele. Wel  
che nit hinder dē offen (als man villeicht gern sähe) heym  
lich/sonder auch öffentlich/billich verätwurt würd. Bitt  
auch hye mit alle leser vnd hörer/das sye sich nit lassen ver  
düessen/an der vngeordneten rede. Wan oft mit vilfeligē  
worten vs gesprochen würt/das mit wenigern vil klärlich  
er het mügen gesagt werden. Oft ein ding widerumb/da  
von vorhin gnüg gesagt were/vnd der gleichē vil/die eins  
lesers gemüt verdüßsig machē/ich geschweig das es sunst  
gar kein art einer lustigen reytzeden rede habe. Dessen ab  
er ist nit ein kleine vsach/das ich durch die embsige ver  
manüg des richters/mich mit der antwort (die ich zu erst  
Lateinisch/vnd nachmals Teütsch/der meynung beyde  
gleich zu vberantworten/gemacht) zu fürdern/vbereylt  
byn/yedoch ist mein vbelkūnnen/die rechte ware vsach.

Ist sye nun nit zierlich vnnd lustlich/so hoff ich doch  
sye werde erfunden warhafftig/da mit ich mich  
benügen laß/wie ich auch von yeder  
man verhoffe/Amen.

**W**or der gantzen Christheit: mit  
 allein vor dem Vicary des hochwürdigen herren  
 Bischoffs zu Strassburg meins gnedigen herren/  
 sonder vor seiner gnaden selbs/ desz gleiche vor ander e gü-  
 ten vnd glaubigē Christen/ was stands sye sind/ geystlichs  
 oder weltlichs vnder welchen ich will in sunderheit genat  
 haben/ die durchleüchtigen hoch vnd wolgebornē vn wür-  
 digen herren/ herren Dechan mit sampt dem gätzen Capi-  
 tel/ der löblichē hohen stift zu Strassburg meine gnedige  
 herren. Desz gleiche auch die strengen/ edlen/ fürsychtige/  
 ersamen vnd weisen herren des Raths vnd regiments der  
 selben statt. denen allen mit einander gebürt sorg zu tragē  
 irer vnderthonen/ damit sye in friden vnder vnd bey einā-  
 der freündtlich leben vnd wonen/ Ich demütiger vnd vn-  
 achtbarer Matthes zell von Keyserberg/ berufft zu ein  
 diener des gotsworts/ erschein yetzund zum ander en mal/  
 vsach zu gebē der lere/ so ich in mein dienst gethon hab.

**W**eliche wiewol ich nit zweifel das sye war sey / wie dan  
 in mein predigen gethon/ genügsam durch die heylig ge-  
 schufft angezeygt vn bewert ist/ also das die glaubigen/ so  
 rechter hirtiger vngesälchter begird gehört/ nit wenig er-  
 bauwen seind im glauben/ den sy dardurch entpfangē ha-  
 ben. welcher zu seiner zeyt (als ich hoff) sein frucht würt  
 fürbringē. So ist doch die selbig mein leer vnbillich verarg-  
 wont worden als ob sye falsch sey / deszhalb die not erfor-  
 dert/ vorden oberen weiter darumb rechnung vnd vsach  
 zu geben. Welichs mich warlich auch nit beschwert/ seite-  
 mal ich weyß das wir bereyt sein sollē/ allen so von vns be-  
 geren rechnung zu geben/ der lere vnd hoffnung/ so in vns ist  
 desz gleichen auch die wider sprächer vberwinden.

**D**as aber von mir fürderlicher weder von anderē pre-  
 digern vsach der lere gefordert würt/ geschicht freylich/



das sye von etlichen vnbillichē vßlegerē mer dan̄ anderer  
leer ver argwont ist. welche vnbilliche vßleger vermischet  
vnder den kindē gotts/ auch gestandē seind vnd zugehört/  
der meynung allein/ das sye verkertē vnd verbösten/ alles  
so sy irem Bauch argwönig od̄ nochteylig sein vermeyntē/  
wan̄ sy auch den selben allein für iren gott ceren/ desshalb  
inē auch gebürt hat sorgfelig zu sein seiner cerē halb/ das  
die nit abneme. welichs dan̄ mit wol on iren eygen schaden  
vnd nachteyl geschēhē möcht. welchen schaden do sy noch  
von ferrem gesorgt/ haben sye mit ein kleinem schmerzē ent  
pfangen/ welche auch so bald er zeitig worden ist/ geboren.  
namlich die böshheit in disen artickelen wiß mich vffbracht  
das also auch von inen d̄ spuch des prophetē erfüllt würd  
Er hat schmerzē entfangē/ vñ hat böshheit geborē/ frey  
lich ein vngheüre mißzgeburt d̄ böshheit/ wan̄ es nit auch  
ein kleiner schmerz gewesen ist/ d̄ sy getrēgt hat im bauch/  
ee das die edle zarte frucht an tag komen ist.

Wie aber ein erschrockenliche grausame mißgeburt sye  
fürbracht habē/ acht ich vnd hoff bald verstanden werd/  
vnd in sunderheit von euch hochwürdiger/ hoch vnd wol  
gebome/ strenge/ Edle/ ersame/ fürsichtige vnd weisen/ so  
ich zu richter diser meiner leer bestimpt hab. welche (euch  
meynich) meine gnedige günstige herrē/ sye mit ein beson  
deren lyst vñ schein wider mich bewegt habē. namlich das  
inen so ernst sey gewesen/ die göttlich eer vñ nāmen zūschir  
men/ das sye mich ein lästerer vorlangst yn hār heymlichē  
gemurmelet haben/ Bis das zu lest so das geschwär gebro  
chen/ der eyter hār auß geflossen ist/ mit grosser flag/ man  
wöll die eer gottes zerstören/ die heyligen gebreuch d̄ kirch  
en abthün/ vñ deren gleichen vil vßels anrichtē. Gleicher  
weiß wie die ihenē von denen wir in Actis geschriben habē  
jāmerlich schriwen/ Groß ist die göttin Diana zu epheso.  
Weliche wiewol sye laut vñ jāmerlich schriwē/ was inen

doch nit als vass gelegē an der eer Diane/als an dem nutz  
den sye von der selben göttin hatten /die silberschmider vñ  
abgots priester. Also auch hye habē dise schreier anders ein  
selich angezeygt weder den schmerzē der sye ynwēdig ge  
driengt hat /freylich d̄ abgang jrer narung. Es ist aber zu  
aller zeit also gesin /das wie vnder dem schein der geystlich  
heit /gerechtigket /billicheit /vñ andre eeren gottes vñ sein  
er heyligē /wir darneben vnser sach vnd nutz geschafft ha  
ben. Also habē wir vffs aller häfftigst durchächtet alle die  
ihenen so solichen falschē schein angezeygt /verraten vnd  
an tag bracht haben /gleich als ob sye warlich solich gots  
schmäher vñ der gerechtigket vndertrucker gewesen we  
ren /so doch eben die selbigen solichs in ein rechte ordnūg /  
übung vnd brauch haben wöllen bringen. Also ward sant  
Steffan /der do recht vom tēpel vnd gsatz gottes redt ver  
klagt /als ob er wider die heylig stat vnd gsatz gottes ge  
lestert vnd gefräselet het. Also auch Chrustus vnser herz /d̄  
allein das gsatz (auch für vns alle) erfüllte hat verdampe  
wordē ist /als ein vbertretter des gsatzs. Also auch die pro  
pheten vorzeiten /die Apostelen /die marterer /vñnd wie vil  
deren seind /die für die warheit wider den falschen schein /  
dapfferlich gehandelt haben /getödt /veragt vnd durch  
ächtet worden seind /gleich als ob sye die schädlichsten got  
tes lösserer gewesen weren /deren doch warlich die welt  
nit würdig ware.

**D**arumb sol sichs auch niemant vff disen heütigen tag  
verwüderē /ob scho einer vs̄ rechtē ernst vñ cyfer die rechte  
ware eer gottes widerbringen wolt /vñnd dafür dapffer  
lich stritte vnd fächt /mit predigen oder sunst mit beystant.  
das d̄ selbig für ein vs̄reüter /vertilger oder zerstörier ver  
klagt würd. wan soliche widerbringūg d̄ rechtē eer gottes  
vñnd seiner gerechtigket /nit wol geschehen mag /on das



vfreüten des vbels / das allenthalbē yngewurtzlet ist / vñ  
welchem so etliche jren nutz vñ narüg gschafft haben/  
doch vnder dem falschen schein / ist kein wunder das sy sich  
fürchtē / schreien / klagen / vñ alles was jm möglich ist ver-  
füchē / da mit sy es fürtkumen möchtē / vñ jr vbel vñ Bosheit  
vnder dem falschē schein erhalte / wiewol sy es nit bekennē  
(wie schwezig sy sunst seind) wo sy der eyß truckt. wān wo  
jren ein solichs vnuersehelich (als sy dan sich nit wol in die  
harbergē mügen) hārauß fürē / wo jnen wee were / wo sy  
der schüch druckte. möcht jm bald geātwort werdē / was  
gadt vns dein schmerz an? was habē wir mit dein bauch  
zū schaffen? müsten mir eben durch eūwerer beüch willen  
also im vnglaubē vffgehalten werden: das es eūch schaden  
vñ nachteyl bringt / müst mā vns darumb die warheit ver-  
schweigen: müsten wir von eūwerer wegē yemer dise bürd  
entragen? vñ das jr sanfft / rüwig müssig vñ prachtisch le-  
ben möchten: müsten wir darumb täglich vngerübig wer-  
den vñ täglich sterben?

**D**arumb ist inē not gewesen eins scheins & geyselicheit  
gerechtigkeit / erberkeit. vnder welichē der trugt Bedeckt  
würdt / vñ weiter auch also vnder solichē schein not was dz  
sy anrüfften die hohen Bischöff / jnen zū oren trügen / wie  
gar ein falsche / wie ein yruge / wie gar ein gotslestrige / vff  
rürsche leer vffgieng. Es war auch not / das der schad er  
was hefftiglich angezeygt würdt / dar durch die selben Bi-  
schöff ein billichen schmerzen entpfingē / vñ jren ganz  
en ernst vñ eyfer dahyn richten / dannen hā diese orenblā-  
ser die vrsach solichs vbels hārkömend angezeygtē. Nun we-  
licher frummer glaubiger prelat & kirchender solichs vbels  
ein won entpfing / sich nit mit schmerzē vñ allē seinē kreff-  
ten widersetzt / ob er & kirchen helfen möcht / welichs doch  
sein eygēlich vñ fürderlichst ampt ist / welches er mit allē  
fleiß vñ krefftē billich erstattet / das auch solichs gemüts  
gewesen

**S.**  
gewesen sey der hochwürdig herr Bischoff zu Straßburg  
mein genediger herr/ ist niemäts zwey fel/ darumb er auch  
dem vermeyntē vbel/ das so grausamllich in den ore seiner  
hochwürdigkeit gelautet/ vnd vß den wortē der falsche an  
klegler so ein grausame sünd erschinnē ist zu begegne. Vnd  
damit es sich nit weiter ynreiß zu fürkommen versücht vnd  
geflissen/ hatt also dem würdigen vnd geleerten man Jaco  
bo gottesheym d̄ weltlichē recht doctor/ doch in geistlichē  
sachē seiner gnaden Vicario/ die sach zūuerhören besolhē.  
**S**o ich nun biß hār nit in der finsternuß oder verborgē  
lich gehandelt/ vorab was gotts wort berürt hat (sunst in  
andren meinē syttē ich d̄ barmherzigkeit gottes bedarff)  
Warumb wolt ich dan die leer so ich meer dan vordreytau  
senden gethon vnd geleert hab auch nit vor ein eyngig vñ  
Christlichen man (als ich acht) noch ein mal reden vnd be  
kennen? Welicher wiewols nit hören würt/ der meynung  
von mir zū lernē wies solct/ sonder die selbig mein leer mit  
sampt mir zūuerdamen/ oder recht zū erkennē vnd absol  
uierē. So hab ich doch seinē richterstül nitt gscheühet/ vß  
ein vertrawen vß die warheit/ die auch vor jren feinden  
vnerschrockelich bestondarff. Darumb es mir nit schwer  
sein würt hye zūgegen antworten/ sonder ichs vil mer für  
ein lust vnd gnad von gott hab/ das ich einfaltiger vngel  
erter vnd vnachtbarer mensch gewürdiget sein soll zū be  
schirmē die eer des göttlichē nāmen. Desshalb ich billich  
mit dem Propheten mag sprechen. O herr wer bin ich/ das  
ich deins ewigē worts patron vnd schirmer sein soll: Wol  
an es hat also wol gefallen dem himelischen vatter/ das er  
den kleinen vnd vnachtbarē vor jm seine geheymnißen off  
enbart/ vñ den weisen vor jnen selbs verberg/ sye auch dar  
zū zūschanden mach/ also das sich kein fleisch vor seinē an  
gen mög erbümen. Darumb hoff ich auch/ das er dem jher  
b



2  
nen dem er bißher treulich geholffen hat/ auch biß ans er-  
de/ vnnnd im end nit werd verlassen noch seiner zûsagung/  
das er wöll geben den mund vnd die weißheit/ denē so in in  
hoffen vnd vertrauen.

**U**in würt auch die verantwörtung diser meiner leer etz  
was weitleyffig werden/ wann es nit ein kleine sach ist. In  
deren auch not sein würt viler ding erklerung/ dar zû auch  
warnemüg der vmbstend vorgeder vnd noch folgeder red  
die auch mit geloffen ist. Vß welichen wie in einer yeglich  
en red die warheit zû ermessen ist/ an welcher warnemüg  
auch zûm dickeren mal die aller waresten sprich etwo dick  
vbellauten/ vnd vnwarhaft geacht werden. deren vil vß  
meine müd (on zweifel meine mißzügner) vß gerappele  
für kezerisch vnd yrug vß solichē māgel geachtet vnd vß  
geben wordē seind. Welichs dan (ich hoff) von den fromen  
gar bald verstandē würt/ so ich zû der artickel yetweder in  
in sonderheit würt antworten.

**E**s soll sich aber billich niemāts verwunderen/ das sye  
gar nach alle meine red vnrecht verstanden haben/ seitz  
mal ein yeglicher seinygen meynung mitt im zûr predig  
gebracht hat. welche/ so gleichmessig geredt wordē ist/ ha-  
ben sye es gelobt. wo aber nit/ seind sye bewegt vñ vber die  
masss erzürnet wordē. Welicher prest vnd māgel gar nach  
alle hörer vnd leser verzaubert/ wie wir den sehen/ so ein-  
em in sein handt ein büch würt/ von stundē an er hört das  
er diser oder der anderen secten ist/ so ist gleich der vor ge-  
faßt vnd vor empfangen gunst oder hassz/ den büchmach-  
er loben oder schelten. wann es will sich nit leichtlich las-  
sen in ein andere meynung bringen vnnnd führen/ weder wie  
der von vnnnd meynung (so das gemüt vorhyn gefangen  
gefürt hat) gewesen ist. Gleicher weiß wie in den trancken  
geschicht/ den die speiß vnd tranck schmackt noch geschick

lichkeit irs geschmacks oder zungen.

6.

Es fürdert auch disen presten/das soliche bücher oder predig nur obenhyn gelesen/oder mitt touben oren gehört werde/Biß das etwas herauß wischt das vns gefellt/daruff wir gelaustert haben.dan so richten wir die oren vff vñ hagen an der selben red oder gschriff/vnd vrtyle sye noch dem dan vnser vorig meynüg gewesen ist. Darumb es sey dan sach/das wir von lieb vnd hassz gantz lár vñ vngewindert seyen/mögen wir niemer billiche richter werden.

Es soll sich auch deßz niemäts verwüderen/das ich nit sondlich/od eynig vor wenigen/zü diser verhörüg bestimpten/als do ist der Vicary (obgenant) vnd welche er zü jm hat wöllen nemē/sonder vor der gätzen kirchen/hab wöllē dise verantwörtüg stellen. Wolan es ist geschehen/das es mich also güet gedunct hat.wan die sach nit besonder personē antrifft/sonder all Christen miteinander. Was nun alle antrifft/soll billich allen eröffnet werde. Tün Berürt diser hädel der massen meniglich/das er jnen mitt on grossen schaden vñnd färlicheit mag vorgehalten werden/wan er ist von der weyd des gottes worts. welche ich (vß jrer anklag) vergiffet haben soll/darumb es auch alle antrifft/die von diser weyd versücht haben.vñnd nit allein die selbigen/sonder auch alle die ihenen/zü denē das gerieff vorlangst kommen ist/das ich falscher leer ein fürbringer sey. ich geschweig der artickel/so wider mich gmacht/vorhyn in etliche stett vßgestrewt/ee sye mir selbs den sye antröffen haben mügen werden. In welchen so vil lügen wider mich erdacht gelesē werde/die keiner billich duldet/er hab dan kein acht/weder sein selbs noch seiner eerē/auch anderer leüt/die ab jm (vnd solichen lügen von jm vßgeben) verergeret möchten worden sein.



**I**ch wil auch in diser schirmred nitt allein mein eygen  
sach hädlen/mich selbs zu beschöñe/sonder die sach d gōtes  
lichen warheit/die durch mein verdämung nit wenig ver  
lerzt wurd/vß welchem anhang der sachē/nim ich auch vñ  
sach meinē nāmen vnd eer zu beschirmen. Es ist kein kleine  
sach/als vmb. v. s. pfeñig/vmb ein acker/haus/hoff/oder  
der gleichē besitzung. nit auch vmb ein schlossz/stat/od gātz  
kūnigreich/weliche doch zu beschirmē oder zu handthabē  
die mēschlich fürsichtigkeit vil erdeckt. Wie vil krieg vnd  
verhergūg oft furgon durch der zeitlichē ding wille. Wel  
licher beklagt sich nit einer zeitlichē vnbilligkeit im Besche  
hen: vnd allenthalbē sein gerechtigkeit vffschlecht an kir  
chen vñ strassen: So nūn dem also/welcher meynt dan vn  
billich sein die sach/den ewigē künig vñ dz ewig erbteyl be  
treffend nit vor mengtlich sein zu beschirmē: vorab so disz  
erbteyl yederman antrifft.

**E**s möcht auch ein solich gerieff von mir vß gangē sein  
vnd fürducken/das ich mich nit gnūg entschuldiget het/  
sonder mir gnad von dem richter bewisen/oder durch für  
bit meiner gūnner/od durch tādning flēt wer absoluiert/  
vñ von disen vffgelegte artiklen geledigt wordē. Es möcht  
solich gerieff vß gangen sein/das man mich vß forcht des  
folcks hett miessen ledig lassen diser anspruch/damit es nit  
mit einer schädlichē vffrūr/mich mit gewalt rōttete/  
Welche vffrūren von weisen leütē billich gefürchtet werd  
en/mitt deren gleichen reden wer erst ein grōßer argwon  
wordē der falscheit meiner leer. Wan sye hetten on zweyfel  
mōgē sprechē/Wie meynstu: wan man nitt dises od ihenes  
gefōrchtet het/er wer nitt also daruon kōmen/man het es  
langst mit jm vß gemacht/er würd nit do vmb geen/yeder  
man mit sein geschrey teyben/man het in dolet mee langst  
vertribē vß dem bistumb/oder gefengtlich hinweg gefürt

Doch würt ers zu seiner zeyt noch wol entpfindē / so mans  
 mitt besseren fügen vnd mit mīnder gefärlicheit thun kan.  
 Es ist ein armer wirt der ein nit einer irten borgen kan.  
 Vñ ob schon ich solichē geschrey dapfferlich widersprochē  
 het / zeygt an mein vnschuld / zeygt an wie es nit also er gā-  
 gen wer. so möcht doch solich mein klag vñ entschuldigung  
 nit vor meñglichen kōmen. Auch wer wolt leichtlich mir eyn  
 igē vnachtbare menschē glaubē wiß so vil grosser hansen  
 vnd wolgeachte männer? Welicher auch vermeynte nit ee  
 zūglaubē sein denen die darumb eyd geschwořē habē / das  
 sye alzeyt warhafft sein solten.

Es hatt mich auch zu diser öffentlichē verantwortūg  
 bewegt / die vile 8 lügen / so von mir vnd andern predigern  
 täglich vßgebē werdē / wan dz gar noch mit ytel lügen vñ  
 widteyl wiß vns gehädelt würt. Auch dz sy weit anders dē  
 fürstē vñ herē fürgebē von vnserē leerē / geschufftē vñ tatē  
 wed war ist. Desshalb nit ein wind wer / das sye vorlägft  
 ein hassz wider das Euāgelii Chusti (daruor gott sey) ent-  
 pfangen hetten. Ich weyß wol wie grausame vnd vnuer-  
 schampte lügen sye vff mich geredt haben / auch eben in 8  
 stat / darin ettelich tusent sind / die inē ins antlytt hettē mö-  
 gen widersprechē. Darūb miessen es frylich vnuerschāpte  
 styrnē sein / die so frānelich in die nāhe dōrffen liegen / in die  
 weite wer es hyngāgen / wan sye nit so bald verrattē werē  
 worden. wan es nit ein yeglichē eben geschickt ist die wei-  
 teren lugē zū ersarē / glaubts ee. bleibt aber nit destermind  
 also der argkwon in der frōmen hertze / vnd werdē vil leūt  
 abgewendt / in denē vil frucht möchtē fürbracht werden.  
 Ich hoff aber / das disem vbel vñ argwon nit wenig sol be-  
 gegnet werdē / durch dise mein Apologey oder schirmred /  
 hoff auch das die frūmen nit leichtlich mer werdē glaubē  
 geben ein yeglichē merētrager / destmīnd auch sich lassen



abweisen von der puren Euangelischen leer. Es werden auch (hofflich) die Bischöff nit mer zühören der schmeychler reden/werdē vil mūder durchächte die güten vff eins yeglichē gottlosen anlag. welcher ee dürfft die warheit gottes lestern/vnd in ein lügen verwandlē/dan das er jm vnd seinem Bauch etwas abgon ließ. Dife vnd derē gleichē vrsachen acht ich genūg sein/warumb ich öffentlich vñ mit vffgelesner geschriff mein artickel verantwortē will/vnd nit eben noch der form jrs rechten (durch das wörtlin glaubsts/oder glaubsts nit: verstand die artickel / oder pūcten in den articklen begriffen.) Ich hoff auch das der Vicary meins gnedigen herre desselbigen nit acht/syttemal er bisz hār warhafftig vnd offenbar in seinē handlūgen gewesen/auch idiser sachsich vordē hellē liecht nit verbirgt/sonder vil mer ein freūd hat/das er darin soll wandlen/damit er befundē werd von mēglichen warhafftig / wie er vñ ein yeder begert vñnd will geachtet sein. Die lugner aber vnd bösliftigē schmeychler vnd orēblaser werdē auch also dester mee gepēnigt/das jre lügen vnd betrug an den tag kommē/nit on schand/als ein billiche straff jrer verrätery würdig. vnd also sye billichē ein schmerzen empfahen/dannenhār sye vnlang daruor ein freūd gehabt haben. vnd also in den strick so sye anderen gemacht haben/selbs fallen/zū einer widergeltūg vnd einer ewigen schand.

¶ Wolan/damit ich die vored end/Bitt ich alle liebhaber der Euāgelischē warheit/das sye dife mein antwort im besten vffnemē/auch dife mein vermanūg nit wölle verachten. das jr den schmeychlern vnd orētragern nichts leichtlich glaubē/welche alle ding verwirren vnder ston/wo sye jren Beüchen ein abgang besorgen/sonder vil ee gedemcken so sye etlich etwas zū oren tragen/jm sey nit also/oder vrey let doch nit so bald/bisz das d hincet bott kum. Es ist auch

wäger vnd sicherer / das besser allemal gedēcken (ob schon also geirret würd) wed fr̄uelich in ein falchs v̄teyl fallē.

**E**ch sprich auch hyemitt in sinderheit an / den hochwirdigen herren Bischoff zu Strassburg mein gnedigen herren / welcher ob wol von den orenbläserē erbittert / etwas von mir abgewendet / das mir dan von hertzen leyd gewesen / nitt als vast von meinē wegē / als das sein gnad durch soliche böse leit / wider mich vnd andre vnschuldige abgefürt soll werden / das dan ein grosse hindernüss ist an eines yeglichen fürsten regiment. Wolandisen meinē gnedigē herre sprich ich in sonderheit an / das er dise meine apology vnd schirmred freuntlichen anschaw / vnd mit einē gemüt das do lār sey von hassz / lieb / vnd andren Bewegungē lās oder lesen hör / vnd nach seiner gnedigen fürsichtigkeit im nachtrachte / hoff also / das so ich bis hār am aller weitesten von seiner gnadē gunst gewesen / hynfür von jm geliebt werd. vnd mich gleich als von dem ellend / widerumb in seiner gnadē hertz werd berüssen. Darzū mir vñ anderē erst fleissigen Befelch geben werde das gottes wortt mitt grossen vertragen zu predigen.

**E**ch verman auch die hoch wolgebornē meine gnedigē herre des capitels diser löblichē stift / mitsampt der gāgen priester schafft vnd geistlicheit / das sy diser meiner apology wöllē stat vnd weg lassen zu jnen zu kōmen / so sye doch bis her den orenbläsern zūgehört habē. Hoff sye werdē verston / dz ich nit zū Bewegungē vñ vffrūr wider sye gsündt hab / wie dan allēhalbē das geschrey von mir vñ geet.

**E**s soll auch ein ersamer weiser rath mitsampt dē gāgē gemeyn / so bis her fleysig vñ begyrig erfundē dz recht pur vñ unermischt Euangelin von mir zū hören / auch dise mein verantwortung anemē / verhoff es werd sye nit reuwend miēg vñ arbeit / auch schmoch / nachred meinethalb vñ etliche.



der zeit mit bas̄ verſtendigen gelittē. Ich bin vngeweyfelt  
das es niemer mer mit der warheit ſoll erfunden werden/  
das ich ein ketzeriſcher leerer ſey / für den ich von etlichen  
verleimbt vnd vſtragen bin / es ſey dan̄ das Chriſtus  
mit ſamp̄ten Propheten vnd̄ Apoſtelen auch  
ketzer ſeyen. Mit welchen ich lieber ein ketzer  
genant ſein wil / vnd̄ in verflüch̄ig / weder  
wonen mit eeren bey diſem hauffen.

**Olan:** ſo wöllē wir nun den hā  
w del angreifen / vñ vff die artickel vnd̄ 8 artickel  
nämliche pūcten antworten. Doch will ich vor  
hyn etliche wōrtlin vſ der vored diſer artickel erwōgen.  
Zum Erſten Begert der klāger / ich ſoll im ein eyd thun /  
das ich nit gefärlichkeit mit in buichen wöll in meiner ver-  
antwortung / welichs erfordern mich etwas Befrembt /  
ſchafft vileicht / das ich 8 rechts hendel vnuerſtendig / den  
merenteyl zeyt in der göttlichen gſchriſt ſtudiert hab. In  
welicher man von diſem oder deren gleichē eyd nit weyſt  
zū ſagen / ſonder vil mer vns gar verboten würt zū ſchwe-  
ren. Wan̄ ſo von vns erfordert würt der glaub in Chriſtū /  
ſo wir im tauſſ verſprochē habē / vber welchen wir auch  
nichts hōhers verpflichtē mögē / wan̄ vber gott iſt nichts  
Bey welichē ſo wir vermāt werdē / mögen wir nit wol hō-  
her gezwungen werdē. Darumb iſt zū achten das ein chri-  
ſten mēſch hoch gnüg verpflicht würt / ſo er des erſtē eyds  
vermant / durch ſo jo / vnd̄ neyn neyn / zū antworten gefor-  
t. **W**olhyn / wiewol wir vns müſſen derē ſit (dert würt.  
re vergleichē vorden wir hādlen. ſo wollt ich doch gern wiſ-  
ſen / was ſye mit diſem eyd er obern oder gewinnen wolten.  
frylich das der ſchuldig mit dem klager kein gferd brauch /

das mich eben als vil dückt sein / als so 8 wolff begert vom  
 schoff / dz es jm dz wasser nit betrüb. Nun möcht einē auch  
 weiter wündern / warumb der kläger nit abstot / so er jm so  
 vbel fürchtet vor dem schuldiger / der lieber nit fürgenom-  
 mē wolt sein / vnd etwas nützers schaffen der gemeyn. So  
 Bin ich doch auch nit deren schuldiger einer / do kläger vnd  
 schuldiger mit einander zanken / ob sye in die sach kōmen/  
 welcher vor dem andern des schuldigers statt vberkōme/  
 do ein fuchs den andern jagt / ein list den anderē treibt / son-  
 der derē schuldiger einer / die mā pflegt am strick für den ri-  
 chter zū führen. als ich dann wol gedencē / das ettliche mein  
 sach dar für haben / das mir solichs billich beschech. Dessz  
 halb mich dānocht wunder nympt / das syes beim eyd las-  
 sen bleiben / so doch deren gleichen schuldner zūm dickeren  
 mal höher dan bey dem eyd gefragt werden.

¶ Wöcht nūn ich nit billicher ein eyd vom kläger erforde-  
 ren / von wegē so vil er logner articel wiß mich vffbracht /  
 die mir billich ein forcht mächtē. dz ich wol wie ihener han-  
 zū den rossen in der streu sprach (auch möcht zū in sprech-  
 en) Ir gesellen tritt keiner den andern. Wolhyn ob er mir  
 schon kein eyd thūt / so geb er doch mir weil vñ zeyt / den hä-  
 del zū verantworte / angesehen die arbeit / so mir sunst vff  
 dem halß ligt / als ich dan acht er thūn werd.

¶ Im andren puncten begert er / das jm geantwort werd  
 durch mein eygē person / des ich nūn nit acht / anders das  
 ich möcht daruß nemē vikund eins erbittertē gemüt gegē  
 mir / od gegē dem handel. vñ auch wo ich vberwüde würd /  
 jm nit leichtlich möcht entrinnen. Wie aber so ich obligen  
 würd / wolt man mir auch den kläger in mein fußstapffen  
 stellē. Wolhyn ich Beger sein mitt / dan disen hādel treibt die  
 oberkeit / der dan gebürt zūm zeytē vß eygnem gewalt / des  
 vnrechtē einerfarūg zū haben. Was soll man aber schēck-  
 enden ansägeren / die man auch sunst neht verrieter / sollen



sye so hyngan: damit sye hynfür andere vnschuldige mer/  
auch also dargeben/ die jnen selbs nit als wol helfen könn-  
ten/ vnd müßß dan also der vnschuldig mit seiner vnschuld  
verderben/ als dann in gleichem handel ertlich schon ha-  
ben müssen leiden.

**D**arumb wer güc das der Magistat/ das ist die ober-  
keit solichs Betrachtet/ vnd vnder solichen ansägern ein-  
mals ein mustering macht/ das ist/ sye etwo in die füßstap-  
fen stelten (wiewolichs nit beger) derē/ die sye fälschlich  
verlogen hetten. damit sye nit iren neid vnd hassz mit ein-  
yedem brauchten noch jrem gefallen. Ist es aber ein klein  
ding/ das ein vnschuldiger soll verdampft werde: od in ge-  
ferlicheit seins leibs/ seins leymits/ seins güts/ so liedlich  
gestellt werden: Ich beken auch wol/ das die oberkeit müßß  
züzeytē ansäger haben/ man müßß aber die schmeychler/  
die orenbläser/ vnd vntrewen verärrischen lugner weit  
hinweg treibē. Wan gar seltē ein fürst wol registert/ wo ein  
solicher hauff vñher schwürmet in seinē hoff/ wan sye sü-  
chen nur jren nutz. Vnd wiewol sye der fürst etwo auch zū  
sein nutz braucht/ so sind sye doch nit darumb do/ das sich  
gar wol bescheint/ wie fein sye sich künne trollē/ vnd heym-  
lich am hag abziehen/ wo kein nützung mer/ sonder gferd  
ist zū erhoffen. Doch wil ich nit hyemit die fürstē vnd ober-  
keiten leeren/ sonder vermanen. welche vermanung auch  
sye billich von mir entpfahē/ der solicher leüt Bosheit erfa-  
ren hat/ welchen der herz gnedigklich verzeyhen wöll/ so  
sye es bekenen/ vnd jnen auch gnad geben das sye bekenne.

**D**as er auch begerdt jm geantwort werden durch das  
wörtlin/ Ich beken/ oder beken nit (per verbū credit vel nō  
credit) Sag ich also/ das ich jm auch zū vberflüssz wöll vs-  
sach dazū gebē/ warüb ich ertliche pūcten beken/ oder nit  
bekennen würd/ es verdriess jn nur nit fleyssig zū lesen oder  
zū hören/ die weil auch ichs mit arbeit schreib. Darumb er

mir auch Billich danck sagen solt/waß ich in vberheub viler arbeit zuprobieren/das im freylich angenehmen sein würt. Wañ als mich dückt/so bezügt er sich in diser vorred/dz er sich nit wöll 8 bürden vberflüssigs probierens vnderwindē. Er laufft züm erstē dapfer hynan/aber er springt flur wid hinder sich/damit er sich nit verlauff/das er sich vermessz das er niemer mer würt mögen leyßen/als dan niemer geschehen württ.es sey dan sach/das zweyer oder dreyer argwäniger gezeügnuß fürtreffen sol/ettlicher tusent widersprechung.

¶ Wolhyn/ich Beger nit vberflüssige gezeügnuß aller gemügsame/weliche er auch nit würt mügen geben/er bring dann vff bessere vnd frommere/wider dise tausent/darzu die nit argwänig seyeyen/nit bestochen/nit dem handel ver wandt/wie dan von den zeügen züm dickeren mal geklagt würt/deren gleichen frylich dise meine widerzeügen sind. Aber nit also die fromen burger/dess gleichen wol 8 halb Rath diser statt/weliche so vß liebe der warheit mich gehört. Also ist frylich nit zünermüt massen/das sye derē mā gel ettelich anjn haben/es sey dan das sye verargwont die begird züm Euāgelio Chritti/dem sye sich yetzt einzeytläg ynher von hertzen ergeben haben. welches on zweyfel ein seligliche ergebung ist/wie dann gut were das yederman also ergeben wer/so auch das sye ee wolten vertriben werden/gefangen/irer narung beraubt/verlymbt/sterben/vnd alles vbel leiden/ee sye sich von der stantthafften bekärnüß des Euāgeliumbs ließen abschrecken. Ich weyß aber wol wie der widerteyl dagegen spricht. Ja das volck ist nit 8 warheit als geneygt/sonder der person/od das es gern new mā hör. .ic. Spüch ich herwid/dzich nit so hübsch geschickter sitten/oder so ein guter redner bin/das ich ein solichs volck an mich möcht ziehen. Aber der newen māren halben/will ich nit abschlagen/das es newe māren



zuhören/sich also zu mir versamlet hat. Aber nit der märe  
wie es die gottlosen vßlegē/die zu vffrür zunemen/zü pfaß  
fē schwebē vñ Beleydigē dienēt (wie sye mich dan garnach  
durch alle artickel schuldigē/das ich frylich verantworte  
würd)sonder die mār/das sye das gotts wort yetz pürer  
vnd vnmischer/ mit dem kot vnd rost mēschlicher leer  
habē begert zuhören/das der thenne des herzen geseübert  
ist/die spreiwur vom güte weissen gesunder zc. Das seind  
die rechte seligen neuen mären/ab denen sich billich ein ye  
der Christ erfrewt. Das ist/damit ich dz volck verzaubert  
hab/das ist die krafft des magnetē/die auch die eisenē her-  
zen an sich zeücht/wie sye vorjaren gezogen hat/vnd auch  
noch/wan sye nit minder ist.zc.

**¶** Wolan bringstu nun nit besser zeügē wed dise / so würst  
du noch niergens zur gnüg samē Bewertung komen/ich ge-  
schweig der vberflüssigē. Das wil ich dich aber auch ver-  
manē/wiltu nit vberflüssig sein zu bewerē/so biß auch nit  
zu schnell zu verdämen/sonder laß dir mer angelegen sein/  
das du nit vnschuldiglich verdämest/weder das du wol-  
test arbeit vberhebt sein. wan es sitz ob dir d gerecht rich-  
ter/der auch die gerechtigkeit würt vteylen. Lügēt zu  
das jr im entrinnē mügēt/verachtēt nit die reichthumb sei-  
ner gedult vnd langmütigkeit. Wolan yetz wollen wir zu  
den articklen sehen.

**¶** Die ersten dritthalb artickel gründen nur das fürnemē  
des klägers/vnd melden vom gsatz/wider das ich soll ge-  
thon haben.wan soll ich ye vberzeügt werden/das ich vn-  
recht gethon hab/ist not dz angezeygt werd das gsatz/wi-  
der welches ich gesünder hab.wann die sünd entpfacht jr  
krafft vß dē gsatz/auch ist die sünd tod on das gsatz/wel-  
che auch durch das gsatz das lebē widerüb entpfacht/wie  
geschriben ist. Welche red auch statt hat nit allein in göt-  
lichen/sonder auch in menschlichen gesätzen. welcher so  
nitt

nit als vil weren in der welt/möchten auch nit so vil vber-  
trettungen sein/vnd nit so vil verderbung der cōsciētzē.

Von dem an sein ort.

**N**un in disen dritthalb articlē würt angezeygt das ge-  
satz von den Lutherischē büchern vßgange. welichs gsatz  
so nit all mal wies göttlich gesatz gewesen /auch nit in die  
herzen der mensche yngepflantz ist/wies natürlich/sond  
mit der zeyt vß einer zufelligen sachē oder geschicht/wie al  
pure menschliche satzungen gewachsen vñ vßgāgen/ist not  
das angezeygt werd/das es mir verkündt wordē sey. wan  
kein menschlich gesatz es bindt/es sey dan verkündt denen

**W**olan/wie nun der kläger das gesatz (es gesetzt ist.  
wider die Lutherischen bücher vßgangen meldet/zū ein  
gründt seiner klag/wil ich auch etwas zū dem selbē gesatz  
reden/für ein grundt festigūg meiner verantwörtūg. vnd  
wiewol ich nit leügen/das ich dissz gesatzs oder verbotts  
ein wissen tragē hab/so hatt mich doch dückt/das es mich  
nit bind/vß echaftiger visach/vor frömē leütē gnügsam.  
Vnd so vil das lesen der lutherischē leer (von der folg sein-  
er leer würt auch an sein ort gesagt) vnd bücher betrifft/  
ist wol zū betrachtē/das mich vnd meins gleichē solich ge-  
bott nichts angeet oder angeen soll. Wan so ich zū predigē  
vß geschickt büm/ist not das ich viler leer erkantnūß hab.  
Wan so solichs nit dem prediger zympt/wem würd es dan  
gebürē: dem volck: welichs so es zū vireylē hatt von d leer/  
vnd dadurch erkennē sein rechtē hyrtē/vnd die falschē pro-  
pheten meiden/gehört es vil mer dem hyrtē selbs zū. Soll  
nit der hirt zū vor warnemen/in was weyd er seine schāff-  
lin für: so doch die geschriffte in so treulich vermant/das er  
sorgfeltig sey vber die herdt im Befolhē. Sag an/mit was  
cōsciētz ich als ein hyrt/solt gantz vnwissen vñ vnerfarē  
gewesen sein der lutherischē leer/ob sye gut oder böß wer:  
so doch meine schāfflin vorlangē sye gelesen vñ gehört betz



ten (laß stō ytz ob sy an solchē vnrecht/vñ wiß das verbott  
gethan haben)welichs wissen vnd erfaren ich nur durchs  
lesen hab mügen vberkomme /hab ich nit Billich sollen be-  
trachten/das ich nit verargwont würd/ich wölt dz volck  
von heylsamer leer abwenden on vsach/die ich dann nitt  
hett können geben/wo ich sye nit gelesen het/vnd also mit  
gespött vñnd schmach geachtet wer worden als ein vnge-  
treüwer hyrt/der seinen schäfflin güte weyd vergünnet/  
auch darzü on vsach.wie dann yetzt vil seind/die so fräue-  
lich das volck daruon treiben wöllen. Vnd so man sye fra-  
get/warumb: sprechen sye/es sey böße weyd/es sey die vn-  
warheit/es sey ketzersch/yrrig/verfürisch. Welche so wei-  
ter gefragt/warumb sye also seyen/künne sye nit ein wort  
darzü sagen /oder vs der geschriff herfür bringen/nitt zū  
kleiner schand /scham/vñnd schmach dem gantzem pfarr-  
herr vñ prediger standt /vorab so man yetzt findt schäfflin  
die es mercken/vnd in kunst/verstandt/vnd vrt Eyl weit bes-  
ser seind dan jr hyrten selbs.

**S**ympt mir nit als einem hyrten /so das volck von diser  
leer möcht abtribē werden/das ichs büch besähe (wie vns  
dan die geschriff heist/wir sollen alle ding probieren)was  
güts doch darinn were/als dan vil darinn ist/das auch sein  
widersächer nitt leügnen mügen/vñnd kinnents also dem  
volck vs/das sye einen rechten verstandt empfinden viler  
ding/on welchen sye zū vast begyrlich/nit wenig schadens  
empfabē möchten. Darzü auch der gantz geystlich standt  
(als dan wir auß erfaring täglich sehen) wie schnell das  
volck ist vff die fleischlich freyheit/so es doch nur dient vff  
die rechte geystliche freyheit der consciēzen/vnd dan das  
gātz Eüageliū verargwont würt/es wollt alle ding zū Bo-  
den stossen.ꝛc.vffrür vñnd vil vbels bringen/so es doch vns  
bringt nur ein seligen friden mit gott/wo es recht geschaff-  
ne prediger mag haben.

**E**s würd auch das volck zu solchen predigern gunst gewinnen/inen fleißig zu zühören/gehorsamen vnd folgē/ als denē die sy mit trewē meynēt. Vß dē folgt auch weiter wo sye ynen etwas vß des Luthers oder anderen leerē verbiētē würdē/solichem verbott getrewlich gehorsamē/das sye sunst argwānig halten/als ob man inen die recht warheit verhalten wolt. Wöcht auch also ein Pfarther sein volck führen mitt gutem freuntlichē willen wohyn erwolt/wie man dan sycht in dem volck diser statt. welchs wiere oft von etlichen gottlosen menschen vnbillich gereyzt/doch sich freidsamlich noch bissher gegen solichen gehalten/durch mich also oft ermant/vmnd mir auch in solichem gern vnd trewlich gefolgt.

**D**as aber einer sagen möcht/Es sind vil schlechter vñ wissender pfarther/welchē so mā solichs zūließ/möcht vil mer vnrats daruß entston/als ich dan auch glaub geschehen sey/von etlichē/die mitsampt dem volck zu weit vff die recht handt hynuß farē/die leipliche freyheit für die geistlich anmemē. Wolan solcher klag soltē wir vns billich schāmen/vñ vorab die grossen prelatē der kirchē/die man die aller heyligstē/aller erwürdigsten/würdigsten/vñ mit deren gleichē tittel nēnet. wan die selbigē ebē schuldig daran sind dieweil sye irem geyt/eergeyts/vñ andrer vppigkeit anhängen/wenig achtē/wie vnd von wem die schāflin Christi geveydt werdē. danon dan vileicht mer gesagt würt. Als vil aber die sach mich angot/wiewol ich auch vileicht mer vñ wissend bin wan andre/hab ich doch nitt gar kein vireyl in disen dinge/dieweil ich doch dise verantwortig schreib.

**V**ß disen vsachen hatt mich billich Luthers verdāung nitt sollē verhindern/das ich sein Bücher nitt lyß. wan so ein vertrawt ist das gotts wort/des gleichē allerhand d heyligen geschriffte/auch heydenisch vnd philosophisch Bücher/solt jm nitt auch gebüren ketzerische Bücher zu lesen. Nün



weiß ich auch wol den canone super Specula. extra ne cle.  
vel mon. ders verbeütet. Aber solichs verbotts verstand  
ist vorlägß durch den gemeynē widerspruch erklärt / wān  
münchen vnd pfaffen würt nach gelassen allerhand büch  
er zū lesen / zūm münsten mitt jm selbs. als ich auch luthers  
Bücher nur mit mir selbs / mit öffentlich in der schülen gele  
sen hab / wie man dan auch bißher vil fauler / doller sophi  
sten scribenten gelesen hatt.

¶ Wöchst weiter sprechen / Im sey mit dem widerspruch  
des verbotts im Decretal wie es wöll / so ist das verbott &  
lutherischē Bücher new vßgangen / darumb velleicht stren  
ger solt gehalten werdē. So hörich wol die newē gebot sind  
mer wedder die altē. Wolhyn sye seyē mer. Wöcht ich aber  
nit auch gedacht habē / es wer auch widerrißst stillschwei  
glich / wie vil andie im geystlichen rechtē. welcher etliche  
so man ganz nitt mer achtet / als dan nāmlich seind / die so  
pfrunde vnd die geistlichē erberkeit antreffen vnd & gleich  
en / wüdernt mich warüb man sye duldet / vnd nit vorlangst  
her auß gerissen hat: damit sye nit dz geystlich recht verrie  
ten vnd zū schandē möchtē / als ob es etwo geirrt het / vnd  
nit alles gar vom heyligē geist were / welcher nit irrt / auch  
sein wort einmal gesprochen / wil vnwiderrißst han / wie er  
durch den propheten spricht / Ich würd wachen vber mein  
wort / vnd sunst vil der geschrißst sagt / das das gotts wort  
soll ewigklich bleibē / würt nit ein büchstabē daruō abgon.  
Aber menschen wort nit also / sonder heüt gesetzt / mon wi  
derrißt / als wir teglich sehē. Darumb auch jm hye also  
geschehē sein möcht. wān ein irung ein gewißz zeychen ist  
des abwesens des heylgen geists / wān er ist ein geist & war

¶ Wöcht ich auch nit billich gedenckē / das an (heit.  
disem verbott nit vil gelegē were: so doch zū Worms vff dē  
Reichstag vil der fürsten / grafen / edler vñ sunst nāmhaß  
ter leüt ein gefallen ab jm vñnd seiner leer gehabt haben:

¶ An hat

Man hat sye auch offentlich lassen feyl habē/ auch ob vnd  
 an dem ort/ do obenan das Bāpstlich vñ Keyserlich manz  
 dat gestandē ist. Es seind auch wenig der gelertsten/ die di  
 ser ler nit anhangen/ zūm minsten heymlich /sye seyen dan  
 verblende durch hoffart/ gyt/ vnd eergytz/ vnd andre sorg/  
 das sye nicht mer geltē vñ geacht sollē sein/ bißhār in groß  
 sen eeren gehalten. Es sind auch durch das ganz teutsch  
 land wenig namhafftiger stett/ darin mit vil der besten di  
 se leer lesen/ hōrē/ vñ jr gūnnē. in den mā sy auch last offen  
 lich verkauffē. Solt mir nūn gewōrt sein dasselbig zū kauf  
 fen/ vnd zymlich/ nutzlich/ vñnd yeder man on schaden zū  
 brauchē: Vñ ob schon in etliche stettē die oberkeit noch nit  
 dran wil/ vileicht vs vñuerstandt/ oder anderen vsachen.  
 desshalb sy es noch streng verbieten. .ic. was geet das aber  
 mich an: so doch dargegē sind (wie gesagt) vil gewaltiger  
 mechtiger stett/ derē magistrat nit mūnder ist im verstädt  
 vnd chrißliche vñteyl/ welcher vñteyl vñ meynung so ich zū  
 trāt/ wer wolt mir darumb vbel sprechē/ vnd mich verdā/  
 men: Warumb verurteylt man nit die selbigē fürstē/ gra  
 fen/ stett/ edlen/ hoch vnd wolgeachte/ hoch vñ wolgelerte  
 leit vorhyn/ als man mich armes pffflin: Soll ich allein  
 entgeltē der andern misshādlig: Soll mir allein vnrecht  
 sein das yeder man recht ist: Soll ich allein bezalen der an  
 derē schuld: sprichst aber/ neyn/ du bist nit allein/ es sind  
 auch vil andere darumb fürgenōmen vnd gestrafft. Wol  
 an so sag ich/ sye möchtē sich freylich eben des auch betlas  
 gen/ das ich mich yetzūd betlag/ wo sy kündt hettē/ od jnē  
 nit durch gfangknūß vnd andre mēschliche forcht gewēde  
 were. Welicher mangel so noch nitt an mir ist/ will ich für  
 mich vnd sy dest vester schreyē. vileicht würt gott nit alle  
 zeyt seine armē vngeruchen lassen.

¶ Item so durch das gātz teutschland gar nach kein stadt  
 ist/ kein fleck/ kein versamlūg/ kein kloster/ kein hohe schul/



Kein capitel/kein geschlecht/auch gar nach kein hauf/dar  
innen nit syen leüt/die diser sect anhangen/macht mir ein  
güte vifunde/das der hädels noch nit gnügsam erkläret ist  
das er falsch sey/oder dz das verbot antweder stillschwei  
gig widerrißet sey/oder noch nit in sein krafft gägen. Wer  
wollt mir verbietē zū thun dz so vil vnzelicher fromer leüt  
thünd: auch d meynig zū sein/d so vil erberer fromer leüt  
anhāgen: wiewol dise vsach von d menig vñ vile genōmē  
nit schleißt/so soll sy mich doch billich schirmen wid mein  
ankläger/die mich vnderstond zūnerdāmen vs mūnderen  
vsachen.

**C** Sūma summarū/so ich sych garnach die gātz welt zer  
teylt/vnd zū beden seiten vil güter leüt ston/zympt mir nit  
(noch mein vireyl) zūsten bey einer parthey/welche mich  
einē besserē grūnd haben dunckt: Jo sprichstu/du solt ston  
vff der kirchen syten. Sag ich/sy vermeyne alle/das sy vff  
der kirchen seiten standē/wān sye alle getaufft/Christū be  
kennē. Spichstu widerumb/Es ist sicherlicher zūston vff  
des Papssts vnd Keyfers seite. sag ich/es sey auch nit an  
gewissesten/wān sy mögen wol auch des hädels nit wol be  
richt sein/als dan gemeynlich geschicht von denen die ihs  
abgangs fürchtē/durch das liecht der warheit/deren gar  
vil/nemlich an diser zweyer (wie auch andrer fürsten) höff  
wonē. Von denē zū besorgen ist d warheit grosser nachteyl  
gshicht/das sy selte recht für die fürsten kün/wiewir täg  
lich sehē. welche/so offētlich an tag kām/vñ die dig rechter  
vñ chrißlicher zū giengē/möchtē sy sich nit ab dē fürstē mit  
solichē pracht ernere. Desshalb güet wer/solich herrē selbs  
**C** Vß disem nūn vñ deren gleichē vsachē (darzū sehē.  
meyn ich gnüg verätwortet sey/warūb ich lutherische Bü  
cher gelesen hab/vngchindert durchs gebott darüber ge  
schehē. vnd ob schon etwas yrrthūmb darīn were (das ich  
noch nit beten) dānocht sollē sy mir vnuerbottē sein. Auch

vß der vsach / das garnach alle doctores so von anfang vß  
 serhalb d̄ heyligē gschrifft geschribē / in vil dingē geyrit ha  
 ben / vñ doch (wie obgesagt) zū lesen zū gelassen werdē. Wā  
 sindt yrthumb in den büchern Dugenis / Lactantij / Ter  
 tulliani / Cypriani. Item Augustini / Hieronymi. welche  
 zwen doch besond̄ lychter d̄ christēheit genant werdē. Das  
 sy aber geyrit habē / gibt vsach / das ye einer dem andern  
 oft widerwertig gefundē wordē / vnd yeglicher jm selbs.  
 welichs onyrrüg vñ falscheit des einen teyls nit sein mag.  
 Tūn wolt ich soliche wid̄wertigkeit vñ yrthumb wol kün  
 nen anzeygē / vñ nāmlich deren zweyer Hieronymi vñ Au  
 gustini. Wā ich wol weyß / wie man dise zwen in sundheit  
 (wie auch billich) für andre herfür zeücht / vñ iren etliche  
 vil mit inē gebrāngs machē. aber fast in denen dingē / do sy  
 ire fürnemē vñ meynüg dienē. süst künē syes gar fein auch  
 lassen farē. S wie oft werdē auch die gschrifftē Augus. vñ  
 Jeronymi vñ andrer liebē vätter / so listiglich vff ein frēb  
 den syñ vñ meynüg gezogē / dz frylich jr meynüg wenig ge  
 wesen. welche spruch / wo sy inen treümt hett / dz man sy so  
 würd missbrauchē vff geitz / hoffart / vñ pracht / sye hetten  
 frylich die bücher nie geschriben / oder zū aschen verbrent.  
 Als nāmlich / do sy etwan dem Bischoff von Rom zūvil zū  
 geben. vß welichem zūgeben / hetten sye gewißt / das ein so  
 licher pracht solt erwachsen sein / sy hettē frylich geschwi  
 gen. Wā inen solchs vnd der gleichē vbel vñ geprengs nie  
 gefallē hat / wie dan̄ wol anzeygt jr schreyben an vil orten /  
 des sye dan̄ gar fein geschweigē / vñ nur vffmützē / was inē  
 (ich sprach gern zū irer üppigkeit) mag dienen. Also miss  
 brauchen sye vnbillich die heyligen vätter. Darumb m̄n /  
 das sye darnocht jr falsches fürnemē vß den selbigen vāt  
 tern nit eben gründen mügen / hab ich gesagt vñnd sag /  
 das sye auch geyrit haben / vñnd hab irer yrthumb etlich  
 vil angezeygt im lateinischē / das ich dem Vicarien vber



antwort hab/hye nit von nöte weiter zū melden. Wil aber  
hyemit nichts den fromen vättern des lobs jrer arbeit vñ  
ernsts/die heylig gschrifft vßzülegen entzoge habē. Wann  
sye onzweyfel ernstlich vñ von hertze sich jrer gabē geübt  
haben. Wil aber darbey zū erkennē geße/das sye menschen  
seyen gewesen/vnd auch wie andre geyret haben.vñ aber  
man sy dannocht lyst/allegiert/vñ hoch vff sye hellt/wie  
Billich (doch etwo mer weder sy auch selbs Begeren) War  
umb dan mir nit auch andrer lüt als eben Luthers Bücher  
zülesen zimpt/vnangsehē ob schō etwan darin geyret wer.  
Wan solt ye kein Büch gelesen werde/darin yrnig ist/müst  
allein die heylig geschrifft gelesen werden/wan allein d sel  
bigē die eer zū zugebē ist/das in jr gantz vnd gar nichts ge  
yret sey/alle andre vnder jren füßen ligen sollen/vnd auch  
das vteyl von jr entpfahē/wie Augustinus selbs spricht.  
Es müsten auch gar vñ gantz kein geystliche recht gelesen  
werde/wan sy voll sind der widerwertigē gsatz/so der hey  
ligen geschrifft/so jnen selbs/als dan mit not züerzēle/man  
chū es nur vff vñ läß/mā würt bald fundē. Desshalb dan  
die scribētē darüber groß arbeit gehebt/wie sye es zūsamē  
rynten. Vñ was sich dānocht nit hat wöllen rymen/hatt  
man gesprochē/sy geltē nime/die widerwertig gewonheit  
hab jne jr krafft genōmen.vnd hat man sye geheysen pale  
atos/abrogatos/per cōtrariū vsim sublatos etc. Noch dā  
nocht list man das selbig geystlich recht/man predigts/ye  
man hebts auch vber das Euāgelii. Vnd ist dānocht nie  
māts/der soliche leser strafft/citirt/verbannt. so doch S.  
Paulus öffentlich spricht/er soll ein verflüchüg sein/d ein  
ander Euāgelii predigt/weder er/vñ ob es ein engel vom  
hymel were. Ain wissen wir wol was für ein Euāgelii er  
gepredigt hat. Nämlich so in seinē epistlē Begriffen/gleich  
förmig den vieren. Doch mag villeicht dasselb geystlich ge  
satz wol kein and Euāgelii sein/wan es wenig güter Bots

schafftē/sond̄ gar nach eitel b̄schwārn̄iß in die welt bringt.  
**U**nd was soll ich von der sophisten b̄ucher sagē/die man  
 scolasticos nent̄: in welichē b̄uchern gar nach nichts satts  
 ist/sonder vil yrtumb/vol von v̄n meynūg/v̄n gūt bedun  
 cken/desszhalb auch ein ewig gezenct v̄nder inē ist/stätigs  
 einer wider den anderen. Es ist auch jr schreiben gar nahe  
 nichts anders weß für witzige v̄nnütze frag/durch welche  
 die war heylige geschriff̄t lang zeyt züruck gestossen ist. Es  
 hat lāgzeyt niemāts in der heyligē ḡschriff̄t kein doctor sem  
 migen/er wer dan̄ zūuor in den selbigē zānctischē sophistē  
 erfahren. Desszhalb sich vil gūter junger leut daruff gelegt  
 ire tag in eytel v̄ppiger/v̄nnützer leer verzert/wie dan̄ ich  
 selbs klag mir geschēhē. Sūma summarū/es ist darzū kō  
 mē/durch dise sophistē b̄ucher/das man gar nahe mit mer  
 gewiszt hat/was da sey die heylig geschriff̄t. Beschyn̄t sich  
 yetz wol/so sy widerüb her für kōmpt/wie sy sich drab ym  
 pfen/wie sy ein yeden für k̄tzer halten/der sy allein würdi  
 get/vnd jr ḡschriff̄t nit fürs gotts wort haltet/sich nit mer  
 vff sy lassen will/sonder alle ding so den glaubē v̄nds gesatz  
 antreffen allein v̄ß der heyligē geschriff̄t der Bibel v̄nd des  
 Eūāgeliums habē will/wie dan̄ S. Paulus v̄ns gelert  
 hat/Sag in das sy nichts anders leren/auch nit acht ha  
 ben vff der ḡschlecht register/die kein end haben/v̄n bringē  
 frage vff/mer dan̄ besserūg am glaubē/dan̄ die haubtsim  
 des gbotts ist liebe/von reynē hertzē v̄n gūte gewissen/v̄nd  
 vngeserbtem glauben/welcher haben etlich gefält/v̄nd  
 sind vmgewende zū dem v̄nnützen ḡschwertz. wōllen der ge  
 schriff̄t meister sein/v̄nd verstōn nit was sy sagē/od̄ was sy  
 setzen. Wie d̄nck̄t dich/ob er h̄ye die sophisten troffen hab?  
 Ist das nit das st̄tigs ein frag die andern gebürt: leren al  
 wegen/v̄nd kōmen doch niem̄er zū der erkantniß der war  
 heit. Semds nit v̄nnütze schwertzer: verstend nit was sy sa  
 gen/wān es stot alles vff bewerlicher meynung. Daruor



vns auch Paulus warnet. Niemants sol eüch Betriegen/  
mit bewerlichen oder vernünfftigen worten. Vnd weiter.  
Sehen zü das eüch nit widerfar ein raub durch die philo:  
sophy vnd lose verfürüg/noch der menschen sazüg/vnd  
noch der welt sazung/vnd nit noch Christo. Dessz gleichē  
j. Timoth. vj. Soyemäts anders leert/vnd nit züfellt den  
heysamē wortē vnser herre Jesu Christi/vnd der leert von  
der gottseligkeit/der ist vffgeblasen vnd weyßt nichts/son  
der ist süchtig in fragen vnd wortkriegig. vß welichem ent  
springt hassz/hader/lesterüg/Böser argwon/schülgezēck/  
solicher mensche die zerütt syñ haben/vnd der warheit be  
raubt seind/die do meynen gottseligkeit sey vmb geniesss  
willē. .ic. Sych zü was entspringt drauß/ so man anders le  
ret weder das pur lauter gots wort/die heylsamē wort Je  
su Christi. Warlich nichts anders/weder (wie gesagt) das  
wir vffblösen werdē/vnd süchtig in fragē/wortkriegig. .ic.  
Durch welcheding wyter volgt/dz die warheit verduckt  
würdt. Wan so do wil ein yeder zänctisch vff seiner meynüg  
bleiben/müssz von nor die warheit vndergon/wie dan wir  
vff disen tag sehē. Vnd so die warheit durch solich gezänck  
vnd geet/folgt/das d gnieß (dz ist eygner nutz) darzwischē  
ynweist für die rechte gottseligkeit/das dan yetzt in d kirch  
en lange zeyt gewert hat. Wan so bald die warheit nit mer  
hat goltē/hat sy auch nimmer künnt werē/vñ ist also d gytz in  
die kirch trügē/dz yetzt garnach die geyslichkeit nichts an:  
ds ist wed ein grēplerey. welche dan nach folgēd durch die  
geyslichē recht yelēger ye mer zügenomē hat. .ic. Sych zü/  
dz vbel hat warlich die sophistry bracht/vñ sind aber solich  
Bücher in grossen eeren/in grösseren die sye lesen vnd predi  
gen. Aber des armen Luthers bücher sollen vermaledeyt  
sein/vnd die sye lesen/wiewol seiner yrungeu noch keine  
grundtlich durch die geschriffte angezeygt.

¶ Wolanich meyn das gnüg geantwort sey ein yeglich

en güten (der zänctischen acht ich nit) warumb ich die lutherischen bücher gelesen hab. Nämlich das es mir gezyrmet hat / vnd auch darzū not gewesen ist / als einem hyrtē. Mich auch dz verbott seiner leer nit hat sollen bindē / oð dz ichs als für stillschweigig wißniß / hab billich mügen achten. Welchs / ob man mir schon nit wolt zugeben / soll doch billich mit Luther nichts weyters gehandelt werden / weder in andern büchern / darinnen geyrit wordē ist / als dan sind gar nahe alle / vßgenōmen die heylige gschrifft / vnd was stracks vff die heylige geschrifft gegründt ist.

**Fürbassz:** ob man nun schon nit zwollt für gütt habē vnd verzeyhen / das ich Luthers leer gelesen hett / sonder wolten daruff beharren / das mir ein solichen yrügen ketzer nit hab gezympt zū lesen. Wie wer jm / ob ich mich entschuldiget / vñ sprach / mir hat nit gezympt dē Luther für ein ketzer zū haltē / gott geb was für gebott oð verbott vff in vñ sein leer vßgangē seyen: Wolhyn / dises zū erhaltē / müß ich weiter spaciē / vnd erforschē / warūb doch einer ein ketzer sey / vnd genant werden soll. Nun find ich eben / das fräuelicher vnd beharlicher yrthūmb im glawben / nit schlechtlich yrthūmb ketzer mach. wañ so müsten garnach alle lerer ketzer / alle bücher ketzerisch sein / was nit die heylig geschrifft / oder stracks daruff gegründt ist / wañ sye garnach alle ettwo geyrit haben / als dann ire bücher anzeygen / wie ich dan auch doben gesagt vnd erzelt hab von den eltesten lerern / als Dugene / Cypriano vñ Augustino .xc. von den geystlichen rechten / von Bapsten vnd Cöcilien. von denē vnd in denē nit wenig geyrit ist / wie dan anzeygen die gesatz oder canones / so noch vil im geystlicchen recht ston. Auch von den scolasticis / in derē bücher man durch vß fragt vnd zweyfelt / vnd vß byleyffigen vernünfftigen vsachen vermeynt zū probieren. vß dem dan yrung



erwechset/so wir vnserē güt beduncken zū fast anhangen.  
¶ So nū yrung allein/kein ketzer macht/soll auch Luther  
(ob er schon etwo geyrit hett) nit für ein ketzer geacht wer-  
den/man wolt dan jm für sünd rechē/das nit andren zūge-  
rechnet würd. Darüb müssen wir weiter lügē vom fräuel  
vnd behartlichkeit im yrthumb/die man nennt pertinaciā.  
¶ Un ist pertinacia/das ist solicher fräuel od behartlichkeit/  
so sich einer nit will lassen weisen/weder durch geschriff-  
t/ noch durch offentliche vnuerwerffliche vsachē/sonder so  
vil mer man in freüntlichē wil leyte/würt er dester mee vff  
geblasen.zwingt die geschriff in seinē kopff/so doch herwis-  
derumb syñ vnd aller menschen kōpff vnd verstandt soll in  
die gschriff gezwungē werden. Itē der do vß hassz vñ neid  
des widerfechters/oder vß liebe vnd gefallen das er oblig/  
bissig vnd zāctisch vff ein spruch bleibt/der in war dūckt.  
Item der do nitt streitt für die warheit/sonder eer vnd lob  
zū erlangē/nit das er etwas lerne/vnd die warheit er find/  
sonder das andre von jm lernen/alle andre an sein vireyl/  
an seiner meynung hangen müssen/vñ d gleichē ding vil. we-  
liche menschē schädlich sein in der kirchen/wañ sy sūchē nit  
das do ist Jesu Christi/sonder was jr ist/als eer/lob/reich-  
tumb/vñ der gleichē. Welche ding man vnbillich in d gött-  
lichen geschriff sūcht/in deren man nur die eer vñ lob got-  
tes/vñ reichtumb d seligkeit sol sūchen. In ritterlichē streit  
pflēgt man eer vnd lob zū sūchen/vnd nitt kaufmāschafft  
vnd der gleichen übungen reichtumb. Wiewols leyder dar-  
zū komē ist/das die heylig geschriff/die zū lob gottes vñ  
ewigen reichtumbē soll dienē/vns auch darüb vom himel  
geben/wir misszbrauchē vff zergengliche sündliche ding.  
Darumb auch kein wunder ist/das ein raub daruß wordē  
ist/ab dem ein yeglicher raubt was jm gefellt/vnd war zū  
in sein böß neygūg treibt/der reichtumb/diser rhūm/wür-  
digkeit/grosse hōhe/erliche stend/gewalt/landt vnd leüt/  
vnd der

vnd der gleichen. wie wir vff disen tag sehen.

**E** Meynstu nit/das der gschrifft not geschehē sey/bis wir in solchen reichthumb/ eer/ gewalt kōmen seind: so jr doch nichts vester wid wertig ist. weliche/ so man sy wid soliche vnserē böse sittē in rychtumb/ eergeitz vñ andrē tyransche regiment brucht/ so wolten wir sy gern darzü leügnen/ wo wir nit böfers fürchten. nāmlich das man sprach/ Ist dan die geschrifft nichts: so ist zūnor nüt d gantz geistlich städt/ der sich berümt daruff gebawē sein/ vnd also siel eins mit dem andern/ vñ schlug vntrew sein eygnē herrē/ wie recht wer. Ich hab mer wen cinē gehōrt/ die vnuerschāpre gots/ lesterige wort geredt habē vō dē heyligē Euāgelio/ vñ apostolischē vnd prophetischē geschrifftē/ Na/ sind es nit auch menschen gewesen die es geschriben habē: wer hat jnen gewalt gebē: wer weist eben das jr wort/ jr schreibē das gots wort ist: vñ der gleichē. Also setzen sye das heylig gots wort in ein zweyfel/ wiewol der selbē keiner sein nutzūg/ pfrund/ ampt/ herlichkeit/ vnd was der gleichē/ stupfflen/ hew vnd holtz ist vffs fundamēt der gschrifft gebawē/ hynweg gibte vnd faren last/ vñ solichem zweyfel am fundament. Warzumb haben wir nit daran zweyfelt/ ee wir in solchen reichthumb kōmmē sind: Wir solten billich vorhyn gelügt habē/ ob dz fundamēt der geschrifft/ solichē torechtē vff baw hertmügen tragen. Tūn aber so wirs wider die art des fundaments vff gebawen haben/ zweyflen wir am fundament/ vnd dencken nit das wir den baw abbrechē. Keiner ist so torecht/ wo er säch das das fundament wich/ das er nit den baw (der es bschwerdt) zūnor abbräch. Sūma summarū/ wiewol der vff baw reymt sich gar nit vffs fundament der heyligē geschrifft/ sind wir doch als torecht/ so wir sehen dz es weicht/ wōllen wir danocht den vff baw behalten ons fundamēt/ wen ertlich torechte schon am fundamēt zwey felen. **D**u vn selige zeyt. **D**u letzte zeyt. **D**ir mēschen des



göttlichen zorns würdig / soll man erst zweifelen an der geschriffte obs gotts wort sey: obs Euāgelium sey: obs vnwiderprechlich krafft hab: Soliche leüt schille niemāts ketzer / niemāts veriagt sy / niemāts beraubt sy irer nutzūg die sye von Christus wegen haben. Niemand strafft iren frāuel / sond vil mer haltē wir sy für dapffer wōd sechter Lutherische ketzerē / thūnd jnen zucht vñ eer an / schencken in gaben vnd pfrundē / es müssen dapffer leüt sein. .zc. Wie dūck dich: gelt sy künnes dem Luther vnd seinen anhengerē sagen. Die lutherische bochen yemer dar vff das Euāgelium / vff Paulū / vff die geschriffte / vff die prophetē. sind nit auch leüt gewesen / eben als wol als Scotus vnd Thomas / als der Bapst vñ Bischoff: was machstu vs d̄ geschriffte noch: was machstu vs disen weiter wed mit andern: Wolan lassz vns sehē / wie herrlich arguieren sey. Es sind die prophetē / apostelen. .zc. auch mēschen gewesen wie dise / darumb sol di ser geschriffte als vil geltē: Es ist ein weiser mā ebē als wol ein mensch als ein nar: darumb ist des narren red / als ein krefftige dapffere red als des weisen: Summa summarum / wiltu nit glaubē / das der prophetē vnd Apostelen geschufften das gotts wort sey / vnd nit ebender anderē / es seyen ja wie heylig / wie hoch / wie gelert sy wöllē: so sprich mir das du kein Christ mer seyst. dan so du dē grūde vñ dz fundamēt verleignest / so stot auch din barw nit mer vff Christo. Wolan / behalt in nichts dester mir d̄ als lang als d̄s vergūnt würt. yffz / trinck / spiel / wir werdē ond as sterben / es stirbt leib vnd seel mit einander / es ist ein tod / des fychs vnd der menschen / es ist noch niemants wider kōmen / wie vil man darnon sagt. Sye sagen yemer es würt der leest dag kōmen / wo ist der tag seiner zukunfft: Es seind vnser vätter gestoben / vñ bleibt noch also. Aber dz der herr spricht zum ryche mā / d̄ zu jm selbs auch also redt / yffz / trinck / vñ hab gūttag / die scheüren vñ keller seind voll / vñ aber jm in der

selbigen nacht/ die teüfel sein seel hynfürte / das bekümert  
soliche lüt nit/ wañ sy glaubēs auch nit. Es ist dochs Eua  
gelium/ ja wer hat es geschriben? Es seind doch nur men  
schē gewesen als wol als wir/ wir müßents vorhyn erkennē  
ob es war sey/ ob es anzünemē sey/ wañ wir sind die kirch/  
wir haben zū erkennen/ ob es gottes wort sey/ vnd wir ha  
bens vßzulegen. Es mußß auch billich nach vnser erkant  
niß vnd vßlegung sein. Darumb so es zū ruch an dem ort  
vnd an andren orten were/ müßten wir erkennen/ das es nitt  
also were/ so wer es auch nit/ wann wir sind die kirch. Wie  
wer es möglich/ das der teüfel dem reichē mañ des nachts  
die seel hyngefürt hett/ weñ vorhyn erkant were durch ein  
kirch als yezund ist / das es nitt also gon würd? Darumb  
habens vnserē geystlichen genañt/ vil besser weder dan zū  
mal/ sye erkennen nur das es eben also sey/ oder anders ver  
standen müß werden/ so darff der teüfel jr keinen mer hyn  
fürē/ sonder sye müssen heylig sein/ vñ billich. wañ sy auch  
etwan vfferden für heylig vätter/ hochwürdig/ würdig/  
gehalten sein/ vnd sy haben der geschriffte gewaltt gehebt/  
solt es jnen gefält haben?

¶ Wolan/ ich müßß widerkeren vff die matery. Es ist ley  
der darzū kōmen/ das man in der geschriffte/ für die eer got  
tes vnd der seelen heyl zeitliche ding gefischer hat/ denē sye  
doch zū wider ist/ vnd darzū fräuelich die selbigē also erhal  
ten durch die geschriffte/ vnd sye herzū gezwungen/ oder ge  
setzt in ein zweyfel/ das doch die bösesten kerzer nie gethan  
haben. der selbigen yegtklicher an ein spruch oder meer frä  
uelich gehalten/ haben nur die andern so wider sye gewe  
sen sind nichts wöllen lassen gelten/ damit sye vff irem syñ  
bleiben möchten. Aber dise setzens gar in ein zweyfel/ was  
nit jnen dient. O Bauch/ wie ein krefftiger gott bist du/ oder  
vil mer wie ein vermessenner gott bist du/ das du Chyllum  
darffst angreifen.



**N**un merckē wir zūm teyl was do ein ketzer mach / namlich yrtumb mit fr̄äfenlicher vnüberredlicher haltung / die man pertinaciā nenet / vnd was die selb pertinacia harthābigkeit sey / were nun auch füglich etlicher alter ketzer yrrung vñ harthābigkeit anzuseygen / ob wir vs̄ dē selbigē vnserer zeyt ketzer möchten erkennen. wañ man ab ynen billich ein exempel nimpt / wie auch in andren dinge von den altē. Wie nun alle ketzer geyr̄t vñ harthābig gewesen sind / werlang zū erzelē. Doch nūm ich ebenden Manicheū für mich der do sagt / Christus hett kein waren leib / sond̄ angenomē vom lufft / wie dan die geist hünd so sy erscheinē / hatt nūm also vō diser yrtumb / sich durch kein geschriffte (derē doch genūgsam seind / das Christus warer mensch gewesen sey) lassen abtreiben von seinem fürgesetzten synn vñnd meynung / so harthābig ist er gewesen. Dessgleichen in dem yrtumb / do er sagt / es seyen zwen anfang aller ding / einer sey der güten ding / der ander der bösen / darns̄ dan folgt / das zwen gōtt müstē sein / wider das geschribē stot / Wōz̄ Israhel / dein gott ist ein gott / vnd andre vñchrisliche ding mer die dar auß folgtē. Arrins sagt / der sūn wer minder dan d̄ vatter. ward bewegt vs̄ etlichen sprūchē des Euangely / als do er spricht / Der vatter ist grōsser dan ich. Ab welichē er sich nit wolt lassen treyben durch andre sprūch / als do er sagt / Ich vnd der vatter sind eins / vnd weystu nit das der vatter in mir / vnd ich in vatter bin. vñnd der gleichē vil. Bey denen er wol het künne ein verstandt nemē vñ ein ver gleichūg / wie er auch dise hett sollen verstōn. namlich / das Christus yzūnd redt nach der menscheit / an ein anderen ort noch der gottheit. Welichs er wol het mügen ermessen wo er nit so harthābiglich vñnd so streytisch vff seiner meynung hett wōllen verharē. Datt also mer der streit das er den behielt an jm vermōgt / weder das er demütiglich betrachtet hett / das Christus so doch Gott vñnd mensch ist /

auch yetzt als gott/ yetzt als ein mensch geredt het. Harüb  
 er nün billich von den heyligen vättern/ als vom Athana-  
 sio/ der sich vil mit im ernietet hat/ vnd noch vff den heütig  
 en tag vō vns billich für ein ketzer erkent würt. Dergleiche  
 auch sind gewesen Sabellicus/ Nestorius/ Marcion/ vñ  
 vil andre/ die alle vñ neid vñ hassz/ liebe vñ begird des lobs/  
 scham vnd verdussz/ das sy von jrē syñ soltē abston/ hart-  
 häbig vnd fräuel in jrem yrtumb verharret sind/ sich nie-  
 mants haben lassen weisen oder vberreden. Darumb sye  
 billich für ketzer/ auch ire bücher für ketzerisch sollē gehal-  
 ten werden/ doch sollen sye vnuerbottē sein zū lesen den ge-  
 lerten/ damit das sye destē geschickter würden zū wider-  
 steen in gleichen fällen.

¶ Aber die fromen vätter haben im nit also gethan/ ob sy  
 schō geyrt habē zūm dickern mal/ sind sye doch nie so hart  
 häbig vff irer yrtumb gestanden/ sonder allzeit willig ge-  
 wesen die zū widerrüffen/ wo sye des yrtumbs vnderweisen  
 oder vberzeugt weren worden. Darumb soll billich Orige-  
 nes kein ketzer gescholtē sein. wān nū gēts gelesen würt dz  
 er sich eygensinnigklich widerstellt hab/ dem d in bessers vñ  
 der gschrifft heet mögen berichtē. Des gleichē Cyprianns/  
 wie dan sein blūt bezeugt durch Chrustū vergossen. Es hat  
 auch Augustinus ein eygē büch gemacht Retractationū  
 genant/ darin er vil dings anderet vnd widerrüfft/ das er  
 vorhyn geschriben hat. Dess gleichen hatt er auch seine bü-  
 cher nit wöllen für die heylig gschrifft gehaltē sein. Vil der  
 gleichen mer yrtumb seind/ welche wiewol nit in sonder-  
 heit schädlich seyen. doch so zeygē sy an/ das vnser vätter  
 menschē gewesen sind. Es habē sich auch die scolastici dessz  
 halb recht gehalten/ das wiewol jr ding zūm dickern mal  
 vngegründt in der gschrifft ist/ habē sye sich doch allezeyt  
 der kirchen vnderworfen/ vnd nit verharlich vff jrē syñ  
 wöllen bleiben. Vñ wolt gott das auch die Pāpst vñ Cons



cilia also gethon hetten/ jr satzungen der heyligē geschriffte vnderwürfflich gemacht/ vnd die selbig für ein regel vnd richter erkent/ würd man yezund nit so vil widerwertiger Canones im geystlichen rechten finden/ wann der heylig geyst jm selbs nit widerwertig sein mag.

**N**ün acht ich/ es klar gnüg sey/ vß der erkantnuß der alten ketzer/ wo här vnd was eygetschafft wir yezund auch ein ketzerey/ oder ein ketzer sollen erkennenē. welche so wir nit am Luther findē/ sol er vnbillich für ein ketzer geacht werden. wañ man sol im billich nit als vngünstig sein/ das man in ab mīnderē sachen wolt vireylen/ so doch sein mißshandlung noch nit als groß vnd schädlich ist/ als der alten ketzer/ Arrii/ Manichei/ vnd der gleichen/ Es sey dann sach das es mīnder soll geacht werden/ Christum von der gottheit vnd der gerechten seines himelischen vatters verstoffsen/ weder dem der sich für sein statthalter vßgibt/ etwas gnawer (doch nit on vrsach) zū gesprochen haben. Wöcht einer nū sprechen/ Was geet vns das alles an/ wie es die alten gemacht haben: Luther soll billich für ein ketzer gehalten werden/ so er verdampft ist für ein ketzer. So sag ich dar vff. Müst ich dan von diser verdamnūß halten/ das sy billich vnd recht were/ so ich doch kein eygēsinnige yrung in jm vnd in seinen bücheren findē: Jo sprech er widerumb Es ist ein bull von Rom kōmen/ darīn vil seiner yrthūmb angezeygt werdē. Wolan/ dise bull/ do sye so grausamlich daher blitzget/ het sye mich garnach erschreckt/ wo sy mir nit argwānig wer worden/ von wegen des betrugs/ listis/ vnd der practick/ die mit jm gebraucht möchten haben/ die ihenē so mit jm in d̄ geschriffte habē sollē kempffen. Welche noch dem sye zū Augspurg vnd zū Lypzig sein heyl mit jm v. rsucht/ des gleichen etlich büchlin wider in geschriben/

nichts geschafft haben. auch sich besorgt in künfftiger zeit  
 nit leichtlich etwas züschaffen/haben sye einen anderen  
 weg fundē/dardurch vermeynt etwas züschaffen/gleich  
 er weiß/ als so man ein statt oder schloßz mit schlechtem  
 handt geschütz nit mag gewinnen/ schickt man noch den  
 grossen haubtstucken/damit sye die mauren (inen vor vn  
 möglich zü ersteigen) mügē brechen. Wan weyßt wol das  
 die bull mit der en der Luther verdampft ist/ eben durch  
 sein nitkempffer züwegē bracht ist. Darumb man nichts  
 anders gedencen mag/dann das sye den schmerzen jr er  
 vberwindung haben wollen mit der bull heylē/haben also  
 des gewalts des Papssts mißbrauchet. Sein groß (man  
 brechig) geschütz d Bulla entlehet/diser handlung stimpf  
 zü/zeit/statt/personen eygenschaft/die reyse in  
 fremde landt/vnd in der widerfart der sectel vol ducaten/  
 vnd was deren gleichen vmbstend mer seind. Ander vrsach  
 en warumb der bullen nit so flux zü glauben sey/lassz ich  
 yetzung fallen/in nachfolgender verantwörung volko  
 menlicher vnd bass zü ergründen/vnd frag doch do bey  
 Ob emer (der auch einen verstand vnd vrtteyl hatt) gleich  
 also müst einem todten brieff glauben vnd nit auch vor  
 hyn besehen wie es ein gestalt darumb hette/ ob es billich  
 oder vnbillich wer/das also erfordert würdt. Darumb ich  
 auch/wiewol ich kleins verstands vnd vrtteyls bin/dunckt  
 mich doch sicherlicher gehandelt sein/nit also leichtlich  
 glauben/vorab so suppen vnd brieff/gar liederlich an  
 den höffen erworben seind/vnd vorab die brieff  
 die vns den bracht (so wir bissher geführt  
 haben mügen beschirmen.

¶ Wolhin nün/er hab ja geyrt oder nit/des ich mich yet  
 zund nit will beladen (wann wie ich seiner yrungen keiz  
 ner in sundheit weyß anzüzeygen/also will ich sye auch nit



entschuldigē) so dunckt mich doch das er nit pertinax / das  
ist eygensynig / harthäbig oder vnüberredlich sey gewesen.  
welchs dan (wie obgesagt) darzu gehört / hatt er echt solle  
ein ketzer sein. Dz aber solichs nit von jm geglaubt sol wer  
den / schafft das so oft erscheine / so vil erbietes / so vil ver  
antwortes. welche ding vorzeitē die aller grōsten ketzer ent  
schuldiget hettē. Er ist zum ersten erschienen zu Augspurg /  
vff dē reichstag / do d handel noch gar roch vn̄ new was /  
do er auch nit als gar fründlich gehalten ward / wiewol jr  
besserer gewin vnd nutz gewesen wer / sy hetten jm den hā  
del gar geschēckt / vnd hynfür nichts mer wider jm geschri  
ben. Es hat aber vvilleicht also müssen zūgeen / damit das  
feur ye lenger ye grōsser würd / Biff vff die Lypzgische dis  
putatz. das daselbst der Luther bas erfür / was hinder jm  
steckte. Welche disputation (als ich acht) dem man̄ erst ein  
hertz gemacht hat / da er darauß befundē hatt / wie sye in d  
gshriffte gerüst sind gewesen. Auch daruß also gereyzt / dz  
sy geursacht wurden / die bull von Rom zu bereyten / die er  
auch solt verachtē / vnd die feder erst weiter lassen lauffen /  
wider die mißzbreich der kirchen / das er also erst würdig  
würden gen Worms vff den Reichstag für den Keyser vber  
antwort werden.

Was nun aber daselbst in seim hādel gschafft ist / weyßt  
yeder man wol. Es ist ye keiner Disputation nie dedacht  
wordē / anders das einer genaūt Coclea / sich mit jm zu dis  
putierē erbott / vnd als (ettlich meynē) sey er darzu vnder  
wissen / wañ er jm ye ein vnbillichs geding vffbotte. Nam  
lich / das er sich seins keyserlichen geleyts verzig / vnd frey  
(wie er) on ein geleyt mit jm disputiert / als ob er nitt auch  
mit jm hett können disputieren in geleyt. Darüb ist noch  
viler meynüg / solicher anschlag vffs Luthers vnglück er  
dacht. Er hett jo disen vberwundē / oder wer von jm vber  
wunden. Es wer ein schlechte sacht / das Coclea frey on ge  
leyt

leyt disputiert/ wann ob er schō vberwūde wer wordē/ hett  
man sich sein erbarmet/ vnd dānocht sein dapffers vnder  
ston gelobt. Wo er aber den Luther hett vberwūden/ wer  
on zyweyfel mit reichen gaben vnd pfrunden begabt wor  
den. Was meynstu aber das für ein bad dem Luther dars  
zwischen möcht vbergehenctt worden sein/ er hett ja vbers  
wunden oder nit.

**E** Dises alles red ich nitt darumb/ das ichs Luthers lob  
wöll vfrüffen/ vñ sein patron vñ schirmer sein/ er bedarff  
sein auch nit/ sonder das ich meniglich zuerkennē geb/ das  
ich ein billich vsach hab gehebt/ in nit für ein kerzer zu mach  
ten/ so er sich so offft gestellt hatt/ so vil erbottē vnd geschre  
ben hat/ wann es färllich ist einē so leichtlichē vrtyle/ so vns  
der herr verbeütet wir sollen nit vrtylen. Itē ist wol zu wis  
sen/ das in die durchleuchtigen fürsten von Sachsen dar  
umb vff enthalten/ ob noch etwan einer herfür wölt/ vnd  
sich an im versüchen. Ich hör auch/ das namllich der kün  
fürst/ sich der expēs oder kostēs gar nit ließ taurē/ so gierig  
sey er der warheit/ desshalb er warlich ein durchleuchtig  
er fürst ist/ freylich mit dem liecht der warheit durchleüch  
tet. Luther auch hat sichs nie gewidert/ sonder allezeit bez  
reyt rechnūg zugebē seiner leer. .cc.

**E** Noch möcht weiter im vffgerupfft werdē/ dz hart gres  
sig oder bissig verantworten vnd schreibē/ das er gegen et  
lichen seine mitkempfferē/ dessgleichē dem Bapst/ Bisch  
offen vñ anderē gethon hat/ welche er so scharpff/ so spött  
tisch antastet hatt/ das einer kün scherpfers/ heftigers/  
spöttigers gelesen möcht habē/ ja auch kün von den Pro  
phetē. Wolan/ vff das sag ich/ dz mich ebē nichts anders  
mer gegē im bewegt hat/ vñ mir vbler an im gefallen hat/  
dessgleichē auch vil anderē güten männern. durch welche  
hörtigkeit vnd scherpfte (als ich acht) vil ab seiner leer et  
was schühens gehabt/ vnd geergert worden sind. Welche



ob sy entschuldiget seind / das sye von d̄ warheit abwelchē  
darüb sy scharpff vn̄ ruch ynher got / vn̄ mit senfft vn̄ glate  
wie die lügen / laß ich sye verantworten. mich dünckt das die  
warheit billich sol angenōmen werdē / gott geb wie sye yn̄  
her trab / sanfft oder ruch. Wiewol nūm ich ab disen schar-  
pfen reden vn̄ schreibē ein grossz mißzfallen gehebt hab / so  
wil ichs doch nit v̄teylen. wan̄ wer weyß / ob vß heymlichē  
v̄teyl gottes sein zornigs gemūt bewegt werden soltz / (wie  
wol vileicht nit on sünd / doch leichtlich vō gott wider ver-  
zigen) da mitt also gott seins sündigen zorns wol buchte /  
nämlich zū ein roch seiner feind / welche got würdig geach-  
tet hat / das sye also ruch vn̄ scharpff antastet würdē / das  
sye also zeitlichē durch das wort gottes geschlagen vnd ge-  
schendt / sich bessertē / vnd von irem argen fürnemē abstün-  
den. Oder wo das nit / das sye also hye anfiengē / durch die-  
se schand / schmoch / vn̄ vn̄rübige cōsciētz die ewig verdā-  
niß. x. Wer weyß obs auch also gott mitt disem verhengt  
hat: wir wissen / das die v̄teyl gottes heymlich vnd wund-  
barlich sind. Es ist auch nit ein kleine sache / der warheit so  
fränlich widerstreben / frylich die grössst sünd vff erdē /  
wan̄ es nit anders ist / wan̄ gott selbs widerston. vß welich-  
er auch all andre sündē wachsen. wan̄ gott gibt solich wid-  
sprecher / die die warheit in lügen verwandlen / in einē ver-  
tēten synn / dem allerley sünd nachfolgen / wie geschriben  
stot / sünden vß blöditēit / vß vnwissenheit / ist zū dulden / ab-  
er der erkanten warheit widersprechen / was mag gott sle-  
sterlichers vff erden yemer erdacht werden: Es ist vast  
auch vn̄müglich / das ein solicher behalten mag werden /  
wie der hertz spricht.

**D**arumb sag ich / das die eygensynnigkeit die ein ketzer  
macht / nit soll geachtet werden ab der scherpfen vn̄nd har-  
tigkeit der rede oder schreibēs / sonder ab dem widerstande  
der warheit / do einer vff seinem syn̄ harth abig ston blybt /

sich auch nit dar von nit will lassen treibē / wie vil vnd vast  
 man wider in die helle vnd heyttere geschriffte brucht / bleibet  
 also hart vff ein oder zweyen sprüchen der geschriffte / das  
 er kein miltierung der selbigen mag zulassen durch andere  
 hellere vnd klarere / die dan billich fürtreffen solten / vnd  
 den dunclelen erkleren / wie dann Arrius vnd andere ge-  
 thon haben / vnd villicht noch von ertlichen geschehen  
 möcht vff disen tag / die an einem kleinen sprüchlin hangē /  
 das sye auch zwingen vff jr meynung / aber der anderē vil-  
 ler vnd heller / die billich disen dunclelen erklerē solten / ha-  
 ben sye kein acht / sye müssen nichts geltē / der eynig dunc-  
 el muß fürtreffen / wie vil ja der anderen seyent (aber er ist  
 villicht nutzlich in die tuchen) Wolan es gieng hyn / wo sy  
 dannocht nit andre darob ketzer schülten / die sich nit von  
 den vilern vnd hellern / wöllen lassen on vsach vff jr meyn-  
 ung dängen.

¶ Wolan / ich hoff / das nun gnüg verstandē sey / was das  
 für ein pertinacia (hartbäbigkeit / oder eygensynnigkeit)  
 sey / die ketzer machet / nämlich die do stot vff eygensynnig-  
 ket wider die warheit / nit die do stot vff hefftiger scharpff-  
 er rede / für die warheit / welches nit pertinacia / das ist ey-  
 gensynnigkeit / genent sein sol / sonder vil mer Constantia /  
 stäthafftigkeit / da einer steuff bey der warheit ston bleibt /  
 ob er schon wie ein hündt vmb sich billt / wo er sycht das ein  
 er schälcklich oder diebisch hartzüher schliche / vnd in dem  
 schaff stal Christi schaden thun wölt / vor denē der herr vns  
 hatt gewarnet. 2c.

¶ Wöcht weiter einer spechen. Luther ist doch gar nit zū  
 vberredē / so er vff ein spruch kompt / bleibt er also bissig vff  
 seinē syn ston / das inē weder der kirchen / noch der fromen  
 vätter vslegung vnd miltierung mag vberreden / die dann  
 auch freylich verstädt gehebt habē vnd den heyligē geyst /  
 vnd nit er allein. Vff solichs als ich acht möcht er sprechē /



das er nit also gar stünig vñ eygensünnig vff seinē kopff stā  
de/ auch nit abschlage/ das die vätter verstandt vnd geyst  
gehebt haben/ er wöll aber durch iren verstandt vngesang  
gen sein/ sonder wöll gern annemen verstädt/ wohār er kō  
me/ auch gern volgen wer in fürte/ vnd jm darzu grossen  
danc̄ sagen. Doch wolt er nit anders gefürt vnd gefang  
en sein dan̄ mit dem seyl oder band geflochtē vß der heyligē  
gshufft/ nit vß dem stro eygner mēschen trōme/ in der ge  
schufft vngegründt. Darüb wo er nitt anders/ wider die  
helle sprūch der gshufft sycht. dan̄ solche stupffel spieß/ dar  
mitt sye vermeynenden felsen der warheit zū bestreyten/  
vnd vmb zūstossen/ verlacht er sye/ wie dan̄ billich. Wan̄ er  
achtet für vnbillich das / so einer verwart in einem vesten  
schlossz der heyligē gshufft/ sich also bald ergāb einem vn  
streitbarē hauffen/ der mit strowen spießsen fechtete.

**N**ün möcht einer weiter sagen/ Es legt 8 Lūcher selbs  
offt die geschufft on geschufft vß. Wolan dz selbig geet hyn  
wo es für sich selbs klar ist / do ein yedes k̄ndt das die Grā  
matick̄ kan/ nit anders k̄ndt vßlegē. Wer wolt zwey felen  
an dem verstädt diser sprūch Luce. xxiij. Die fürsten 8 vōlck  
er herschē/ jr aber nit also. Vñ an disem. Mein reich ist nit  
von diser welt/ vnd 8 gleichē. wie wol man findt die sich dā  
nocht drab rymffen. Was aber nit als klar ist/ vñ ettwas  
vff ein andern verstädt möcht gezogen werde/ als dan̄ die  
welckinder gar wol k̄nnē/ wo es jnen mag dienē/ da müßz  
man weiter vmb sich sehē/ vnd der anderen geschufft auch  
warnemē. dar durch man dan̄ bald verstot/ ob es also des  
heyligen geysts meynūg hab mügen sein/ wan̄ er jm selbs  
ye nit widerwertig ist. Sūmasummarū/ geschufft mit ge  
schufft müß vßgelegt werde/ wo es echt die grāmatica nit  
selbs gibt. Hilfft auch nit ob einer alle doctores vff brächt/  
wo sy vngegründt weren in der heyligen gshufft/ on weli  
che wir jnen zūglaubē vngewungē sein wöllē. gern wölz

len wir aber darnebē jr meynūg lesen vnd hören/jren geist durch jre Comētaria vnd glosen erkundē /doch durch die selbige/so nit mit geschriffte gegrūndt/vngefangē sein/wie sye auch selbs nit begert haben.

**D**arumb yren die gar weit/die do meynen/wañ 8 vātter einer ein spuch v̄slegt/der nit eben durch die geschriffte zū solicher v̄slegung gerzwūgen wūrt/das er eben kein anderen verstadt hab/od nit auch anderswo hyn diene/dañ do hyn sye in gericht habē. **V**ym ein gleichniß. **E**s haben die heyligen vātter die geschriffte v̄sgelegt v̄n gedeütet v̄ff die sitten der mēschen zū jren zeitē /die selbigen zū straffen/vnd das gūt zū pflanzen. **W**öchtē wir nūn nit auch zū vnseren zeitē die selbige geschriffte richtē v̄ff vnser sitten/vnd vnser laster darmit straffen/die nit eben die selbigē laster weren/so es doch ein ewigs wort ist das gotts wort/vmnd ewig wert/vnd 8 geyst gotts die welt durch sein wort strafet von anfang biß zūm ende/ob sye schon nit zū aller zeit in gleicher übung der laster leben/so leben sye doch in lasteren allezeit. **W**üste nūn die gschriffte eben v̄ff einerley laster deüten:als das zū Augustinus zeitē in der welt gemeyn gewesen were.welichs ob es schon yetzt nit were/aber ein anders dargegē/das v̄lleicht böser were. **W**öcht nit die geschriffte die vorhyn ihenes laster gestrafft hett/auch vnser straffen/so blib also die sünd zū vnserē zeitē vngestrafft. **J**a spricht sū/sant Augustin hats nit also v̄sgelegt/nit da hyn gericht da hyn du es richtest. **S**o hatt er aber nit ebē das laster vor jm gehabt /das yetzt leyder zū vnseren zeitē regieret. **W**ie meynstu/wo er es auch gehebt hett zū seinē zeitē/ob er nit auch/ja vil strenger/die selbig geschriffte hett daruff gerichtet:vmnd wie ein dapffer held mit dem selbigen schwert der geschriffte das selbig laster widerfochten.

**D**arumb suma summarū/mā sol die vātter nit anders bruchen/vorab wo sye nit geschriffte fūren. weder das man



sy lese/ vnd erkunde vß dem selbigen lesen/ was sye für ein  
geyst gehebt haben/ wie sy darvon geredt haben/ was sye  
also zü redē getrungē habe/ was sy für laster vorhands ge  
hebt habē. vnd also vß dem selbige (doch vngewungen vō  
jrem verstädt) vnserē verstädt nemē vnd besserē/ wen wir  
ja auch eben den geyst habē/ den sy velleicht gehebt haben/  
des wir vngewissz sind/ ob sye in alle mal gehebt/ wo sy on  
geschafft geredt haben. Darüb sollen wir vns als vast vff  
vnserē geist lassen/ vorab so vns vsachē der zeit darzü trei  
ben/ als vff jren vngewissen geist. wañ wir ye wissen/ dz sye  
nit alzeit den geist gehebt habē/ wie dan anzeygē die yriug  
en in denē sy gar nahe alle gemerckt werdē / wie obgesagt.  
Darumb solles mit den vättern gehaltē werdē/ in der vol  
ge/ wie in einē rath/ do reden jr ettlich vor/ yeder sein meyn  
nüg. die andren die es hören/ haben nit destminder jre stim  
men/ mügē vß den vorrederen ein zü vallē/ welcher sy am  
nechste hynzū troffen habē gedücht/ od vß denē allē einē be  
hilff nemen eygner meynüg/ wie es dan in in jrer cōscentz  
vnd recht begyrigē viteyl güt dunckt/ wo nün die doctores  
vnd scribente anders gelesen werden/ mag es oft vbel ge  
raten/ wie auch bißhär geschēhē ist.

**V**ß diser red mag nün züm teyl wol verstandē werden/  
wie man die geschriffte vßlegen sol/ als ich auch achte dz im  
Luther gethan hab/ wiewol man ja wid in stetigs schreit/  
er legs vß wie er wöll/ erzwingts vff seinē verstandt vñ syn  
ne/ das ich doch nit sonderlich von im kan sehē. acht auch/  
solt man ein vergleichüg thon/ welcher die geschriffte mer  
gewaltige/ Luther/ oder die jnen ein ketzer schelten/ würd  
man bald sehen/ wie geschicklich er noch mitt der geschriffte  
were vmbgangē. Doch zü einē exempel wöllē wir es dan  
nocht mit ettlichē vßlegügen besehen/ doch nit andrer meyn  
nung/ wañ das ich mich schirm/ wie mir auch not ist/ vnd  
nimants da mit geschmehet oder mitt gefär antastet/ wie

zum anfang d kläger an mich erfordert hatt/dan schirmung  
mit d warheit soll billich nit gefärlicheit genant werde.

**E** Der erst spruch/ Du bist Petrus/vnnd vff disen fels  
wird ich bauē mein kirch. Mat. xvj. Hye seint vil die das  
wörtlin/petrā/fels/für sanct Peter vfliegen/oder für den  
Bapst. welche flux folgte das die kirch vff dem Bapst stün  
de. Weliches so es war were/volgte/das die kirch zu zeiten  
kein grundt hette/sonder freylich in lufften würd hāgen/  
namlich so kein Bapst were/oder so d teüfel den Bapst in  
sündē gefangē hett. Wan wie solt die gespöß Christi durch  
den heyligē geist vermāhelet/vff ein sinder gegründet sein?  
Darumb villeicht Luther (wie auch mit im vil andre) erz  
poniert vnd legt vff disen spruch/das durch den felsē Chri  
stus/oder der glaub in Christu/den Petrus in person/seis  
ner vnd aller anderen junger bekant hat/verstanden sol  
werden. wan also mag erhalten werden/das gleich naher  
volget(vnnd die porten der hellen vermügen nichts wider  
in) als auch war ist/das wider Christum/oder den glaubē  
vff Christu gesetzt/weder hell noch teüfel etwas vermag/  
vnd yemer vermōgen würt. Aber nit also mit dem Bapst/  
welcher nit allein oft ein sinder/sonder auch garnahē al  
les sein regimēt sündlich. desshalb es wol selbs der hellē por  
ten genant möcht werde/vnd das hoffgesind nit vil besser/  
dan die teüfel selbs. also dz man eben an dē ort/da die grūdt  
feste der kirchen sein solt/sinde man den yngäg vnd port zu  
ewiger verdammis. O du elēde kirch/die du vff das noch  
gültig gesind gegründet bist.

**A**m selbigē ort Mat. xvj. stot weiter ein spruch also. Vñ  
ich würd dir gebē die schlüssel zum himelreich/wen du ent  
bindest/der ist entbundē/vnd wen du bindest/der ist gebū  
den. Durch welchen spruch Luther auch andere sprechē/  
das Petro vñ allen Apostelē/auch der gāzen kirchē gebē  
sey gewalt zu entbindē die betrübte cōsciētzē vō jrē sündē/



vnd sye also mit der zusagung vnd wort Christi (der mit liege  
mag) trösten/ vñ herwiderumb die vngheorsamē binden/  
das ist/ durch den ban erkleren/ das sye auch vor gott sünd  
der seient/ deßhalb billich vßgeschlossen von der gemeyn/  
wie dan disen verstandt bestetigen zwen andre spruch. einer  
Matth. am. xviij. do er das ampt der schlüssel inen allen be  
filhet. Deß gleiche Johā. am. xx. Nun zeucht 8 widerteyl  
disen spruch vff den yrdischen gewalt/ vber das gantz erd  
trich. welche vßlegung ob sye nit genödtigt ist/ mag ein yegli  
cher Christ wol erkennē/ der do vß andern geschuffte Betra  
chtet/ ob Christus seine nachkomē vnd vicary hab wöllen  
zeitlich oder weltlich regierer machē/ so er doch selbs diser  
welt reich verleignēt hat/ vor Pilato. Jte geflohen ist/ do  
man in hat wöllen zu ein künig machen/ sich weltlicher ge  
schäfte gar nichts hat wöllen beladen/ also das er auch nit  
hat wöllen ein erb teylē. Auch mit vßgedruckten worten ge  
sagt. Die fürsten diser welt herschen/ sy aber nit also. Nun  
lüg ein yeder welcher die gschuffte Bas vßlegt/ lüg wie gar  
lich stot der weltlich gewalt 8 geystliche vff disem spruch/  
so diser in hat gezogen/ vff den gewalt die sünd hyn zunemē/  
darüb dan Christus vffertrich kōmen ist/ vñ ihene in aber  
ziehē vff ein zeitlichs regimēt zu bestätigē/ als ob vorkeins  
vfferdtrich wer gewesen/ so doch das Rōmisch regiment  
zu der selben zeit am aller höchsten gewesen ist/ das sy ver  
meynen mit disem spruch erst vffgericht sein. Vnd wiewol  
es Tiberius zu 8 zeit gehebt/ hett es doch Christus wol mö  
gen Petro vñ seinen nachkōmen mit mündere kosten zu we  
gen bringē/ hett nit bedürfft sein blüt darumb vergiessen/  
so doch gar ein leicht ding bey gott ist/ ein reich zu verwād  
len vß einer handt in die ander/ wie er dan vorhyn vom an  
fang der welt zum dickeren mal gethan hatt/ also das eins  
möcht wunder nemen/ was gott mit gemeynt hett/ das er  
vff disz mal des Pappsts vnd der geystliche (nit gantz löb  
lich)

lich regiment/so theür hat wöllen er arnē/vnd darzü auch solichs Reich vnd regiment nit allein Petro vnd seinē mit jügeren/zü denen Christus den obgemelten spruch gesagt/sonder auch jren nachtömeden/vff fünfzehnhundert jar hernach nit hat mügen werdē. desshalb züm teyl sein wort (obgemelt spruch) hat müssen falsch sein/wo er also hatt sollē verstāde werdē. Welche folg wiewol gātz vbell lautet/doch vß der vnser widerwertigen vßlegung steiff volget. Syhe/wie sein hawen sy sich selbs in die backen/vnd dürfen dānoch t sagen/Luther leg die geschriff falsch vß/so sy mit jren vßlegungen gott zü einem lugner machen.

¶ Weiter steet ein spruch Matt. x. vnd Mar. vj. do bochen sy auch fast vß/der eüch hört (spricht d her) der hört mich. der eüch veracht/verachtet mich. zc. Da legē sy den spruch vß/das wir jnen gehorsame schuldig seyent in allē dingen/was sy vns gebietē/es sey ja in der gschriff gegründt oder nit. welichem so also/were wir Christē freylich die aller elendesten leüt vff gots erdtrich. Ursach/wān andere völkter so nit Christē seind/habē nit mer dān ein weltliche oberkeit die jnen gnüg abnympt/von derē sy mit gesatzē gnügsamlich vberladē sind/sind aber süß niemāts mer weiter schuldig. Aber wir Christē/so wir vom weltlichē gwalt züm dickeren mal gnüg getrengt sind/das dānocht zü leiden were/dān man soll jm (wie der herr lernet) gehorsamē. So kumen erst dise/vnd geben vns ein gebott vber das ander/da mit sy erst vnserē seelen auch beschwerē/also/das so durch die weltlich oberkeit leib vnd güt zü vor beschwert/dise erst die seel dem teüfel darzü geben. wān mit disen gebotten beschweren sye vnserē cōscientzē/wider welche so wir thünd/versünden wir vns dötlich/vñ bawen zü der hellen/wān sy vns disen spruch der massen fürhaltē/das er vns zwingt/in allē dingen/gebottē vnd verbottē/so sye vermeynen jnen zü gehorchen schuldig sein. Welches ob es schon also were/



72  
soltent sye doch als güt sanfft hyrtē / vns die bürd nitt so  
schwer vfflegen / die weil es doch (als sye sagen) in irem ge  
walt steet. **L**ün wer vil hye zusagen von den schweren ge  
botten / die sy vns vfflegen. Von denē hārnach vülleicht et  
was gesagt würt. Wolhyn das ist die vfflegüg deren so dē  
**L**uther ein ketzer schelten / vñ alles jr faul vndüglich tyrā  
nisch fürnemē durch disen spruch vermeyne zū erhalten.

**H**ör min weiter wie in **L**uther vfflegt / also dz er nit wei  
ter zū verstōn sey / dan so wir die diener des wort gottes hō  
ren dasselbig predigen / so sollen wir gedēcken / das wir chri  
stū selbs hōren / vnd also mit disem spruch alle vermant zū  
hōren seine Apostelen vnd prediger / bitz zū end d welt. Das  
aber dises der verstandt sey / mag gemerckt werdē vñ dem  
das gleich vor gadt. **E**r hat gesandt ye zwen vnd zwen / dz  
sye predigen soltē das reich gottes / vñ daruff gesagt / Wer  
euch hōrt / hōrt mich / mag ein yeder wol gedēcken / wie er  
es gemeynt hat. nāmlich also / so sy das reich gottes predig  
ten / wer syedan hōret / der hōrt in selbs / hat inen das wort  
vnd Befelch gebē / das er auch von seinem vatter entpfan  
gen hat / gottes reich d welt zū erkünden. welches er auch  
weiter beuolhē hat seinen nachfolgerē. **O**b aber das heiß  
das reich gottes predigen / sagen vñ gebietē alles was vns  
gefellt / vnd vns zū vnserem zeitlichen pracht dienē mag /  
wie wir dan leyder ein langezeit vil gehört haben / mag ein  
yeglicher wol betrachten. **I**ch acht aber / das heyst das  
reich gottes predigē / so man prediget / wie gott (nit die Bos  
heit / sünd vnd begird diser welt) in vns hynfirt regierē  
soll / das geschicht / so wir in **C**hristum glauben. **D**ann so  
wir die gütheit **C**husti durch den glaubē entpfinden / so ent  
sprungt ein liebe in vns zū **C**hristo vnd gott seinem vatter /  
durch welche dann gott in vns regiert / das wir mit lust  
vnd freud seine gebott halten / aller Bosheit vnd vnrech

26.

tem widerstreben/da von vil zū sagen were. Darumb di-  
sen glauben in Chriſtū predigen/ das heisset das reich got-  
tes predigen. Mag nun einer wol gedencken ob es also ge-  
schehen sey/so mandes glaubens schir vergessen hett/vñ  
wenig mer gewiſst hatt/was der glaub sey/vnd alle ding  
mit wercken(vnd doch nit mit denen die gott gebottē) hat  
wollen außrichten.

**C**Das aber dem also sey/vñ der herz eben vermeynt hatt  
das sye das reich gottes vnd nit ir eygne trōum vnd tandt  
māren/gebott/verbot/vnd vntregliche bürden.zc. haben  
sollen predigen/gibt vñkund die gschriſt an anderen orten/  
do er jnen/nit was jnen wolgefalle/sond was er in gesagt  
hat/Befylhet zū predigen. Nun wissen jr ye wol was er inē  
gesagt hat/das gesatz der liebe hatt er jnen gesagt/vff we-  
liches sich die gantze gschriſt streckt/alt vñnd nūw testa-  
ment. Itē das Euangeliū/dz ist ein gute botschafft/das  
Chriſtus Ihesus vns vertedinget hatt vor gott seinem hi-  
melischen vatter/eben das Euangeliū das durch die pro-  
pheten verkündet ist von dem sūn gottes. Summa/es ist  
sein die ganz gschriſt des nūwen testament voll/das vns  
allein das Euangeliū/vnd die wort so Chriſtus vns ge-  
sagt/zūpredigen beuolhen ist/vnd nit weiter/wañ man ye  
nit weiters findt/das er seinen jungeren beuolhē hat/wie  
vil minder iren nachkomen/bey denen meer sorg gewesen/  
das sye den lauterer brunnē des gotts worts wurden be-  
trüben. Weliches dann anfang zū den zeyten der Apostelen  
Desshalb sich auch Paulus hoch beklagt/vnd gesagt/er  
soll ein verflüchung sein/der ein andres prediget/vñnd ob  
es gleich ein engel von dem himel were/ich geschweig den  
Bapst oder Bischoff/die dānocht nur alle menschen sind.  
Doch ist vñlleicht diser spruch Pauli zū disen letzten zeyt-  
en matt worden. Wie aber/wann einer sagt/er were noch



nit matt/sonder vil mer/sy werē nit die rechtē warē nach/  
Kommē der Apostelē/wan sy ey ein ander Euāgelii/oder  
vil mer kein Euāgelii/sonder ein böse Botschafft bringē.  
wan sye nur gebietē vnd verbietē nitt bey.v.ß. od sunst zeit/  
lichē straffen/sond bey dē vngunst gottes/vnd Petri vnd  
Pauli/by ewiger verdammuß/Du müst beichtē/vnd vff  
die Ostern zum sacrament gon/oder bist des teufels. Iffst  
du das/rürestu das an/feirestu dē tag nit/gibstu das nit/  
glaubstu das nit/so sündestu tödtlich. Was dz nün für ein  
güte Botschafft ist/mag ein yeder wol gedencken. Itē wie  
bestet der spruch/so sy predigen oder gebieten/das wider  
das Euāgelii ist/wie sye dan gar nahe in allen gebottē vñ  
verbottē thünd. Wan was ist es anders/so man gesatz/ge  
bott/verbott/prediget/dan wider das Euāgelii predigē/  
Christus hat kein gesatz heysen predigen/wan das Euāge  
lii kein gesatz ist/sonder allein des gesatzs erfüllig. Vñ ob  
schon er ein gesatz hett heysen predigē/were es doch gnüg  
gewesen an seinē gesatz/das gott durch Mosen gebē hatt.  
welches noch niemant hat mügen erfüllen/sonder durchs  
Euāgelium erst der weg zu erfüllen forgebē ist. Nün fare  
wir dahär/so wir soltē predigen/wie das gesatz gottes er  
füllet würdt/das ist das Euāgelii/so geben wir erst meer  
gesatz hyn zu/vnd sprechē wir haben sein gewalt/Christus  
spricht/wer euch hört der hört mich.

**E**s ist wenig anders mit vnserē gesatzmacherē/weder  
so einem Beuolhē würt/das er etliche armen gefangenen  
ein güte Botschafft bringen soll/als ein weg zeygen wie sye  
vß d gfangtē künmen/od inē die gfangtē nit schwer/  
schädlich vñ arbeitsam/sond ein luit vñ leichte sein möcht  
biß sye gar gelediget würden. vñ diser giend hyn/vnd hing  
inen erst ketē vnd ysen an hend vnd fuß/ein schlossz für ire  
mund/das sy weder essen/trincken/oder reden dörfen/er  
erlaubt es inē dan vmb gelt/scherzte sy also/vnd ob sy dar

wider werten/vnd sprächen/wir verhofften der herr würd  
 vns ledigen/es ist freylich mit des herrē beuelch. Sagt aber  
 diser wider/Jo es ist/wañ er hat gesprochen/jr sollen mir  
 gehorchen/wañ also gehorchen jr jm selbs. Seygt yn auch  
 ein beschlossenen Brieff zū ein warzeychē/dar innē er solich  
 en beuelch hett vom herrē /darumb leiden eüch/eüch würt  
 also geholffen. Sprach darna.ch Lieber herr/ich hab dein  
 beuelch vßgericht/ich hab inē die gute bottschaft verkün  
 det. Wie dunckt dich/het er es nit wol vßgericht: wie ihene  
 die ire mit knecht schlägē/vermeyntē der herr kōme nit mer  
 die weil er solāg vß was. Was meynstu das für beschwār:  
 muß vff das arm volck gelegt ist wordē durch disen spruch/  
 Wer eüch hört.zc. welichen sye anzeygt haben/wie einen be  
 schlossenē credenzbrieff/dar durch das volck beredt/was  
 man fürneme/das sey in dem selbigē brieff vom herrē Befol  
 hen. Aber so mander mal einest sprach/ Lieber thū den cre  
 denzbrieff vff/laß hören was stat darin/was hat er dir be  
 uolhen/das du gegen vns handeln solt/wir vermeynen ye  
 nit das er vns so ein vngenediger herr sey/das er solchē be  
 felch vber vns geb/ es rhūmt alle wellt sein genad /barm  
 hertzigkeit vñ gütigkeit /er hatt grosse ding gethon durch  
 vnserent willen/das er vns lediget/büch vff den brieff/laß  
 vns hören was darin steet/wir wöllent wissen/wir glaubē  
 nit das sein beuelch so rauch sey .zc. Wie wolten jr gesellen  
 dan beston/wañ im brieff würde ston/Predigen das reich  
 gottes/das Euāgelium/Sagen mein joch sey süß/mein  
 bürd leicht/der sün des menschen ist kōmmē zū sūchen das  
 verloren/zū heylen.zc. Item/es stünd im bueff/jr sollen ein  
 ander liebhabē/in der liebe würt das gantz gesatz erfüllet/  
 jr sollēt sein diener des newē testamēts/nit des büchstabē/  
 sonder des geists.das ist/nit des gesatzs/sonder der gnadē.  
 sollen gnad gotts verkünden/kein gesatz. Moses hatt das  
 gesatz geben/aber die warheit vnd gnad ist durch Jesum



Christum. .ic. vñnd der ending vil wüorden in dem Brieff funden/ wie fro meynstu das das volck sein würde: wie danckbar meynstu das es dem herre würde/ der jnen soliche güte bottschafft zü sandte/ die vorhyn ein grossen vnwillē ab jm gehebt hetten/ vñnd jm meer seindt dann holdt waren. Wie köndt man aber einem hold werden/ der nur vff den leüten läge zü tenglen/ sye quetschen/ trucken vñnd plagen/ Meynstu nit ob sye mit allem fleiß vñnd ernst/ jm noch solicher güter bottschafft verhört/ würdē jm vil gehorsamer/ günstiger/ williger zü thun alles das daran sye merckten/ das er ein gefallen hett/ ja ob sye auch von seiner wegen sterben solten. Meynstu nit sye würden sprechen/ Es wolt vns ye nit duncken/ das disz solt sein meynung sein Es ist sye kein Türck/ kein Heyd/ der seinen amptleüten solichen vngewungenen gewalt ließ über sein vnderthonē/ das sye alles möchten mit jnen fürnemen was sye wolten/ wan züm dickeren mal die amptleüt von jnen selbs weiter thund dan jnen beuolhen ist/ wie dann erst/ so sye keinen bestimpten oder gezwügenen beuelch hetten. Aber man hat gütmachē/ wo man nit anders weyß/ wo der herr zü weit ist/ das nit ein yegliches armes beürlin zü ym mag kömme/ wo man auch daruor ist/ das sye nit zü dem herre selbs mügen kommen/ wie man dann an fürsten höffen thüt/ do einer dem anderen hilfft/ das nit leichtlich ein armer mann für den herren selbs köme/ das nit der amptleüt tyranney gegen dem volck vßkümme.

**I**ch sprach gern/ das vß gleicher vsach mā yetzt nit als gern sycht/ das der gemeyn man die geschriffte selbs in die hend neme/ wan also erfahren sye was im credēzbrüeff stot/ wie ferre sich der gewalt der vögt vñnd amptleüt des herren vber sye gesetzt/ erstreckt. künmen also selbst für den herren/ klagen jm ire not/ welche er dan auch wol weyß/ deßzhalb er dann on zweyfel den vntreüwen amptleüten/

iren teyl mit den gleisneren stellen würt.

**W**olan/ich bin ettwas weit yngeloffen/aber es ist not/  
damit der mütrwill mit disem spruch begangen zum teyl ge  
offenbart werd/der credentzbrueff vffgebrochen vnd verle  
sen werd/nit also vil inhalt/wie die zeyger dar gebe. Nun  
wer vil mer anzuseygen/warumb diser spruch gar nit dise  
meynung hett wie sye für geben/wie wolt man erhalten/  
so sye widerwertig ding heysen:der gebeüt das/diser ver  
beüts wider/vnd wil dannocht ein yeder Christus rede vß  
ym.so doch Christus in jm selbs vnzerteylt ist/darzu sein  
geist jm selbs nit widerwertig/sond allenthalbe gleich ist.

**D**arumb nit zu vermütmassen/das Christus seinen Be  
uelch also vff eins yegkliche eygnē kopff gestellt hab/was  
het er bedürfft der prophetischen vnd Euangelischen ge  
schriefften/so sye doch nur durch ire köpff solten regieren.  
was darff man ein ein beuelch stellen/wie weit vnd was  
er handeln sol/so er gewalt hette alles zu handeln was jm  
gefiel/oder sind die selbigen geschriefften nit genügsam der  
christenheit: Wöcht man nit die christenheit regierē/wan  
man schō kein andre bücher hett dan die göttlich gschriefft:  
ist Christus so vnvolkōmen gewesen in seine Euangelio/dz  
er es nit gar gesagt hat/vnd doch der vatter vom himel  
bezeügt hat/man soll in hörē.

**D**arumb soll es nimants zürnen/vnd ob schon Luther  
tausent mal ein ketzer were/so hat er dānocht disen spruch  
des Euāgeliums billicher vnd rechter vßgelegt/weder  
seine widersächer alle/ja eben vßgelegt wie er sol vßgelegt  
sein/wie in die gschriefft leiden mag. Welicher so er auch an  
ders vßgelegt wüde/müß Christus kein genaden thron/  
auch kein erfüller des gesetzes/sonder ein Moses/ja weit  
vber den Moyses/ein beschwerer des gesetzes sein. Welch  
es dan zu reden/wie ein grosse gotts lesterung es ist/mag



ein yeder wol gedencen/aber es sind dānocht heylige vāt-  
ter die es also v̄slegen/vnnd müßz Lūcher der ketzer sein.  
Wolhyn es ist noch vor jr em selbs eygnen richterstül/sy ge-  
ben in billich nit vngewunnē/ sy hetten sunst das spiel ver-  
loren/vnnd müßten die gūten Bauchuātter manglen/des sy  
nit gewont haben. O gott sych hār ab/vnd thū inen die au-  
gen vff/wan̄ sye haben so vil strick v̄s dem spruch geflochtē  
das niemāts wol entrinnē mag/er müßz gefangē werde.

**V**ast vff dem syñligen sy auch v̄s dem spruch Mat. xxiij  
Vff dem stül Moysi werden sitzen die schrifftgeleertē vnnd  
gleißzner/alles das sye eūch sagen das thūnd. zc. Nye sagē  
sye/das das wōrtlin (quecūqz/alles das) vns zwing/inen  
in allen dingen zū gehorchen/vñ alles jr fürnemē zū billich  
en. Dahār aber erwachst/dz ettliche yemer ynher vntrāg-  
liche ding gebieten/es sey jo gegrūndt oder vngegrūndt in  
der geschrifft/ja ob es auch wid die geschrifft were. wan̄ sy  
sprechē/ob sye wol vnrecht haben im gebietē/so sey ent wirs  
doch schuldig zū haltē/dan̄ der herr sagt/alles das. zc. Wol  
an im nāmen gots/wir wōllen recht tragē die weil wir mü-  
gen/dieweil wir sein nit fūglich mūgen absein/vñ darinnē  
wir nit wider gott thūn. Wir wōllen aber inen dānocht nit  
zūgebē/das sy mit solichē vfflegen der vnreglichē bürden  
recht thūnd/auch diser spruch nit dar zū diene/sond vff jrē  
syñ wider das Euangelii v̄sgelegt sey/wie dan̄ der herr in  
nachfolgenden worten zū verstōn gibt/das sy thūn werdē  
so er spricht. Sy werdē eūch anbindē vnregliche bürden/  
die sye nit mit einem finger anrūren.

**D**arumb Luther/vnd andere disen spruch rechter v̄sle-  
gen/so sye sprechē/das man in disem spruch soll warnemē  
des wōrtlin (super cathedram/vff dem stül zc.) das ist/wan̄  
sye das gesatz Moysileren/so soll man inen gehorchē. wan̄  
warumb wolt er sunst gesagt haben/vff dem stül/wan̄ er  
nit damit das gesatz bestimpt wolt habē? er hett wol sunst  
schlechts

schlecht gesprochen / Seient inen gehorsam / gott gebet wer sy  
 seient / oder was sy ja gebieten / es hat ye gott vnuergebens  
 den stül Mosis vffgericht / vnd das gesatz Mosis geben / on  
 zweyfel das man es hören soll / vnd eben von dem der dar  
 uff sitzt. So der Bapst sein stül vn gesatz vffricht / will er dz  
 alle Official vn Vicarien so vff seine stül sitze / seine gesatz  
 gebiete / vßsprechen vnd lernen. Es würt auch keiner des  
 Bapsts oder eins andern herrē amptman genent / anders  
 dan ab seine gesatz / das er im gibt zu gebiete. welicher so er  
 etwas weiters fürneme / würt es im der selbig herr nit für  
 güte habē / wie wir täglich sehen. Wie vil meer gott wil das  
 ebē noch seine gsatz geregirt werd / dieweil er doch nichts  
 an seinem gesatz vergessen hat / das durch seine Vicarien  
 erst müste hynzü gethon werdē. Ist es nit / welcher nach dē  
 gesatz Mosis gelebt het / vnd nit weiters angenōmen / das  
 der selbig vngestraft sein solt. Ja frylich / warüb habē sy  
 dan hynzü gethon / so es für sich sebs genüg gewesen ist: ja  
 eben darüb / das sy vnrecht gethon habē / vnd jr eygne ges  
 satz also vffmüßte züm vndergäg d göttlichen gesatz / wie  
 auch der herr sy darumb straffte Mat. xv. Wie wan einer  
 nün vß gleicher vrsach von dem Euāgelischē gesatz / auch  
 also sagte / Vff dem stül Christi werden sitze die / denē es be  
 uolhen ist / was sy eüch sagen / sollen jr thün / ob es anders  
 verstandē werde solt / dan Christus statthalter sollen seine  
 gesatz predigē / das ist das Euāgelin / vnd das sollen ir hören.  
 Welches so es allein gehört vnd gelert würt / solt es nit  
 den mēschen behaltē: ja on zweyfel / oder Christus hett nit  
 gnüg zur seligkeit gelernet. Warüb hatt man dan weiters  
 hynzü gethō: ja eben darüb / dz mā vnrecht gethō hat. So  
 wir ni sehen vn warnemen / was man hynzü thon hab / so  
 findē wir dānocht nit anders / dan ebē das ihene / on welch  
 es wir das gsatz Christi wo! hettē mügē haltē / ja wie ob ge  
 sagt / die es beschwerē vber das gsatz Mosis / ich gschweig

h



yetzt vilen gsatz/die zu schand vnd laster/vñ allerley erger  
müß in der christenheit dienē. Es soll niemāts für vbel has  
ben wann ich sagte/das d̄ Christē gesatz/wie es ein zeit lang  
mit vnzelichē Cerimonien/geltstricken/vñ verwenetē güte  
wercken darüb gestandē ist/vil schwerer sey dan̄ das gsatz  
Mosi/ja weder kein gsatz d̄ ganzen weitē welt. Welche ju  
den/Türcken/heyden habē so vil übungen als wir/Bey de  
nen man vns den ewigen tod trawet. vmb ein habdäck ge  
beit man bey christlicher gehorsame/Bey dem bañ/bey ein  
er todtsünd/vñ wiewol etlich sagen/man erschreck allein  
die leüt mit solichē gebottē/damit man sy im zamm behalt.  
Sag ich/es gilt nit erschrecken/ist es dan̄ d̄ blindē müß ge  
Wie meynit einer/ob nit die ganze welt vor (spieltz  
längst wer Christē wordē/oder noch dem sy Christū ein mal  
durch die Apostelē erkant/nit wider abgefallē were/oder  
noch in kurzē jaren widerumb vnd Christū bracht möcht  
werdē/wo man pur/lauter/vm̄d allein Christum/vnuer  
mische mit menschlichē leeren vnd geltsuchtigē satzungen  
gepredigt hette vñ noch predigte. Was ist aber Christū pur  
predigē/anders dan̄ das gsatz der liebe predigē. Es hat ye  
Christus anders nit gelert dan̄ allein das sich vff den glau  
ben in Christū vnd vff die liebe des nechsten vffstreckt. We  
liches volck vff erdrich wölt nit annemē oder zum wenig  
sten für gerecht vnd güte achten dise predigē. Du solt deinen  
glaubē/vertrawē vnd zünersyche allein vff gott setzē/vnd  
aber gegen deinē nechsten dich brüderlich vnd freündlich  
haltē/im verzeihen/vbersehē/helffen in nöten/nach dein  
vermögen im gebē. In summa/im thūm das du woltest dz  
er dir thette/vñ in vberhebē/des du gern vberhebt werest.  
so doch solichs gesatz in vnser vnzerstörte natur gepflanzet  
ist/des noch ein güte vnkundt da ist. dan̄ wiewol wir im nit  
wol nach kümme kōmen/so erkennē wir doch dz es gerecht  
vnd güte ist. Du weiter so vber dem glaubē in gott/vnd lie

be zum nechsten / jitem auch angezeygt wird Christus als ein mictler zwischē gott vnd vns. durch welchē der feel vnd māgel vnser s glaubēs vñ liebe / das ist / aller vnser schuld / abtragē vnd vertädiget wird. Wie künften sy solich gsatz nit mit allē freudē vñ begirdē annemē: Lün erfordert das ganz christlich gesatz nit meer / wie man auch in allē büche ren des altē vñ nūwen testamēts nit mer finden mag / dan die liebe gotts vñ des nechsten / vñ der glaub in den / d von gott gesandt ist / als der herr selbs spricht / vñnd auch seine Apostel leeren.

¶ Lün ist es leyder weit ein anders worden / durch vil tyranischer satzungen / das sich gar nahe die ganze welt darab rümpffet / wie wir dann sehen an Türcken vnd Juden / ja auch an vnseren so noch Chrusten genenmt sind / die sich zum abfal auch vast neygen / on zweyfel von wegen d vntreglichen bürden / so vff gelegt werden / vnd gottlosen wesen jrer vorgenger vnd prelaten / welches alles nit were / wo die einfaltigkeit des Euangeliums bliben were / vñnd noch widerumb allein (wie ob gesagt) angenōmen würde. S wie bald würden die Türcken vnd Juden Chrusten / wo wir also (vnd nit darnebē vil geltsüchtiger gebort vnd satzungen) predigten / dardurch sy vns verargwōnē / wir süchen nit sy / sonder das jre. nit jrer seelen heyl / sonder vnseren nutz. nit die eer gottes / sonder das wir vber sy herrschten / das jnen dan nit gelegen ist / wie wir das teglich entpfindē mit grossen abgang vnserer land. Darzu was sollen sy gedencen Chrusten zu werden / so sy alle ding auch von denē die sich seine diener vnd Vicarien berinnē / Chrusto vnd seiner leer ganz widerwertig sehē vnd hören. Chrustus was demütig / do ist eitel hoffart vnd pracht. Chrustus floch die eer diser welt. Da ist ein solichs fechten vnd streiten noch eeren vñnd müffiggonden stenden / als kum vñder einem anderē volct ye gewesen ist. Chrustus was ain /



do sicht yedermā nach reichumb / vnd aber subtiliglich /  
vnd vnder dem schein der armüt. Christus hat gearbeitet in  
seinē ʒubungen vns zū gūt / mit predigen vñ yederman gūts  
thūn. da will yederman müßig gon / wān dz predigē schma  
cket niemāts / vorab den höchsten prelatē / der eygen ampt  
es ist / vnd wollen aber doch von yederman gūthāt entpfa  
hen. Christus ist keüsch vñ messig gewesen / do ist schand vñ  
laster vnd allerley vnkeüsheit / vñ vberflusz in scheinbar  
licheyt d̄ speisen / doch subtyl verschlage vnder dem schein  
der keüsheit vñ messigkeit. Christus ist senffemütig / do ist  
nit dan vermaledeye / verbannē / vertreiben / veriagen. .c.  
Christus hat dz reich diser welt geflohē / verleügnēt / auch  
die seinē also gelernet / es ist aber hye gantz das widerspiel.  
Wer möcht es alles erzele / das Christo vnd seiner leer wid  
wertigs gehädelt vnd gelernet würt / von denē die sich ver  
messen / alle mēschen zū chüstliche glaubē zū zwingen. Sol  
ten sy vns nit billich verlachē / vnd verachte. Wöchten sye  
nit billich sprechē / wir sehē doch nichts gūts von eüch / od̄  
nit bessers / ja vil er gers dan bey vns / wie können wir dan  
vermeynē dz es gott ein gefelliger städt were? Ja vil meer  
ist zū achtē das wir gott ein gefallē thettē / wo wir sollichem  
gottlosen volck vns nur treffelich wid satztē / wie wir dan  
auch täglich sehen das sye es thünd.

**¶** Wolan / ich lauff aber zū weit hynein / schafft die vnbil  
licheit d̄ ding so für gon / die vnbillich vßlegūg des spruchs  
Vff dem stül Mosi. damit ertlich vermeynē / das wir ge  
zwungen sein sollen zū gehorchen vñ zū billichē yemer yn  
her / biß auch vff schändliche / gefärlliche / gotts lesterige /  
vnserer seelen heyl nachteylige leer vnd gebott. Welichen  
verstandt Luther mit sampt andern frumen zū wider ist /  
wie recht / vnd dānocht ein ketzer vnd falscher vßleger d̄ ges  
schriffte sein soll. Darumb vireyl ein yeder der gnad hat.

**¶** Vß disen Worten ist auch leichtlich zū verstōn / welcher /

Luther oder seine widerseher rechter vßlegen den spruch  
 Johānis. xiiij. Der tröster der heylig geyst/welichen mein  
 vatter sendē würt in meinē nāmen/d selbig würt eüch alles  
 leeren/vñ eüch erinnerē alles des das ich eüch gesagt hab.  
 Disen spruch ziehen sye da hyn/das alles was der kirchen  
 prelaten setzen/leerē vnd gebieten/geschehe vß ingebung  
 des heyligē geysts. Nun wissen wir wol/dz (wie obgesagt)  
 züm dickern mal die Cōcilia vñ Bāpst widerwertige ding  
 gebietē/welche widerwertigkeit von dem geyst d warheit  
 nit wol kommē mag/wān er ist nit ein geyst d widerwertig  
 ung oder misszhellüg/sonder d eynigüg vñ vergleichüg.  
 wān so er durch die ganz heylig geschüfft jm selbs gleich ist/  
 nie widerrüfft das er von anfang gesetzt vnd gelernet hat  
 durch seine diener die propheten/wie möcht er dan yetzt zü  
 disen letzten zeitē so vergesslich sein worden: frylich das er  
 alt wordē ist. Dessz gleichen so sehē wir oft was die Bāpst  
 vnd Cōcilia tractiern vñ handlen/nāmlich sachē dar zü d  
 heylig geyst freylich nit vil rathet/er sey dan erst zü seinen  
 lestē zeytē ands zü rath wordē/wed er ye gewesen/durch  
 die ganz geschüfft erfunden würt.

Wir wissen das ein zeit lang in den Concilien züm mere  
 teyl gehädelt ist wordē/vō weltlicher oberkeit/vō grossen  
 missiggondē stenden vnd dignitetē/von grossen zeitlichē  
 reichthumben/von vil gefährlichē gesatzē/von vßrichtüg  
 viler Cerimonien vnd geistgeberden/dardurch das gotts  
 wort vertruckt/vertunctelt/vnd in ein vnachbarkeit kom  
 men ist. Vnd wer möcht erzlen die ding alle/so in Cōcilien  
 vnd von Bāpsten oft gsetzt vnd gehädelt sind/zü grossen  
 nachteyl d christēheit/ja auch zü grossen jamer/als krieg  
 vnd blituer gießung/so daruß entsprungē sind/welches  
 freylich nit on gotts lesterung dem heyligen geist zügeben  
 würt/als ober ein vatter der zeytlichē reich vnd reichtüb  
 were/vnd nit meer begert zü rüwen in denē die eins demüs



tigen geists sind/weiter als ob er auch ein beschwerer vnd  
vffleger der kir den were/vn mit vil me ein erlediger der be  
schwerten. Summa summarum/was hat der geyst gottes  
zuschaffen mit zeitlichẽ gut/eer/reichtũb/hoffart/pracht  
zeitlicher herrschũg/blutnergießung/vnd deren ding vil/  
die ein lang zeit gehandelt worden sind von denẽ die sich des  
heyligẽ geists berũmpt haben. Er ist ein geist Christi/wel  
cher Christus/so er mit solichẽ dingẽ mit vmbgãgen ist in  
diser welt/wie mag dan sein geist/der jm selbs alzeit gleich  
ist zu diser zeit solichs in seinẽ glidern üben. Darumb muß  
es freylich mit von dem geist gottes sein was also gehãdelt  
würt/auch mit lebẽdige glider von dem geist Christi/in des  
nen soliche ding geübt werdẽ/aber vō dem geist diser wele  
solichs vngezweifelt gehandelt werde/welcher mit vil ge  
meynschafft hat mit de geist gottes/wie auch die welt vnd  
gott mit mitte einander sich mögen vertragen/wie Christus  
gelernt hat. So syrechen sye/der heylig geist würt sy alles  
leeren so er kumpt. Sage ich/Wert er sy nit anders kün  
nen leeren/weder soliche yetz genaunte sache/were er auch  
wol daheym bliben/wan dise ding vorhin zu vil in der welt  
sind gewesen. Darumb muß es freylich auch ein anderer  
geist gewesen sein.

**E**re so er spricht/Er würt eich erinneren/das ich eich  
gesagt hab. Sag an/wo hat Christus seinen jüngerẽ ye ge  
sagt vondisen weltlichẽ dingẽ/ja sye vil me stetigs darnon  
gezogen/warumb wolt er sy dan dessen erinneren/vnd in  
gedächtniß derẽ ding bringen/die sy doch zu vor von jm nie  
gehört haben/anders dan das er sy darvor gewarnet hat.

**I**tem wie mag dan die christenheit bestanden sein in dem  
ersten jarẽ nach dem abscheid Christi/ee der geist dise ding  
geleert hat/die erst vber vil hundert jar gelernet sind wor  
den/durch die doctores der geystlichen rechten/vnd die  
vber den meister von den hohen sinnen geschriben handt.

Warumb hatt er sy nit ee lassen vffertrich kominē/ damit die welt nit beraubt were der notdürfftigē lere/ sind sy echt als notdürfftig/ als sy sagen. Vñ sind es auch ye frum leüt gewesen (dz ich auch ein mal jr argumēt brauche/ das sy stetigs führen von jren electen) vñ habē nur das lauter pur Euangelii gehabt/ wo hat er so lang geschlaffen der tröster der heylig geist/ das er yn̄erhalb drey oder vierhundert jaren erst recht erwacht ist: Wie wañ einer noch dem Euangelio vñ Apostelischen geschribten also einfaltig anhin gelebt hette/ ob er auch selig worden were: Wo nit/ was hatt er sye gezigen? Wo aber also/ was dürffte man dan weiter lauffen / warumb nememan nit desselbigē dess fleissiger war.

¶ Darumb sol billich Luthers v̄slegūg rechter sein/ der do spricht/ das dise wort allein v̄ die jūnger gangen sind/ die von wegē des yez gegewertigē abscheids Christi traurig/ nit haben können behaltē die vile der wort/ so der herz mit jnen redte/ darumb er in den geyst zū sagt/ der würd sy alle ding lere/ vñ aller diser rede erinnerē/ als er on zweifelthon hatt/ wañ ye die Euāgelischen vñ Apostolischen geschribten freylich v̄ dem selbigen geist geschriben send/ von denen wir auch eygentlich wissen/ das sy jnen gehebt haben/ nit also von disen. Meynstu das vergebēs der heylig geist in sychtbarlichen zeychen in die jūnger Christi künmen ist/ vñ auch nachmals nit also: freylich das wir auch darū gewisser weren jrer leer vñ schreibens/ das es eben die selbige leer vñ wort Christi weren/ welcher geist auch gewisslich jren müdt vñ handt geführt hatt/ was ja diser sag/ es möcht sanct Johansen vergessen sein/ so er vber etlich vil jar erst hernach geschriben hatt/ welches wort wie wol es gottsalterig genūg ist/ findt man dannocht leüt/ die sich Christen nennen/ vñ darzū von Christo vñ dem seinē Euāgelio jr narung haben/ denen es gefallt.



**S**ol nun zweifel anderē leer sein / von deren geyst wir gewisß seind / was wer dan yetzt gewisses in der welt: Wer wolt nun nit vil mer zweifelen an deren leer / von welcher geyst wir doch gar nichts wissen / ja vil mer in sorgen ston / das sye gar kein geist gottes haben / welche krefftigen arg won ire werck machē. Vñ ob einer so gottlos were / d auch nit glauben wolt von den jüngerē Christi / das sy vs dem geyst gottes geschubē hettē / vñ desshalb die Euāgelia in ein zweifel setzē. Wolan / so laß mā den selbigē also vnglaubig sein / wañ da würt nit weiters probiert. wer hye nit wil glauben / laß faren / vnd berüm sich nit weiters das er ein chriß sey / als ich sorg nit wenig seient / vnd doch vnder sein en nāmen sanfft erzogē werden.

**D**as sey nun von d vñ fleißig dises spruchs / wiewol noch vil darzū were zū reden / wie gar er inen nit dient zū gründē alles jr fürnemē in verbietē vnd in lernē / der geist ist schon kōmen den jüngerē / hat sy geleert vnd erinnert / alles was Christus gelert / geredt vñ gethon hat / so vil vns not ist zū wissen / vnd in zū erkennen / das er eben der sey / der vom vatter gesandt ist / zū vor durch die propheten geweissagt. welicher geschriffte wir auch genūg haben / wolt gott das wir vns darin allein fleißig übrē / ja auch wo es nit alles so fein püntlich in den Euāgelien geschriben were / vnd aber danz nocht ein erkätniß hettē / das Christus / wie er im gesatz / vnd durch die propheten verheissen ist / kōmen were / hettē wir genūg Euāgeliums an den propheten / vnd fünffbücheren Mosi. wañ alle Euāgelische vñ Apostolische gschriffte allein daruff gon / das wir erkennen den / den der vatter gesant hat. Welches so wir es on die gschriffte hettē erkant / were es nit not gewesen zū schreibē / wie dan sanct Johans sagt. xx. ca. Dise zeychē sind beschriben / vff das jr glaubē / das Jhesus sey der sūn gottes. vñ so jr also glaubē / möcht das leben haben in seiuem nāmen.

Vñ welcher

33.

**V**s welcher vnd gleich für gonder geschriffte/Luthers  
wider fechter auch gar ein gezwungene verstandt bringē.  
wān so er spricht/Vil andrer zeyche hatt Ihesus gethon/  
die do nit geschriben sind in disem büch.zc. Sagen sye/Hye  
sychstu das es nit alles beschriben ist vnd geleert durch die  
Euāgelisten vnd Apostelen/als ob Johānes sag von mer  
leeren/die noch weiter nordürfftig weren/vnnd erst vber  
tausent jar geschriben werdē müsten/vnd er es nit hett ge  
wölt/oder gewist zūschreibē. Hat er es nun nit gewölt/ist  
er frylich der welt vntrew gewesen. Hat er es nit gewisst/  
so er doch den geist der warheit gewisslich entpfangē hat/  
gesehen vnd gehört hat/wie er selbs spricht. Wie haben es  
dan eben die gewisst/von deren geyst grösser zweifel ist/vs  
jrem leben/darzu auch nit gesehen.zc.

**D**arumb vil weger/es wurd also daruon geredt/das  
er vülleicht seiner wort vn̄ geschicht wol mer gewisst hett/  
auch gern geschribē/wo es not gewesen were. welche not  
so nit gewesen ist/wann auch durch die andren Euāge  
listen vnd Apostelen/der selbigen geschrifften vnd leren vil  
herfür kōmen seind/hat er abbrochen vnd sein büch geens  
det/als vs welichē vnd andren Euāgelischen vnd Aposto  
lischen gschrifften (die on zwelfel jm für kōmen weren) ge  
nüg samlich mocht erkent werdē/das Christus were der le  
bendig sūn gottes/in des nāmen wir alle vnser ewig leben  
müsten habē/wie er auch daselbst sagt/vn̄ auch warlich  
vs alle Euāgelischē vnd Apostolischē geschriffte dasselbig  
allein geleert würt/wie auch nit mer not/daruff sich alle  
geschriffte auch lender. Darumb was darff es vil wesens  
Johannes sagt in disem spruch nit von leeren/sonder von  
zeichen vnd gschichtē/vs denē man möcht erkennē die got  
heit Christi/als mā auch gethon hat/wiewol nit allein vs  
den zeichen/sonder auch vs dem wort nāmlich seiner vnd  
der propheten/die von jm geredt habē. Die zeichē aber zū

i



einer Bestätigung vñ erkantniß/ das er eben der selbig sey/  
von dem sy geredt haben.

Syhe nun/ wer legt disen spruch rechter vß/ Luther/ oder  
seine widersecher: mā weyßt wol was signa vñ facta heysß  
en/ zeychen vñ thaten. So weyßt man auch wol/ was do:  
ctrina necessaria ad salutem heysß/ das ist/ lere nodürfftig  
zū der seligkeit. Aber welcher nit gern vberwundē ist/ als  
dañ die seind/ so nit für die eer gottes streitē/ die sūchē was  
sye mügen für sich/ es geratet in aber alles zū letst nit zū  
grossen schäden.

¶ Solten wir m̄nerst erwegen die gschrifftē/ so die werck  
vnd den glaubē berühren/ welche in vßlegūg der selbigen  
klarer sint/ vnd sy m̄nder von irem rechtē natürlichē ver  
stande zwingt/ würd sich zūlang verziehē. Sant Paulus  
ist vñ klar/ das der glaub allein/ oder on die werck/ vns  
rechtfertig vor gott mache/ wiewol vnserē doctores (nit  
weyß ich ob vß furcht irs leibs vnd guts/ oder vß hoffnūg  
zeitlicher eer vnd güter/ oder vñ vñ vñ vñ vñ vñ vñ vñ vñ  
warnemūg d̄ gschrifftē) zūvil den wercken zugebē handt/  
vñ darzū nit den rechtē werckē der liebe/ die do seind die re  
chten frucht des glaubē/ vñ denē auch allein die gschrifftē  
vnd nāmlich Jacobus (den sy herfür ziehen) sagt/ sonder  
iren eygnen selbs ertichtē wercken/ an denē darzū groß ge  
fär ist/ das sy mer abziehē vom glaubē/ dan das sy frucht  
des glaubē seynt/ aber nit also die werck der liebe. Ist es  
nit also/ so wir selbs erdachte werck vffrichtē/ das allezeit  
ein won mit laufft/ als ob wir etwas mit verdienē möchtē  
en. wāñ so das nit/ warūb richten wir sye dan vff: Wōcht  
nit einer sprechē. Wūßt ich das ich nit etwas mit dem oder  
mit disem werck verdiente/ oder ablegte vor gott/ warūb  
thet ichs dan: ich gieng wol nit in das closter/ ich blib wol  
daheim/ ich stiftte wol das oder ihens nit.

¶ Syhe zū/ wie allzeit ein won mit laufft des verdiensts/

37

so doch wir allein vß gnadē on vnser zūthūn alles von got  
erlāgē/ wie Pau. sagt/ Arbitramur em̄ iustificac. re. (Halt  
das nūn Paulus/ so sollen wir es Billich auch also halten  
mit jm/ gottgeb was die andern doctores halten/ wānich  
glaub dz wir es sicherer mit Paulo haltē/ dan mit den an-  
deren allen.) Wir haltē (spricht Paulus) das der mēsch ge-  
recht fertiget werd/ durch den glaubē/ on die werck des ge-  
satzes. So nūn on die werck des gsatzes/ wiewil minder on  
die werck so wir vō vns selbs vffrichtē: Vñ sint die werck  
8 liebe/ werck des gesatzes/ vnd von irer eygnē natur ziehē  
sy kum solichē won mit jnen/ als die selbs erdachtē werck/  
noch dānocht vernūgē sy solichs nit/ wie vil minder diser  
wann bey den gesatzwercken ist die schuld/ wann wir sy ye  
schuldig seind. wo nūn einer ein ding schuldig ist zū thūn/  
mag kein solicher won sein/ das er verdiene mit dem selbig  
en/ sonder vil mer das er bezale. welches alles nit ist in den  
selbs erdachten wercken/ welche so sye etwas vber das ge-  
bott sind/ ziehen sy ein won mit jnen/ vñnd ein hoffart/ als  
et was für auß gethon/ darumb sy etwas verhoffen. Aber  
nit also in disem/ wiewoles nit on ist/ es laufft auch ein hof-  
fart vñ ein won mit/ in den selbigē/ so einer für sich nimpt  
das eufferlich werck/ vnd vermeynt das er also dem gesatz  
genūg gethon hab/ vnd sich des selbigen vberhebt/ wie die  
phariseier gethon haben vñnd noch thūnd. Aber der won  
in solchen ist dānocht nit als groß/ als in den selbs erdas-  
chten wercken/ die dān von natur einen won mit bring-  
en/ wie gesagt ist.

**A**ch gott was haben die selbs erdachten werck in 8 chri-  
stenheit schadens bracht/ ja vber das/ das sye den glauben  
durch den won/ vff sich gezogen/ vertuncklet haben. so  
seind sy darzū den rechten wercken der liebe/ das ist/ der ge-  
bott Gottes/ die sich dān alle vff die liebe strecken/ vast  
nachtreylig gewesen/ also das sye schir nicht meer geachtet



worden sind. Wir haben wenig geacht / wie es dem armen Lazaro vor d̄ thür gang / ob er zū essen od̄ zū trincken hab / oder andere notdurfft / vnd darneben grossen kosten vff ge rih / in stifften: Bawē / vffrichtē ic. dauon Christus nie kein wort geheissen hat / vnd aber dargegen die ganz geschufft sagt von den armen.

**E**s ist ein kleine sünd geacht wordē ebruch / zorn / neid / gotts lesterung / gottlos wesen / tyrānisch abnemē dem ar men / sy Bolderē / bochen / sy versüren / vmb leib vñ güt bring en / sy mit schutzen vnd schirmē ic. Aber solt einer in einem selbs oder von d̄ kirchē vffgesetzte gebott vbertretē habē / do werē groß cōsciēzē wordē. man hett auch einē harter darüb gehalten. Des were vbel gethon / am freytag fleysch essen / oder ein bestimpte fastag gebrochē habē / vñ der glei chen / von dem gott nichts gebottē hat / aber seiner gebott hat niemāts also geachtet. Die recht vast / von derē *Esas* am. lviij. schreib / wenig gefastet. Darüb mag ich wol sagē / das solche selbs erdachte werck / zū dem won vñ glau ben den sy von natur an sich ziehē / nit wenig schadēs dem rechtē waren glaubē vff Christū gethon habē / auch darzū die göttlichē gebott verhindert / desshalb grosse gefärlich keit darbey gewesen ist.

**W**olan / das sag ich zūfellig / so ich ingedēck bī d̄ werck vnd des glaubēs / vnd wie freylich Lūther vil geschickter vnd rechter da von geredt hat / die selbigē gschufftē vfflegt wider dise. vñ nit damit (wie sy im zūlegen) güte werck ver bottē / sonder vil mer die rechtē güten werck gelernet / was die seynt / vñ vß was grundt sy sollē flessen / nāmlich vß dē glaubē / der allein den mēschen vor gott gerecht / güt vñ an genem macht. welcher so also ist / fallē die güte werck selbs hār zū / on alles gebietē / vß lust / vnd mit freyde. welche dan̄ allein gott an genem sind. Wir wissen ye dz kein werck gott an genem ist / es geschee dan̄ vß vnd mit frölichē hertzlich

en willen/das ist vß liebe gottes. Wer mag nün solichē wil  
 len vnd liebe anders machen dan der glaub: wie kündt od  
 möcht ich yemer ein willē vñ liebe habē zū ein/ich versehe  
 mich dan zū nor alles güts zū jm/das durch den glaubē al  
 lein müßz geschehē. Darumb thüts d glaub allein (on die  
 werck) das wir gerecht seien vor gott/aber er bleibt darüb  
 nit on die werck/es sey dan nit möglich dz er sy thün mög/  
 als dē schächer am kreütz/was nit möglich vil mer werck  
 zū thün/dānocht war er gerecht vor gott/freylich durch  
 den glaubē.vß welichē hett er lenger gelebt/freylich auch  
 güte werck/weliche jm möglich gewesen/gewürckt/dar  
 zū mit lust vnd freüden/dieweil er echt den glaubē also ge  
 haltē hett. Welcher glaub eben ist/wie in den böumē die re  
 chte natürlich hitz vñ feüchtigkeit/vß derē d Baum frucht  
 bingt/on alle notzwang vnd gesatz. Wan darff den bau  
 men nit gebietē oder ein gesatz gebē/das sy frucht/od was  
 für frucht/vnd wie sye fructt bingen sollē/die hitz vñ feü  
 chtigkeit die in jnē steckt/treibts selbs her auß/on alles vn  
 ser zū thün. Dawestn jn aber ab/oder last jm ein vnrat zū  
 hāden gon ee die frucht fürköpft/ist es yetzt nit sein schuld/  
 sonder des durch den jm solichs widfert. Also hat es auch  
 hye vom glaubē vñ wercken ein gestalt/da von nün vil zū  
 reden were/auch gnüg geschriben ist/welicher gnad hette  
 zū lesen oder hören.

W yemit wil ich beschlossen habē/vnd ein yeden vnpar  
 theyschen zū ermessen gebē alle geschribten vñ sprüch/die  
 vom glaubē vnd wercken lauten/welcher am genawestē/  
 Luther oder dise/in vßlegüg der selbigē/hynzū troffen ha  
 ben/vñ was Luther in den wercken verdamē/nämlich dz  
 der glaub dardurch vndergeet/vñ vilerley abgötterey vñ  
 vbels dardurch vffgeet. Von dem auch vil zū reden were/  
 was vß den selbs erdachtē wercken vbels in der kirchen er  
 wachsen ist/nämlich in dem geystlichē standt/gar nahe al



72  
ler pracht/laster/neid/geitz/hoffart/Begird zu regierē/vñ  
der gleichē. Wan so dise selbs erdachte werck ein schein der  
gerechtigkeith vnd frumkeit gehebt/habē sy nachfolgends  
vil zu tragen den geystlichen/vß welche jr gut gewachsen  
mit dem geitz/vß dem gut hoffart/pracht/vmnd alle laster  
mitenāder/wie wir vß disen heütigē tag leyder sehē. Aber  
sy habē billich ein soliche frucht bracht/wan sy nit vō gott  
gebotten/sonder von vns selbs erdacht sind. Darumb nit  
wunder ist/ob vnser eygen ding/vorab dardurch/was do  
göttlich ist nachgelassen würt/also vbel gerate/wie dann  
niemer müglich gewesen wer/wo wir allein gottes geheiß  
vnd wort weren angehängen.

**I**ch acht auch dz gott billich die frummē vätter durch  
solich selbs erdachte werck hab lassen verfarē/darumb/  
das sy nit allein steiff an seinem wort gehangen sind/doch  
hab er sy widerumb erholet/das jnen soliche yrrumb mitt  
schädlich hynuß gangen seient/wie er jnen auch sunst jre  
sünd/die sy auch (wie heylig sy ja gewesen sint) gethon ha  
ben/verzyhen hat/des sich dan niemāt verwündert/der die  
geschrifft ansyht. Wan treffrige yrrumb durch wunder  
zeyche befestiget/vns sanct Paulus gewessagt hat/auch  
Christus/von wegen/das sy dem wort gottes nit steiff an  
gehāgen sindt durch den glaubē ic. Wie oft findē wir/das  
er falsche vnd triegende propheten erweckt hat/vnd lugē  
hafftige geist/das sye liegen soltē vnd triegē/die jhenigē so  
die warheit hettē verlassen ic. dar von zu anderer zeit.

**V**on den geschrifftē vñnd sprüchen  
so die freiheit der speiß antreffen/were auch vil zu redē/ob  
sy Luther treülicher vßgelegt hab/od die/die solche gebot  
od verbottē speiß halb gemacht habē: also dz grosse sünd  
wider gotts gebott nit so hart gestrafft werde. In welche  
gebottē vñverbotē mag ermessen werde/dz sye entweder s

stracks wiß die gschufft gethon haben/od ir nit wargno-  
 men. weliche beyde vbel anston den prelatē der kirchē. Chri-  
 stus spricht Mat. xv. was i müd yngeet/befleckt nit ic. So  
 sagē die speiß verbietē dz wißspiel/es befleckt/sye verbötēs  
 sunst nit. dan sy sollē ye nit verbietē/das nit schadē bringt/  
 seittemal sy nit zū schwernuß vnserer diener vñ prelatē sein  
 sollē. Christus spricht neyn/sy sprechen jo/vnd wollen dan  
**E**s were nit als vil zū achtē (nocht sein diener sein.  
 wan sye etwas hynzū thettē zūm gesatz gottes/wiewol es  
 auch verbottē ist/od ein and Euāgelin predigten/dz auch  
 Paulus verbeit. aber stracks darwider predigē/weyß ich  
 nit wie sy es verätwurtē. Chriß vityl ist steiff/es befleckt  
 nit. Aber jr vityl herwid/es befleckt. So nün durchs be-  
 fleckē nit anders wed sündigē verstandē würt/ist auch nit  
 anders gerdt/wed was Chriß nit sünd heyst/sagē sye es  
 sey sünd. Vnordelich speiß nemē ist allzeit vō gott verbot-  
 tē/wie auch Paulus leere. dz ich red vff etliche/die sich ent-  
 haltē wöllē/vñ sprechē/Ist doch füllerey verbottē/ als ob  
 drüb füllerey nach gelassen were/so mā fryheit & speisen er-  
 laubt/als obs nit zweyerley red werē/du magst dich aller-  
 hād speyß brauchē/vñ magst füllerey treibē. vō derē & her-  
 hye nit redt/so er dise wort gesprochen hat. Wan die vnglau-  
 bigē Chrißo seine red also zū ruck würffen/seinē gebenedey-  
 ten müd also zur teschē möchtē/wer es müd zū achtē. So  
 es aber seine diener thün/was sollē die vnglaubigē gedēck-  
 en:möcht nit ein gleich zūfallē/habē & chrißte prelatē recht  
 in solchē verbietē/so hat frylich jr chrißtus gelogē/oder ge-  
 schimpfft/od es nit recht verstäde. Syhe w3 jamers vß so  
**I**m büch & gschicht & Apostelē (lichē verbietē folgt.  
 ward vō himel zū Petro im gesyht gesprochen. was gott ge-  
 reynigt hat/soltu nit vnreyn heysen/redte vō der speisen/  
 wie solt dan vns zymē/dz wir für vnreyn hieltē darüb Pe-  
 trus gestrafft ward/dz er es für vnreyn hett gehalten. Wie



vil aber gemeyner vnd vnreiner speiß seind vff disen tag  
in der chüstenheit/wie vil zeit/wle vil ort o der stett/darin  
nen nit zümpf allerley speiß zü essen: Fragt dich einer War  
umb yffestu nit fleisch in der faste: ist es nit/du sprichst/ es  
ist ein speiß gemeyn anderen zeit des jars/aber nit in 8 fas  
sten. Syhezü yetzt heyssestu gemeyn/das gott gereyniget  
vnd gebenedeyt hatt/wan gott ye alle creatur gereyniget  
hat/für güte erkant vñ gebedeyet. Sprach weiter einer zü  
den obseruantz prediger münchē. Warumb essent jr nit  
fleisch in ewerē kloster: Ist es nit/er sprach/ es ist ein speiß  
die do gemein ist anderē orten vñ stetten/aber nit vnserem  
heyligē closter: Heyst das nün nit die speissen für gemeyn  
vnd vnrein achte/so man so vil zeit/stett/vnd personē ab  
sonderet:vñ also vrteylen vñ haltē ein tag vor dem andern  
Welches sanct Paul der blödigkeit zümisset/wan er auch  
spricht. Ich weyß vnd bin es gewiß/in dem herze Jhesu/  
das nichts gemeyn ist an jm selbs/onder es rechnet für ge  
meyn/dem ist es gemeyn/aber das thünd die kräcken. Wie  
kumpt es dan das yetzt die aller höchsten geysler die spei  
sen für gemeyn rechnē:möcht nit einer sagen/sy vberstige  
sich im geyst/vñ möchten sye wol die selbigen kräcken sein/  
vondenen der Apostel sagt/ wie vast sy sich für die volkö  
mesten vßgeben/wie wir sehen.

**U**nd so sy nün sage/ Jo wir thünd es darumb/das wir  
gott also mitt wol gefallen wöllen/so wir vns abbrechen.  
Sprich ich/wie kanstu gott ein gefalle thün in einē werck  
da vō geschribē stadt/das es vns nit fürdere vor gott: wie  
sanct Paulus sagt. j. Corinth. viij. Essen wir/so werde wir  
darumb nit besser sein/essen wir nit/so werden wir darüb  
nichts weniger sein. Welicher spruch teütsch genug lautet  
wider die warnemüg der speissen/vñ auch nit anders ver  
standen mag werden/dan wie in eben der Luther vßlegt.  
Die speiß spricht sanct Paul/fürdert vns nit zü gott. Ist  
es war

es war lieber Paulus: Warumb hat man dan so vil gebott  
vñ verbott daruff gelegt/so doch sy billich durch keiner an  
deren vrsach willen geschehe sollen/dan das sy vns zu gott  
fürdern: Sol man dan von d gents wegen oder vergebens  
gebott in der kirche vff legen/vnd binde die Christus so mit  
grosser arbeit vnd not gelediget hat: ja auch nit mit kleinē  
Banden/vmb ein zeitlichen fräuel/vmb.v.ß. oder mer/son-  
der mit Banden d cōscentz dar durch wir zu ewiger schuld  
vnd verdammüß Bawen.

¶ Darüb möcht ich sagē/es were ein kleins/das vns die  
speiß nit vil fürdert vor gott/wo sy vns auch nit hinderte/  
wie dan geschicht durch gebott vñ verbott/so daruff ge-  
legt würt/vñ durch den won des verdienēs/in den die leüt  
kōmen/so sy inen abbrechē in speisen/nit zu kleinem abgäg  
des glaubens. Sag an/warumb anders nemen wir war  
der speisen/wann eben darumb/das wir wenen es sey ver-  
dienst/oder verschuldigung des himelreichs darin/vn an-  
gesehē das der herr spricht/das himelreich kumpt mit kein-  
er warnemüg/oder nit mit eüsserlichen wercken. Spricht  
auch sanct Paul Rom. xiiij. Das himelreich ist nit speiß  
oder tranck. Welicher spruch auch gleich disen/nit anders  
mag verstāden werden/dan wie in auch Luther verstot/  
das speiß vnd tranck weder fürdere noch hindere zūm hi-

¶ Es sint noch vil geschriffte der gleichē/die (melreich.  
gāz ein vngewingene verstandt haben/vff die freiheit d  
speiß/vñ mir gar nichts denē mügen dienē/die da alle ding  
wōllen gefangen haltē. j. Corint. x. Alles was seyl ist vff dē  
fleyschmarckt/das essend/vñ forschent nichts/vff das ir d  
gewissen verschonend/dan die erd ist des herren/vnd was  
darinnē ist. Jte Coloss. ij. Lassend euch niemants gewissen  
machen vber speiß oder vber trāck/oder vber eins teyls ta-  
gen/welches ist d schattē von dē das zukünfftig war/aber  
d cōrper selbs ist in Christo. x. Syhe nūn ob einer dise zwen  
f



**A**spüch anders vßlegē möcht/dañ eben wider die gefangē-  
heit der speisen/vñ nāmlich so er sprücht/es sey 8 schatt des  
künfftige. Dar bey zūuerston ist/das die verbott etlicher  
ding im altē testamēt allein darūb gewesen sindt/dz sy ein  
Bedeutniß gehebt habē vff den künfftigen Chrustū/welich  
er Chrustus dz recht war corpus ist/dessen ein schatt gewe-  
sen seind alle Cerimonien (das ist geistgeberde) im altē te-  
stamēt.vnder denē sindt gewesen etlich weisen in abbriuch  
der speys. So nū wir das corpus/das ist den rechtē warē  
leib Chrusti ergriffen haben/warumb gond wir dan noch  
im schattē vñ her tappen? wie ein blinder in mittetage/wie  
der prophet sagt. Darumb auch der Apostel vñ uergebē  
hernach sagt. So jr dan nū sindt gestorben mit Chrusto/  
vñ den weltliche sarrungē/was laßt jr euch dan sahē mit  
sarrungen/als werend jr lebendig: die do sagen/du solt das  
nit anrūre/du solt das nit essen noch trincken/du solt das  
nit anlegen. &c.

**A**ber in disem allen sol nit verståden werden/das jm ein  
er nit selbs abbreche/an speis/träck/oder andern dingen/  
dar durch die yrdische glyd zū feyg od geyl werdē/wie dan  
auch sanct Paulus daselbs vermant/Dötēt nū ein were  
glieder so vfferden sint/hurerey/vñ unreinigkeit/lust/böse be-  
gird/vñ keuscheit. &c. als wolt er sprechē/Vñb solicher vñ-  
sach willen/sol vñd mag wol abbriuch geschehen/aber dar  
zū sol kein gebott sein/das bey todt sündē zwinge. Als wan  
ich wolt einē vor sünden verhüten/vñd lege jm ein verbott  
vff/darumb er wol in grössere siel/vñd von einer vbertret-  
ung in die ander/wolt jm helfen/vñd tödtet jr erst gar.  
Wil auch dabey güte ordnung nit ab gethon haben/zū fa-  
sten vñd zū deren gleichē abbriuch/aber alles soll frey sein/  
vñd nit dem gotts wort zū solchen dingen (wo es not ist)  
vermant werden/nit mit dem schwere/ auch gar mit kein  
er zeitlichen straff.wañ was güts diser zwang bracht hat/

Bißhär / vnd noch bringt / ist offenbar.

¶ Spüchstu / wo man dz volck nit darzü zwing / so würd doch gar niemants jm in solchen dingen abbrechen. Was schadt es aber / möcht man nit selig werde / ob man schon niemer sondere warnemüg d speiß hette: es were ein seltsä ding spuchstu. Jo es dückt dich / so du es also biß här gehē hast / vn̄ gewon bist. Sag mir / warzü fürdert es doch: ist es nit nur ein beschwerung der armen: Seind nit die reichen freßiger vnd fōller on fleysch zūm dickeren mal: kan man nit vnseren bösen begürden rath thūn mit andern schlecken: Darumb darffest du nit sagen / wir zemen vnser begürde also. Warlich wer sy zemen will / mag es so er schon fleysch yffet wol thūn / wer aber nit wil / kan er sich nit auch sunst füllen / mit allerley speisen / von fischen vnd andern: wie wir dan an jren vil sehen / das sy eben als voll sind in der vasten / als sunst / ja vōller / es ist nur dem armē ein nachteyl / welcher so vil deßer mer mägels haben muß an speiß / so er hartigklich arbeit / vorab in der fastē / so die arbeit dem armen barwers volck am grōßten ist / welchem auch die böse begürd wol vergieng an solicher arbeit / der karst vnd pflug legt jm wol dem gammel. Die müßig gerer aber / wo nit der will vnd geist ist (als dan freylich in müßiggonden volck selten ist) können jr selbs wol wartē / das jnen nit wece geschicht / vnd jre begürden nur vil meer zū nemen.

¶ Also möcht einer wol gedencen / das solicher abbruch gar keinē nutz bröcht / vnd vergebens were / vnd nur zū merer beschwerung der armē. Wolan es geschicht vnd gadt wie es dann eben gon soll / was der mensch eygensynigklich / vnd vß eygener vernufft fürfasset wider das gottes wort / oder neben dem gottes wort vff gericht / das es den mereren teyl nit allein nit nutz ist / sonder zū grōßeren schaden vnd sünden dienet / deßhalb soliche gebott einē



grossen argwon mit in tragē / dz sy den merereteyl vō den  
yrugē geistern geschē / wie dan Paulus .j. Tim. iij. sagt.  
das die verbieter der speisen vnd der Le / werden reden vß  
den yrugen geisten / das ist vß den teufelen.

**B**esyhe mir den selbigē spruch auch / vñ vrtēyl welcher  
in rechter vßleg / 8 Luther / od seine widersechter: welche  
die speisen vñ Ehen gar nahe im dritteyl 8 zeit vñ personen  
der chriſtenheit verbietē. Luther aber laßt es frey bleiben /  
wie die geschriſt leret. Darüb sanct Paulus spricht / wañ  
du den brüdern solichs fürhaltest / so würstu ein güter die-  
ner Christi sein. So sprechen dise / wer solichs lere / als Lu-  
ther / ich vnd andre / seien ketzer. Wem sollen wir glauben?  
Wir wöllen recht Paulo glaubē / vnangesehen was sy ver-  
bietē / vnd mit im sagē / das soliche verbott der speisen vnd  
der Le vß dem teufel seient / vñnd das (wie Paulus eben  
auch sagt) alle creaturē gottes güt seient / vnd nichts ver-  
würfflich / das mit dācksagūg entpfangē würt. .ic.

**B**ey welcher dācksagūg / die sant Paulus hie in disen  
speisen erfordert / auch das soll vermerckt werdē / das wir  
wie frey ja die speiß seient / doch niemāts darmit sollē erge-  
ren / wie dan auch sant Paulus klärlich leret an vil orten.  
Auch soll es nit vß verachtūg der oberen oder verbietern  
geschē. wañ wo ergerniſß vnd verachtūg mittlaufft / ist  
freylich kein dācksagūg. Wie ferz aber sich dise ergerniſß vñ  
verachtūg streckt / vnd wie lang man sol durch solicher vr-  
sachen willen verschonē / were vil zū sage / wañ sy beyde nit  
allzeit stat habē. doch daruon zū andrer zeit.

**E**s ist noch ein grössere klag vorhan-  
den / Betreffend der geystlichē keiſcheit / oder Elichē stādte /  
vff welchen etliche spruch vß 8 geschriſt gezogen / so klar-  
lich deuten / das es kum klärlicher sein möcht. dānocht die  
selbigē vnangesehē / verbieten sy die Le der gemeynē prier-

kerschafft/welches nit onzwäg vñ nötigig oder vnwar  
nemig der selbigen geschriefften mag geschehen sein. Was  
aber für vnrat̄ daruſſ entstandē ist/darff nit vil sagens/  
so es doch am tag ligt/also das gar nahe der dritt teyl der  
Römischē kirchen vnderworffen/in schädlicher hürerey  
müſſ leben.vnd welche schon nit müſſen/ als die weltlichē  
inen doch selbs desleichtere cōsciētz machen/in solichen  
lasteren zū lebē/also das die welt des lasters der vnkeiſch-  
eit zū diser zeit also vol ist/das in Sodomā vnd Gomorra  
desz gleichen kum funden ist.

Was vsach aber solchs verbott sey/darzu auch wider  
so vil heller heyterer spruch d̄ geschriefft/kanich nit erkēnē/  
ich glaub auch nit das vsachē vffbracht mügen werden/  
die wider die klare offenbare geschriefft etwas dürfften vn-  
der ston zū verbieten/ja auch ob sy schon ein ansehens het-  
ten/das sy zū der eer gottes/vnd der seelen heyl dientē (wie  
dieses verbott lange zeit ein schein tragē hat) wan es würt  
nit destminder gottes wort also verleügnēt vnd wider spro-  
chē. Was nün für eer gott geschehē möcht/so jm sein wort  
verleügnēt würt/kanich nit ermessen. Ich achte aber vil  
meer das für die höchste eer gottes/das man gleich vff dz  
aller einfaltigest seinem wort glaub oder anhang/vnd jm  
zügebe die eer/das es warhafftig sey/vnd vil meer alle mē-  
schen seient lugner. Nün sehē wir aber kein eer gottes/kein  
heyl vnserer seelen/vſ solchem verbott erwachsen/es sey  
dan̄ gott ein eer/vnd vnser seelen heyl/in aller fleyschlich-  
er schand leben.zc.

Darumb wollt ich dem ee glauben/der mir saget/das  
groß achtig vorden leütē/eer/ergeitz/geltgeitz/fault̄it/  
entpflühig gemeyner arbeit vñnd armüt/leibs lust/reich-  
tumb/vnd der gleichen/hettē vsach geben zū solichē ver-  
bott. Dan̄ wir sehen das eben disz verbott der Le/zū sol-  
lichem übel geraten ist.



**E**s ist nit genug das du sagest/heyligkeit des lebēs hab die vätter bezwungen/wider die erlaubig der gschufft/den Eelichen stadt zu verbietē/als ob nit gar nahe die heyligst en vätter im altē gesatz/in der Ee gelebet hettē. dessz gleich en auch in nūwen/also das nit eben not ist zu heyligem leben/vsserhalb der Ee leben. Aber vil mer d̄ glaub/durch den wir gott allein anhängen/der kan wol machē/das wir im eelichen standt leben/als ob wir nit weiber oder m̄nner hetten. Wie er auch kan machen/das wir vil zeitlich er güter haben/als ob wirs nit besässen. vns diser welt gebrauchen/als ob wir nit darinn weren/wie sant Paulus leret. Darumb hetten wir vns geflissen die heyligkeit an glauben anzufahen/vnnd gewartet bitz die heyligkeit des glaubēs ein rechte ware keuscheit geboren hett/es were ja im oder vsserhalb der Ee/acht ich es würd die keuscheit das geraten sein in der Chriſtenheit. Wir haben aber von vnseren eygnen wercken wöllen heylig werdē/vnnd nit gewartet d̄ beruffung gottes darüb ist es auch also geratē.

**S**ūma summarū/allein vom glauben kumpt die heyligkeit vn̄dz recht wolgefalle gottes. es ist auch ein purer luterer glaub zu gott/die recht war jūgtfrawschafft/durch die funff weisen jūgtfrawen Matth. xxv. verstandē/wie Augustinus v̄slegt in einer Smely. m̄n mag diser glaub ymerhalb vnd iſſerhalb der Ee gleich sein. welches wo nit/sonder das die heyligkeit an der keuscheit hett müssen anfahen/meynstu nit/das gott etwo in der geschufft/die selbige hett gebotten/so er vil meer herwiderumb den eelichen standt als vil als gebottē hatt/ja eben das erst gesatz/das gott dem menschen hatt geben/ist der eelich standt gewesen/welichen er auch gewürdiget hat/mit den höchst en vnd heyligsten creaturen/als mit den vätteren des alten vnd neūwen testaments/ja auch mit seiner aller heyl-

ligsten mütter. Wiewol wir vestigklich bekennen die selbigen vß Besonderen freyheiten in Elichem Stadt in ewiger jügte wolicheit verhütet. Welichs einig exempel darumb vns vnd niemants ein gefar machen sol/vßerhalb eelich em Stadt zu sein/sonder vns vil meer ein vnderachtung geben sol/in Eliche Stadt/züchtig vnd mit eelicher Keuschheit zu leben/ wie dam vnser vätter gethan haben/vnd noch vil frummer thetten/wo der eelich Stadt widerumb in seine würdigkeit käme/dessen würdigkeit gar vnachtbar wordē ist /dieweil hürerey in solcher nachlassung/ja auch in solchen eeren ist.

Wie meynstu/ob nit vß diese stund die höchste eer angechon vnd erbotten würt/deren leben am aller vnzüchtigsten ist/mitt solichē vbel:welichs so von anderen wargenomen würt/jnē auch destminder not ist sich in eelichē Stadt verbinden/villeicht der hoffnung/das sy auch zu solichen eeren noch möchten kummen.

Wie vil meynstu auch die durch solichs nachlassen der hürerey in geystlichkeit vermeynen es sey ynen auch nit also sünd. deren meynung wiewol nit recht/dannocht ein ansichēs oder ein schein hatt/nämlich so ihene geystlichs sündes seind/dise aber nit also.

Wohar kumpt/das in stetten vnd vß dē land/so vilen zu der vnce bey einader zusein/oder durch einander vppigkeit zutreiben/nachgelassen würt/anders dan das solichs von geystlichen also exempls weiß gelernet würt:Wo her kumpt es/das der adel so wenig sich verheyrat/also das vnder einem ganzen geschlecht kum zwen oder drey/weiber haben/die vberingen behelffen sich der gemeynen.zc. warlich darumb/das sy es nit also für grossz übel halten/schafft das sye gedencen/so hürerey nachgelassen ist den



geystlichē/wievil meer dan̄ jnen/die da weltlich sind.vnnd  
kumpt also der Welich stadt in ein verleinūg/vnd das göt-  
lich gebott in verachtung.

¶ Do sprichstu/Es ist der frummē vätter meynūg nit al-  
so gewesen/vñ wiewol es so vbel in vilē geratē/ist es doch  
nit also in allē. Es sind noch vil frummer beyder geschlecht  
die vñ solicher vffsetzūg des stades der reynigkeith/also ver-  
hütt werde/das sy alle jre tag in keüischer jungtfrawlich-  
keit leben/dem lemlin vnbesleckt nachfolgen.ꝛc.

¶ Wolan̄ ich sag/das zu solichen reynē hertzen zu pflantz-  
en/nit not were darumb ein gemeynen standt In zu setzen/  
durch ein ewigs vnwiderwifflichs gebott. es seind andere  
mittel/dardurch soliches geschehen möchte. Man künde  
wol vfferhalb ewiger gelübde vnd verbindūg/keüsheit  
halten/als in züchtigen/erlichen versamlungē/do die ju-  
gent bey 8 geschlecht in güter hüt verwarret würd. Wöcht  
nit auch eins in dem hauß seins vatters/in züchtē vñ eerē  
leben:vnnd der beruffung gottes/dessgleichen der gaben  
gottes erwartē/vnd sich nit der selbigē eygens fürnemēs  
vnderziehen/wañ ebige keüsheit ist ein gab von gott/nit  
ein yden geben/wie der herz spricht. Wer es fassen mag/8  
fassz es. Dessgleichē sanct Paulus spricht. Von der jung  
frawschafft hab ich kein gebott/sonder wol ein rath.ꝛc. vñ  
auch daselbst. Es hatt ein yeglicher sein eygene gab von  
gott. Vnd der herz spricht auch/Das wort fassz nit yeder  
man/sonder dem es geben ist. Welche geschriffte/so 8 Lu-  
ther wider die ewigen vnd vnwiderwifflichē gelübden der  
keüsheit vñlegt/welicher künde jm nit zu ston/wider alle  
andere/die ein anderen verstandt darauß nemē: Es seind  
ye genūg vñ getruckte teütsche wort/Wer mag fassen der  
fassz/nit/Du müst fassen. Ich hab kein gebott/ist teütsch  
genūg/weliches die verbieter vñlegē/ Ich hab ein gebott.  
Paulus heyst es ein gab/vñ sagt auch/das sye nit yeder-  
man gebē

man gebē sey/ wie auch d heri sagt. So machen die verbie-  
ter ein nāme/ oder ein raub darauß. wān sy e sagen/ es solt  
vnd magt einer selbs nemē. Dān was ist es anders/ so ich  
mich verpflicht in ewige keüſcheit/ weder dz ich selbs nūn/  
dz ich vō gott solt wartē/ vermiß mich d ding die in meinē  
gvalt nit sind/ auch nit weiß ob es mir ymer mög werde.

¶ Ja sprechen sye/ so sich ems durch ein ewige gelübde ver-  
bindt. so ist es schon berüfft/ vñ mag jm die gab d keüſcheit  
durch sein andechtigs gebett täglich zūgestellt vñ gemert  
werde/ ja wēn wir nit das widerſpiel ſehē/ dz durch vil bet-  
ten vñ faſten/ ja auch mit eiferē getterē vñ hohē mauren/  
zūm dickere mal nit geſchafft würt/ in dem merēre teyl. we-  
lichen wiewol mit gewalt gewert würt das eiſſerlich ver-  
müchē/ so ſind aber der heymlichē ſunden ſouil deſter mer/  
vñ grausamlicher/ deſßhalb ſy mer in vernüchligkeit oder  
verzweiffelung fallen.

¶ Es gilt nit also machē/ jo ich wil mich ems vnmügliche  
ding vnderziehē/ vñ darnach gott bittē/ so ich nieme hin-  
der ſich mag/ das er mir dardurch helffe. Gelobē vnd ver-  
heſſen/ das ich nit hab/ das ich nit weyß zū leyſtē/ vñ dar-  
nach bittē/ O heri hilff mir das ichs mög bezalē. Wöcht er  
nit ſprechē/ Wer hat dichs heſſen gelobē oder zūſagē/ dem  
heiß dirſ auch gebē. Es iſt gleich wie einer d nit ſchwim-  
men kan/ oder nit weyß ob er es künd od nit/ vñ ſpringt nit  
deſt minder verwegēlich in einen tieffen wag/ vñ bitt dar-  
nach gott/ dzer jm heraus helff/ so geſchicht es/ ob er will.  
ertrinct er aber/ geſchicht jm nit recht/ warumb bleibt er  
nit heraus/ vñ lernet vor in einē ſeichtē wasser ſchwimmē.  
Also iſt es auch hye/ der heri hat vns nit gebottē in ewiger  
keüſcheit zū lebē. verlobſtu es nūn/ so lüg wie du es halteſt.  
Ich wil in bittē ic. Wolhyn/ bitt in/ gibt es dirſ/ so ſychſtu  
es wol. Er hatt doch geſprochē/ was wir bittē in ſeinē nā-  
men vnd in einē rechtē glaubē/ wölle er vns gebē. Er hatt



aber anch gesprochē / das wir gott nit sollē versüchē. Wolt  
hyn er hat geredt / was wir in bittē ic. er würt auch haltē  
Lug du aber das du in seinē nāmen vnd rechtē glaubē bit-  
test. Meynstu ob die alle in seinē namē / vnd in rechtē steyff  
en glaubē vmb keüschheit bittē. deren vnder hundertē kum  
einer sich in sollichem gefärllichē stand gibt durch Christus  
willen: ja auch mer vß einē misszgloubē vnd verzweiflung  
an gott: Mag nün so bald in den namē Christi verwädelt  
werdē / das nit in seinē nāmen / durch seiner willē angefan-  
gen ist: vnd so bald vß einer halben verzweiflung an gott /  
ein güter glaub vnd vertrawē zū gott werden: welicher zū  
einē erhölichē gebett not ist / wilichs gern sehen / gott sind  
alle ding müglich / wir sehen aber an vilen den kleglichen  
temerlichen vßgang wol.

¶ Was sol man sagen / es ist zū besorgē / das vnder hundert  
kum einer Mönch / Pfaff / Mön / Begyn / Blozbrud / od  
was deren geystlich genanten stend sind / durch gott wil-  
len werde / entweders das sye versehen seient mit narüg jr  
lebēlang / nit dürffen arbeiten / ob sy in sollichen geystlichen  
stadt zū hohen eeren kōme / dahyn sy in weltlichem niemer  
mer langen möchtē / vnd was der vsachē sindt. Item das  
sy nit dürffen wider wertigkeit in der Leleydē / nit dürffen  
ein vnedle / oder ein vnedle zū der Le nemē / so doch jnē dan  
nacht durch andre weg wol geratē würt. Wie vil meynstn  
die mönch / pfaffen / nunne ic. darüb werdē / das sy wissen /  
das man jnen nachlast ein behilff / durch den sy des eelichē  
stadts dester basz mügē enteberē: deßhalb sye auch die sach  
dester ee annemē / ja zūm dickeren mal eben darumb / dz sye  
dester freyer in sollichen schandē sein mügē. Wie mag nün  
den selbigē jr böser fürsatz so leichtlich verwädelt werden /  
das in des teufels nāmen angefangē ist / so leichtlich in got-  
tes nāmen vßgon: Wolt gott das nur denen doch möcht  
gnad werden / die gezwūgen von jren elteren / oder vnwis-

22.

send/vnnd vn̄erfaren der jugenthalb in clöster vn̄d in an-  
dere geystliche ständ sich zūer geben/vberredt werden/das  
gott den selbigē sein gnedige handt reichete/vn̄d sy v̄s dem  
tieffen wogt (in den sy nit mit willigklich/sond mit gewalt  
zūspringen gezwungē sind) v̄s fürte.

¶ Wolan dem handel sey wie im wöll/der jamer ist groß/  
der do entspringt v̄s solichem verbieten des eelichē standts  
oder v̄sfrichtung der stend/darinnen man der natur erfor-  
derung mit verbott vn̄d mit ewigen gelübden vnderstade  
zū widerstreben. Welichen jamer zū fürkōmen/so vns die  
geschrifft v̄s dem geyst gottes gern hilffe/vn̄d vns trost-  
lich genig were/vberfaren wir sye/als ob sye vns nit an-  
gieng/oder zwingen sye mit gewalt wider jr selbsts eygen  
natur/vn̄d den verstandt/den auch ein kind gebē möchte/  
kūnnen die weisen welt nit finden/oder vil mer wöllen sye  
jnen nit finden oder sehen/also das gewisslich an jnen er-  
füllet würt der spruch des propheten/der do spricht/das jr  
herz erstockt ist/also das sy sehēde nit sehē/vn̄d hören vn̄d  
nit sollē verstōn. Ist es nit also mit disem volck/ist es nit dz  
sy mit geschēden augen blind sein: Was ist klarers weder d̄  
spruch Pauli. j. Corin. vij. Durch der hürerey willen zū ver-  
meiden/hab ein yegklicher sein eygen weib/vn̄d ein yegkli-  
che jren eygenen man. Ist es nit teütsch gnüg/müssz man  
es jnen baß teütschen: Ist nit hürerey genig in der welt/  
vn̄d vorab im geistlichen standt/die billich vermittē were/  
wolten wir echt dem zorn gottes entrinnen.

¶ Mich dunckt wo d̄ schad am grōßten were/da solt man  
die artzney am fleissigsten brauchen. Tün ist vast die aller-  
grōßte hürerey in der Chriſtenheit vnder den geystlichen.  
Es ist aber hye ein anders/wir seind geystlich/vileicht ist  
vn̄ser hürerey nit sünd: oder wir wissen jr ein andre artzney  
an zū thūn/mit vn̄serem andechtigen gebett/mit vn̄serē  
fasten/das vns die backen bloßen. Jo sprichst du/Es ist



vnrrecht/wir bekennē's genlig/man kan es aber nit fürkū-  
men/man müßz ye schand vnnnd laster lassen fürgon/wee  
aber durch den es geschicht. Sag ich/man müß es nit las-  
sen fürgan/wo man es mag fürkōmen/als hye. Es sollen  
auch die prelatē der kirchē sich stetigs fleissen zū fürkūmen  
alle laster /so vil jnen möglich ist/wie sye dann dises laster  
frey in jrem gewalt haben.

¶ Sprichstu weiter/Würd darūb kein hurerey sein/wan  
die geistlichen weiber hettē: Sprich ich /es würd dānocht  
nit der zwēzigest teyl sein/der also ist. Es möcht gar nahe  
vßgerēitet werdē in aller welt/so eben d̄ geystliche kēusch-  
eit/ein vrsach ist/das gar nahe die ganz chūstheit vol hū-  
ren ist/vnnnd das gar gūt zū bereren were/wo es not ther.  
Weynstu nit wo die geystlichen müsten in d̄ Le sein/möch-  
ten sy auch and leüt straffen jrer hūrerey/es möchten sich  
auch so vil dorehter weiber nit ernere/ sy würden auch nit  
also von jrē vātern vnd fr cūndē lauffen/wo sy hyn kōmē  
were die Le allethalb im weg/desshalb sy niergētz jrē vn-  
derschleiff habē möchtē. ee sy dan in ein gemeyn offen huß  
kōmen/blibē sye doheym vnd arbeitētē. Es litte sich auch  
ein weib bey jm mān/lieff nit gleich von jm/wan er sy nit  
ebē enbor trüg/sonst so man weyßt wo hynaus/wagt mā  
es dester freyer. Gedencet manche/du findest allerzeit/ein  
pfaffen/münch/oder ledigen gesellen/d̄ dich wol helt/Bey  
dem du nur gūt faul tag hast. Es möchtē auch die eemān-  
ner nit so vil vrsach habē/auch zūzeitē vber das Böglin zū  
tretē/wo es also geseüberet were/vnd der gegēwurff nit  
so gemeynlich vor den augen vmbliēff. Was soll ich sagē/  
vil vbels entspringt vß der einigen hūrerey der geystliche/  
welches alles wol vermittē sein möcht/wo wir den rath  
des heyligen geysts d̄ vß Paulo geredt hat/folgtē. welichs  
er geyst/so nit vß Paulo geredt hat/was geysts mag dan  
vß disen verbietere (deren verbietē zū allen schanden vnd

lasteren geraten ist) geredt haben.

¶ Wolan möchtstu weiter sagen. sanct Paul hatt mit die geystliche gemeynt/do er dise wort gesprochen hat/Durch der hurer ey willen zu vermeiden/hab ein yeder sein eygen weib. 2c. Er hat ye nit eben zu den geystliche geschabē/sonder zum gantzen hauffen zu Corintho/vnder denen wenig pfaffen gewesen sind. ¶ Tuñ möcht ich wol sagē/das von diser vndercheid der geystliche vn̄ weltliche/wie es yetzt ein gestalt hatt/sanct Paul wenig gewißt hat/wiewol er sich sein besorgt hat/es würde in letzten zeitē also zūgon/wie er dan treulich warnet. Weynstu aber nit hette er ein solichē hauffen vor im gehabt/er hett sy entweder treulich abgewisen/vō irem sūnemē/oder sye ein anathema heysen sein: das ist ein verflüchniß. Sagt er nit. j. Timo. iij. Es werden zu den letzte zeitē kōmen/die vß den betrüglichen geistē (freylich vß dē teüfel) werdē die ¶ verbietē. Weynstu nit ob er es troffen hab: heyst es nit die ¶ verbotē/so vil gfunder starck er leit frawen vnd man̄ vsserhalb dem eelichen standt/in hurer ey/oder in anderē vntregliche anfechtūgen lebē lassen: deren mit der artzney d̄ ¶ von gott yederman erlaubt/möcht geholffen werdē/wan̄ wir sehē das ye kein andere nit wil noch mag helffen/vnd hab darū ber tausent Concilia/vnd mach noch darūber tausent gebott oder verbott darzū/so wirtstu dānocht nichts wider das gotts wort vermügē vnd schaffen/wirst auch der natur iren gang/den jr gott von anfang gebē/nit nemē. ¶ Es muß ein anderer geyst do sein/der soliche anfechtūg vberwinde/mitt gesatzē machstu es nūr böser. Weystu nit das vns dz gesatz vil mer den zorn gottes bringt:wiltu erst mer gesatz vßlegē denen die vohyn durch vbertrētūg des vnmüglische gesatzs im zorn gottes sind:wiltu das sye durch dein gebott hynzū thon den vorigen gebottē/in grösseren zorn gottes fallen.



**D**as aber diser spruch yederman inschleüßt / auch pries-  
ter vnd Bischöff / gebē klarlich die zwen spruch .j. Tim. iij.  
vnd Tiro. j. Der ein / Es soll ein Bischöff eins weibs man  
sein. Der ander / Es soll ein diacon / das ist als vil als ein  
mithelffer des Bischöffs od pfarters / eins weib man sein.  
Weliche spruch so teütsch vn̄ klarlich lautē / das sy nit klär-  
er sein möchten. wañ er auch daselbs yngedēct ist / der kind-  
der / des haushaltē .c. Da bey wol vermercke würt / dz er  
nit hat wöllen durch das wörtlin weib / ein geystlich weib /  
das ist ein bistumb od ein pfar / wie es die wider secher eins  
teyls v̄slegen / verstandē werden. Aber ich acht wol / solte  
den Bischöffen vnd prierster als vil v̄ff der selbigē geystlich  
en weiber eins gon / zū erhalten / als v̄ff ein natürllich weib  
vnd das sy von den selbigen geystlichē weyberen so vil nutz  
zes trügen / sye würdē nit also v̄slegen / oder doch zūm  
wenigsten sich nit also mit geystlichē weyberen vberladen /  
sy würdē auch nit also grosse eebrecher sein / des geystlich  
en eebriuchs / an irer geystlichen braut des bistumbs / pfar-  
ren / pfrund oder altars.

**E**s wüderd mich auch / so der ebruch von gott so hoch  
verbottē ist / also das man sy im alten testamēt verstein-  
get hat / wie sye im geystlichen ebruch so genedig seien / so  
doch allezeit die geystlichē ding steiffer gehalten werdē sol-  
len / vorab im newen testamēt / dessen das alt nur ein figur  
ist / darumb auch merer reynigkeir der diener (wie sy selbs  
sagen) not ist. Dēsshalb billich ist so jnen nit ee weib von  
wegen irer heyligē ämpter zū habē zimpte / das jnen noch  
vil minder torechte weib soltē nach gelassen werden. In  
welichem auch wo die geystlichē prelaren seümig sein wol-  
ten / die weltlichē v̄s rechtē eifer der eer gottes solichs v̄bel  
zūm minsten an den weyberen strafftē. In summa / durch  
was mittel es geschähe / wañ ein leibs straff od beraubūg  
der pfrundē stund v̄ff d̄ geystlichen hürerey / die glosß würd

Bald fundē/das mulier mit ein pfrund/Bistumb oder pfarz  
würdt heysen/sond ein natürlich weib/wie von anfang.

¶ Dieweil man vns aber zülafft/die pfrunden für Eelich  
weiber vßlegē noch vnserē gefallen/vñ darzü dz der selbig  
eebnuch nit so schädlich sey/auch das einer d̄ fleyschliche co  
cubinē darzü habē mag als vil er jr ernerē mag/wie in der  
Türckey recht ist (welcher er auch so vil mer erziehē mag/  
so vil er auch mer d̄ geystliche weiber hat/wañ sy sind ein  
ander ond as gar geheym vñd freündlich/es achtet ye ein  
natürlich fleyschlich weib nitt/ob jr herri sunst d̄ geystliche  
weiber.x. oder.xx.darzü hett) so weren wir ye dorecht leüt/  
dz wir es ands vßlegē/die eeliche geystliche weiber möcht  
mā vns nit nemē/auch werē sy vns ond as kein beschwerd  
Vñ wo aber die cōcubinen/das ist die natürlichen weiber/  
vns nit mer gefielen/stiessen wir sye züm hauß hyn auß/nā  
men ein andre/vñd thettē also züm dickerenmal ein frische  
trunck/wañ wir des sey gerē wein müd würdē/wie es dan  
yert zügadt durch die gāze christenheit. Deyst das nit vp  
pigklich weiber tauschet/so kan ich es nitt verston/wie es  
dan etlich vßlegen/so die lutherische ketzer (also nenē sy  
vns (noch dem eelichen stadt (wie billich/göttlich/Euāge  
lisch/natürlich/eerlich/vñ vnergerlich dem nechsten) tra  
chten/vñ das er jnen erlaubt würdē Begeren/als ob die hü  
rerey so yert in aller christenheit gemeyn ist/also dz man jr  
nit achtet/billich/göttlich/Euāgelisch/natürlich/eerlich  
vñd on ergermüß were.

¶ Wie woles leyder darzü kōmen ist/das die leüt nitt als  
scheühe mer sindt/sich auch nit als vast entsetzē/ab der hü  
rerey der geystlichen/schafft die gewonheit/wañ was ge  
won ist/acht man destminder/ob es schon nit güt ist. Wie  
güt es aber ist/das schād vñd laster in ein gewonheit kōm  
men/mag ein yed wol betrachte/vñ darneben was recht/  
Göttlich vñd Natürlich ist/soll für vneerlich geachtet



syn/also das sich die leüt darab ergeren: Wie köndt d' teüß  
fel sein sach baß vß gericht haben: wie köndt er baß widers  
umb in sein regimēt kōmen sein/weder ebē durch das/das  
er die welt in won bringt/was wiß gott vñnd sein heyliges  
wort ist/das sy des selbigē nitt achte. hār wider aber/was  
seine wort gemess ist/das man sich ab dem selbigē soll erge  
ren. Wan ergert sich vff disen tag/nit als vil ab ainē pfaff  
en/der schon ein vmb die ander gibt/als ab dem d' sein blōs  
digkeit erkēnt/vñd auch der gnaden zū widerstonnit befin  
det/sich in ein teüschē eelichē standt begibt/mit einer feum  
mer dochter vermāhelet/mit deren er sich liebs vñd leyds  
zū leiden verwilliget. Aber es solt sich niemāts darab erge  
ren/es solt auch kein priester scheühē die selbige ergernüß/  
sonder vil mer sich lassen ergerē wer do wōll/dieweil er dz  
gots wort für sich hat. Es ist ergernüß der phariseier/wie  
dort geschriben stot. Ich hör wol wañ ich recht thet/vñnd  
aber das selbig vngewon were/also dz man sich dar ab er  
gerte/solt ich es darüb vnderwegē lassen: Solt ich es nitt  
vil mer erst dapffer thün: wie sanct Paul auch zūm dicke  
ren mal thete/Vñd der herr sprach/Sinnte/last sy far en  
(vermeynt die phariseier/die sich ab rechtē dingen erger  
ten) sye sind blind vñd blindē leyter. Das sag ich aber dar  
bey/das ein yetlicher/der in solicher newerüg/oder in wis  
derbringüg der rechtē ordnüg sich übte/eim yeden/so fern  
müglich ist/seiner hādlung/vß d' heyligē geschriffte vrsach  
gebe. welche vrsach so nit angenōmen würt/wolan so laß  
farē in jrer blindheit. dir ist genüg das du dein nechste hast  
wōllen helfen vß ergernüß/wo er gewōlt hette. dir zūmpt  
nit weiter in der gefärlichkeit seiner seelē lenger zū bleiben.  
Doch wo du on gefärlichkeit deiner seelē etwas thün mag  
gest oder lassen/des du vor gott gewallt vñ macht hast/vñ  
du aber deinē nechste vnderricht hast deiner freyheit/vñd  
er es doch nit wil annemē/magstu dich dānoch t vß Brüder  
licher

licher lieb deiner freyheit massen/vnd dich noch ein zeitläng  
 der selbigē enthalte/als do eben ist in speisen/welcher frei  
 heit wir von gott haben. Doch dieweil so vil blöder vnd  
 vnwissender cōsciēzen noch sindt /was schadt dir ob du  
 durch irent willē dich auch deiner freyheit enthalteest. War  
 umb woltestu ergeren deinen Brüder/vmb des willen Chri  
 stus gelitten hatt: Woltestu dir nit ein zeitlang abbrechen  
 fleisch/eyger/vnd anderer speisen durch deins nächsten  
 willen: so du doch wol anders zū essen hettest/welches dir  
 weder an leib noch seel ein nachteyl oð schaden möcht bün  
 gen/doch darbey für vnd für den selbigē deiner vnd seiner  
 freyheit vnderrichten/ob vnd sitz er auch in dem glauben  
 gestercket würde.

¶ Doch wo es sich vor den starcken harte köpffigen wider  
 sprecheren der chüstlichen freyheit begäbe/wolt ich loben/  
 das sich einer nur frey dappfer/mit vorgonder vnderrich  
 tung/vnd mit der that inen widersatzte/in angesicht frey  
 vorden selbigen esse/was er gewaltt hette.ob er da mit ire  
 harte gottwiderspēnige köpffmöcht weycher mache. Als  
 so hat der herz gelernet/sant Paulus vnd andere gethon/  
 da von vil zū sagen were.

¶ Wo es aber der seelē ferlichkeit antrifft/als eben im eelis  
 chen stadt der priester/do soll noch vorgoder vnderrichtung  
 weder des gemeynē volcks noch der grossen hanßen vnzer  
 schwellenen phariseier verschont werden/wöllen sye sich  
 ergeren/im nāmen gots/laß du es faren/du hast recht/so  
 du hast ein güten gründe geschufft/daruff bleib. Wöllē sy  
 dir darinne nachgebē/ist güte. wo nit/so leid dich. Vertrei  
 ben sy dich dan da/so zeuch weiter in ein and stat. Ich sag  
 dir fürwar/du wirst nit alle stett vßziehen/ir vnteyl würt  
 vber sy fallen/das sye sich an dir verzahlē werde/wogadt  
 aber die pfrund mit: Wolan/magstu sy nitt mit haben/so  
 laß sye faren. Es ist mir aber nit gelegen. walan so lüg ob



man dir werd ein besunders machē. Weystu nit wie geschriben stat. Ergert dich dein aug/dein hādt/dein fuß/stichs auß/hawts ab/es ist weger on aug/hand vñ fuß ins himel reich gangen/weder mit solichen in die ewige verdammniß Ich sag dir/es würt darzü kōmen/du wölstest das du brot bettet hettest/oder gehacket/das dirs blūt zu den nāgelen hārauß gangen were/für deine pfunde/deren du also in vppigkeit hettest wöllen verschonē das wort gottes stadt steiff/es würt sich nitt nach vns/sonder wir müssen vns nach im lencken.

**E** Ja sprichstu/gott würt mirs verzeyhen/er weyst wol das wir sūnder seien/vnd kan vnser blōdigkeit erkennen. ja es ist war. Wie aber/so dir gott deiner blōdigkeit güter rath geben hat/vnd du verachtlich dem selben nitt folgest/so du möchtest/meynstu nit das gott sein gnad soliche entziche würt/das sy nitt mögen büß würcken/so sy e gern wöllen? Wo hār wil dir ein rew kōmen mit ein steiffen vertruwen vnd glaubē zu gott/so dir doch dein lebē lang solichs vbel nie recht leidt gewesen ist/wiewol du es oft gebeycht hast/vnd mit solicher beicht vil mer gotts gespottet. Was ist es anders den gott spottē/in gleiffendē erdichten sein beichtē: als dan gar nahe alle beichtē solicher cōcubinariē seind/die hyngond beichten/vnd weder wille noch weiß erzeygē von sūndē zūlassen/die merz vñ dem hauß zūthūn/vnd aber also zūm tisch gottes tägliche anhyn lauffen. O der grausamlichen sachen/meynstu das so wir vnser lebē lang gottes spottē mit erdichtē reuwen vnd beichten/vñ so es vns recht ernstlich not thūt/das wir in also am fensterbrett finden liegen. Der die gnad gottes verachtet vnd verspottet/vmb zeitliches genieß vñ lusts willen/würt vns nitt allezeit begegnet/ja ob wir sy schon gern hetten/wie Esau/da er vbergeben hat seinen seggen vmb ein liederlich linsenmüß/möcht er in nit widerbringē/do er in schon

mit trāheren gesicht hette. Heb. xij.

26.

¶ Spüchstu / Ich wil wartē / Biz man es im Cōcilio würd erkennen. Wie wan dich aber der teüfel in inueter zeit hyn fürte: Ist es nit genug erkent: der heylig geist heiß dichs / es sey dann die geschriffte erlogen / nim diu weil des heyligen geysts rath an / Biz das die kirch erkent / ob er war gesagt hab. Was ist es anders vber soliche ding die so klar in der geschriffte skon / ein erklerung oder ein erkennüg thün / dan wollen vns beraten / ob der heylig geist war gesagt hab / oder gelogen / oder ob es der heylig geist gewesen sey. Ist es nim nit der heylig geist gewesen / der so ordelich vom celi chen standt geredt hat / was muß es dan für ein geist sein / der so vil hürerey durch dissz verbott in der welt vffbracht hat: Erwege es gegen einander was vs der nachlassung vnd verbiētug der Leentspringen mög / du hast es leichtlich zū thün / wan die exempel stend dir vor der nasen.

¶ Wie meynstu so ein Conciliū würd / ob es ebē dohyn geraten würd / das der heylig geist mit seiner bottschaft / der heyligen geschriffte verhört würd: dan er sunst mit keiner anderen bottschaft kumpt weder mit der geschriffte. Welche so man verhört wil / darff es nit vil conciliums / man hör jm nur fleissig zū was er sag / was gott durch sein wort rede. Nun sorg ich es dürffe jm felen / das man jm nit würd hören / wan es ist gemeynlich auch d fürst diser welt starck mit seiner bottschaft vff den Concilien vnd reichs tagen / vnd versücht mit höchstem fleiß / wie er dem himmelischen künig sein bottschaft müge abtreiben / das sye nichts schaffe / als ich sorg oft gethan hat / wann er sich gar wol gegen Fürsten vnd herren / Beyde geystlichen vnd weltlichen / vnd gegen den hohen prelaten / kan zū thün / auch kan er rylich gaben vsgebē / pfrunden / Bissumē / probsteie /



apteyen/lehē/gold vnd silber/vnd der gleichē/das etw an  
dich einer möcht versürē. Vñ aber herwiderüb der heylig  
geyst gibt nit also vß/ja vil mer/welcher des heyligē geists  
sach vff den Cöcilien trülich würbt/dem würt es wol ge-  
nōmen/würt des lands veriagt/gedötet.zc. Welches nūn  
zū leiden nit ein yeden gelegē ist/darüb ist es nit ein wüder  
ob schon der fürst diser welt mit seiner Bottschaft fürtru-  
cke. wañ er nit wenig günnē hat vff solichē tagen.

**W**ut sag ich/das es in dem nechst künfftigē Cöcilio wer-  
de also gon/hoff es werd niemāts sein der seinē eygnē mitz  
der eerē gotts werd fürsetzē /doch were etwas grossz für  
die sorg zū gebē/wañ d dīng vil mer geschehen sind. so würt  
der fürst der welt sich also vngern lassen vertreiben als ye/  
vnd vorab so er sycht das man jm so hefftig zūsetzē/als fry-  
lich seit Chrißtus vnd d Apostelen zeitē ye geschehē ist. Dar-  
umb würt er sich nit saumē/wañ er besorgt/obersehe er es  
dissz mal/so sey es schon vß vmb sein reich /wañ man war-  
tet yert nit der zükünfft Chrißti/als eins richters/welche  
jm sein reich gar vffhebt. Durch die erste zükünfft hat jm  
Chrißtus wol genōmen das reich vber die glaubigē /vñ jm  
vßgetribē durch das gericht diser welt/er ist aber noch für  
vnd für blibē in den seinen/durch welche er die glieder Chrī-  
sti geübt vñ durchrecht hat/wie er auch noch thüt/wel-  
ches jm auch gestattet würt/biz an jüngsten tag /so dan  
werdē Chrißto alle seine feind vnder die füß geworffen/also  
das er nit weiter kan noch mag regierē/auch in den seinen  
mit den er verstoffen würt/darzū auch nit mer in durch-  
echtēniß der glaubigen/wie geschubē stot.

**D**arumb laß dich nit wüderē/das sich der fürst diser  
welt yezūd ernstlichē Branche/so vil durchrechtig d glaub-  
igen vñ Eüangelischē anrichtē/ja auch hefftiger wedē ye/  
als der herr selbs sagt/wañ es wil jm dē garuß machē. We-  
licher versücht nit alles was jm möglich ist/wañ er sycht

21

das er ganz vnd gar vertribē sein müß / ja auch darzu in ewige verdammüß verstofften werde. Aber es sollē sich die glaubigē mit bekümmere lassen / vnd iren füß steiff vff den felsē Christum setzen / der würt sy wol erlösen / vnd durch todt vnd teüfel führen / in ewige rüwe vñ seligkeit. Es würt auch gott verkürzten dise anfechtung / von wegen seiner vberwelten / wie Christus spricht.

¶ Wolanich lauff aber zu weit hymuß / schaffe die sorg die ich trag für die gläubigē / denen der fürst diser welt greulich zusetz / vnd erst zusetzē würt / das sy vorim gewarnet seyen so die zeit kōmen würt / vnd deren ding also ettliche sehē fūrgon / das sy sich nit erschrecken lassen / wañ es müß ye das end der welt / mit solichen durechtigung sich erzeigen / vñnd die kirch mitt vorgonden stößen vñnd notkrachen (wie ein frau d̄ geburt nāhig) geberē / bitz sye fūrbūngt die frucht / vnd jr geoffenbart werde die kinder gottes / deren sy mit seüßigen vnd schwerzē erwartet hat / wie d̄ herr vñnd Paulus sagen.

¶ Darumb trag ich ein yeden / das er sich nit steiff vff d̄z gotts wort setze vnd gründe / welchem so das Conciliū gemess̄ handeln würt / als wir hoffen / wöllē wir es loben / wonit / wie mer geschehen ist / wöllē wir bey dem gotts wort bleiben / vnd also des schiertünfftigen cōciliūmbs (das ist des jüngsten gericht̄s) erwartē. In welchem Cōcilio der fürst diser welt nichts würt mögē schaffen / weder mit cardinalaten / Bisumbē / pröbsteyen / lehen / land / golt / silber / oder mit allen scherzē diser welt vber einē hauffen zūsamē getragen / sonder er würt sein vteyl da entphabē / mit allē denen die im anhängig gewesen sindt. Amen.

¶ Die warnung dises vfflaußs sollē annemē die frummē priester (so durch den strick des verbotts der Le gefangen seind / vnd bitzhār mit gewalt dem teüfel dienē) sich nit zu vil vff das Conciliū verlassen / sonder vil mer des zükünff



tigen Conciliums in Josaphats thal warnemen / das sye  
vor dem selbigen bestorn mügen / die zeit ist kurtz / vñ die tag  
seind böß / die erlösung aber ist nit weit / bereit dem hertz zu  
der anfechtung / es wirt kum anders darauß / will es aber  
der hertz genediglicher vfrichtē / wöllen wir jm dester me  
er dancken.

**W**es soll mir auch die gemeyn priesterschaft nit für vbel  
haben / dz ich so rauhe vom handel rede / wan es geschichte  
jnen zu güte / vñnd den gott es wider sprecheren zu schandē.  
Welche wiewol sye augenscheinlich sehen vñnd wissen / das  
ellend vñnd den jamer / vñnd jr dñg mit der warheit nit er  
halten mügen / noch dānocht wider streben sye gott vñnd  
seinem wort frānelich / haben die armē ellēden consciensē  
mit des teufels stricken gebundē vñnd gefangē / wöllen nit  
in das himelreich gon / vñnd verschliessens auch vor anderē  
leüten. .ic. Wen meynstu das eben der hertz durch dise wort  
verstanden habedā eben dise verbietter der **W**e vñder der  
priesterschaft: Sy wöllē nit hynyn / warumb: sy glaubēs  
nit. Wie were es möglich / wan dise verbietter glaubtē / das  
dise sprüch von der **W**e / im **E**nāgelio / Paulo vñ Petro .ic.  
gottswort weren / das sye so frānelich darwider thon het  
ten: vorab yetzūnd so sye sehen was für ein vßgang vñnd jamer  
darauß erstāden ist.

**D**ie erste vätter Jeronymus vñ Augustinus / die disen  
celibat od priesterkeüschheit eben vil zugebē hand / hettē sye  
den vßgang gesehe / wie es yetzūnd vnserē prelatē vñnd  
augē sehen / meynstu nit ob sye als vast darwider geschri  
ben hettē als dar für: Meynstu nit hett Hieronymus ge  
wist / das ein soliche keüschheit sol erwachsen sein vß seinem  
**E**pistelen / die er geschriben hat von der jūgtfravschafft /  
zu **J**ouinianū / zu **E**ustochiū / vñnd zu **D**emetriadē / dz er  
sy vngeschriben gelassen het / oder verbrant: vñnd mit ganz

ger rhetorick vnd ernst für den eelichen stadt geschribē. Er  
 hette nutzlicher dē eelichē stadt (als dz mittel zwischē juck  
 frau schafft vñ hurerēy) geratē/dan dz er zū weit vff d juck  
 frau schafft lobtūmē/gar nahe die welt mit hurerēy erful  
 let hat. Wolan es sind menschē gewesen die auch geyrt ha  
 bē vorab wo sy nit ebē steiff der gschrifft war genōmē habē  
 vnd allein darnuff gelēdet. Es ist zū den zeitē frylich grōs  
 sere hīz vñ andacht in den leütē gewesen wed yezūd. Es  
 sind vvilleicht auch die jungēleüt nit so gemeynlich zū pue  
 fteren geordnet wie yezūd/jr auch nit so vil gewesen/ auch  
 nit so reich mit allen zeitlichen narungen/welche zū aller  
 vppigkeit vnd fey gkeit vrsach gebē. Darumb ist es nit so  
 gar ein wunder das sye etwas verfahren seien/oder sich zū  
 weit hynaus gelassen/wan sy habe allein jr zeit angesehē.  
 Nun so wir aber in andere zeit kōmen sind/sollē billich vñ  
 sere prelaten/allen vnrath/wie auch ihene zū jren zeitē für  
 kōmmē/vnd das gottswort ansehen/vnd den armen ellen  
 den consciēzen darmit helfen/welches sy wol ihū mū  
 gen vnd schuldig seind. So sy es aber nit thund/ist ein ge  
 wisses zeichen/das sye es nit glauben vñ nit gottes eer  
 vñ der seelen heyl/sonder sich selbs sūchen. Es ist leicht  
 lich den leütē ein schwer gsatz vnd vnterāglich gebort vff  
 legen/vorab wo es der gebieter nit ist schuldig zū halten/  
 wie dan gemeynlich die gebieter duncken sich vber das ge  
 satts sein/oder nit glaubt/das jm schaden daruff entstad/  
 wo er es nit halte (als die vnglaubigē dem gottswort) vñ  
 aber nit destminder jm ein grōsser nutz daruff erwāchset/  
 wie dan vñ disem verbort on zweifel grōsser nutz zeitlicher  
 gūter erwachsen ist. Was meynstu dz d eusserlich schein d  
 keuscheit zū tragē hab/vff den man allein gesehē hat. wan  
 man kan ye nit das ynwendig hertz sehen. Meynstu nit  
 da man gemerckt/dz das volck die frūmkeit ab eusserlicher  
 keuscheit geacht hat/vñ sye für heylig gehalten/destrylicher



zūtragen/vñ das reylich zūtragē den geitz gemert /das sy  
sich weiter haben können schicken in den eüsserliche schein  
Meynstu nit das der teüfel jnen hab künne yngeben /das  
sye ein gebott daruß mächtē /damit der schein blib /durch  
dē die weit geblēdet würd /bitz soliche reich tūb vñ gewalle  
wüchsen /das man jnen darnach nit wol widerstādt thūn  
mōcht /vñ also mit gewalt vñ von menigklich vngestraft  
in jrem ybel vñ ind lasteren regierten /wie wir leyder vff di  
sen tag sehen. .ic.

Was meynstu dz d̄ fürst diser welt durch ettliche Bābst  
zūgericht hab /als nāmlich durch Gregorū den sybenden /  
wie sanfft meystu das er es jnē hab künne yngebē /wie art  
lich hat er ynen durch solche zeitliche herrschafften /gleich  
wie den voglen gelocket: das sye vff begird solicher zeitlich  
er ding /sich des eüsserliche schins dest fleussiger haben vn  
derwundē /vñ mit verbott der Le Befestiget /den Bischöf  
fen vñ pfarrherm tyrānisch soliche verbott vber den hals  
trochē. Liß die historiē /so findestu wie tyrānisch vnd endt  
chūstlich Gregorus der sybend zū Erfurt vnd zū Wenz  
gehandelet hatt mitt den armen pfeffin in disem handel.  
Warumb habens die Bischöff nit gewert: Wolan /sy has  
ben sich wol dapffer gnüg gewert /man ist sy aber doch zū  
letst klügliche hindergāgen. Meynstu nit /dieweil sich der  
Bapst selbs vffgebē hat /das er vollē gewalt hab in himel  
vnd in erdē /vñ die torechtē Beyde Bischöff vñ andere leüt  
habens glaubt /das sy sich habē müssen fürē lassen wohyn  
sy gewölt habē: Es hat nit ein yeder gern sein Bistumb ver  
loren /hatt es recht also lassen hyngon /seine arme pfefflin  
dem zuckenden wolff lassen faren /ist geflohē /do der wolff  
kōmen ist /wan er nit ein rechter hyrt gewesen ist /vñ auch  
villeicht nit von der schaff heyl vñ seligkeit wegē da gesin /  
wie auch reglich geschicht. Vnd ob sich schon etwo einer  
dapfferlich gewert hat bitz an sein end /dem wolff nit hatt  
wöllen



29.

wöllen vergünne/seine schafflin vnd pfefflin bey dē gotts  
wort/bey christlicher fryheit gehädhabt/nichts auch vmb  
den Bañ gebē/geweist hat dz er vnbillich/wnchristlich ge-  
felt worden ist/den teufel keinet hat/dz er nitt also schwarz  
ist. Wolan/wo mā mit einē solichē nit hat mūgē vberkom-  
mē/hat man seins tods vnd absterbēs erwartet/vnd dar-  
nach keinē ins Bistumb gelassen/er sey dan zūnor mit eyden  
verbūdē/in solichē fürnemē dem Pappst wilfarē. Meynst  
du nit ob man allzeit gefundē hab die soliches zūthūn we-  
nig geachtet habē/wān sye nit alle durch die rechtē thür/  
das ist durch Christus eer willen/in den schaffstal yngon.  
Weiter/soliche Bischöff haben nachmals der gleichē mit  
irē pfefflin gehädelt/sy nit gewyhet vff die pfarr od pfrūd/  
nit muestiert oder yngesetzt/sy habē sich dan zūnor Begebē  
irer freiheit des eelichē stands. Also hat es sich mit der zeit  
yngerissen/Bitz das dise schone frucht darauß geboren ist.  
Vil were von dendingē zūsagen/aber es ist ein verstandi-  
gen genūg. Wan sol mit auch nit verübel habē/das ich so  
gründlich vom handel sage/es dunckt mich not/wān es  
wöllen ye vnserē widersecher niemāts lassen war habē/ye  
derman müß jnen liegē/kerzer/falsch prophetē vnd falsche  
leerer sein/so es doch die lauter klare warheit ist. Darüb  
müß man anfabē mit jnē teütsch zū reden/dz es yederman  
verstand/vñ jnē die klaren heyterē geschriffte vnder die na-  
sen stossen/das yeder man sehe vñ merck die warheit.  
**E**st es aber also ein kleinding/die warheit mitt gewalt  
vndertrucken: schäd vnd laster mit gewalt lassen fürgon/  
vnd dānocht recht gethon geacht sein/so vil hunderttau-  
sent seelē/für di Christus sein blüt vergossen mit gewalt in  
abgründe der hellē führen: Ist dan so offenbarliche hürerey  
in der welt zū dulden: Es sagt sant Paulus/Du solt mit  
denen so hürerey treibē/kein gemeynschafft habē/damit  
sy verbannet. Welicher Bañ wo er in würde were/vñ man



soliche verbañte meidete / wer billich. Meynstu nit ob mā  
cher grosser hanß / Bischoff vñ prelat müste hind die thür  
ston oder gar hynuß. welches wo in buch kōme / meynstu  
nit das man bald würd ein glos finden das jnen der eelich  
stadt auch zimpte / die weil sy bey der hurerey veracht sein  
Es ist etwan gewesen das man kein hurer im rath ließ sitz  
en / wie meynstu / solt man die höbsten rāch in der chriſten  
heit / als Concilia vñ Reichstag examinieren vñ muste  
ren / ob nit oft groß hanßen müstent vßgemustert werde  
meynstu nit ee si es lieffen für gon / sy würden jnen ee selbs  
den eelichē stadt billichē. Wie wan einer mit einē hurer et  
was für dem rechten zu handeln hette / möcht er in nit ver  
werffen / oder wider jnen ein vßzuck sūchē / als wider einē  
verbañten mān: den nit der Official vmb. v. s. oder andre  
leichte sachē in bañ thūn hette / sonder sant Paulus selbs /  
welcher bann on zweifel vor gott mer gilt / wiewol sein die  
welt nit achtet / wie andere gottes ding mee / vñnd wie wir  
villeicht auch nit achten / das vnser hurerey nit schand sey  
von wegen das wir geystlich sind / so doch wievil höher der  
standt ist / die sünd auch dest grösser geacht würt / vorab in  
denen so andren vorgon sollen in leren vñnd exemplen. Wel  
che exempel gar wenig statt haben / wie es yetz ein gestalt  
hat vmb die pfarther vñnd prediger / von welichē das gots  
wort niemer als fruchtbarlich entpangē vñnd gehört würt  
so sye mit solichen lasteren vermaculet seind / sye auch nit  
so dapffer die laster straffen dürffen in denen sye selbs ge  
fangē seind. Wilt was fügen will ein pfarther seine vñnd  
thonen straffen / im das sacramēt vorhaltē einen vmb ein  
Beysitz mit einer vneelichen / oder der gleichen sachen / so  
er selbs der do geystlich genant würt tag vñnd nacht mit  
den sacramenten vmbgadt / bitz vber die oren in solichem  
laster ligt. Er müßz freylich ein vnuerschampte oder ver  
ruchte styren haben.

**D**arüb summasumarü / es ist nit wol müglich / das die  
 laster fruchtbarlich gestrafft werde / von einem der selbs  
 in lasteren ligt. Es sycht albeg die welt wo nit mit beyden  
 augen / yedoch zum minsten mit ein / vff das wesen vnd le  
 ben des lerers / Es laufft yemer ein won mit / es sey nit so  
 hart als man es macht / der lerer thet frylich sunst nit also  
 Darüb auch ein heyde dort sagt / das in sittliche dingē / die  
 exempel des lebēs vil mer wircken / dan die lere / doch seind  
 sye güc bey einander. Nun haben wir durch lange erfar  
 ung / vnd freylich mit verderbüg vil armer seelen (wo nit  
 gott in sunderheit genad thon hatt) wie vil Böser exempel  
 wir lange zeit geben haben / vnnnd wie solichem vbel durch  
 vil versüchens man bitz här noch nit hat widerston mü  
 gen / es wil sich ye die natur nit lassen dempffen mit ver  
 bott / ja vil meer reytzt erst das gesatz / wie der Apostel sa  
 get. So min dem also / warumb kummen wir dann der ar  
 men rott nit zu hilff. mit süeglichen götlichen mittlen / vff  
 der geschüfft. Ist es dan also vmb das gelt vñ güc züthünz  
 Ist dan die vniermacklete gespons Christi / ein lockfugel  
 wordē / damit man gelt vnd güc samle / land vnd leüt vber  
 kumme. Ist es ye vmbts gelt / güc / leüt vnnnd land züthünz  
 warumb faren wir nit auch mit andern kauffleuten vber  
 mār / vnd werben wie sye thünd / wagen leib vnnnd güc dar  
 an wie sye. Wüssen wir / dan vnser güter zü erlangen / die  
 seelen darzū auch daran wagen / so vil ellender conscienz  
 in die schantz schlagen.

**J**a spüchstu / Es ist nit darumb angesehen / wie du es  
 vns hye fälchlich zülegest / sonder darumb / das geystlich  
 personen deßfür derlicher vnd vngehendert mögen Gott  
 dienen / singen / lesen / betten / studieren / predigen. &c. Wan  
 es hatt ye der Reliche stadt vil vnruigen / mitt weyb vnnnd



Kind zu erziehe/ vnd anderer ding. So hör ich wol/ es müge die in der Le sind nit auch gott dienē: Seind nit die die den höchsten preis in gotts dienst haben / als die würdige müter gotts/ Abrahā/ Isaac/ &c. in 8 Le gesyn: Habē nit gott gelobt auch mit singē/ lesen/ die senger d psalmē so David yngesetz hat/ vñ dānocht ire weiber gehabt: Habē nit vil frummer vätter/ als eben etliche Apostelen/ vnd nāmlich Petrus/ ire weiber gehabt/ vnd dānocht darzu prediget/ vnd freylich andechtiger geprediget: Was hat sye an diesen dingen allen der eelich stadt gehindert: ich geschweig das der merer teyl geystlichē sich auch nit zūgar vberarbeiten mit studierē/ vorab in rechter göttlicher geschufft (d weltlichē geltlichē kunst achtet gott andas nit anders/ dān wie andre gewerb damit man narung gewint) So ist das yezig bette/ singen vnd lesen/ nit vil anders dān ein kalt gemürmel/ on andacht/ gleich vñ einer ge wöheit/ wie ein ander handtübūg/ die böse lüst vnd gedāncken nit allezeit vñ schleiß/ wie auch dises kalt lewe gemürmel/ vorab in den vnerstendigē der psalmē/ nit allzeit on ist. Darumb man der selbigē übung halb nit von nöten hett ein solchs gefährlichs verbott dürffen vffsetzen.

**W**eynstu nit ob di starck vnüberwindlich anfechtung des fleyschs meer vnübūg mache/ so mit gedācken/ so mit treümē/ so mit anderē anfechtūgen/ das auch wid solche/ weder fasten noch betten zūm dickeren mal helfen wil/ wie sich auch sanct Hieronymus selbs beklagt. Syhestu nit wie die armē ellenden leüt (vnser hauffen) vff der gauchmattē tag vnd nacht irer vppigkeit nachsynnē: Weynstu nit ob soliche vnübūg hindere: ja wol zehermal mer/ weder so einer sein weib hette/ mit deren er auch müßelich vñ leyd leiden/ wie sichs gebürt. Erwege es gegen eināder/ so findestu es. Wol ist/ welcher ein sündere genad gottes zur reynigkeit hat/ dem möcht der eelich stadt ein hindernuß

sein an diser cūtemplation. Ich sorg aber / das solicher ho-  
her geyster vnder hundertten kum einer gefunden werde/  
wan es ist ein gab gottes / die nit yederman gebē ist.

¶ Wöchten eeleit sich nit auch mit solichē geystliche ü-  
bungen / als da ist fasten / Bettē / studierē .re. ein weil arbeitē /  
vnd darnach wider zūsamē kummē / damit sy Sathanas  
nit anföchter / wie sant Paulus leret / oder ist es nützlicher  
das sye für vnd für in solicher fleischlicher anfechtūg vnd  
brennē / gemartert werden sollē. Neyn freylich / sant Paul  
lernet nit vergebēs / Es ist besser das man sich vermähelē  
in die Le / dan brennē / vnd soliche stetige vnruw vnd anfe-  
chtung leiden. welche sprūch auch teüsch genūg sindt / vnd  
sy Luther vñflegt / wie sye sollen / vnd nit anders sein mag /  
noch müß dem voick sein meynūg für gon / vnd diser ein kē-  
zer sein. Paulus gibt genūgsam lere / wie man sich in bet-  
ten / studieren vnd / der gleichen im eelichen stand haltē sol.  
Sye wöllen aber höher fliegen / vnd habē doch wechßene  
flügel / die in d hōbe zerschmelzē / wie dem Jcaro geschach  
als die Poetē sagen. Paulus sagt auch er hab kein gebott  
vonder jnnckfrawschafft / wiewol er es dem rathet / d die  
gab hat / sy habens aber nit alle. Dise aber gebietēs / gott-  
geb es sey da die gnad oder nit. Paulus sagt / wie auch Lu-  
ther / Es ist besser sich vermähelen / dan angefochtē werd-  
en. dise sagē / es sey weger in anfechtūgen sein / dan sy wöl-  
len ye die brünnēden / so anfechtūg haben / mit ledigen so sy  
¶ Ja sprichstu / man gebeüt niemāt das er jūck / (mūgē.  
frawschafft halte / mag doch wol einer pfaff werden / ins  
claster gon ob er will / man zwingt doch niemants darzū.  
Sprich ich / es were gūt das man niemāts darzū zwünge.  
Nūn wil ich geschweigē des zwāgs den die elteren so vom  
adel so von leyen gegē iren kinderē brauchē. Wie vil kinder  
werdē in d jugēt getzwūngē / on allein nit mitt dē schwert /  
aber sunst / yetz mit senfften / yetz mit rauhē wortē / das sy



12  
pfaffen/münch/munnē/miſſen werde. Weliche arme ellē  
de kinder / so ſye auch nit anders wenen / dan ſye ſien auch  
in ſolichen dingen / vatter vnd mütter zū gehorſamē ſchul-  
dig / gond ſye zūm dickeren mal lebēdig in die ewige verdā-  
niß / da von vil zūſagē were. Wie vil eltere ſtoſſen jre kind  
hynaus / als ob ſye baſtardt weren / damit ſye jr abtummē /  
damit ſye jnen nichts ob wenig dürffen gebē / damit dz des  
geſchlechts nit zū vil wūrde / vñ also abgieng am gūt / md  
chten den pracht nit mer führen / vñ vil der gleichē vrsach.

**E** Ja ſpuchſtu / ich hab jr vil / mag ſye nit alle erziehē / nit  
ale zu incther n oder gnadſrawen machen / ſo laß vnd lere  
ſye arbeiten / dienen nach jrer geſchicklichkeit. Ja das wer  
hübſch / ich bin edel / ich bym ein reicher burger / gütes ge-  
ſchlechts. zc. es were ein ſchand / ſolten wir vns also niderē  
So höre ich wol / darumb das dein pracht erhalten werd /  
dein nam vnd ſtamme bleib / das dein gūt nit zerſtrauwet  
werd / deiner kind eins oder zwey Gnadimutter vnd genad  
ſrawen ſeient zc. müſſen die andern dem teüfel ergebē ſeinz  
wan es nit anders iſt / ſo mā die kind vnwiſſend vñ vnverſa-  
ren in ſoliche gefärliche ſtend thüt. Sag an / iſt dir mer an  
deinem geſchlecht / gūt / pracht / vnd hoffart zū erhaltē ge-  
legen / weder an deinen armen kinden / die du mit geburt /  
vnud mit dem vffziehen / vñnd Chriſtus mit ſeiner marter  
ſo theür erarnet hat. Warum haſtus nit in mütterleib er-  
würgt / warum nit gleich nach dem tauff ertrēckt / ſo we-  
ren ſy doch in jrer vnſchuld vnd in dem blut Chriſti behaltē  
zür ſeligkeit. **V**ñ zy heſtus vff / dz ſye ſollē ein ewiger bräde  
ſeinder hellen. **S** ſpuchſtu / Obgot wil nit / ich ergib ſy gott  
das ſye gott dienen. zc.

**V**ñ wolan / es wer vil daruon zū ſagen / ob das cloſter  
weſen der recht gotts dienſt were / ſo doch gott nichts dar-  
von gebotten hatt. Sag mir / darffſtu es bey dein eyd be-  
halten / das du ſye darumb ynß cloſter thettest / vnd nit vil

52.  
mer/das du jr abkömest/sye vß dem hauß bröchtest: Was  
gotts dienst syhestu da an/so du sye in einen standt thüß/  
do du wissenlichen weyst/wie es darin zü gadt/wie die be-  
schomen jren mit willen mit jnen treiben/wie ein stetiger  
vßgang vnd yngang ist/wie in fraw Venus Berg. Lieber  
erfar dein eygne conscienz/ob du dich nit verwegest/das  
sye zü einer dān muß werden/vnd dein sün zü einem bubē/  
noch dānocht müßze sye hyn ein. Spüchst/o neyn/ich thü  
sy hyn ein dz sye singen vnd lesen vñ gott dienen sollē. O des  
elenden gots dienst/meynstu das gott dein falsch hertz nit  
kenne: Meynstu so du vorder welt sprüchst/ Ich hab mein  
dochter in ein closter versorgt/das sye soll gott dienen. Ob  
es schon die leüt glauben (die es dānocht zü zeitē wol merck  
en) das du darumb auch gott vberredt hast: Aber ich acht  
nit das du glaubest/das gott sey/oder das sein wort war  
war sey/du würdest sunst sein arme edele creatur/die er so  
theür mit sein blüt erarnet hat/nit so liedlich in die schätz  
schlagen. Were es nit weger dein dochter wer vermählet  
ein vnedlen minders geschlechts stammes vñnd namens/  
ja auch einē bawē/wed das sye müß eins yegliche vnder  
wurff sein/oder sunst in vnnachleslicher anfechtügen/in  
heymlichen vngenanten sōnden ligen/etwan darinn ver-  
zweifelen. Achtestu deines geschlechtes so hoch/das du es  
zū erhalten soliche schand zūm dickeren mal vber dich gon-  
lassen magst/soliche schand an deinen kenden sehen: Gilt  
bey dir dein pracht vnd hoffart meer dan soliche schand vñ  
laster: Ist dein geschlecht vnd adel höher dān dz geschlecht  
vnd adel gottes: Wan darumb das du dein geschlecht er-  
halteest/verwigstu dich des geschlechts gotts/damit das  
du din erbeil behalteest/verwegstu dich des ewigē erbeils.  
Wan du achtest ye nit/wo hyn sye kummen/allein das sye  
dir nur nit widerumb zū hauß kōmen.



**W**olhyn/die vnbilligkeit vnnnd das ellend jamer /treibt mich aber /das ich mich solichszu melden nit mag enthal-  
ten/diweil ich ye zu reden gezwungē bin. Nun ist aber die-  
se schuld sorge ich der mererteyl vnserer geystlichen prela-  
ten/die in soliche ding soltē ein ynsehens habē/wo dz volck  
solicher vngöttlicher meynung were/mit dem gozwort da-  
pferlich dar wider fechten/sy durch die geschufft dar von  
weisen/vnd ob es not thete/alhye das ander schwert brau-  
chen/das ist den ban wider soliche gottlose elteren. Was  
geschicht aber:eben das widerspiel. wañ eben die selbigen  
richtē vff soliche stend/pflätzens/cōfirmierēs/bestetigēs/  
geben gnad vn ablas darzu/sagen von grossen verdienst/  
sagen wie es der weg sey gon himel/wie gar ein seligs lebē  
es sey/priester sein/münch sein/nun sein.rc.laufft auch mit  
das wir vberhebt seind von vilē menschliche bürden/ als 8  
bürd der **L**e/armüt/arbeit.rc.weliche ding meynstu mit dz  
sy zwingē: **E**s heyst nit allein gezwungē/dz mit dē schwert  
geschicht/sonder auch das mit falsche gleisnerische wortē  
der verheysung grosser ding rc.aber nit vß der geschufft/  
welche auch darumb falsch/gleisnerisch/Betrüglich vnd  
verfürisch billich genent werde sollen.wañ alle verheissung  
des himelreichs so nit vß der heyligē geschufft gegründet/  
ist argwönig vnnnd verfürisch/vßerhalb der geschufft ist  
kein weg zum himel.

**D**ises alles wil mich dücken/hab **S.** Peter gar wol be-  
tracht.ij. Petri.ij. durchs gātz capitel/das daruff lauter/  
vn malet ab das selbig volcklin so eben/mit irē geitz/hoch-  
müt/fräuel/hürerey/heüchlerey/dz man es greiffen muß.  
das er der yezigē geistliche stand meyne /der alle welt mit  
seinē geitz verschlunden/vñ ein frey fleischlich weltlich le-  
ben fräuelich füret/vorab die vorständer/obersten/vñ die  
da wissend sind vnder jnen /derē tyrāney/die armē vnwis-  
senden kñder trage müssen/vnd darzu in solichē gefärden  
8 seligkeit

55.

der seligkeit ston/das freylich der herr von jnen gesagt hat  
Matth. xxiij. das sy lauffen vmb das mör vnd landt. .xc. vñ  
für also ein blind den andern/vñnd ist erst das aller sorg-  
lichest in den dingen allen/das sy das gotts wort selte pur  
vnd klar haben/die in soliche banden ligen/durch welichs  
sye des kreuzs vnd der gedult vermant/vnd der göttlich  
en züsagig durch den glaubē/getröst würdē. welcher al-  
lein jnen alle bürden leichtlich vnd treglich machē möcht.  
Ich gib wol zü das sye vülleicht vil predigē habē/da durch  
sye vff eygne werck/vff jre gebettlin/vñ vff allerhäd stem-  
peney gewissen werden/die dan mer diene/entweder vff  
hoffart/vnd vff eygen vermessen/so wirs eüsserlich züs-  
men tragē/oder vff verzweiflung/so wir sye vnderlassen/  
oder jnen nitt genzlich/wie wir gelert nach künmen/wie es  
dan nit anders sein mag/dan das eygne werck entweder  
hoffart oder verzweiflung bringen. .xc.

**W**olan hye mitt sey beschlossen dise matery von den ge-  
schriffte die der geystlichen keüschheit vnd geliübd betreffen/  
iderē ich darüb also weitleüffig spaciert hab/wan es gar  
nabe der grōsten nōtē eine ist/in der chrißtheit/die ich nitt  
hab mögen vnangestastet lassen/dieweil ich doch hab müs-  
sen schreibē/vnd wiewol nichts in meinē articlen dar von  
lantet/so hab ich doch vülleicht also fürkōmen/dz sy noch  
witer mich vffbringē möchtē/wan ich auch dar von gepre-  
diget hab. Sumasummarū/sy habē mich gezwungen zü-  
reden/der ich lieber geschwigen hett. Vñ ist in meinē ge-  
walt nit vff zühōrē/wan ich acht so sye ein geyst haben der  
sye zwingt/mich vnd andere dessgleichē warhafftige pre-  
diger anzüfechtē/sey ein anderer geist jrem geist widerwer-  
tig/der mich vnd andre dessgleichen/zwing züreden/wan  
es wilye der geyst gottes/dem geyst des fürsten diser welt  
nit weichen/Amen.



Es seind noch vil andre geschrifften:  
die auch wol gegē eināder zūmergleiche werē/welicher sy e  
am rechste v̄slegt/als nāmlich/vff die sye die heymlich orē  
Beicht vnderston zū gründe. In welcher geschrifte v̄sleg  
ung/nit ein wonder ist/das Luther nit gleich mit jnen zū  
stimpf/so sy doch vnder einand selbs/nach nit zūsamē stin  
mē/die Canonisten wider die Theologos/vñ sye selbs vn  
der einander. Wan so sy sich vnderston die heymlich Beicht  
vff etliche spruch d̄ gschufft setzē/wil es sich nit reymē/wil  
allēthalb zū kurz od̄ zū lang sein. Etlich ziehen sye h̄r zū  
durch ein allegory/als nāmlich dise Prover.xxvij. Erkēne  
dz angesycht deins vyhes/sol heysen als vil als/Du hyrt  
hōr deme schāflin Beicht. Wie ein starcke rauhe allegorey  
(ein geystliche v̄slegūg) dz ist/mag ein yeglicher wol mer  
ken. Wie nū ein allegorey nichts bewert/so vil minder sol  
man dardurch schwere vnd widernatürliche gebot mach  
en/als dan̄ eben die Beicht zū diser zeit ist/vorab wo mā nit  
v̄sgedruckte grundt d̄ gschufft sunst darnebē hat. Gilt es  
dan̄ so leichtlich dem armē ellendē hauffen grosse schwere  
bürden v̄slegē/on v̄sgedruckte grundt der geschufft. Wol  
an ich setz gleich/das es also solt verstandē werdē/vnd die  
allegorey das vermōcht/das der hyrt seine vnderthonen  
hōrē solt/so ist doch darumb den vnderthonē durch disen  
spruch noch nichts gebotten/das sye sich durch die Beicht  
entdecken müssen/das er also jr angesycht erkēnere. War  
umb verstadt er es nit billicher also/das die hyrtē in grōs  
seren/nōtherē dinge der schāflin warnāmē/das sye durch  
dz gotts wort recht geweydet würdē/wo jnē etwas anlāg  
an leib/an seel/sy jnen treulich riethe vnd hülffen/vnd der  
gleichen andre warnemūg/da mer angelegē were. Aber so  
liche erkemūg wer arbeitsamer/vnd trüge villedt nit so  
vil nutz zū/als dise heymliche erforschung/durch welche  
grosse ding geschehen sindt/mācher hād̄t sināzen/mit den

armē dorechtē gewissen gebraucht / Bitz so groß clōster vnd  
friffe in kurzē jaren vffgāgen sint / welichē ich lieber ein ye  
den willassen selbs nachtrachtē / weder dz ichs meldē wil.  
**D**ie anderē spruch / Gang hyn erzeyg dich dem puester.  
Mat. viij. Itē / Bekennē eināder eure sünd / Jacobi am let  
sten / wie vbel sye sich reymen vff die heymliche orenbeicht /  
hat Luther wol angezeygt / in dem büchlin vō der Beicht /  
magstu lesen / so syhestu bald wer da recht od vnrecht / die  
geschufft vfflege. **N**och ist einer Johā. xx. Tement hyn den  
heylige geyst / derē sünd jr verzeihē / dē sindt sy verzi gen. 2c.  
Disen spruch stellen sy vomen an die spitz / vñ schaffen dan  
nocht nichts mitt / wann eben ir eygne doctores scolastici /  
selbs sagen / das ers nit erheben mög. Vnd wundert mich  
aber / das sy sprechē dürffen / sye sey vß götlichem rechten  
vnd wissen / kein spruch vberal daruff / der jnen selbs gnüg  
thüge / desßhalb sy in dise toechtere red kummē. **J**o (spreche  
sye) wiewol kein eygentlicher spruch daruff lauret / so ist es  
doch nit zū glaubē / das die kirch so ein schwer widernatür  
lich gebot vffgelegt / sye were dan gewißz / das es von gott  
were / als ob man etwo anderswo her wissen künde / ob et  
was von gott were / dan vß der geschufft. **J**a sprechē sy / es  
sey von einer zeit vff die and also gewachsen / als vō Chri  
sto mündtlich vff die Apostelē / vñ von den Apostelē für vñ  
für Bitz vff vns / wie die Cabalistischē judē auch etlich ding  
heymlich hettē / die nit in die gschufft verfasszt waren / also  
solt es mit 8 Beicht auch zūgāgē sein. **A**ntwort. es were ein  
Bueflin gütdar by / dz Christus etwas solicherweiß hat wöl  
len lassen an die welt kōmē / so doch Chrus selbs spricht / Al  
les das ich gehōrt hab vō mein vatter hab ich euch gesagt  
Darzū auch alle ding genügsam geschriben seindt / vorab  
der gebott halben / wiewol heymlicher Bedeutung halb ist  
nit wunder / das noch gott etliche heymliche ding möcht  
offenbaren etlichen on gschufft / vnd die selbigen weiters  
anderen / für vñnd für / Bitz zūm ende / der welle. **A**ber was



notürfftige gebott antriff/ hat ein andere meynung. Es  
seindt den juden alle ire gebott öffentlichē durch das gsatz  
genüg erklärt/ vnd geöffnet/ hatt keiner Cabala Bedürfft.  
Es hatt sich auch die Cabala nur gestreckt vff heymliche  
weissagüg von der menscheit Christi/ von derē nit alles vß  
dedruckt in der geschriffte des gesatzes war. Also auch hye/  
ob schon Chustus etwas heymlichs hett wöllen vnbeschri  
ben lassen/ ist es doch zü vermütmassen/ das es vil meer vff  
sein andre zükunfft züm jüngsten gericht diene/ weder vff  
notdürfftige gebott/ als dan die beicht ist (wie sy sagē) wie  
were es möglich/ das Chustus d ein volkōmener lerer/ vnd  
weg zü d seligkeit (wie er selbs spricht) ist/ vns den notdürf  
tigē pfadē der beicht nit hette angezeigt: so er doch in ande  
ren gebottē/ da vil minder angelegē ist (als sy sagen) ja die  
man auch niemē so hart strafft/ oder gar nit strafft von  
der welt/ so ganz vnd gar volkōmenlich gelernet hat/ vnd  
von disem nit ein vßgedrucktē büchstaben. Wir schē wol dz  
sy die beicht so nötig machē/ das man ein des lands dürfft  
verriagē/ wo er sy des jars nit einmal noch geysilicher sats  
ung thette. Weliche straff in vil grösseren vñ nötigern ge  
botten der liebe nit geübt würde/ ich geschweig auch d vñ  
stend die sye hynzū setzen/ mit denē sy geschehen sol (als sye  
sagen) das nit ein wunder were/ das einer ee verzwēfelet.  
Darumb ist ee das wider spiel zü glaubē/ vnd züsagē das/  
so in d geschriffte kein vßgetruckter büchstab von der heym  
lichē beicht ist/ als von anderē notdürfftigen dingē/ der lie  
be/ des glaubens/ vnd des gotts worts/ das eben darumb  
die beicht gar nit ist von göttlichē rechtē/ sonder pur von  
menschē vßgesatz/ vnd wie sye sagen/ das nit wol zü müe  
massen sey/ das die kirch so ein schweres gesatz vfflege/ es  
sey dan von gott/ wiewol man es nit in der gschriffte habe/  
möcht einer stracks darwid sagē/ ja ebē darüb dz die kirch  
kein vßgetruckte geschriffte hat vff die beicht/ solt sye es nit



SS.

vffgesetzt habē/ vorab wie sye dan vff diese stund im brauch  
ist/ das ein solicher notstal/ vñ freylich mer ein verderbūg  
der cōscentzen/ vnd ein fischung der geitzigen daruß wor-  
den ist/ ich geschweig anderer vbel so auch daruß entstan-  
den seind. 2c.

¶ Wolhyn/ das ich widerker vff den spruch Johānis/ den  
sye für die Beicht brauchē/ sag ich/ Es ist den jūngerē in di-  
sem spruch wol gewalt gebenden sūnderē/ so sy kommē vñ  
es begerē/ die sūnd zū verzeihē/ wie auch im ersten spruch/  
durch die allegory möcht verstāden werden/ das ein hyrt  
seiner schāstlin warnemen solte/ aber darumb ist niemāts  
gebotten/ das er sich öffenen müß/ das er eben vor dem ver-  
ordneten erscheinē müß/ sein verzeyhūg erwarten vnd ne-  
men/ gleich wie nit eben einer schuldig ist/ das er müßz für  
den oder disen richter kumen/ er mag sich wol sunst vertra-  
gen mit sein Bruder/ kumpt er aber/ so sol im der richter vr-  
teyl sprechē/ wie im Beuolhē ist von seinē herren vnd oberē/  
also auch hie. Es würt durch disen spruch niemāts gezwū-  
gen zū Beichtē/ aber wol hār widerüb die ihenigen die gott  
verordnet hat/ als die Apostelen vnd ire nachkōmen/ denē  
solichs (als sye sagē) allein zūstadt/ sollē das vōlck lin treū-  
lich in irem anligē verhōren/ wo sy kummē vnd sich bekēn-  
nen/ vnd jnen also helffen vnd rathē/ vnd ein declaration/  
das ist ein erklerūg thun/ dz jnē gott verzygē hat ire sūnd.

¶ Aber es ist eben das widerspiel/ die nachkōmen der Apo-  
stelen seind gebunden dem volck solichen trost & verzeyhūg  
zūgebē/ so habē sy es von jnē geschobē/ nemēssich des armē  
volcks nicht an/ sonder verbindē es wol hār widerüb/ das  
es bey todtsūndē/ das ist bey ewiger verdāniß müßz sagen  
vnd Beichtē/ vnd mit solichē beschwerdē/ wie Christus nie  
gesagt od gelert hat/ vñ richtē aber an/ die das arm vōlck  
lin verhōren sollē/ die enweders nichts kumen/ od vff iren  
muß mitt den armen cōscentzen hantrieren/ von welcher



hantlering wege/die Beichte die do solt sein ein grosse freud  
vñ trost dē armē betriebe cōsciēzē/ist ein grosse schwere  
bürd wordē/ab der mā erschuckt/als ab ein vnaturlich-  
ending/vñ volgt also/das freylich vnder hundertē kum  
einer vñ freyē willē vñ mit lust Beichtet/vñ anfechtung sein  
er sünd vñ cōsciēzē/deren er durch die Beicht rüg zū vber-  
kōmen begert. Schafft auch vil darzū das das gebott der  
Kirchen/dardurch die menschē bezwungē werde/wie man  
hört in aller welt klage vber die fasten beichtē halb. Wel-  
che so sye frey were/vñ aber darbey das gotts wort treu-  
lich geprediget/würd das volck an zweifel mer vñ frucht-  
barlicher vñ gütē freyē willē Beichtē/vñ trost der verzey-  
hūg seiner schuld/vñ dē wort gotts vō seinē bñder entpha  
¶ Sprichstu aber/es würd also freylich niemāts (hen.  
od wenig Beichtē: Sag ich/was gūts würt aber geschafft  
durch das vil Beichtē:so man nur der gewōheit nach gadt/  
vñ vnder hundertē kum einer vñ warē reiwē/vñ Schmer-  
zen seiner sünd Beichtet.dar von vil zū sagē were/hye aber  
nit statt hat. Gnüg ist/das wir wissen/wie gar rechter die  
schrifft/vff die Beicht gezogen vom Luther vñ gelegt ist wor-  
den/weder von disen/vñ er dānocht nit wie man im zū legt  
die Beicht ab gethon hat/sonder sye vil mer erkläert/wie sye  
trostlich sey dem betriübē gewissen/so dise vil mer die con-  
sciēzē erschreckt habē. Luther hat geleret dz wir die Beichte  
lieb gewinnē/dise aber/das wir sy hassen. Luther hat vns  
in der Beicht Christi vñ sein genad zū sūchen gezeygt/dise  
aber Mosē/mit seinē gesatz/das vil mer den zorn gots in  
vns würck/wie sanct Paulus leret. Luther hat vns den  
geyst d̄ do lebendig macht in d̄ Beicht anzeygt/wie dān das  
neiw testamēt erfordert/aber dise habē vns allein dē bñch-  
stabē d̄ do tödtet/gezeygt.wā d̄ merer teyl hat das Beichtē  
ebē vff das eüsserlich werck gesetzt/vñ es darbey lassen vil-  
gen/vermeynt dem gsatz also gnüg geschēhē sein/wie dān

auch gethon habē die juden. Wolan/hyemit sey gnüg von den geschufftē/die Beicht betreffende. wil auch hye mit der Beicht nicht abgebrochen haben/sonder vil mer (wie auch Luther) zu der Beicht/das sye recht ordenlich/fruchtbarlich vnnnd trofflich/den armen sünderen sey/treulich vermanen haben.

**Nun were auch gut zu erfaren die geschufften so vff die niessung des sacramēts/des zartē fromleichnamis Christi dienen/ob sye mit Luther vil rechter vfflege/weder dise/ja ebenstracts wie sye vffgelegt sein solle/vnd es keiner anders vfflegen mag/er wöll dann die wort Christi lassen faren. Christus spricht mit vffgedruckten worten. Es sey dan sach das ir essen das fleisch des sündes mensche vnd trincken sein blüt/so mögen jr das ewig leben mit haben. Nit deß minder wie heyter vnd klar die wort seind/dānocht ist nur die einige gskalt/des brots im bruche. Wolan so dise wort verstanden werden von der geistlichen niessung (wie der heri spricht/Die wort die ich rede/sind geyst vnnnd das leben) die do geschicht durch den glauben. vnnnd (mit eben von der fleischlichen/oder sacramētischen) das ist) das wir glauben vestigklich die menschwerdung vnnnd blütuergießung Christi/welicher glaub ist ein speiß vnser seelen/vnd die recht niessung/die das leben gibt/vnnnd vffenthaltung der seelen in diser zeit/on welche ondas die sacramētische niessung nichts nützet/wie dan auch der heri spricht/Das fleisch ist nichts nüt/der geyst ist der do lebēdig machet) Es sey nun also/das dise wort von der geistlichen niessung verstanden werden/so seind doch die sprüch die die sacramētische niessung betreffen auch ganz klar Bey den dreyen Euāgelisten/das ist Mattheo/Luca/vnd Marco. Wann da hatt man klärlich die vffsagung vnnnd brauch dises Sacraments.vnnnd sagen alle drey gleich vff**



die meynig. Da sy aber assen/nam Jhesus dz brot/vn däck  
sagt vn brachs/vn gabs den jüngern/vnd sprach/ **T**emēt  
essent/das ist mein leib. Vn er nam den kelch/vn danckt vn  
gab inen/vnd sprach/ **T**rinckent all darauß/das ist mein  
blüt/des newen testamēts/welchs vergossen würt für vil  
zū vergebūg der sündē. **N**ich dunckte ye das sey klar gnüg.  
**P**aulus dessz gleichē der den brauch vn vffserzung dieses sa-  
cramēts den Corinthier anzeygt. **J.** Corint. xj. meldet auch  
die beydē gestalt. **S**agt auch darzū **G**ala. j. das der ein ver-  
flüchūg sein solt ein anders **E**uangeliiu predig/weder er  
geprediget hat. **N**un hat er den Corinthier von beyden ge-  
staltē geprediget/was ja für ein geyst vnd **E**uangeliiu ist/  
das mir von einer gestalt leret die leyen: **D**och sol inen  
das ein trost sein/das nit eben zū d rechten geystlichē nies-  
ung/enicherley gestalt sond d glaub/die recht speiß vn nies-  
ung ist/welchē zū üben/zū benestigē vnd zū meren/in alle  
anfechtūgen diser welt (welche vns zūm dickerē mal klein-  
mütig vn zweifelhaftig machē gegen gott) sind vns dise  
beyde gestalt/zū einē zeychen/dardurch das gemüt wider-  
umb erhebt wurd/vffgesetzt. **W**elches seiner maiestat vff-  
gesetzt zeychē/die sterblich creatur freylich nit endren solt/  
ja auch in den gemeynen **C**hristen/wan so für sye das blüt  
**C**hristi glych als wol vergossen ist/als für die priester/war-  
umb soltē sye dan des zeyches beraubt sein/durch welches  
sye des blütnergiessens für sy auch geschēhē ermāt würdē.  
**W**olan/zū hoffen ist/das gott würckē/dz durch die eini-  
ge gestalt/die gemeynē **C**hristē tieffer vermāt/vn im glau-  
ben befestiget werden/dan vil andere durch beyde/so doch  
on alle sacramētische zeychē/in vilen ein steiffer glaub ge-  
macht vn erhaltē würt. **A**ber wie recht daran thūgen die  
ihenigen den das gots wort beuolhē ist/das sye eyges wil-  
lens/wider so vil heller gschrifft/die enig gestalt hyngenū-  
men habē/laß ich sye verantwortē/meins bedüctens wie  
ich do

ich do oben gesagt hab / sol kein vrsach so gütten schein ha-  
ben / durch die man ettwas im gotteswort enderen vnder-  
stande. Das sye aber ein spruch für sich vffbringen vß dem  
büch Actorū am andren. Sye bliben aber bestendig in der  
Apostelē lere / vnd in der gemeynschafft / vnd im brotbrech-  
en. ic. So da stand allein vom brot / vñ mitt auch des kelchs  
yngedenck ist / soll darauß genömen werden / das auch die  
Apostel allein vnder der gestalt des brots / das sacrament  
gebraucht haben / oder dē volck also vßgeteylt. Ach gott  
wie ein lücker grundt ist das / solte Luther ein spruch also  
misszbrauchen / wie ein grosser ketzer müßt er sein: Wolan /  
ich gschweig / das durchs wörtlin brot / in der gschufft züm  
dicker einmal verstanden würt / nit allein brot / sonder aller  
ley speiß / essen vñ trincken darzü / das auch billich hye der  
selbig brauch zu reden gewesen sein mag / das man by dem  
wörtlin brot / den ganze brauch dises sacramēts verstandē  
hab. So seind doch vber das alles so vil heyterer heller ge-  
schufften / wie erst angezeygt / welche billich disen eynigen  
spruch erklerē. In welchem wiewol des kelchs nit gedacht  
ist / würt er doch nit verleügnēt. Wie were jm / ob durch dz  
wörtlin brot brechen / das almüßen vnd vßteylung der leip-  
lichen speiß möcht verstandē werden: welcher brauch lan-  
ge zeit in d kirchē bliben ist / dz man den armē vßteylte nar-  
ung vnd speiß / so man dises Sacramēt übte / darumb es  
auch Communicatio / das ist gemeynschafft heyst. vñ auch  
sanct Paulus die selbige vngleiche vßteylung / vnd andre  
misszbreüch bey disem Sacrament straffte.

Was not vnd gewalt die geschriffte leiden müßen / dar-  
uff sy den ellendē jemerlichē (ich sprach gern teüfelischen)  
Bañ / wie er yetz gar nahe allēthalben im brauch ist / grün-  
den / were vil zū sagen / ich lassz aber ston bitz an sein statt /  
sag doch mit ein wort / das der Bañ / wie er yetz im brauch  
ist / die geschrifften vß dem Euangelio vnd Paulo gar nit



dienen/sonder mer zūwider sündt. wān der Bann ist nur ein  
straff der vnstrāfflichen sūnder/denen man sunst nit zūtūz  
men mag. so hat in die mēschliche weißheit zū einē schuld-  
botten gemacht/als ob man nit Büttel vnd Schuldeysen  
genug hette in der welt. Die geschaffte so vff den Bann dienē  
die besyhe mir. j. Coynth. v. Jc. ij. Thessalo. iij. Mat. xviij.  
in der anderen epistlen Johānis. x. vß was vrsach vnd wie  
der Bann gebrauchet sey/vnd hebs gegen der handlung vñ-  
serer Officialen vnd Vicarien/der senfftmütigen hyrten/  
die das vyhe Chusti gar lam schlāhen/vnd dem teufel dar-  
zū ergeben. Doch einen spruch muß ich erwegen. Der herr  
spricht Mat. xviij. Sündet dein Būder an dir/so gāg hyn  
vnd straff in zwischē dir vnd jm allein. hört er dich/so hast  
du in gewūnē. hört er dich nit/so nīm zū dir einē oder zwen.  
hört er die nit/so sags der gemeyn. hört er die gemeyn nit/so  
halt in für ein heyden. x. Dye sind die das wōrtlin Ecclesia  
(Kirch od gemeyn) vßlegen für prelatē. Syhe wie ein scho-  
ne vßlegūg/Sags vilē/das ist/sags ein allein. Wān das  
Luther thette/wer er billich ein ketzer. Tūm Binnich dan-  
nocht nit darwider/das soliche sachen darumb man einē  
verbant sollen anbracht werden dem prelaten/als dem der  
am meysten sorg tragen sol/welicher darnach den selbigē  
anzeigt der kirchen/das ist der gemeyn (die niemer on den  
geyst gottes ist) das er mit sampt der kirchen jnen Satha-  
ne vbergebe/wie jm Paulus auch gethon hat. j. ad Coir-  
tios. v. vnd wie auch allenthalben geschehen soll. Ich muß  
mich aber nur der frāuelen leūt verwundern/das sy so vn-  
uerschampt dürffen die geschafften von jrer eygener na-  
türlicher beteütung zwingen/da mit sy hofieren vnd wol-  
gefallen/denen sye vßerdtrich dienen/vnd jnen helfen jre  
tyrāney zū erhalten/freylich dardurch sye auch deßerbāß  
erhalten würden. Es heyst nit sags d gemeyn/das ist ein  
allein/wol ist/wān man ein ding anbingt an ein gemeyn/

so sage mans billichen dem der von der gemeyn fürgesetzt  
ist/ vber die selbig zu wachen vnd zu regierē. der selbig aber  
sol nit eygens fürnemēs/ sonder mit rath 8 gemeyn/ oder  
von der gemeyn darzu verordnet/ in solichen dingen hand  
len. So hat Christus gelernet/ Paulus vnd andere/ also  
möcht es bas laute. Du hettest aber dein prelatē nit allen  
vollen gwalt geben/ das er möcht zün zeiten vsf eygnē frey  
en willen/ mit dē armē vō lēcklin nach seinem gefallen vmbz  
gon. Wan darff jnen nit zūvil zū geben/ mich dunckt sy vn  
der windē sich selbs mer/ weder darzu sye recht habē/ man  
darff die leuß nit in beltz setzen.

**H**ye mit wil auch nichts den prelaten gemēnen haben/  
ich wil aber das man nach der geschriffte handele/ so mag  
man nit felen. Wer weyßt nit das jnen die menschen selbs  
alle zeit mer zūgeben/ dan jnen gebürt/ wie dan wan man  
sye erst darzu fürderte/ vnd steuret/ mitt falscher vsleg  
ung der geschrifften. Ich darff frōlich sagen/ es hette sich  
der Pappst vnd andere prelaten niemer so vil vermessen/ es  
were auch niemer so vil tyranny in yr regiment kummē/  
wo nit der suppen doctores (ich meyn die Sophisten bettel  
münch vnd Canonisten) gesin weren/ welche jnē den weg  
durch die geschriffte/ die jnen allezeit im weg gelegen ist/ ge  
macht haben. Wir wissen das die gschriffte gantz vnd gar  
widerwertig ist dem regiment der kirchen/ wie es yetzt ist/  
welche so man nit darff fleucknen/ ist nor gesin/ das man sy  
subtillich glosiert/ wie ein grosser steyn der im weg ligt/  
vor dem man nit hymüber mag kummen/ macht man ein  
feinstigelin darüber/ oder ein pfädlin neben vmbher/ also  
auch hye/ wo vns die heyttere gschriffte im weg gelegen ist/  
hat man ein feins stigelin (das ist ein glōflin) darüber ge  
macht/ oder ein pfädlin neben vmb/ das acht ich als für  
ein rath/ wo es hat sollen ein gebort sein/ o8 sunst ein vmbz  
standt/ durch die philosophy/ oder vnser eygne vernunfft/



nach deren wir das gotswort geurteylet haben / also so es  
vnsfer vernunfft noch zu schwer gedunckt hat / habē wir sy  
lassen ligen / vnd gesagt / es sey nit gebotte / sonder nur ein  
rath für die vollkumēnen / welicher vollkumēheit wir vns  
nit habē noch wollen vnderwinden / auch nit vermeynē /  
das sye vns not sey (als ob etwas vnuolkumens gen himel  
kumen möcht) haben also noch vnsferer synnlicheit / ja ty-  
rannischē begirgen / die kirchen regieret / vermeynēde wir  
haben eben recht daran. Der meynūg noch vil grosser pre-  
laten seind / welche (ich achte) wo sye eygēlich wūstē das  
sye vnrecht hettē / würden sich villeicht anders darein schi-  
cken. Es schafft auch vil an jnē die ungewurtzelte gewon-  
heit / dar von wir vns nit gern lassen treiben / vorab wo sy  
für vns ist.

¶ **W**olan / an disem allen seind schuldig vnsere doctores /  
denen wir zu vil zūgeben haben / als den jhenigen die nit yr-  
ren möchtē / denē wir auch dest gerner gefolgt / so sye nach  
vnsferen begirdē geratē hand / haben sye auch darumb lieb  
vnd wert gehebt / ire geschufften approbiert vñ angenom-  
men / auch durch den ban beschirmer. welichē sy hār wider-  
umb von not wegen der massen vñgelegt haben / das er so-  
lichs vnd anders zū ihm vermüglich gefunden werde. vñ  
also werdē ire geschufften durch den ban / vnd widerumb  
d ban / mit sampt der bannēden kirchen durch ire geschuff-  
ten erhaltē / vnd gond also die ding sein im circel / da mit  
das schön regimēt blibe vñ nit in die vorige stumperey der  
Apostelischen kirchen widerumb kumen müsse ꝛc.

¶ **E**r hett gar vbel geredt welicher vermeynē / dz die kirch  
wider in solicher einfaltigkeit oder demütigkeit ston solte /  
wie sy zūm anfang gestanden ist / als ob sye zu der zeit vbel  
gestandē were. Nun were wol zu leidē ob es schon nit gātz  
eben zūgieng in solicher einfaltigkeit / armūt / stumperey /  
(wie sye es neñen) wie zūm anfang / wā doch nur etwas

noch verhanden were/das ein form vnd gestalt/ein anzeygen vnd würde der vorigen kirchen hette. So es aber dar zu kumen ist/das gar nahe nichts von der vorigen kirchen vberbliben ist (vnd kum ein gottloser leben vnd wesen vff erdtrich gefunden würt weder eben in der kirchen) bringet es grossen argwon mit jm/das sye wenig oder gar nichts mit der rechte Apostolischē kirchen gemeyn hab/wie dan bald darthon möcht werden/durch ein vergleichē beyder kirchen gegen einander/der vorigen vnd der yetzigen/weliches ich noch bey der weil vnderwegē laß/von wegen etlicher frumer/die noch in diser Babylonia wonen/recht also auch das vnkraut lassen wachsen/bis an die ernnen (die wir hoffen bald künfftig) so dan würt d haußuatter seine diener schicken/vnd ein sündering thün/die gütten von bösen/Böck von den schäfflin/alle ergernuß von seinem reich vffheben/Amen.

**Es seind noch vil geschrifften: die allerhand materien vnd punctē darinn sich der Luther vnholdtselig gemacht/Betreffen. welche so man sy erwegen würde/sähe man bald wer den schaden gethon hette/werden heyligē geyst hatt wöllen zu schül führen vnd meysterē. Solt man sagen von der matery des freyen willens/von menschē gesatzē von der genad/von der sünd/von d messz/von püesterthün/vonden sacramēten/vom segfeüwr. ac. würde sichs bald finden. ja erst so wir die geschufftē des alten testamēts /als der propheten här für bröchten /vnd vreytē die yetzige kirch darauß/ wer die propheten seien/die do lauffen vngesandt/die dem volck Friden verkündend do keiner ist/die das gesycht vnd träum jrs eygenē hertzen predigen/oder die red gottes vß seinem mund/von dem weingartē gottes /were in garnach wüßf gelegt hat. Vnd solte ich erst erzelē das gantz geschlecht der phariseyer vñ gleißz**



ner wer die syent / von denen das gantz capitel Matth. am  
xxij. durch vs sagt / die ire werck thün / das sye von den me  
schen gesehen werden / grosse seüm an iren kleideren habē /  
die gern oben an sitzen vber tisch / vnd in den schulen. habē  
gern das sy vff dem marckt gegrüßt / vnd von den menschen  
en Rabbi / das ist Magistri nostri / genent werde. Ire wer  
die syen / die das himelreich zü schlüssen vor den menschen /  
der witwen heüser fressen / das wasser vnd land vmbziehē /  
das sye ein jünger mache / das er zweyfaltig ein kind & hel  
len werde. Wer die blinden leyter seient / die klein achten by  
dem tēpel zü schwerē / aber für groß / der bey dem gold des  
tempels (des sye villeicht wol braucken können) schweret /  
die kleine ding fleißig verzehenden / aber die grossen vnder  
wegen lassen / ein fligen vßkorzen / aber ein camel verschlyz  
cken / das vßwendig am gefessz seübere / vnd ynwendig vol  
ler raubs vnnnd vnreynigkeit sindt. Item welche die vber  
tünchte greber seient / die ynwedig vol schlägen sindt. wer  
die seient die vber ire vätter clagen / das sye die propheten  
gerödet habē / sye aber vermeynen / sy wolten jm nit also  
gethon haben / vnnnd doch täglich erdencken wie sye die vn  
schuldigen bekennen der warheit vmbbringen. Item wer  
das Hierusalem sey / das die propheten todtschlecht / verz  
steyniget / vnd durechtet / ob es auch zü vnserē zeitē möche  
gefunden werden. 2c.

**E**s seind vnzelich vil geschriffte / die wol züerwegen we  
ren / als die vß den prophetē vom Entchriß vnd seinē reich  
lauten / vorab vß dem Daniele vnnnd Euangelio / wer der  
greüwel sey / der da sitzt in der heyligen stat / wer & mensch  
der sünd sey / der im tempel gottes sitzt / vnd sich vberhebt  
vber alles das da gott heyst. Wer die rot hür von Baby  
lonia sey / mit deren schier alle fürsten der erden züschaffern  
haben. Item vß dem gätzen capitel. ij. Petri. ij. wer die fals  
schen propheten im volck seient / vnnnd lügenhaftigen meis

ster/die do yrrige sectē ynfürē. Wer die seient/die vmb das  
arm volck mit ertichten Worten durch gütigkeit handhie  
ren/wer die Brunnen on wasser seient zc.

¶ Vnnd was soll ich vil sagen von den geschufften/Beyde  
vß den propheten vnd Euangelischen geschufften/die vns  
von den hyrten sagen/vnd vom weyden/wer die hyrtē sy-  
ent die kein verstandt habē vnd vnwissend seient/die allein  
die wollen vñ milch an schäflin süchen/die sich darumb in  
schaffstal tringen/das sy mezzgen vnd verderben. Da von  
Jeremias/Ezechiel vnd andere prophetē vil klagen.zc. die  
den wolff sehen vnd fliehen/die ein pact mit dem wolff ma-  
chen/die die dieb sehen/vnnd jren teyl mit jnen haben/wer  
die hyrtē syen die durch die vnrecht thür in schaffstal gond  
wie die dieb/das sye stelen. Vñ was sol ich erzelen/es ist die  
gantz geschufft vol viler sprüch. welcher so man Luthers  
vnd andrer vßlegüg gegen einander solte heben/würd ein  
yeder der eins rechten vnuer argwontē vreylys ist/Bald se-  
hen/wer züm nechsten hynzū troffen hette.

¶ Vnnd da mitt ichs beschließ/mußz ich noch den spruch  
Johannis am zwenzigisten capitel vßbieten zü erwegen  
Weyd meine schäflin/spricht der herz zü sanct Peter. Vß  
welichen spruch sye das gantz Bapstumb (wie es yezt ist)  
Banwen/wie ja vbel vnd lüct es daruff stadt. Vñ wil ich  
nit leügnen den Römischen gewalt/wie er vß dise stund  
ist/wan wir in auch vor augen sehen fürtrefflicher/weder  
der mechtigen künig gewalt. Wie er aber vß disen spruch  
gegründ sey/mag leichtlich verstandē werde/auch durch  
andere gschuffte. In welichen d herz seinen jüngerem den  
weltliche gewalt glatt ab geschlagē hat/selbs verleügnet  
vñ geflohē/sich selbs vnderwürfflich mit sampt den seinē  
den selbē gemacht hat. Vñ lassen wir yezüd dise gschuffte  
fare/welche frylich auch niemāt mit d warheit anders vß



legen mag/weder eben wie der Luther/vnd mit jm vil fr̄  
mer vätter gehon haben/vnd wöllen nur zu disem spruch  
allein sehē. Wie fast syen in disen spruch vffblasen/vff den  
weltliche zeitlichen gewalt/so ist er vil mer wider sy/vnd  
stößt den pracht so sye füren gar darnid. Das aber dē al  
so sey/wöllen wir besehe was weydē heyst/vn̄ zū vor was  
do sey die rechte ware weyd der schäflin Christi.

**D**ie recht weyd vff das kürzest/ist mir das gottswort/  
du wüirst mir auch kein anders vß der geschufft vffbingē/  
wan̄ mit dem gotswort allein würt die seel gespeißt/getrōs  
stet vnd vffenthaltē in disem leben. Keines menschen wort  
vermag die arme betrübtē seel zū trōsten/wan̄ es ist allzeit  
ein sorg darbey/so doch alle mensche lugner seind/vn̄ aber  
gott allein warhafftig. darumb vff sein wort sich allein zū  
verlassen/jm allein zū glaubē/welicher glaub allein speißt  
die arme seel/wie es der herz genügsam vßdrückt im Euā  
gelio. Sūma summarum/so nūn das gotswort die rechte  
ware weyd ist/da mit die selen vff erdtrich gespeißt werden  
sollen/vnd auch Christus/allein von der seel wegen kum  
men/auch also für die selbigen sorg gehabt/hyrtē ynge  
setzt. so müß auch weydē nichts anders sein/dan̄ das gots  
wort predigē. Welche nūn weiter folgt das/zū wem gespro  
chen ist das er weyde/zū dem ist nitt gesprochen das er zeit  
lich regiere/oder vil gesatz mache/ja vil mer das er sich al  
ler eüsserlicher geschafft entschlag/vnd vorab zeitlichs re  
gieren bey dem weyden gar nit ston mag. Wan̄ ein rechter  
weyder darff das er tag vnd nacht studiere in der heyligen  
geschufft/warneme seiner schäflin wie sye im gotswort zū  
nemē/sich für sye stellen wo die wölff ynher brechē/leib vn̄  
leben für sye strecken/wie der herz lernet.

**H**yeruß volgt/das diser spruch für dē Bapst/Bischöff  
vnd alle prelaten gar nichts thūt/sye weyden dan̄ mit dem  
gottswort/ja vil mer klagt er sy an/so sy nit weydē. Folgt  
auch

61.  
auch weiter / Solte d Bapst / Bischöff / disem spruch nach  
haus haltē / sye müsten gantz ein ander regiment haben / es  
würdt Rom gantz ein ander antlit gewinnen. wan das yetz  
ig Bapfflich regiment vnd weyden / mag sich mit einander  
gar nit vertragen. Sye solten auch billich ab disem spruch  
erschrecken / mer dann ab allen sprüchen der geschrifft / die  
weil sye sich für hyrten vß geben / vnd gar nichts weyden /  
wissend dar bey / das der her: seine schäfflin / von iren hendē  
würt erforderen.

Es ist auch nichts gesagt / das sye fürwenden / sye predi  
gen durch andere ire Vicarien / vnd die jhenigen die sy vß  
schicken / vnd bleibē sye da heym / vnd sehen das es recht zū  
gāg: Wolan / ich lassz sein / nit destminder so hat man es in  
beuolhen / das sye selbs weyden sollē / wie auch Petrus (zū  
dem es in person aller jünger Christi gesagt ist) gethō hat /  
dessz gleichē sye auch. Hett er gewōlt / das sy da heym soltē  
sein bliben / vnd andere angestellt / er hett inen auch wol  
kündt sagen. Tūm aber hat er sye es selbs geheysen / wie sy  
es auch selbs gethon haben / darumb vnbillich die jhenigē  
die sich Petri vnd der andern jünger nachkōmen berümē /  
der arbeit sich entschlagen. Wōcht nit Christus sprechē / yr  
seind nit meine jünger / dan jr thünd nit das ich eüch besol  
hen hab / darumb auch nitt weder mein noch meiner jün  
ger nachfolger:

Sūma summarū / weyden ist den jüngeru Christi selbs  
beuolhen / welichs so auch ire nachkūmmen thūn / sind sye  
auch jünger Christi / vnd rechte nachkūmmē der Apostelē.  
wo nit / so sind sye eben die jhenigen / die sich in eins anderē  
eren yngetrungen haben / vnd von denen die geschrifft vil  
sagt (vnd namlich Petrus) brunnē on wasser / vnd raglō  
ner / vnd die sich selbs weydē. 2c. Meynstu das Christus ein  
vergebens müßig gonds ampt yngesetzt habe / da er vom  
weyden gesagt hat: meynstu das er es mit den nachkūmmen



den anders hab vollen gehalten werde/dan mit den ersten  
seinen allerliebsten freunde. Meynstu nit das vns also not  
sey das weyde/als den alten. Darumb darff es nit vil we-  
sens/Bapst Bischöff/seind schuldig selbs zu weyden/oder  
sy sind nit rechte nachkumen d Apostelen/vnd wañ sye sich  
ja tausentmal darfür vß geben/sye haben das arme völk-  
lin bald vberede/Christus aber leügte nit. sy sollē weyde wie  
inen Beuolhen/od sye sind nit die rechten hyrten. Christus  
wort stond steiff/Pasce/weyd/nit gang müßig/hab einen  
grossen pracht/ein groß vnnütz hoffgesind. 2c. Nit das ich  
inen den pracht wöll absprechē/sye seind aber nit Bischöff  
ab dem pracht/od ab der erwölung vnd ynsentzūg/sonder  
ab dem ampt des weydens.

**E** Meynstu nit hett es sollen also zūgon/das es genig we-  
re mit einer grossen pomp/vnd dz mā einen von Cardinälē  
erwölte/vnd in darnach vffhyn satzte/das er zū sähe/vnd  
im vil cramentzens machen liesse/vil eer an thūn/vnd die  
sach mit anderen vßrichtete. er hets Petro auch wol kün-  
nen sagē/Petre du wüsst ein grossen pracht fürē. So wer-  
de mein schäflin feyst dar bey. Er sagt im aber/weyd/setz  
dein seel für deine schäflin. Es würt dich ein and gürtē vñ  
fürē (frylich d hēcker) do hyn du nit wilt. Doch wil ich nit  
darwider sein/das der Bapst vñd Bischöff auch durch  
andere weyden/also das sy vßschicken in die land vnd steet/  
da hyn sy nit kummē mügen/wañ so die ern groß ist/vñd  
d arbeiter wenig/ist not das man allenthalbē hynschicke.  
Also hat im Paulus gethan/freylich Petrus auch vñ an-  
dere. Sye haben aber die hend auch in den teyg gestossen/  
auch selbs geprediget/vñ darzū leib vnd seel daran gesetzt.  
welches auch dise schuldig sind/oder sye sind nit die rechte  
**E** Sprichst aber/Ja das würd schmorzerisch (hyrte  
zūgon/wir seind groß mechtig fürte/solte wir do ston vor  
alle mensche wie die schmutzige Bachantē vñ dorff pfefflin.



Das wer wiß fürstliche pracht/es were ein verkleynig des  
 Bischoffliche stadts/vñ ein schäd dem Bistumb. Ic. Ja wie  
 dunckt dich? Ich hör wol/darumb das du ein fürst bist/so  
 soltestu darumb nit mer dein ampt thün/das dir Christus  
 beuolhē hat: was gadt das Christus an: was gadt das die  
 armē schäfflin an: sye dürffen eins Bischoffs der sy weyde.  
 sye findē alezeit wol fürsten die sye zeitlich regierē. Christus  
 hat kein fürstē wöllen ynsetzē/sond ein Bischoff. es sind on  
 das fürsten genug gewesen zū den zeitē vñd noch. Hindert  
 dich dan am Bischoffliche ampt der fürst/wolan so laß in  
 faren. Truckt dich der Bischoff/so laß in auch faren/vñ  
 bleib dein lebēlāg ein fürst. Sole durch deins fürstentūbs  
 willen/das Bistumb darumb vnder gon: Ja sprichstu/mit  
 dem fürstenthumb behalt ich das Bistumb. Sag ich/neyn  
 Du behaltest es nit predigē vñd weyden/dan es het sunst  
 Christus auch daruō gesagt/so ers doch abgeschlagē hat  
 Aber das glaub ich wol/das dichs fürstenthumb bey dem  
 Bistumb behalt/du sähest es sunst nit an. Wolan bleib gleich  
 ein fürst vñ ein Bischoff mit einander wie du wilt / versyhe  
 mir nit auch den Bischoff/mit predigē selbs/oder ich sag  
 fürwar du bist kein Bischoff vor gott/sein wort stadt steiff  
 Weyd meine schaff. .ic.

Mag ich nūndas weyden nit durch andere versehen?  
 Du hörst wol das der herz sagt zū Petro/Weyde. .ic. vñnd  
 er thers auch/acht wol er mache mit dir kein besonders.  
 Ich mag sye aber nit allien erweyden. Wolan/wie ich ge-  
 sagt hab/so schick vs vñnd versyhe es/nit mit den schlech-  
 testen vñd vngeschicksten/sonder mit den besten/in ande-  
 ren flecken da hyn du nit kōmen magst/wie auch die Apo-  
 stelen gethon haben. .ic. Die geschickten wollen aber nit  
 hynaus/wöllen nit daran/Beschemmen sich des predigen.  
 Wolan/sye lerens vom Bapst vñnd Bischöffen/weliche  
 so von wegen das sy groß prelaten syen/nit selbs predigē/



sich sein beschämen/wolten dise auch gern prelatisch leben  
(es heyst prelatisch sein/müssig gon/faul vnd fressig sein/  
schön schauben antragen/prachtisch im hauß vnd an der  
gassen sein)so fer jnen müglich were/vnd entschlagē sich  
auch diser stumpery. Die ander vsach/so seind die nutzūg  
en gar nahe allenthalb von den pfarhē vff dise faule/fres  
sige/vnnütze prelatische stend gezogen. ist nichts dann ein  
dürre weyd noch da/die zehende sind hynweg. So nū ein  
yeglicher lieber müssig gadt/vnd die nutzungen nur den  
müssiggengerē vnd vnnützen prelaten zū gestellt seind/prac  
ticiert ein yeder wie oder mit was finanzen er mag/das  
er auch mög müssig gon/dieweil es doch so wollonet. Wo  
aber die nutzung bey der pfarhē blibe/vnd niergentz hyn  
diente anders weder dem der sye versähe/würde sich bald  
schicken/das die gelersten vnd besten sich des predigē auch  
vff dem land vnderwinden würden. Dieweil man es aber  
jnen vergebēs zū hauß treget/werent sye narren das sye ar  
beit darumb thetten/sye finden alweg ein durren rostigen  
herz domine/8 fro ist das man jm die spreuer laßt/das er es  
versehe/wie gott wol weyß/vnd frist es der pamphagus  
oder barnhengst gar ic.

**E**S Bapst wer hat dich geheysen so vil fauler/fressiger/  
prelatischer stend ynsetzen/die nur zū einer beraubūg die  
nen der pfarhen/vñ zū einer verkleinung des gottsworts  
Ich sprech gern/das alle prelatische stend/vßgenōmendie  
zūm predigen vnd der armē gemeyn zū dienē gericht sindt/  
allein zū einer verderbung der christenheit seient/wan sye  
gar nahe alle nur zū nachteyl dē gottswort dienē/vñ nut  
alle vff den raub der pfarhē gericht sindt/vondenē yeder  
man fressen wil/vñ niemāt nichts thūn/ja beschemen sich  
zū thūn/als ob es vnerlich were/sy beschemē sich aber des  
raubs nit. O jamer/das man sich des ewigen gotswort be  
schamet. Darumb ein löblich ding were/wo ein Bischoff

in der statt do sein cathedral kirch in ist / selbs predigete / so würden sich freylich darnach sein grosse Canonici desselbigen auch nit schamen / dess gleichē die Doctores. Summa summarū / es würden sich die besten selbs yndringē in das recht weydwerck / nit mit voglen vnd hunden.

Es würde auch das gots wort in grösserer achtung sein by menigklich / weder also / dieweil die dorechtige welt die ämpter achtet ab denē die sye üben / wie wir dan schē / das das geseng in d kirchē (wiewol es zehēt ausentmal minder ist) vil höher geacht würt dan das predigen / auch das kirchen vnd glocken wyhen / ja auch das voglen vñ jagen / vnd der gleichē weydwerck / wan solche ding nur die würdigē / wol vnd hoch gebornē üben / darumb ist es auch eerlicher. Dis ses aber nur die rostigen pfefflein / die grawen / schwarz / weissen vnd spreckelechre münch üben / die das vberig von schefflin vols heruß saugen / mit allerley finantzē / die man vff solichem terminen erdenckt / seind also die güten schäflin ein raub allē thyerē d weld. Vñ Bischöff / daran sind jr schuldig / wie wöllent jrs yemermer verantworte: wie wöllent jrs vergeltē / das so vil schäflin durch eür weren fürsten verwarlast werden: Es kumpt die stund / jr wölten das jr den fürsten nie gesehen hetten / oder des Bischoffs weren müßig gangen / gott leügt nit / aber ich sorg jr glaubē nit. Wan wo jr glaubtē / würdē jr freylich gott sein edel weydwerck nit in soliche verachtung stellen. Er hat dich gesetzt zu einem weydman der seelen der menschen / so fahestu vnuernüfftige thyer / vogel vnd seüw. Soltest den lebendig en tempel gotts weihen / durch sein wort / so wyhestu glocken / stein vnd holtz. Soltest predigē / so singestu in ein liedlin daran / Ach gott des aller ellendstē wesens. Vñ ist erst das aller bösest / wieder Bapst vnd Bischöff für sich selbs nit weyden / also lerens auch die minderē Bischöff (das ist die pfarther) weyden auch nit selbs / wan sye wolten ye auch



gern prelatisch prägē/Bettelhēs also wie auch dise/anderē/  
bitz vff die münsten/also das die ganz Chrustenheit gar na-  
he mit eitlich taglōneren verschē ist/ja mit eitel diebē/rei-  
bern vnd möderē/wie der herr spricht/wir seind ye all nur  
darumb da/das wir von den schāflin fressen/feyst vnd ge-  
mest werden/ja die wir weydē solten/müssen vns weyden/  
so doch die schāflin feltē vom hyrtē/vnd nit d hyrt von den  
schāflin/geweydet werden/wie der prophet spricht.vnnd  
ist also fein diser spruch/Weyd mein schāflin/ vmbgekert/  
das ist/Werd du von jnen geweydet. Syhe wie ein schōne  
vfliegung das ist.

**E**s solt sye billich zū einē verstandt des spruchs führen/  
das der herr so ernstlich die liebe erfordert von Petro/ee er  
im das weyden befylhet/Bey welcher erforderūg sy wol ge-  
dencken soltē/das es nit also vffgericht were/wie sye es bitz  
hār im brauch gehebt haben. Wir wissen wol/das der herr  
zūm drittē mal die liebe erforschet hat von Petro/ee dan er  
im die schāflin beualch/freylich dz es ein ernstlich lieb sein  
solte/die zū einē hyrtē gehōrte. So nū das liebē vñ weydē  
gleich beuolhē ist/wie habē sy dan das liebē verlassen/vnd  
sich eynig des weydens vnderzogen/so es doch on lieb nit  
ston mag. Aber ich gib jnen zū/das das weyden so sye bitz  
hār geübt/wol an lieb ston mag. Ach du ellēds weyden/  
du jāmerlichs liebē/von rechter liebe die schāflin mit kein  
lōcklin heuvs niemer speißen/niemer sehen/vff rechter lie-  
be dem vntōuglichsten hyrtē beuelhen/vff rechter liebe die  
schāflin mit vntreglichē sātungen vberladen/mit manch  
erley fināzen/vber das/das man sy ordēlich schiert/vnnd  
milckt/auch darzū lam schlagē vñ würgē. Neyst nū das  
vnd d gleichē sūbungē die schaff Christi vff liebe weydē/hab  
ich kein zweifel/es künd ein yeder ley weyden/ja auch der  
Türck. Solte er nit künmen die scheflin etwo einē vnacht-  
barē/vntōuglichē beuelhē/d mit jnē nach seinē gfallē auch

vmbgieng: vnd er sy darnebe mit tyrānischē/ geleſüchtigē  
 gesätzē schindē/ melckē vñ scherē/ ja auch gar fressen/ wo  
 in d' hunger ankömē: Ich acht er kint es eben als wol. das  
 ich nit weys/ ob es vnser hyrē vom türckē/ oder d' türck  
 vō vns geleert hat: ¶ Wir sehē wol das vnser hohē hyrē  
 nit anders thūn weder tribut von den schāflin nemē/ yetz  
 vnder d' gestalt/ yetz vnder diser/ damit sy inē dānocht nit  
 vmb sinst ab nemen/ vñ das sye nit gar nichts weyden/ so  
 lassen sye zū zeiten etwas vsigon vnder die schaff/ werffen  
 innen etwas dar/ gleich wie ein aß oder ein selzlin/ das sye  
 dan theür genüg bezalē müssen/ als da ist ablaß/ vñ viler  
 ley dispēsationes/ erlaubūgē vnd nachlassungē/ der ding d'  
 wir andas macht hettē/ vñ begabūgen der en ding die vor  
 hyn vnser sindt. vñ aber das alles durch gott vñ vnmurge  
 bēs (vnangesehē des spruchs/ Ir habts vmb sinst entpfā  
 gen/ gebt es auch vmb sinst/ Welicher spruch auch wol zū  
 erwegen were/ wer im mer gewalts an thet) wie wir dan  
 täglich sehē/ das nichts vergebēs hāraus kompt/ es müßz  
 alles vffs theürest vorhyn erkauft vñ bezalt werdē/ aber  
 sye sind darumb da/ sye wartē irs marckts/ es ist jr narūg.  
 ¶ Man findt auch die vermeyne/ das sye die ware darūb  
 vff kauffen/ das mans inē widerū abkauft. das ist/ das sye  
 vil gesatz machē/ so im eelichē standt/ so in speisenz. Item  
 die d' münchs/ nunne/ priesterstend betreffen. Itē so kirch  
 en/ capellē/ altar/ pfarhē/ capellanien/ pröbsteien/ abteie/  
 bistumb/ pfrundē/ vñ allerhand prelaturē vnd digniteten.  
 Itē so die sacramēt/ gotts dienst vñ andie cerimonie oder  
 geystgeberde betreffen. Wir wissen ye wol/ dz vnzelige sats  
 ungē in disen dinge sind/ doch mit gelt widerkeüffig vñ ab  
 lösig. welche sätze ſo nit dar von in der geschüfft auch  
 zūr seelē seligkeit nit dienstlich gefundē/ sonder von inē erst  
 selbs gemacht/ vñ mit gelt wider abkeüffig gelassen/ mag  
 einer tum anders dencken/ dann das es darumb vffgesetze



sey/solche vnd der gleichen weyde/geben sye vns dānocht  
hāruß. Soliche setzlin werffen sye etwan vnder die schäff-  
lin/do mit sye die zungē schlecken/vnd iren getrüwen hys-  
ten lernen kennen.

**U**n ist dises alles nit die recht weyd /vonderē der herr  
in disem spruch (Weyd meine schaff) gesagt hat/wan̄n mit  
denen dingē würt die seel nit allein nit gespeißt/sonder von  
der rechten gūten weyd vff ein dūrrē hart abgefūrt/da vō  
vil zū sagen were. wan̄n vil satzungē/vorab bey todtsünden  
gebotten/weyden vns nit/machē vns auch nit feyst/son-  
der machē vns vil mer dūrr vnd mager/das ist yrīg vnd  
vnrūwig in d̄ cōsciētz/so dz gesatz den zorn gottes bāngt/  
wie sanct Paulus sagt. wann wo kein gesatz ist/da ist kein  
vbertrettung. **U**n kumpt vns gar selten anders von de-  
nen hyrtē/wan̄n mir gesatz/vn̄ darzū nitt gots gesatz/wan̄  
dasselbig vorhyn in der geschrifft ist. darumb mir jr eygene  
vnnōtīge gesatz/die sye vns mit gelt wider nachlassen/da  
mit wir dānocht sehen das sye vns auch geweydet haben.  
Wolan/gott sey es geklagt/der würt es auch zū seiner zeit  
wol rechen.

**W**olan/ich bin̄ aber vß grossen schmerzē /den ich von  
wegen des jāmerlichen vnaußsprechlichē jāmers hab/zū  
weit hynuß gelouffē. welicher jāmer mir so wec̄thon hat/  
das ich deſt hefftiger vff d̄ Cangel darüber geschriiben hab/  
biß ich vngunst meiner widersächer erlangt/also in disem  
handel kummen bin̄. In welchem wiewol nit wider mich  
geklagt wūrdt. das ich solichen jāmer beredt vn̄ beklagt/  
so weyß ich dānocht wol/das jnen nit wūrst̄er thon hatt/  
wan̄ das ich solichs übel oft vnd dick gezeygt hab/vnd die  
weil sye mich in andren dingē/daran jnen nit vil gelegen  
ist/ich auch nitt schuldig bin̄/verklagē/so müssen sye auch  
die verantwōrtig hören/deren ich mich selbs schuldig gib  
das vil frummer leūt mercken mögen/wohār mir vnd man-  
chen

55

chenprediger/zü disen letstē zeiten der ernst so hefftig zü predigen künne. Darumb hab ich auch in vergleichungen der geschüfftē so lang geharret/da mit sye sollen etwas weiter sehen/wan sye begert haben/dieweil sye so behend sind mir vnd ein andern vff zülegen das /vnd wie wir es nit geredt vnd geleert habē. Ich acht auch dz meniglich d ein recht erbar gemüt hat/soll an disen vilen vnd langschweiffigen worten ein vernügen haben zü einer verantwortig/warumb ich den Luther nit hab sollē für ein ketzer haltē. Auch ob er schon ein ketzer gewesen were/ mir dānocht gezimpt hab seine bücher zü lesen/vnd was güts darinnen/zü predigen vnd leren. Welichs so ich erhaltē hab/als ich hoff/wil ich des fleichtlicher durch die anderen artickel kōmen/weliche wir nun wōllen angreifen.

**Z**e nun die dritthalb erstē Artickel gemeldet haben vom Luther/das sein lezre ketzerisch sey/vnd meniglich verbotē/auch mir/also klagt der ander theyl des drittē Artickels mich selbs an/als den jhenigē/der solichs gebott vbertreten hab. Weliche klag/wo sye jnen gerathet/ists vmb mich gethon. Wolhyn im nāmen gotts/nemē sy mir mein huf/so hoff ich mir sey ein anders bereyt im himel/nit mich henden gemacht/wie Paulus sagt/Wemē sye mir meinē rebacker/so ist dannoch das gantz erdtrich/vnd was darinnē ist des herrē. Ja auch meine richter müssen darzū ebē von dem selliben herren/als von einē richter jr vnteyl entpfahen/wie grausamlich sye sich yetzt wider mich stellen. Weiter/nemē sy mir schon alles was ich hab/vn̄ entblōsse mich aller meiner narüg/wolā Christus jr herr vn̄ richter ward auch beraubt/vn̄ bloß an das kreuz gehēckt/durch weliches eer willen ich in dise not bin kumen. Ich bin auch bloß vnd nacktet vffs erdtrich kōmen/bloß würd ich wider



umb hynweg müssen. Darumb wenig daran gelegen ist/  
ob schon diese hynfart /durch meiner widersecher grünic-  
keit gefürderet würd /ja zu hoffen /das es mit meinē gros-  
sen nutz geschehe /wan ich on das sterbē muß /wiewol mei-  
nen richteren ire zeit eben als wol här zu schleicht /sye wer-  
den mir auch bald nachfaren / wie grülich sye vnnnd ir es  
gleichen sich yetz und stellen /vnd ye derman vnderstond zu  
vertreiben. Nün werdēt sye vns dānocht vsß d herrschafft  
Christi nit vertreiben /dieweil er doch gewalt hat in himel  
vnd vfferden. Darumb wo hyn sye vns vertreibē /ist sein  
gebenedeite handt do /die vns enthaltet vñ leyret /Amen.

¶ Wolan /ich acht disen Artickel gleich wie ein bildniß /  
daruß man bauwet /wie die vougen ich gerechnet hab für  
ein fundament /daruff sye zu bauwē vnderstāden. Wie ich  
nün hab das fundament (hoff ich) vntō u glich gemacht /  
wie gehōrt ist /wil ich vnderstō die bildniß auch zurrüttē  
vnd zu betriebē /damit er nichts recht syñigs darauß mög  
bauwen /das ist /ich wil zeygen /das diser artickel falsch ist  
Welches so es geschicht /werdē vnd müssen die anderē alle  
falsch /vñ von fälchern erdacht geurteylt werdē. vñ würt  
also ob gott wil darnider ligen der vn selig Sizarā /durch  
stochen mit dem nagel Johel. Judic. iij. Nün erzelt er vil  
ding /die mir nit gezimpt haben /welichs wie ich es bekenn  
das es mir ja nit zimpt /also bekenne ich auch das ichs nit  
vom Lütcher gelert /auch nit gethon hab. wan much dückt  
nitt das Lütcher vffrür /neid vnd hassz wider die geystlich-  
en zu tragen /vnd sye zu tödten /lere /vnd der gleichen ding  
die sye ym fäschlichen zulegen.

¶ Sagt nün zum ersten /das ich vff geblosen /durch den  
bösen geyst /solicher mir nit zimlicher leer hab angenum-  
men /vnnnd dar durch vil vbels wider die liebe gottes vnnnd

des nechsten angericht. Probierte das vß einem gemeyn-  
 em geschrey/das also vber mich gange/freylich von denē  
 hárkommen/die meinen widersecheren gleich seien/wann  
 es mir nit yederman also vßlegt. Aber sye wenen was vnd  
 jñe eingeschrey vñ gerücht ist/sey bey yederman vityelē yed-  
 man ab jrē bösen verwünten/od vergifften willen. Dz er  
 aber sagt/ich hab solichs vbel vß yngebüñ des bösen geyst-  
 kes gethon/geschicht freylich/das er dem heyligen geyst  
 die eer last/das er nichts böses yngebe/wie war ist. Ließ  
 er jm aber auch die ere/vñ sagtenit es were böß/das d'hey-  
 lig geyst für güte erkennt/vnd widerumb/vber die der pro-  
 phet schreit. **Vñ** ist es vast gewon bey dißem gesind/das  
 sye sagen/güte sey böß/vnd böses güte.

**Vñ** wollen wir sehen was es für ein vbel ist/das mir  
 der teüfel soll yngeben haben/darbey auch warnemen/ob  
 er solichs pfleg yn zügeben. **Zñ** ersten achtet er das für  
 ein grossz vbel/das ich on vorbetrachtung die Lutherisch-  
 en verdammniß vom Bapst geschehen/verachtet hab. wez-  
 liches wo es also/(wie sye sagen) geschehen were/möchte  
 es nit vß einem güten geyst sem/wann der heylig geyst ist  
 ein geyst der betrachtung/darumb er nichts on rath/vñ  
 besynnlich/oder vberstürzlicher weiß thüt/wie der böß  
 geyst/den man auch darumb nennet Spiritum precipita-  
 tionis/ein geyst der vnbesynnlichkeit/oder vberstürzñg.  
**Vñ** mag man vß vorgonden meinē geschribten wol mer-  
 cken/ob ich on vorbetrachtung/die verdammniß Lutheri-  
 verachtet hab/oder nit: ja eben das ich es wol vñnd fleys-  
 sig war genummen hab/wie es zügangen sey/hab ich es  
 verachtet/wan ich hab nit wollen fräuelich yemants für  
 einen ketter halten/hab vorhyn trewlich gelesen/vnd eins  
 gegen dem anderen erwegen/wie recht/durch welches  
 lesen/erwegen/vnd fleissigs warnemen/mir das fell auch



dannen gefallen/das mir warlich ein weil dick vor den ausgen hienge (wan ich läge zeit nie daran wolt/wissen vil güter leüt wol) Vnd also seind mir meine augen/die warheit zü sehen vffgange. Darumb ich gott (der mich bey solicher erkantnuß behalten wöll (zü dancken schuldig/ es kost gleich leib oder güte.

**E**s wüderet mich aber /so sye mich darüb dz ichs nit vor betracht hab anlagen/warumb sye sich selbs vnd andere nit ansehen/die nicht anders thün/dañ on vorbetrachtung yederman nit allein verachten/sonder darzū auch verdämen. Sye lesen nit/wölllen auch nit hören/spürwen darab/scheltens/schreiend darüber/verflüchens /werden halber schellig darüber /vnnnd wissen nit ob es güte oder böß sey. Vnnnd so man sye schon freündtlich bittert das sye es lesen/oder hören/hilffts nit. Ich: (sprechen sy) solt ich den kexer lesen/oder von jm hören: bring mirs in mein hauß nit. Aber nit destminder vnteylen sye/verfolgen/vnnnd verdämen/so vil an jnen ist/yedman/wiewol noch vff disen tag (zū dem das sye in irer eygenen weißheit zū thoren werden) ire anschleg vast hinder sich gangen seind. Wolan/es geschicht vß dem billichen vnteyl gottes/das sye so fränelich widerstreben der warhaeit. Würt also in jne erfüllet der spuch des propheten/ Ir hertz ist erstect/das sye mit sehendē augen nit sehen. hören/vnd nit verstou sollen/vff das sye nit bekert wüden vnd behalten. Vñ wolt gott das sye betrachteten/ob ich oder sye mer an disen punctē schuldig seien. Ich hab vß langer vorbetrachtung Luthers lere den mererteyl für chüstlich vnd götlich geachtet/vñ mich durch kein Bull lassen daruon treiben. Aber sye on alle vorbetrachtung/was es für ein leer sey/yederman verdampft. Vnteyl nün ein yeder/welcher ein bösen geyst gehebt hab/das dañ leichtlich zü thün ist/so wir betrachte/das der heylig geyst nit rath vnd vorbetrachtung handelt/aber vß dem

Bösen geyst kompt die vberstürzung vnd vnberatene häd-  
lung/wie der prophet Esaias vnd Dauid vermeynen.

Wie dem allen/so würd ich dānocht vnbillich verklagt  
das ich yemant verachtet/ich geschweig den Bapst vnd  
sein verdammung. Es wölt dan einer klagen/das ich den  
verachtet hette/dem ich nit gleich zūfüß gefallen/oder ent-  
bor tragen hette/so ichs nit schuldig/oder von des wegen  
ich nit wid mein eygē gewissen die warheit wider sprāch vñ  
verleügnete. So ich nūn einē mēschliche eer schuldig were  
vnd jm nit göttliche eer wolt anchün/hette ich jnen darüb  
verachtet: Ich erkenn den Bapst als ein Bapst/Bin aber  
got mer schuldig. Welcher Bapst (wie als er sich berümpf)  
vñ göttlicher gschrifft ein Bapst ist /also zimpf mir auch vñ  
d gschrifft jnen zū vteylē/ob er sein Bapstüb d maß regie-  
re/das sein regiment mir vnd anderen nit zū verdammūß  
diene. Dan eben die gschrifft die jnen (als er sich rümpf)  
zū einem Bapst macht/die setz jm auch ziel vnd regel/wie  
er sein soll/Bey welcher wir jm für ein Bapst vnd rechten  
hyrten erkennen/wie auch von anderen Bischöffen vnd  
prelatten mag gesagt werden. Man hatt ye weder Bapsts  
noch Bischöffs stend vmb sunst yngesetz/sonder von jren  
ämpteren/wie die vñstruckt in der gschrifft/so die von jnē  
geübt/erkennen wir sye billich dafür/vnd thünd jnen alle  
eer an. wo sye es aber nit hetten/oder darwider hetten/  
wer wolt mir weren das ich sye auch nit dafür hielt: seit  
temal er noch kein andrer prelat der Christheit zū verderp-  
nūß vnd versürung der seelen yngesetz ist/wie die prophetē  
vñ sanct Paul an vil orten leeren/vnd auch die vernunfft  
gibt. Darumb ich erkenne den Bapst/das er ein Bapst  
sey/erbeüt jm auch Bāpfllich ere/dieweil er sich helt als ein  
Bapst des regiments halb (heymlich sünden hatt gott al-  
lein zū straffen) vnd nit weiters/vermein auch also genüg  
thon haben/acht auch er begere nit weiters. Ich weyß ye



wol das er sich nit für gott anzubetten begert/vff das er  
nit für den menschen der sünd geacht wurd/der do sitz im  
tempel gottes/vñ sich vberhebt/vber alles das do gott ge  
nennet würt/wie der Apostel vom Endtchrist schreibet.  
Wolan daffs sag ich darumb/das ich vngewogen wil sein  
den Luther vnd sein lere billich verdampt zūhalten/vman  
geschē was der Bapst sag/wie vil Bullen von Rom kün  
men.auch vngacht des spruchs Mat. xvi. Ich gib dir die  
schlüssel des himelreichs/wen du bindest der ist gebundē ic.  
(welcher jm gar ein kleinē behilff gibt/wan es gilt nit also  
on vrsach binden)es sey dan das ich soliche verdammūß vß  
der geschūfft geschehen befinde/als dan wil ich jnen vñnd  
sein lere meiden/aber nit darumb das sye vom Bapst/son  
der vom gottswort verdampt ist. Meynt jr lieben gesellē/  
das ich das göttlich gesatz solte vbertretten vmb der men  
schē gesatz willē: Sagt hār lieben kläger/ich hab die Bull  
veracht von derē nit gewiſſz ist/das sye war sey/vnd rechte  
lere/ja vil mer argwōnig/das sye mich vnrecht lere. Aber  
vom gottswort bin ich gewiſſz das es war ist. Solt ich nit  
als billich zweifelē vß was geyst die Bull gemacht sey/als  
meine widersächer vō mir zweyſſen/vß was geyst ich sye  
veracht/vñnd nit gleich für ein abgott hab wölln anbet  
ten/wiewol ich mit disen worten niemants wil geschmitzt  
oder an seinem gewallt ettwas entzogen haben.aber mein  
freyheit hyemit angezeygt haben. Glaub der Bull wer  
do wölle/ich wil die weil dem gotswort glaubē/das ich vn  
betrüglich weyß/nit also von der Bull/die mich in vil din  
gen vafft argwōnig (das sy widers gotts wort sy) gedücht  
hat. Neb die Artickel/dye sye verdampt/gegē der gschūfft  
wer do wöll/so würt er es bald finde. Doch sag ich das/ke  
me ein Bull von Rom/od von Hierusalē/die vns dz gotts  
wort lernete (die gar selzā sind in vnserē landē) wolt ich jr  
alle eer anthūn (wie billich aber) durchs gotsworts willē.  
¶ Weiter volgt in dem Artickel/was dise verachtūß in

mir gewürckt habe/Nämlich das ich nachuolgēs Luthes  
 rischer yrtthumb anhengig sy/Beschirmt vñ gepredigt hab  
 Nün weysß ich sonderlich von keinē yrtthumbē/so ja vß dē  
 Luther oder anderßwa här/die ich geprediget hab/mag  
 nit destminder aber von mir geyrt sein/aber wo/hat mir  
 noch niemāts anzeigt/wie oft ich mich vff der Cantzel of-  
 enlich erbottē/gern wöllen hören vnd leren/wer mir an-  
 ders sage vñanders mich lernē könte/wöll auch gern wiß  
 rüssen/wo ich Befundē würd vnrecht gelert hā/hab auch  
 oft geklagt/das man mir vnd meins gleichē vngeleren/  
 das hoch edel gotswort beuilcht/so man doch alzeit habē  
 mag/höhere vnd gelertere/die es auch billicher thettē/vō  
 wegē der rylichē besoldung die sy habē/da här man die pre-  
 diget besoldē solte/wāñ sy e freßenyē die bestē zehēden/die  
 warlich durch keiner anderē vsach willē den kirchē gelas-  
 sen sind im neuwē testamēt/dāñ das man die prediger des  
 wortgots darauß ernerte. Desshalb wüderet mich nit we-  
 nig warüß sy so schnell seie zū verdämē vns arme eynfalti-  
 ge pfefflin so wir etwo schlupfferē vñ yrre/die sy zū vor billi-  
 cher gelert/vñ was vñ wie sy preigigē soltē vñ wissen habē.  
 damit sy nit gar neit vmb jr gelt thātē.darumb auch bil-  
 lich gewesē were dz sy mich vorhyn treulich gewarnet her-  
 ten/vñ mir mein yrüng durch gschufft angezeygt(das ich  
 alzeit begert hab/vñ noch)vñ nit so schnell mir vff verda-  
 men/vñ mich vmb das mein zūbūngē gericht were.

Ich sag auch weiter/ich würd nit jren schlechten wor-  
 ten glauben das ich geyrt habe/sye müssen mirs anzeyg-  
 en durch geschufft/simst werden sye mich ob gott wil nit  
 abtreibē.welicher auch allein zū vertrawē ist/welicher ich  
 darumb auch destfleissiger bin angehangen/vnd mich nit  
 daruon hab wöllen zū weit hynaus lassen/vorab seithär d  
 nürwertig od widerbūngig des rechten warē glaubēs vnd  
 Euāgelij.vnd hab also gleich gethan wie ein jungs kintd/



das sich nit zu weit von d Banck od von dē stoßkerchlin dar  
an es gon lernet / laßt abfüren / damit es nit falle. Das sye  
aber sprechen / wiewol ich mich nitt hab wöllen von der ge-  
schufft lassen abfüren / sonder die selbig allezeit braucht / so  
möcht ich dannoch im verstant der selbigen geyrit habē.  
Wolhyn es ist möglich / sye solten mirs aber freüntlich ge-  
zeygt haben / vnd noch / wo ichs nit recht verstanden hette.  
Welichs dieweil sye es nit thünd / vnd velleicht nit können /  
würd ich vff meinen eynfaltigen verstandt bleiben / wann  
ich auch den geyst gottes habē mag / so ich glaub / vñ mich  
dem selbigē geyst demütiglich vnderwürff / wie ich auch  
gethan hab / zeygt an mein arbeit. darüb acht ich / er hab  
sich auch mir vnderworffen / wie er dan pfligt zū thün / wie  
sanct Paulus lernet. j. Corinth. xiiij.

**S**o ich nun alzeit die geschufft in augen gehebt hab / vñ  
vff die selbigen alles mein predigen gericht / vnd zū richter  
begert / wie noch / hab auch nie nichts on die selbig fräue-  
lich oder eygensynniglich wöllen halten / solten sye mich  
billich diser anklag vnderlassen. Vnd ob ich schon etwas  
on geschufft / oder nit eben die wort der geschufft geredt vñ  
gebraucht hab / so ist es doch nit wider die geschufft gewes-  
sen. Wir wissen das es nit möglich ist / wie auch weder nutz  
noch not / das man eben die wort der geschufft in allen orten  
me brauche / sonder not ist / das man durch etliche figurē /  
oder zierung der red zū zeiten einē vflauff thū. Als so man  
ein spruch der geschufft anzeücht durch ein vffschreyung /  
durch ein straff / durch lob / durch vermanung / warnung /  
flehung / anzeygung des vbels oder güten so dar auß ent-  
ston mag / vnd der gleichē vmbstend vnd notdurfften / die  
sich begeben. Auch etwo mit züführung hübscher zierlicher  
spüch / von lereren vfferthalb der geschufft / mit exemplen /  
gleichnißen / bewerlichen vsachē vnd argumēten / durch  
die man bewegt zū güten dingē / vñ abschreckt vom bösen /  
vnd

vnd was der gleichen loci oder örter sind so man vß der rhetorick pßigt zübranchē/weliche rhetorick auch darüb nutz vnnnd not ist ein prediger.weliche auch zü studieren der iugent besser were weder alle philosophische/sophistische vñ münchische doctores vber ein hauffen /vorab derendie in der heyligen göttlichen geschüfft studierent.

¶ Wiewol eben yetz ein lange zeit die Rhetorick (das ist die kunst vß deren manzierlich reden lernet (in vnserē hohen schulen ganz vnbekant gewesen ist/vnnnd darfür sich das sophistisch geschweiz hat yngerissen /weliches vns die rechte war göttlich geschüfft ganz vnd gar vertuncklet /ja garnahē vßtribē hatt/das memer durch die Rhetorick her mögen geschehen/ja vil mer hett sys vß gemutzt (wiewol syes als die warheit von jr selbs/ mit sonderlich darff) wie wir dan augenscheinlich sehen /das seithär die Rhetorick durch etlich frumē männer widerumb in die schül kōmen ist/auch die recht ware Theology/das ist die göttlich geschüfft in iren wert vñ verstande kōmpt/das den blindē sophisten eben vast wee thüt/von wegen das sye lang zeit in ire sūcategorematibus (das ist in iren kleyē vnd spreiwēzen geregire haben/theür vnd für güte kōm verkaufft haben /yetz aber nicht mer wil gelten/sonder yederman wil den rechten kernē habē/vnd sich an jr frōschen geschrey nichts mer keren.

¶ Wolan/dises sag ich also züfellig durch ein notdürfftigen ynzucl so ich melden sol /wie man nit alzeit eben vnd nit weiter dan die wort der geschüfft kan vnd sol branchē/sonder wie gesagt ist.doch das in solichem nichts wider die geschüfft oder neben der geschüfft/dar durch man zwingen wolt etwas zü glauben vnd zü haltē/ynfürte wie die sophisten münch vnd Canonisten gethon haben/wie wir leyder vß disen tag sehen mit tausenterley opnion oder güte dūcken (ich sprāch gern truncken) wie es inē on geschüfft gefalle



oder tröumt hat. dar von sunst.

¶ Welches vnd dices allein heyst nebe vnd wider die heyligen geschriffte predigē/wan die sophisten sagen ganz ein andie/oder wider wertige meynung. aber dise als eben die selbig meynung/doch mit nordürfftigen zierlichen worten. ¶ In ein gleichnuß. Ein Rath oder fürst besylcht jren gesandten Botschafften ein meynung zu werben gegē ein keyser oder fürsten. .ic. ¶ Ein redt die selbige Botschafft mit ebē die selbigē wort/durch welche jr der beuelch geben ist/sonder braucht vil andere zierlichere vß der rhetorick noch gelegenheit/vnd redt aber doch eben die selbige vnd kein andere meynung/weder die vom rath oder fürsten beuolhen ist. Wo sye aber etwas anders darnebe wärbe/dar von jr niches beuolhen were/als villeicht jren eygenē nutz/doch vnder d handlung vñ namē des od derē von dē sye gesandt/oder etwas widerwertigs (wie dan etwo beschēhē möcht) so würd sye billich für ein vntrewe Bosshafftige Botschafft geachtet/die nit den beuelch vnd nutz des herre/sonder dar wider/vnnd jren eygen nutz gesücht hette. Vß disem mag nün wol verstanden werden/was sey die geschriffte predigē oder nit. Da bey auch (ich hoff) das ich gesundē werd/nit anders gethō habē/darzū auch die meüler derē verstopfft seind die vber vns schreie. Sie sagē/man sol nur das Euāgelium predigen/nün predigen sye doch anders darzū/predigen auch jre eygene gloßen. Spüch ich/neyn. sye predigen nichts eygens/sonder eben das selbig/wiewol mitt der weiß wie gesagt ist. Du höst von den rechtē Euangelisch en predigern nicht anders dan eben die gschriffte vñ was sy vermag/predigē. Es heyst dich kein euāgelist weiter glauben od thün/wed was die geschriffte vermag/nit aber also dise/sond so vil zū glaubē/vnd zū haltē darnebe gebottē/dz nit möglich ist/dz ein volck vß erdtrich schwerers vntreglicheres gsatz hab/dwe die römischē christē. do vō sunst. .ic.

Vnd damit ich mich bas entschuldige / dz ich die Luthere  
 rischen yrtumben (als sye es nennen) nit gepregiget hab / so  
 beger ich das sye mir anzeygen / wo es vo mir gehort wor  
 den sey / das ich mein lere vff den Luther gestelt hab / in al  
 legiert / oder har fur gezogen hab / wia man bitz har die do  
 ctiores vfferhalb d heylige geschriffte / oft vn dick allegiert  
 hat / als Augustinū / Hieronymū / Chrysoptomū / auch die  
 schwetzigē sophisten / als Thomā / Alexandrū de Sales /  
 Scotū ic. mit welichē wir oft den leuten die meuler vffgez  
 sperit habē / das sye solten gedēcken wir werē auch gelert /  
 so wir so grosse seltsame doctores har fur zōgen / derē būch  
 er vnser ein teyl etwo nie gesehen hettē / vn furten dānocht  
 also ein pracht / das wir gesehē würdē. Es ward keiner fur  
 nichts geachtet / der einfaltigkūh das Euāgelium vnd die  
 geschriffte predigete. Aber dise doctores gabē eer vnd rhūm  
 so einer ein subtiliche frag / oder ein natūrlichē heydnischē  
 vnnützen puncten vs jnen determiniert oder vslegte / vn  
 das Euāgelium flur mit dryē wortē vberlieff. desshalb vns  
 die geschriffte / Christus / das kreutz / d glaub ganz vnbetāt  
 worden ist / ja eben seithar / das die schwetzigē sophisten vff  
 kunnē seind wir wenig von Christo gewūsst haben. dar  
 umb ich mir nit als gar vbel darab furcht / ob ich schon ge  
 sagt hett / das das Euāgelium in ertlich hundert jaren nit  
 geprediget wer wordē / wie ein Artickel wider mich lautet /  
 ja ebē seithar die sophistrey gewert hat / ist es selte prediget  
 wordē. wā dz so phistich geschwetzhatt fur truckt / bitz dz  
 durch die gnad gotts die recht lateinsch sprah wid har fur  
 kumen ist / hat mā die zānctischē doctoreculos angfangē zu  
 uerachte / wie Billich. habē sich die leut vff dē bunnē gebē /  
 vn nit weiter vs den frōschlachē wōllen trincken. darumb  
 auch die selbigen schwetzigē frōsch traurig wordē / das nie  
 māts mer bey jnē hat wollē wasser schöpffen. Ist jnen also  
 jr glory eer vnnnd nuzung / so sye mit samt jrem kunnig



68  
Croaco/vß den mürlachē gehebt habē/abgangē. Es hat  
angefangē/das alle sophisten canonisten mit aller münch  
ischen stempeny/auch mit sampt den Decretē vnd satzun  
gee des Bapsts/nit mer wöllen gelten. Wen wolt es aber  
nit verdriessen/der erst so gewaltigklich regiert hette/vnd  
yetz solt veracht werden: Ich acht auch/das dise verach  
tung nit wenig darzü thon hab/das Luther vnd sein lere  
verdampft seien/wañ eben der Luther/sampt seinen anhe  
geren wöllen sich nit mer an das trieb fröschlachē wasser  
keren/sonder sye wöllen den klaren bunn haben/das ist  
die klar göttlich gschriffte/nit das menschē geschwetz. Wol  
an/er ist verdampft/vñ vil mit jm/vnd nach künfftiger zeit  
hoffich vil mer/wañ dises fröschē geschwetz noch ein weil  
soll weren/das dan so lang würt weren/Biz jnen ein storck  
zum künig gesezt würt/wañ sye ye den bloch/das ist den  
eynfaltigē Chrustū nit wöllen halten. Gott gebe vns alle  
sein gnad vnd erkantniß.

¶ Eins ist das mich noch wüdert/so ich mein lere durchs  
vnd vßs Luthers geschriffte nie probiert vnd gestellt hab/  
das sy dannocht dürffen sagen/ich hab Luterische leer ge  
prediget. Wolan/ich acht es sey darumb geschehē/das Lu  
thers lere vnd meine/fast einäder gleich seiēt gewesen. So  
dem also/warūb haben sye es nit als mer ab d leer Chrusti  
gemessen/deren sye auch gleich ist gewesen: ja eben Chrusti  
leer selbs/wann (wie oben gesagt) ich hab mich ab der ge  
schriffte nit wällen lassen/vß das ich nit für Luterisch/oð  
einer anderen secten geacht wüde. Ich hab nit wöllen re  
den/dz nit Chrustus redte/wie Paulus sagt/wie Bald künde  
würt. Ja sprichstu/es hats aber der Luther auch also ge  
sagt. Antwort/Es habens darzü vil andere meer auch al  
so gesagt/vnd was yrrung were das/wañ jren vil die lere  
Christi predigten: so doch billich einer verflucht ist der an  
ders predigete. Wie wann Chrustus lere eben Luthers lere

59. b.  
were/müß man nit auch Christu in Bann thun: wan er wer  
ye auch lutherisch: Wie ob es mit d weiß bald darzu würd  
kommen/das so Luther Christum prediget hatt/welcher  
nun auch das selbig thet/müß vnrecht thon habē/wie es  
schon sein darzu angefangē hat. Es darff schier niemants  
mer vor etliche geystlichen junckheren die bösen sitten/sa  
die verderblichsten sitten der Christenheit (als do seind die  
der geystlichen regimēt an treffen) straffen/er müß gleich  
Lutherisch sein/flux in Bann mit im/verriagt/vertribē/ver  
botten zu predigen/vnd der gleichen straffen. Sye habēs  
auch darzu gut zū thun/wan sy habē fast die pfarrhern vñ  
predicantē in jren henden/durch die incorporatiōes/ynleib  
bung jren stifften vnd klöstern. Inuestieren auch/das ist/  
sye ewigen/oder vnwiderüßlich/liehen sy seltē ein/da mit  
sye in bey dem zaum behalten/das er sy nit zū weit zwing/  
durch cōpetenz/das ist genügsame vernehmung/oder jnen  
bey der gurgel heben/das sye jnen erstrecken/das er nit zū  
laut schreyge. Wolan/gott wöll ein mal darin sehen.

¶ Zum beschluß/sag ich/das ich keine Lutherischen yrr  
tumb geprediget hab/wie ich keine weyß/aber die warheit  
hab ich geprediget/gott geb wer mich daran gemāt hab/  
Luther oder andre/wann ich Luthers vnd anderer lerer/  
mit als vermaner vnd anleiter in die geschriffte gebraucht  
hab/wie sy auch niemant anders brauchē sol/im auch nit  
anders glaubē/weder so ferer sey in der schriffte gegründe  
feind. Darumb lieben guten gesellen vnd kläger/jr möcht  
nun wol von eüweren fürnemen ston/da mit wo jr behar  
ren wöltet/nit Befunden würdē/als ob jr die warheit selbs  
schuldigtē/dz sy geyrit hette. Kurtz vñ Luther hyn luther  
här/man sagt die warheit/gott geb wer sy antagbung.

Das sye aber sagen:ich hab d kirchē  
freyheit/der geystlichen recht/vnd der kirchen satzungen



fräuelich vnderdrucket / kan ich nit verston ob jnē ernst ist /  
oder sinst also redē. Wan wie were es müglich / das ich ein  
vnachbarer mensch / ein so lägwirige vn̄ tieff yngewurtz /  
lete freiheit vnd satzungen zū vnderdrucken v̄nd v̄nd zū  
kerē mich dürfft vnderston. Ich geschweig das ich es vol-  
brächte. Das ich sye aber veracht soll haben / sag ich / das  
ich n̄r zū vil daruff gehalten hab / wie dan warlich ich vnd  
kein Chrusten mēsch vff soliche fley schliche freiheit (wie der  
geystlichen freiheit ist) etwas halten solte / ja vil mer mitte  
allen zeitlichē dingen nit allein verachten / sonder auch flie-  
hen. Welche ding wir nit vnderdrucken / so wir sye fliehen  
vnd verachten / sonder vil mer raum v̄nd platz geben den  
welck̄indern solicher zeitlicher freiheiten v̄nd nutzungen zū  
brauchen / aber es ist ein geystliche vndertruckung / da mit  
man die welt oberwindt / mitt allen jren Begurden. welche  
vndertruckung vn̄ verachtig jnen nit schädlich ist / auch  
nit darab klagen. Es hatt aber einen anderen verstand /  
nämlich das ich dar wider geredt hab / als v̄lleicht wider  
etwas das vngötlich vnd wider die geschufft sey / welches  
es jnen auch nit wol zū leiden ist.

¶ Wolan / wir wöllen sehen / was die recht freiheit der kir-  
chen sey / vnd z̄uor was die recht kirch sey. Vn̄ damit ichs  
verkürz / so erkēne ich allein das für die kirch / die Christus  
mit seinē blūt erlöset / vnd im selbs ein gespons̄ gercyniget /  
vn̄ vermāhelet hat. In die kirch gehören alle die in jn̄ glau-  
ben / wohār sye ja kōmen / oder wer sye seien / hoch oder ny-  
der / reich oder arm / heyd oder jud. &c. Darumb wo nit der  
glaub in Christus ist / sye seien ja getaufft oder nit / hoch od  
nyder / do ist kein kirch. Dan solte ein yede versamlung die  
den geyst gottes durch den glauben nit hette / ein ch̄ristlich  
kirch sein / so were der Türcken / Juden vnd Tartarē ver-  
samlung eben als wol ein kirch als die aller heyligste Rōmi-  
sche kirch. Aber soliche vnglōubige versamlung hasset er /

wie geschribē stadt/ Ich hab gehast die kirch der Bosshafftigen. Aber dise hat er lieb/ also das er sye mit seinē blūt gereyniget vnd erlöset hat. darumb er auch nit wil/ das man sye in ein dienstbarkeit vndertrucke.

¶ Dise ware Chriſtliche kirch/ hab ich nit allein nit veracht vnd vndertruckt/ sond durch jret willē mein leib/ eregüt vnd sele/ in grosse gefärllichkeit gesetzt/ das mich erbar met hat/ dz die edle gespoß Chriſti in so jämelicher gefänckniß sein sol. Aber vnder was fürsten sye gefangen ist/ vnd was für dienstliche oder knechtliche arbeit sy in d gefänckniß gethan hat/ mag ein yeder selbs wol betrachten/ doch wil ichs ein wenig melde/ die weil ich ye reden müß.

¶ Vn klag ich nit die gefänckniß der ganzē chriſtenheit das sye vffs höchst geschezt ist (doch mit subtilē griffen) vmb jr zeitlichs güte/ vnd namllich vnser dorrechte teütsche nation/ die sich last vberredē/ das sy vmb so grossz vnmaßlich gelt noch einmal kauff die frucht so in jrem eygenē erterich gewachsen seind/ das sye sich wol mit dem prophete beklagen mag/ Wir haben vnser wasser vmb gelt müßen trincken. Istes nit war/ gar nahe alle pfrundē die wir von dem vnseren/ für vnser kinder gestiftt habē/ müßen von Rom noch ein mal erkauft werden/ solche edele weyd vff vnserem acker gewachsen ein fremden (ich sprech gern tyranne) erst abkauffen/ Istes nit/ das teütsch lād einer frēden nation vil mal grösser tribut gibt weder jrem Keyser/ Istes nit/ das teütsch land vmb etlich hundertausent gulden jählich geschätzt würt/ das in freinde land stillschweigens hynweg kumpt/ des auch niemants vß dem land erzwret würt/ darumb vns auch weder gewädt noch würtz würt/ wie vmb gelt das kauffteit hynweg führen. Darüb ist wol ein wunder das Teütsch land noch gelt hab/ von wegen so vil abnemens.

¶ Wolan das seind leibliche ding/ die ich nit als ser klag/



so wir von d̄ gefänckniß der kirchen reden. Es seind noch  
andre geystliche heymliche gefänckniß/ die etwas mer an-  
treffen/ nämlich die seel. Es were ein klein ding vmbß zeit  
lich güt/ ja auch vmb dē leib/ das wir mit dem selbigē ein  
fremden tyrannen dienten/ vñnd also solich gefänckniß  
litten biß an das end/ das sich ondas stetigs neheret. Aber  
das vns vnserere arme seclē erst darzü sollen gefangen sein/  
durch ein gefänckniß die vns erst zu ewiger verdammniß  
dient/ das ist zu erbarmē. Nun wilichs vffs kürzest so ich  
mag begreifen/ wil doch zū vor sagen/ was die iherigen d̄  
gefangener wir seind/ für gütheit anzeygen/ die wir von  
jnen haben. darumb sye vermeynen wir vns vnbillich klaz-  
gen/ vñ es für ein gefänckniß haben. Sye sagen/ sye nemē  
dise leibliche ding (das ist dz groß vnseglich gelt) nit verge-  
bēs von vns/ sonder sye gebē vns dar gegē geystliche ding.  
welches dan der herr vñd Paulus erlaubt hab. Wolhyn/  
ich weyß wol/ was vñnd wie ferz der herr vñnd Paulus er-  
laubt haben/ wil auch yetzt dar von nit disputieren/ ob vñ  
wan sy macht haben für geystliche ding gelt zu nemen/ ob  
man die gabē des heyligē geystß vñ gelt mög verkauffen/  
wie ihener dort im büch d̄ Apostelē geschicht/ begert/ sond  
vil mer vmbßunst sollē gebē/ wie wir es vmbßunst entpfan-  
gen haben. Im were nun wie im wolt/ vmbß gelt oder ver-  
gebēs/ wo sy vns nür güte war gāben vmbß gelt/ die rech-  
ten geystliche güter/ ich meyn dz gotß wort/ vñ vns nit ver-  
weneten vff güter die gar nichts güt seind/ als vff ablaß/  
vñ nachlassung derē ding die wir ondas nit schuldig sind/  
oder vff begabung deren ding/ die vorhyn vnser sind/ als d̄  
pfrunden in vnseren landen/ von den vnseren vff gestuffet  
wie ob gesagt. Waan für war dise ding seind nichts vberal  
geystlich/ als wenig als alle andere leibliche ding/ zins vñ  
gült/ vñd andere nachlassung vñd erlaubniß/ die vns vil  
mer vom rechten geyst abziehen/ das recht war geystlich  
güt

güt/darumb sanct Paulus vnd der her: im Euangelio er  
 laubt leibliche narung zü nemen/ist das gotswort zü predi  
 gen.welichs preigigē allein bey den geysfliche säen/da von  
 Paulus/verstanden würt/vnd nichts anders.j. Corinth.  
 12. Nun aber so sye nit predigen für sich selbs/sonder allein  
 knecht oder diener die vns predigen soltē/züschicken/oder  
 vns erlauben/das wir sye annemen vnd erwölen dürffen/  
 werden sye es nit verantwurten/das sye so grossz güt von  
 vns scherzen. Wir glaubē das den dienerē des gotsworts  
 billich zügehörnaring/wie der her: vnd Paulus lert. wir  
 wöllens jnen auch gern geben/wie auch genüg vff sye ver  
 ordnet ist/namlich die zehenden/wo man sye jnen nur ließ  
 werden. So sye aber vns nur knecht erlauben vnd zü schi  
 cken/freylich sye vnbillich solich tribut darumb von vns  
 nemē/so sy doch das vergebēs soltē geben/dz sye vergebēs  
 entpfangen/vorab darumb sye kein arbeit thün/als vmb  
 das vffschicken der diener/oder erlaubung zü erwerben.  
 Wolan/sye habē villeicht solichen gewalt/das sye vns zü  
 schicken vnd züerlaubē haben/auch erkauft vmbß gelt/  
 darumb ist es not das sye es mit einem fürschutz widerüb  
 lösen/sye wöllens ja nit vmb sunst da sitzen. Es hat die mey  
 nung nit bey den Apostelen gehebt/weliche so sye im stetz  
 ten do sye gewesen selbs geprediget/habē sye von den Chris  
 ten villeicht jr narung entpfangen/des sye auch mache  
 gehebt(wiewol Paulus auch gearbeitet hat)so findt mā  
 doch nit/das sye gelt darumb genōmen/so sye prediger in  
 andere land schicken/ja vil mer wo sye vermerckten das  
 man das gotswort annemen wolt/habē sye von jnē selbs  
 geschickt mit freunden vnd dancksagungē gott dem herre/  
 dessz gleichen mit erbictig jres diensts vnd gebet für die sel  
 bigen. Jetzt ist es glat herumb kert/mit grosser bit/slehüg  
 vnd mit gelt/mag man kum von jnen erwerben/das sye  
 vns Apostelē des lauterē puren gotsworts zü schicken/es



müßz groß gelt kosten/sol man ein predicatur vffrichten/  
oder ein ledige müßsiggondepfrund verwädlen in ein nutz  
liche predicatur/darzu sye billich selbs helfen soltē/ja dar  
zu thün das sye allenthalben in predig ämpter verwandelt  
würden/so doch das predigen wie Paulus sagt/zehēt au  
sent mal nützer ist. Ich weyß ein predicatur/die ein frum  
men man ob sechshüder guldē gestot/Bitz ein müßsiggon  
depfrund darzu verwandelt wardt. **D**es ellēden wesens.  
Solt nit einer gedēcken/sye werē hyrtē die vns vil mer die  
rechtē warē geistlichē güter zünemē da sitzē:so wir sy doch  
so theür bezalen müssen/das sye vns nür diener zūschickē  
ich geschweig das sye es selbs thettē/wie sy schuldig seind.  
**¶** Vnd wolt gott das sye vns vmb gelt reylich von vns  
genōmen/doch recht ware prediger schickten/vnd nit mer  
durch ire geschickten/das gottswort in aller welt vffhüb  
en/verderbten/vnd vndertruckten/das dann täglich ge  
schicht/so es durch ire dispensation vnd erlaubung dahyn  
kūmen ist/das gar nahe alles gfell vff ein saul/fressigs/vn  
nützes volck gestellt sind/vnd die armen elenden seelen/der  
waren speißen/des gottsworts beraubt seind. Es seind ye  
garnabe alle pfarhen/darauff die prediger leben soltē/vff  
die feysten äbt/klöster/stift.zc.gestellt/vnd jnen incorpo  
riert/das ist yngeleibet.weliches darnach weiter mitt den  
nachgültigste(wie obgsagt)versehē. Sych zū wie hübsch  
ding schicken sye vns. **S**ūmasummarū/durch ire schick  
ung vnd erlaubung ist es dar zū kummē/das feltē ein rech  
ter hyrt bey seinen schäflin ist. Vnd wo schon ein taglōner  
sich wolt erzeygen als ein rechter hyrt/so ist es jm auch ge  
wert/darff nit weiter sagen vnd predigen/weder es dem  
gefellt der in geschickt hat/da von vil zū sagen were. Dar  
umb es weger were/sye hetten das gelt von vns genōmen  
vñ nur niemāts zūgeschickt/sond selbs lassen erwölē das  
volck Bischöff vnd pfarherm/die es treulich versehē/vñ

A 2.

Das gots wort pur von aller menschē tandt vnd sayungen geprediget hettē/weliches lange zeit/o der (ich sprech gern in teütschē läden) selten recht gehört ist/das wir irem schickē zu dancken haben.

**C** Das im aber also sey/zeygt andz wir ye läge zeit nit gewüßzt haben/was der recht Chustlich glaub sey (es müge gleichwen es wöll) Besych mir aber die scolasticos durch us/ vnd heb mir sy gegen den sprüchen des Euāgeliums vō glaubē/ob im nit also sey/ob nit d schül lerer glaub für ein hystorische erkantnūß gar nahe allenthalbē genōmen würt/vnd aber im Euāgelio vnd Paulo durch vs für ein gewißz vertrauen vff die zusagung gottes/vff vnd in sein wort/wiewol dise zūzeitē auch gleich wie in ein traum od nebel vom vertrauen gesagt haben/aber ist nienan die meynūg gewesen/welichs ich wol lust hett zū erkleren/wo zeit vnd statt were/vnnd das Büch nit ond as mir zū groß würde. Doch werdē sy mich vñlleicht an dem ort wider an greiffen/so tum ich noch wol/verhoff ich werds dar thūn. Doch da mit wir dānocht etwas dar von mercken/so wil ichs vffs kürzest sagen wie vnd was man prediget hat.

**C** Wir wissen das ein lange zeit nūr die drey tugend prediget habē/hoffart/geitigkeit/vnd vnwissenheit. hoffart/in den grossen doctores/Beyde münch vnd weltlich/so sye die subtilē fragē vff d Cantzel vffgerichtet vñ disputiert habē. Der vnwissenheit halb/acht ich es zwyfel niemāts/der do betrachtet wie jāmerlich es vff dē land zū gadt/da hyn mā dē armē vnwissendē volck eben die aller vnwissenste verordnet/dz also ein blind den anderē füret/welichs billicher zū beweynē were/wed dz mā vil dar vō sagē sol/so es doch ort frucht ist. wan die teüfelischen pfarrschind sich an soliche red nüt kerē/so lassens auch vnserē Bischöff anhyn schleichen. Aber von der geitigkeit/wie die lange zeit geprediget hatt/muß ich vffs kürzest anzeygē. Wir wissen das beyde



münch vnd paffen (doch den mererteyl die münch / deren ding daruff gestanden vnd darauß gewachsen ist) ire predigen vast vff den geitz gericht haben / wie man das vnd ihens solt stiften / vffrichtē / geben / thū. .z. vnd ich mich selbs auch etwan für ein solichē narē gewesen erkenne.

**D**as aber dē also sey / so nūm war des ablaß / vß dem mā groß gūt gelöst hat / Beyde der groß vñ die kleinen kremer. die in vom grossen zimor erkaufft haben / das sye vff allen kirchweihügen vñ jarmarctten etwas weiters daruß lösen. darūß sye auch ire vßrüffer (ich meyn die kirchwoy prediger) dar gestellt habē. dar von vil zu sagen were / wie mā da ist vff dem seyl gangē. Tūm weiter war d̄ heyligē messz / die vnserer betriehtē consciēzen höchster trost sein solt / ist gar zu einē greiwel worden durch soliche gremplerey / die man mit braucht hat. Da von vil zu sagen were / wie sy die manchförmige vnd vilfärbigen brüder (die auch vast daruß erwachsen seind) vff gemutzt habē / wunderbarlich vñ jren fruchten gesagt / vnd die recht frucht (ich sprech gern noch nie) selten recht troffen. Soliche frucht zu erlangē / hat man das volck durchs predigē begyrig gemacht / das sy grosse testamēt daruff gestift habē (so sy doch die messz zu einē testament entpfahen solten / darinnen sye erinneret winden des ewigē erbteyls / das inen in solichem testamēt verordnet ist) Item kirchen / capellen / altar / pfründen. .z. gestift / vnd reyllich begabt / da seind gantze heuser der witten verschluckt worden / ja auch äcker / matten / döffer / schlöffer vnd stett darzu.

**I**tem / ich sorg auch / das durch die predigen so die geitigkeit gethan hat / die heyligen so mancherhand kunst in arzeney vnd sunst gelernet haben. Wer wolt yetz vñd erzele was für arzeney ein yeder heylig kündt hett / der kan blaten heylē / diser das fieber / pestilentz / das zanwee / augēwee das krummen / den steyn /. Vnd wer möcht alle kräckheit

erzeln/deren ein yegliche ein Besonderen (wo nit zwen od  
drey) heyligē hett. Es ist selten ein tranckheit här für kom  
men sye habē ein heyligē vff geworffen der hat ettwas mit  
müssen können. Vnd were zū leiden das sye den heyligē zū  
gebē das sye die tranckheit geheylt hetten/wo sye jnen mit  
auch zūgeben hettē/das sye es den leüten zūfügten. Dessz  
halb hat man sant Veltin/vñ Anstet/Tenig. 2c. in grosser  
forcht gehebt/vff das sy nit schädlich werē/die so doch bey  
jrem leben nür güts/ auch jren feindē gethan haben/ noch  
dem gebott Christi/erst nach jrem tod so richlich worden  
seind. Jsts nit eben der heyden meynung/die ertliche götter  
certen/das sye jnen güts thetten/ertliche das sye jnen nit  
schaden zūfügten. darumb das sy das volck zū jrer selbs ey  
genen eer zwüingē/wie dan der teüfel allzeit nach der gött  
lichen eer gestrebt hat/welches den lieben heyligen gottes  
vnbillich zūgeben würt. Vnd was sol ich sagē von den hey  
ligen/deren sye ertlich zū ackerleüt gemacht/vber Besonde  
re frucht gesetzt/des wetters gewaltig gemacht/vber das  
feür/vber die handwerck vnd kunst. Jtem jre Besondere  
seyrtag/andenem man nit das gottswort geprediget/vñ  
der heyligen exempel/glaub vnd liebe/den leüten yngebil  
det hett/sonder nür ein messz gehalten/vmnd darnach den  
heyligen zū eeren/den gantzen tag vol worden ist/das viler  
heyligē fest (als ich besorg) vngeschicklicher begangē wer  
den weder die heydnische fest/Bachanalia./ Saturnalia/  
Lupercalia/Coralia. 2c. Solt ich do gegen einander he  
ben das vbel beyder teyl der heyden vnd vnserer festz

¶ Es were auch zū sagen von den Besondern opfferen der  
heyligen. dem tregt man korn zū/dem wein/disem brot/keß  
flachs/schaff/seüw/gelt. 2c. Doch sind ertlich so tugēthaff  
tig vnd nemes als an/als nāmlich der stationierer heylig  
en. wan ob man schon sanct Veltin mit ein hün eret/so ne  
men seine diener doch ein ochsen auch an/ja auch ein saw/



wiewol das selbig sant Tenigen opffer ist. Nit wil ich hye mit den Spitalē da man arm leüt ernert/etwas abgesprochen habē/es sey ja patron da S. Velcin/Tenig/ od was heyligen du wilt. Aber wölt gott das die selbigē schaffner trew weren/vnd lieffen solich gesämlet almüßen den armē zū nütz kōmen/vnd nit vnder dem namen dreyer oder fierer armen in jrē Spital/ein gantz Bistumb vßsaugtē od schätzten/vñ sye darnebē groß junckhern werē. 2c. ¶ Dahyn vñ deren gleichen finanzzen/sind ein lange zeit vnserē predigē gericht gesin/desshalb ich meyn nit vbel geredt soll haben so ich sprich/es hab die geitigkeit lange zeit geprediget. Vñ were ein leidlich dig vmbß gelt vnd gut (es müß ye verzert sein) wo nit vnserer armē seelen gefar darin gestanden were/das wir durch soliche ding vom glauben/in Chrustum eynig zū setzen. Item vom kreütz/gedultiglich mit Chrusto zū tragen/abgeführt weren worden. dar von vil zū sagē were. Es solten die Euāgelischen prediger gestanden sein/vñ wo sye gesehen hetten das das volck das kreütz hett wöllen von jn schüttlen/sye treulich zū gedult ermant habē/jnen den glauben in Chrustum gesterckt habē/durch die verheysung seiner gnaden vnd seligkeit. welicher jnen das kreütz leicht vnd süß gemacht hette. So haben sye jnen zū solichē stempeneyē geholffen vnd vermant/ich geschweig das sy zūm dickeren mal durch wunderzeichē/die sye listiglichē zū gericht haben/zū solichen dingen haben geholffen/zū dem das sich der teüfel sunst gern da hynyn gemischt hat.

¶ Wolan/das seind die prediger die vns zūgeschickt sindt worden. weliche wiewol nit geheysen solichs predigē vñnd soliche gremplery anzurichten/habens doch die obersten vßschicker Bapst vnd Bischöff duldet/sorg jrē teyl auch daruon genūmen. Wie dunckt dich nūn/dz dise Beraubūg des waren vnd lauterer gottsworts vnd ynfürung solicher gremplerey (ja abfürung von dem waren eynigen vera

trauwen in Christum in so vil stempenyen) mit ein gefänck  
 nüß sey: Mich dünckt es sey die aller gröste vnd harteste ge  
 fäncknüß so vns yemer hett mögē züsteen. Was mag vns  
 doch ergers vfferdrich züston/weder dz wir Beraubt sol  
 len sein des gotsworts/dardurch vnser seel täglich gspeißt  
 vñ in der trübseligkeit diser welt erhaltē würt/dar durchs  
 jm auch leicht vnd trāglich würt/das er desßbaß in gedult  
 das ende möcht erwarten. Were es nit ein grosse gefänck  
 nüß/da man einē des waren brots dardurch er sein natür  
 lich lebē erhaltē möcht/Beraubte/vnd jm dargegen gab/  
 das jnen ein zeitlang vffblegte/vnd jm darnach das hertz  
 abstieffe: Lün istß nit anders hye/mā hat vns nür ein zeit  
 lang das maul vff gesperrt/durch das stempeney schpre  
 digen/den Bauch vffgeblegt/vns gleich mit einem süessen  
 gyfft verwent/das vns den todt (wo nit gott wunderbar  
 lich dar für gewesen ist) bracht hat. Es ist allein das leben  
 in Christo/vnd sunst niergents.

¶ So sprichstu/man hat niemāts darzū zwungē/hat ein  
 er mögen ablaß kromē/testament vffrichtē/messz vnd seel  
 gerecht lassen haltē/disem oder ihene heyligē nachlassen  
 vmb ein zeitlichē nutzlichen kumer abbitten.c. ob es jm ge  
 legen ist. Wolan/du redest recht dar von/ich hab hye oben  
 gesagt/mich gunct es sey genüg gezwungen/wann man  
 ein so hefftig dar von sagt/vñnd prediget/vñnd es jm so  
 schmutzig machet/man zwingt nit alwegē mit dē schwert  
 das wort zwingt auch/vñ vberwindt etwan. welichs so es  
 gotswort ist/so zwingt es vnd vberwindt nutzlich. wo aber  
 nit/so ist es vil desßböser. Vñ wie/so einer ist/do er dz gotz  
 wort niemer hört/nür eytel solich stempenyē/von welichē  
 er sich alles güts versycht/wie istß möglich/dz er nit auch  
 versürt werde/wo nit gott sonderlich handt ob haltē wil:  
 Wie istß möglich das einer sein lebē lang vnder den heydē



oder Türcken wonet/vnd nit auch jre werck vnd weiß ler  
net/wie David spricht/Sye habē gewont vnder den hey  
den/vnd habē jre werck gelernet. Mich dunckt wir haben  
vnd jnen gewont. wañ es garnabe eitel heydenische werck  
vnd weiß sind /da mit wir lange zeit in der chriſtſheit ſeind  
vmbgāgen/weder allein das die nāmen verwädlet ſeind.

**E**s iſt klein vnderſcheid dem teüfel opfferen vnder dem  
nāmen Saturni/Iouis/Martis/Eſculapij/Diane/Ce  
reris/Amerue/Mercurij/2c.od vnder dem nāmen eines  
chriſtlichen heyligē /den die dorecht mēſchlich weißheit vff  
würfft/meynſtu nit d teüfel künne als wol vnder den geiſt  
lichen nāmen ſein büberey anrichten/als vnder dem nāmē  
der heydeniſchē götter/was ligt jm an dem nāmen /dieweil  
er das hertz durch die zünersycht an ſich zeücht. Das aber  
ſolchs geſchehen ſey/vnd geſchehe täglich/acht ich es ſols  
nieman leüctnen/wañ leyder exempel nür zu vil ſindt in al  
ler welt/was der teüfel oft angericht hab vnd dem nāmē  
vnd geſtalt der lieben heyligen /ja auch der würdigē hoch  
gelobte junckfrawē Marien/wañ es jm ein klein ding iſt/  
das er ſich in ein geſtalt eins güten engels verwandle/wie  
Paulus ſagt/ja auch in die geſtalt Chriſti/wie dherz ſelbs  
ſagt/Sye werde künmen vnd ſprechē/Wim war do iſt Chri  
ſtus/dort iſt Chriſtus 2c.

**A**ber jr ſolt nit glaubē. Wo ſollen wir jn dan findē/wir  
müſſen ye yemāts glaubē /der jn vns anzeigt: Wolan/die  
ſchriſt zeygt dir jn allein an/do findeſtu jn. Darumb we  
licher vn ſo bald er vñ der geſchriſt kumpt iſts nit ein wü  
der das er verfür̄t werd/vnd went er ſind Chriſtū/ſo finde  
er den leiphafftigē teüfel ſelbs. **E**ya ſprichſtu/es geſchehen  
doch groſſe miractel vnd wüderzeychē: Ich gib es zu/hat  
es aber der herr nit vor geſagt/das es alſo gon würd? ja ſo  
liche miractel/das auch die vñerwelten möchten verfür̄t  
werdē wo es möglich were. Darüb ſollen wir nür einfäl  
tiglich

tiglich an seine wort hangen/ gottgeb es geschehe zeyche  
 wie groß sye wollen. Es ist des teufels würckung/ die gott  
 verhengt vber die die der warheit nit einfaltiglich anhän-  
 gen/ wie sant Paulus klärlich lernet. ij. Thessa. ij. Besyhe  
 den text daselbs/ so findestu vsach/ warumb gott das vnd  
 anders verhengt. Syhe nun die jämmerliche gefänckniß/  
 die wir lange zeit in Egypto gehabt haben. Dise gefän-  
 ckniß hab ich wie auch mancher frummer prediger vor-  
 zeiten auch gethan hat/ vnderstanden zürige vnd zürer-  
 rate/weg anzeyge/wie ein treuwer Moses/das mandar-  
 us käme/so spricht man ich hab wider die Chüstliche frey-  
 heit thon. Ist das dan die freiheit der Chüsten/so acht ichs  
 für die höchste gefänckniß. Was ist anders dan dem tei-  
 fel frey zu dienen zwingen. Aber wan du also sprichst/ Es  
 ist die freiheit Pharaonis vnd seines hoffgesinds/das sye  
 vs dem schweyß vnd blüt der armē kinder von Israhel die  
 sye in gefänckniß hetten frey on arbeit vnd müßig gond  
 lebten/so wolt ichs ee glauben. Wolan/du versteeft mich  
 wol weiter/wer diser Pharao vnd Egyptij seient/die die  
 arbeit des armen Israhels mißbrauchen. Wolan/das sey  
 von der ersten freiheit wider die ich gethon soll haben/wie  
 auch Moses thet wider die freyheit Pharaonis vnd der  
 seinen/do er dem volck Israhel den weg vs der gefänckniß  
 Noch sind vil andre gefänckniß/vondenen zeyget.  
 ich dannocht nit vil gesagt hab/darinnen das arm volck  
 lin schwärlich gefangē ligt. Welche so ich alle erzēle wolt/  
 würd das büch zu vberaus groß. doch wil ich nur ettliche  
 ding nennen/darinnen nit kleine gefänckniß bißhär gewe-  
 sen/vff das ein yeder jm selbs nach gedencē/wie vnd mit  
 was banden sye fefangē gewesen seien/ als in den Sacra-  
 menten(die do zeychen seind der genaden gottes) warlich  
 nit wenig seind/vorab im Sacramente der büß/vnd des  
 zarten fronleichnams Chüsti. Ich wil mich auch yetzt mit



mit bekümmern / auch mit sonderlich klagen / in was zal die  
sacrament seien / syben oder minder / wan wenig daran ge  
legen ist / was mā für ein namen ein ding gibt / dieweil mā  
nur sein krafft vñ Wirkung erkent vnd in ein brauch hat.  
wiewol es spöttlich anstat denen so einē ding ein namen ge  
ben / der jm mit von wegen seiner eygenschafft zimpt. Wir  
wissen wol das die christlichen sacrament seien synnliche /  
oð entpfindliche zeychen d̄ verheyssenē genadē gottes / dar  
bey wir vermant solicher verheyssung / dest sicherer vñnd  
tröstlicher in vnserer cōsientzen werden / wider alle geyst  
liche anfechtung der sünd / des tods / der hellē / ja auch zeit  
liche widerwertigkeit dest tröstlicher tragen vnd leiden / so  
wir durch die sacramēt / als durch gewisse vñ von gott vff  
gesetzte zeychen der genadē gotts vnd nachuoligig der ewi  
gen glory vñ seligkeit / gleich als durch ein sichers pfand  
vermant werden.

¶ Wolan / wiewil min d̄ zeychē von Christo yngesetzt seien  
(welche er auch allein ynzusetzen macht hat / vñnd mit die  
Kirch. welches auch die schüllerer selbs sagen) mag einer  
wol vñ sprechē der lustig ist. Ich weys vom tauff wol / von  
der büß / vñnd dem Sacrament des altars / das bey denen  
zeychē verheyssungen geschēhē seind / vñlleicht wissens etz  
lich von den anderē auch. Das weys ich aber wol / das die  
ölung von den jüngerē inübung gewesen ist / Marci. vj.  
vñnd Jacobus auch darvon sagt. Wan findt auch das der  
herr seine hend vff die kinder gelegt hat. Marci. x. Itē das  
er seine junger vñ geschickt hat zū predigen / inen / auch den  
heyligen geyst inblösen / das sye verzeihen solten die sünd /  
Auch sanct Paul die hend vffgelegt / etlichen die er weiter  
vñ geschickt hat / das wort gottes zū verkünden / desshalb  
ich dise übungen auch nit verwürff / vñnd freylich niemāts.  
Ob sye aber billich den nammen sacrament haben sollen /  
in gleicher bedeutniß mit dem tauff vñnd Brot / wil ich nitē

vßsprechen/wiewol mich düncket/das es gar weit ein anz  
 dre meynung hab mit disen weder mit jhener. welche ob sye  
 schon den namen Sacrament/nit hetten/düncket mich es  
 were nit vbel geschworen/dieweil doch die übung vnuer  
 worfen bleibt/vnd sunst für mysteria/oder geheymniß ge  
 halten werde/als auch die Le/woman sy enit eben mit de  
 namen Sacrament/nenete/were sy darumb nit destmin  
 der ein mysteriu/geheymniß/wie es sant Paulus nenet/  
 dar durch bedeytet würd Christus vnd seine gespons die  
 Chustliche kirch. Sye ist auch nit destminder ein hoher sel  
 liger stand von gott hoch gewürdiget/wie ob gesagt. Zu  
 dem on zweifel der herr sein gnad mitteylt/wo sy in seinem  
 namen vn vertruwe angefangē würt. Das ist aber dz al  
 ler bösest/dz dise übunge alle (neñ sy gleich wie du wöllest)  
 mit vilerley gefänckniß beschwerdt sindt/als namllich die  
 büß/weyhung/die Le/vnd das sacrament des altars/we  
 lichts lang zu erzelen were.

¶ Wir wissen das in der heymlichen Beicht/so vil vnzelich  
 er gefänckniß gewesen seind/so mitt den vorbhaltenen  
 fällen/durch welche man umb liederliche ding/ja umb  
 ding so nit sünd seien/zum dickeren mal die armē leüt umb  
 her getriben hat wie ein garnwind/yetzt vß vnwissenheit  
 der pfarher/yetzt vß böshheit/vnd auch etwo vß sorg des  
 Viscals/d vß die armē dorff pfefflin gena w wie ein fuchs  
 vß die hünlin laustert/wo er sye ergretschē mag/ich hab  
 erfahren in meinem ampt (wan ich auch meins gnedigen  
 herr von Straßburg Penitētiarius bitzhär gewesen) vn  
 den elenden jamer an den armen leüten/mit schmerzen ge  
 sehen/die man als vil als umb nichts haryn gen Straß  
 burg zu mir getribē hat/etwan so ein armen weiblin miß  
 lungē ist and geburt/oder sunst/schickt mans erst vnbar  
 vil zu büßen/dz sye sich ab dem/das jr nie sünd gewesen ist/



vnd grossz leyd geschēhē ist / erst veriamern muß vñ vmb  
gelt darzū kumen. Vnd ist das aller böst / es gadt nür vber  
das arm völkly / die grossen häßen (ich mein räuber / dieb  
wücherer / simonyer vnd pfrunden freßer / vnd dergleich  
en) nenet man gnadiückhern / hoch vñ würdigen herē. .c.

Item wie man sich durch vorgonde beicht aller sündent  
darzū nit mit nordürfftigen vmbstenden (deren man vnze  
lich vil gemacht vnd grosse bücher darüber geschubē hat)  
gemartert hat / so man hat sollen zūm Sacrament gon /  
dar durch die edle tröfliche speiß / der armē cōsciētzē / inē  
erst ein gyfft worden ist. dar von vil zū sagen were / wie er  
schrockelich das Sacramēt vilen worden ist / die vß forcht  
hynzū gangen sind / das sye ein sorg gehebt haben / etlicher  
vergeßener sünd / oder mit fleiß verschwigener / dar an inē  
etwo sārlichkeit des leibs gelegē ist / oder vor grosser schām  
nit haben dürffen sagen / vnd also hynzū gangen / nit dest  
nunder mit erschrockenem hertzen / als solten sye in gegen  
wertigen tod gon. Da hat niemāts anders die ellēden ge  
wissen getröst / weder das es eben gar muß gebeicht sein /  
oder ewigklich verdäpt / so man doch (wie ob gesagt) noch  
nit kan vffbringen mitt vßgedmctter geschufft / das man  
muß also wie Biz hār im brauch beichtē / ich geschweig mit  
solichen vnmüglichen vmbstenden.

Was seind ellender seelen (wo nitt gott in sonderheit  
genadthon hat) verdorben / die durch solichen won oft in  
verzweiflūg kumen seind / da sy kein andern weg gewußzt  
haben / irer sünd ledig zū werden / vnd aber inen diser weg  
auch nit gelegen gesin ist / seind erst vernicht worden / so sy  
kein hoffnung der gnaden mer gehebt haben. Was seind  
frum rinder in klöstern verdorben / die etwan heymliche  
sünd des fleyschs (die dann also (zū besorgen) bey solichen  
gefangenen gemeyn seindt) iren ruchen Bauchuäteren /  
vor schām oder vß forcht nit habē dürffen sagen / vnd aber

der won/ das sye es eben mit allen umbstendē müssen sage/  
 sye in verzweiflung gefürt/ vnd die verzweiflung weiter in  
 verucklicheit/ das sy erst soliche heymliche sünden weyter  
 für vnd für volbracht haben/ vnd sich recht der ewigen se-  
 ligkeit verwegen/ vnd gewisser verdänuß begeben/ welch  
 es billicher zü beweynen/ weder vil dar von zusagen. Dar  
 an sein schuldig (wie oben gesagt) die elteren/ die ire arme  
 kindlin so vß stossen/ gottgeb sye werdē ja des teüfels oder  
 seiner mütter/ damit sye jr nur abtumen/ da mit wir vnse-  
 rem adel/ pracht/ hoffart/ güte. ic. mügen erhaltē/ dar von  
 auch hye oben gesagt. Heyst das nitt ein gefänckniß vber  
 die Egyptische vnnnd Caldeysche gefänckniß/ so nimpt es  
 mich wunder: Wie mancher vnd manche müssen in solich-  
 er klöster gefänckniß sein/ die lieber in Egypten ziegel mā-  
 chten/ wie die kinder von Israel: das ist/ ettwan lieber des  
 syhes hütetē/ oder andere dienstliche arbeit in der welt the-  
 ten/ für das/ das sye müssen im kloster leib vnnnd seel in ab-  
 grundt der hellē verdammē. O du ellender adel/ O du ellen-  
 de burger schaffe/ die jr eüwre kinder darumb geberē das  
 sye verdampft werden sollen.

¶ Zü solichen dingen hilfft der künig Pharao/ mit sampt  
 seinem hoffgesind/ in dem das sye fürgeben/ es sey der weg  
 gen hymel/ so sye (das ist Pharao mit den seinē) weder hy-  
 mel noch hell/ als zü besorgen ist/ glauben. sye widersetzten  
 sich sunst nit so fräuelich dem gots wort/ sye verfürte sunst  
 nit so vil armer seelen/ damit sye iren pracht erhieltē/ jr ge-  
 sind seyft vnd gemest darbey würdē/ die armen münchlin  
 vnd nünlin (denen sye die sach grausamlichen fürgebē/ de-  
 nen sye den teüfel schwarz machē) müssen gemartert wer-  
 den an seel vnd leib. Warumb sagen sye jnen nit auch iren  
 vnglauben an dise dingē: an dise cerimonien/ oder an Chri-  
 stum gar: Ja eben darumb/ das sye vvilleicht nieme gemest  
 werden möchtē/ sye neren sich vß denen gefangenē/ ziehen



glatt feyßt Belg dar bey ic. ich geschweig ir nit mit willē den  
sye zūm dickeren mal mit den armen gefangenē treibē (dum-  
merckst mich wol) das in der türckey vberblib. O jr edlen/  
das mügen jr sehen:

**E**S solt man erst sagen von sunst vil anderē gebottē/die  
sy den armen leuten vff legen/da gar nichts an gelegē ist/  
vnd doch als nür bey gehorsame/bey todtsündē/bym bān  
gebietē/yssē dz nitt/vff die zeit nit/Buck dich da/gnipff da/  
schweig da/die zeit bette das/sing das/leg das nit an/halt  
das/laß diffz. vñ was sol ich sagē/hüderterley sind gebött-  
lin vnd geystgeberden/bey denen man das arm vöckly ge-  
fangen fürt/darinnē sye sich stetigs eins vbers ander ver-  
schuldigen müssen/damit sye zū beichtē haben. Ja vil mer  
da mit die selbigen closter tyrannē/oder die züchtiger 8 ge-  
fangenen egypti (magistri operū genant) etwas habē/in  
dem vnd vber das sye regieren/ich kan kum anders geden-  
cken/das die vile der geböttlin vnd geystgeberden in klöste-  
ren/ja auch sunst/durch andie vsach willē gemacht seien  
dān das sye in vnd vber ettwas zū regierē haben. Dān sol-  
ten sye ein gemeyn chrißlich leben nach dem Euāgelio lerē  
vnd nit weiter/sprāch man bald/Wan hat doch solichs le-  
ben vnd lere eben in der welt auch/darumb müssen wir et-  
was besondere wercklin vnd geböttlin/auch abgesonderte  
kleydūg vnd 8 gleichen ding erdenckē die neben dem Euā-  
gelio (ja wo nür mit wiß) ynher lauffen/darüber wir herz  
sindt/ab denen wir fūr ettwas weiters Bessers vñ höher  
geacht werdē/ab denē man vns /andechtiger/würdiger/  
geystlicher vatter dvnd herr nennet.

**W**olan/es ist nür vmb das arm ellend gefangē vöcklin  
züchū/die das himelreich in solichen dingen suchen müs-  
sen/do es gar nit ist/wie der herr mit vsgetruckten worten  
gesagt hat. Das hymelreich kumpt nit mit viler ding war

nemung/es muss aber disen werckmeisteren (das ist magi  
 stris operum) mit warnemung kumen/gottgeb was Chri  
 stus gesagt hab/wann wo die warnemung der viler Cere  
 monien nit were/so nāme man jr auch nit mer war/wān  
 so man allein des gots worts/des glaubens/vnnd der liebe  
 warneme/das ein yegklicher Chrust/vsserhalb dem kloster  
 eben als wol (vnd ich sprāch gern bas) thūn kan/wo nem  
 mandann vnserer lere war/wo regierten wir dann/wer  
 ernerte vns dann: Wie meynstu aber/so der herr ye gespro  
 chen hat/Das hymelreich kumpt nit mitt warnemung.  
 Item Paulus. Es ist nit speiß vnnd tranck/sonder gere  
 chtigkeit/frid vnnd freud/in vnnd mitt gott/vnd er die sel  
 bigen erforderen werd/vnnd dir die seligkeit darumb Bege  
 ret zū geben/vnd du jm nit anders dan vnruw/verzweife  
 lung/traurigkeit der conscienzen/neid vnd hassz/vnd der  
 gleichen closterlaster anzeygen kanst/vnd aber darneben  
 vil eüsserlicher geystgeberden deren er doch kein geheysen  
 hat. Meynstu ob er es werde annemen: meynstu nit ob er  
 werde sprech/Ich hab dichs nit geheysen/mein gebott er  
 fordere ich/gang hyn heys dir dz hymelreich gebe/dem du  
 in 8 gleisery gedienet hast. Wann Christus würt allein die  
 schāflin erkenne/die sein stīm gehört haben/seine gebott ge  
 haltē habē. Darūblig ein yeder treulich für sich/dz gots  
 wort stadt steiff. Vnnd ist aber das aller bösest/das man  
 jnen das recht gots wort selten lasszt zū kumen/wann sye  
 sorgen so bald man Chrustum pur vnnd klar hörte/vnd das  
 er nit da oder dort were/in kloster oder im wald/das jr re  
 giment/das nūr in geberden stadt/mitt der nuzung als  
 dann zergon würt. etc.

¶ Wolan ich lauff aber schier zū weit hynuß/schafft das  
 mich die ellende gefācknüss 8 armē leüt so erbarmet/wil  
 auch hye mit die rechte zucht heüser nit gestrafft haben/



ja auch also/das ich wölte das alle klöster widerumb in sol-  
lichen standt gericht würdē: das man frumer leüt kinder/  
beyder geschlecht/doch vnuerbunden aller gelübdt halbē/  
inzüchten vnd eeren vffzöge /vnder güten verhüteren od  
oberen/herzlicher männer oder dapfferer matronen oder  
frauwen/die sye mit leer vnd zücht vffbrächten /bitz sye zu  
jren jaren kämen/so dan thet yetlichs warzü es gnad bet-  
te/Blib sein leben lang also /oder käme hynuß vnd vermehe  
let sich in die **E**e/nach gelegēheit der sache. Wo blibē aber  
die ihenigē/so sich von jnen nerē: Ja ich hör wol es ist vñ  
die selbigen zu thun: ja eben. Darumb habē wir sy müssen  
verstricken mit ewigen banden/das sye vns nieme mügen  
entlauffen/vñ wir mit jnen hädtieren künne noch vnserē  
gefalle /sy auch nit mer vnder die welt kumen/dz sye es nit  
kumen sagen.es muß groß not brauchē/das man mit den  
armen gefangenē nur magzü red kumen/vnd dānocht die  
selbige red mit heymlich sein mag/damit man nit ire heym-  
liche beschwerde erfüre/dz mā jne künde helffen/sy lassens  
auch darumb so vngern hārauß kōmen/sorgen das sye vñ  
der heymlichkeit schwezen/vnd die vnbilligkeit die zum di-  
ckerē mal mit jnen würt fürgenōmen/entdecken. Wolan/  
des jamers ist vil/gedenck in ein yeder selbs noch/vnd tra-  
chte das /wo ja die yetz gefangenen nit wider mögen ledig  
werden/das man doch niemants weiter in soliche jämerti-  
che gefäncknüss kumen laß/ Amen.

**E**s were noch vil zusagen von mancherley beschwerde  
der penitents/Beydynnerlich vñnd eüsserlich/deßhalb sye  
billich ein grosse vntregliche gefäncknüss gewesen ist.weli-  
che so ich angezeygt vnd geriegt hab/würt mir zugelegt/  
das ich die chüstliche freiheit hab wöllen vndertrucken/so  
ich doch vil mer jnen hab wöllē helffen. Aber es mögē sich  
dise wol beklagē/wānes ist ye ire freiheit nit wenig vnder-  
truckt/so mā die armen lediget.wie chüstlich aber sy sey/  
mag bald

19.

mag bald mercken der do betrachtet wie ein süß joch vns  
Christus geben hat/wie er gnad/frid/vnd den geyst gepre-  
diget hat/nit das gesatz wie Moses ic.

Es seind vnzelich vil gefäncknüss in  
dem sacrament der weihung/welichs so eng gestricke ist/  
das nitt ein yeglicher tänglich zü weihen sey/ob er schon  
in kunst vnd vernunfft weit andere vbertriff/wiewol es  
vom anfang vnd der satzung Christi vnd Apostelē nit also  
geordnet ist.bey welcher ordug ob es schon blibē were/vnd  
noch eben die selbigen ordnung hette/möcht kum vbel ge-  
handelet sein. Nun wolan/so das priesterlich ampt vff an-  
dere ding mer gestellet ist weder wie es von Christo georde-  
net ist/so sol auch niemāt sich verwunderen/das man für  
die selbigē neüwe priester ampter/auch neüwe satzungē ge-  
macht hat/da mit es nun gefangen ist. Nun were es nit zü  
achten/das die priesterliche ampter so sye yngesetzt haben  
gefangen weren/wo nür das recht war priesterlich ampt  
so Christus selbs yngesetzt hat/ledig bliben were. Wir wis-  
sen dz das selbig sich allein stretcht vff die diensliche werck  
der gemeyn/als do ist predigen das aller namlichst/welich  
es also jämerlich gefangen ist/das es wol ist zü erbarmen.

Es ist es nit ein jamer/d do kan vnd weyßt vnd gern wöl-  
te/der müßz mit gewalt züm dickeren mal schweigen. Ja  
wenden sy für er sey nit gesandt/oder es sey im verboten/  
da mit sye das gots wort in jrem gewalt gefangen führen/  
das es niemants dürff predigen/oder anders weder eben  
wie es jnen gefaller/vnd were nit zü achten/ob es schon zü  
zeiten nit ein yeglichen nachgelassen würde/der sich sein  
mußzbrauchte/das ist aber zü erbarmen/das sye ein yedē  
das maul verstopffen wöllē/der nit eben sagt was jnen ge-  
fallt/was jnen zutregt/oder sye in jren schandliche laste-  
ren strafft/vnd doch vnüberwüden mit rechtmässiger vn



geschrifflicher vsach/wie sichs gebürt dē Bischöffen/die  
do (wie Paulus leret) sollen gewaltig sein mitt dem gotts  
wort / zu vberwindē alle widerwertige der warheit. Syhe  
wie er spricht/das er gewaltig sey zu vberwinden mitt der  
geschriffte/so ist nür jr meynung/nichts mit der geschriffte/  
sonder allein mit gewalt vnd mit eygnem willen zu vertrei  
ben/die die jnen mißzfallen. O des eilenden samers/vff so  
vil erbietens/dannoche nit zu verhörtumen lassen. Neyst  
mündas nit ein gefänckniß: Wie vil erbi etē sich yetzt zu vn  
seren zeiten vff die geschriffte/das man sye darauß Berichte/  
jrer vnrechten lere/vnnd sye sich darzu erbie ten jre lere zu  
beweisen/das man sye laß bleiben/aber es wil es nieman  
von jnen hören/nur ketzer ketzer/er ist wider die kirch. vnd  
so mans recht besycht/so ist er nür wider die jhenigē/so die  
rechte ware kirch durechten/die da sagen/er ist widerwer  
tig vnseren wercken/wir wöllen nit wissen von deinen wez  
gen die du vns zeygst: ic. wie der weiß man von jrs gleichen  
spricht. Nün wolan es were nitt vmb die selbigen zu thün/  
die da schweigē müssen/wiewol sye gern vnd nützlich red  
ten/sonder mer vmb die armen schästin Chrusli/vnder die  
man keinen rechten hyrten lassen wil/nür eytel wölff/oder  
stillschweigēde hund. Aber was solten wölff anders thün/  
weder mitt wölffen/oder ja nitt vnnutzen stillschweigēz  
den hunden regieren.

¶ Das ist die gefänckniß die ich hye klag/in der weyhüg/  
welche ey nüg wo nit were/wolt ich die anderē/deren on zal  
vil seind/wol verklagen. Es were ein kleiner schad/ob ein  
das täglich messzhaltē verbottē würd/es sey ja vmb chaf  
ter vsach willen oder nit/es were wenig zu achten/vyler  
ley eygenthschafft/die man Begeret von denen/so geweicht  
werdē sollen/vn aber mit gelt nachlessig/als da ist das vn  
nolkommen alter/gebrechen der glyder/ob er suspendiert  
verbañt/verpfründt oder nit verpfründt were/oder was

andere sache von jnen vntäuglich geacht würdē / ob man es auch mit vilē oder wenigem gelt wider kauffen müste / wie man dan vnaußsprechliche grēplerē / vnd grosse schinderē mit den armen pfefflin / welche durch vnzeliche statuta synodalia gar kümmerlich entgon mügē / der Fiscal fischet sye in seinem visco (das ist) leim. 2c.

**V**ilerley gefäncknüss seind auch bey dem Sacrament des Altars / den zwingt man hynzü / disen verbannet man darnon. wie fruchtbarlich aber sye beyde / sehē wir täglich also das dise heylsarnē speiß vnserer seelē / vil mer züm ewigen tod fürdert / es solte das Sacramēt des altars yeder man frey sein / vnd zū keiner zeit niemants gezwūgen sein oder verbotten / also das es allein mit dürstiger seelen entpfangen würdē. welches wo anders / mag niemer on groß gefärlichkeit vnserer seelen geschehen / ich geschweig yetz und der grossen gremlery / die auch mit gebraucht würt / Sierliche vnd betürliche ordnūgen / die zū der benedeiung / das ist / zū der messz / vnd niessung dises Sacraments gehören / sollen vnuerworffen sein / ja auch wol zū lobē. Das mā aber zwängliche notstell daruß gemacht hatt / dz dar durch beyde diener vnd niesser dises Sacramēts / an leib / güt / vñ gewissen / nachteyl vñ gefäncknüss leidē müssen / ist zū erbarmen / welches ich ein yeden wil selbs lassen betrachten. Deberaubnüss der eynigen gestalt / wiewol es freylich nit ein kleine gefäncknüss ist. Wolan / wir wöllēs geduldiglich leidē / dieweil doch nit ebē eine oß beyde von nöten seind / sonder der glaub in Christū. welchen (wie auch oben gesagt) 8 herz gleich als wol on alle gestalt des eüsse rlichen Sacramēts / erweckē mag / als zū hoffen ist / er offt thūge / in vil leyen / derē glaub grösser in eyniger gestalt / weder diser in beyden / ja auch etwo grösserer dan deren / die teglich anhyn lauffen / freylich wenig des glaubens oder Christi



gedencken/vß welichen sachen ich sorg/gott nit größlich:  
er gelestert werde mög. Ich lassz ston/die vsachē die sy für  
wenden/darumb sye den leyen die eine gestalt entzogen ha  
ben/ob sye genügsam seien/oder eynicherley vsach vffer  
terich vffbracht mög werden/darumb man etwas ynsetz  
ung oder ordnüg gottes verwädlen möge/kan ich nit glau  
ben. Es stadt steyff. wer ein ander Euāgeliiu prediget/sey  
verflücht. Lügen zū liebē verbietet/die sach trifft eüch an  
jr werdt rechnüg geben/Es ist ein ander Euāgeliiu we  
der Paulus gelert hat/vñ Christus yngesetz. aber es hatt  
villeicht Chustus (sapiētia patris) die gefärlicheit des ver  
schüttens/oder d bārt/oder andre vsachen die sye vffbrin  
gen nit gewüßzt. Dat ers nün den priestern allein also ver  
ordnet/so möcht einen verwüderē/ob ers auch yenan den  
leyen zū geben beuolhē hat/dan wir nur vom letstē nacht  
mal lesen/welichs wo nit/ob nit ein sorg aber sey/das sye  
vnrecht thügen/so sye die eynig gestalt vßteylen/vnd es di  
se empfahen. oder hat villeicht Christus kein vnder scheyd  
gehebt/vnder den leyen vnd priestere/villeicht das sye on  
das auch Chustum bekennen/weliche bekantniß die recht  
weihe vñ priesterthumb ist. Wolan/vonden dingē ist auch  
oben gesagt/vñ doch yetzund allein hye anzeygt/ob es nit  
auch für ein gfänckniß gerechnet werde möcht/wie auch  
vil andre/vmnd der soliches riegt/vmnd als vnbillich ge  
schehen anzeygte/nit gleich für einen zerförer der kirchē  
freiheit gehalten werden solte/sonder vil mer für den d die  
rechte freiheit widerüb zū erfordern vermanet.

Es möchtē hye auch angezeygt werden die jāmerliche  
gefäncknißen so den Elichen stadt antreffen. Wir wissen  
das der selv vil beschwerdē hat/von wegen der gebott vñ  
verbott/so daruff desetzt seind/vß welichen den armen cō  
sciētzen vil vbels entstadt/ich geschweig hye d schinder ey  
die vber schwenclich darinnen regiirt. Wir wissen das vil

hindernuß der Le seind/deren etliche allein hinderen/das sy nit geschehe/vñ doch die geschene nit zertret. aber nit destminder vmb gelt strafft. Etlich aber zertrents/oder es muß vberschwencklich groß gelt da sein. Doch sindt etlich die man gar durch kein gelt nachlast/wie groß es ja ist/ja das man ee zülief die grösten schandelichsten laster/wie wir sehen vff disen tag/das mit keinem gelt abteüffig ist der eelich stadt der priester/aber die gröste hürerey/die seithar Sodoma vnd Gomorra zeiten nit gewesen ist/die last man hyngon. Wolan/es tregt freylich ein grösseren nutz vff jm/weder das gelt bringen möcht/da mitt man es abkauffte/freilich das der geystlich stadt wie er yetzū dist/erhalten werde/wie er auch durch ein gleisnerische teüsch eit (als ich sorg) in soliche höhe kommen ist/wie ob gesagt. Vnd wie wan er schon mit der weiß vnd massz wie er yetz ist/abgieng/ob auch die chrißtenheit darüb vndergon müste: od nit vil eerlicher ston würd weder vom anfang här: vnd dürfften dānocht nit (wie sye besorgen) in soliche hümplerey wie es zū der Apostelen zeiten gewesen ist/kommen. da von hye oben. 2c.

¶ Wolanich mag mich nit ynlassen in dise weitleüffig mately/dieweil doch schier menigklich merckt/die grosse grēplerey vñ finanzen die hye braucht würt/deren die sophysten vnd Sūmisten bücher vol sindt/wie vnd wan vñ wer hyerū hatt zū gebietē vnd wider nach zūlassen/deren yeglicher/was in güt dunckt gemacht hat/vnd sye haben es angenömen/da mit das geltnetz vnd der conscientzē strick dest grösser vnd enger würd/vff das nieman leichtlich enttrümen vñ vñschlüpfen möcht. Ja sol man erst sagen/wie die verbott sich hye einander anrüren/das hye verboten vnd hart gestrafft/an ein anderen ort gar vnverboten. Item wie die doctores & Canonisten vñ Sūmisten nit gleich zūsammen stimmē vndereinander/vñnd muß doch



die weil der arm man die őrten bezalen/Bitz sye ettwo jr ge-  
zenct vor gericht vřrichten /vnd der sach eyns werden da  
von vil zů sagē were /des man auch nitt alles bedürfft /wo  
man den stracken weg des göttlichē gebots vnd verbotts  
warneme /vnd sich des selbigen ließ benügen. Es würdēt  
nit vil impedimēta matrimonij (das ist yrung der eehen)  
seit /wan es bey göttlichē gesatz blibe /man würd bald se-  
hen /ob dise mein Schwester /mein mütter /meins vatters  
vnd murer Schwester were ic. vnd was der gleichen grad  
im göttlichem rechtē verbotten seind. Es bedürfft nitt vil  
vřruffens /dz yederman kůndt wissen /so würd es auch nit  
bedürffen des anderen das naher volgte. Wo wolten sich  
aber so vil Schreiber /Procuratores /Aduocaten / Offici-  
len / Vicarij /ja das ganz hoffgesing /das vff soliche sach-  
en zů handeln gestiftt ist /ernerer? Wolan /darumb habēs  
die Canonistē treulich bedacht /die vber solche hādel gros-  
se Bücher geschribē haben /vil yrüg erdacht /da mit es nit  
als vngebürlich zů vnserē letsten zeiten zů gieng /wie vom  
aufang der kirchen /vnd im alten testament /villeicht es  
dan zůmal vnrecht zůgangen ist /wiewol sye gethan habē  
wie es gott geheissen hat /vñ bey vns noch nie widerriufft  
**E**ye lügen aber zů das nit dise yrungen /erst (hat.  
gefunden worden seient /zů disen letsten zeiten von den yri-  
gen geysten /wiewol ichs nitt sag / Paulus aber thūt das  
maul weit vff /das einer schier gedächt /er hette eben vnse-  
re zeit gemeynt /so er. j. Tim. iij. spricht. Der geyst sagt of-  
fenbarlich /das zů den letsten zeiten vil werden vom glau-  
ben abtretten /vnd warnemē der yrigen geyst /vnd leren  
der teüfel /so durch ein angenōmene gleißnerēy (freylich  
einer erbarkeit /oder geystlichkeit) werden lügen redē /ein  
brantmalte consciētz haben /vnd also verbietē sich zůner-  
heyren oder vermāhelē /dess gleichen abbruch & speisen ic.  
Lieber wie meynstu /ob er es troffen hette: Wen sündt mer

yrüngen gewesen in der **Le**/dañ eben vff disen tag /vnd ye lenger ye me /wo nit d rigel für gestossen werde solt. **Es** sind auch freylich die letzten zeit yezüd /so ist auch freylich der nutz der vß dem verbietē entstadt wenig anders dan gleisnerey. wan dieweil der eelich stadt (wie ob gesagt) den altē vnserē heyligsten vätteren nit geschadet hat /was solte es dan vns schadē. Was wollen wir vil frumkeit sūchē in dingen die vns got nit gebottē hat. warumb halten wir seine gebott nit /vnd sind content /an welichē wir ondas vnser leben lang zū schaffē gewinnen. Was wiltu darzū sagen /es seind gar nahe eitel gleisner /die sich besonderer weisen in vngebottēnen dingen annemen /vnd die gebottēne nit mögen volbringen /ja es heyst nit man thut gott zū eerē. Wiltu gott eeren /so thū was er dich geheissen hat /darinē ertu in /in lassen deren ding /die er dich nit geheissen hat thust jm kein vnere an. aber wol färllich ist es wo du etwas vngeheysens thuest.

**¶** Vnd so ferre es die pfaffen **Le** antrifft /so ist offenbar /das sye eben vß eitelicher gleisnerey (da mit wir dem volck ein nasen möchtē) verbottē ist /wie ob gesagt /wiewol wir yezund wenig gleisnerey mit treibē /so wir gesprungē sind vnd vnser reichumb dardurch vbertumen /die vns niemants mer nemē mag. darumb darff es nit vil gleisners vnd bergens mer /wann ob wir schon öffentliche hurer sind /wer wils vns weren. Solten wir widerumb in die **Le** kummen /müste die kirch in kurtzer zeit wider in die vorige armüt kummē /wir möchten auch nit so vil mer von den armen pfefflin erschinden /es würden weyb vnd kind erben /nit die kirch /nit der Viscal /vn der gleichē vsachen vil. Darüb ob wir schon wissen das sye in öffentliche schäden sitzen /weliche wir wol durch den eelichē stadt /vns vō götlichē vnd natürlichen rechten nachgelassen /fürkommen vnd wenden möchten /so wollen wir es danocht nit



thün / freylich vß keiner anderē vrsah / dan wie ob gesagt /  
vnd d̄ gleichē. Es wer auch ein vndäckbarkeit der gleisner  
rey durch die wir so hoch künen sindt. O du ellende kirch /  
die du bist durch gleisnerey vffgangen / vnd yetzt durch of  
fentliche hürerey must erhalten werden. Ist nit zū erbar  
men / das durchs geitzs willē wir vns selbs nit helfen wöl  
len mit sampt der armen rott / deren gebresten wir sehē vñ  
vnuermüglieheit bey vns selbs erkennen.

Es ist eben mit disen verbieteren wie mit den werckme  
stern oder züchtiger (magistri operum genent) vber das  
arm gefangē volcklin in den klösteren / wan̄ sye eben auch  
freylich kein oder wenig glauben an Chrustū vnd sein wort  
haben / sonder es nur fur ein tandtmär halten / dieweil sye  
darneben so starck an jrem gesatz wider Chrustū vñnd sein  
heyligs Euangelii ston / aber allein darumb das sye auch  
wie dise in jren geystgeberde / also sye in jren satzungen / re  
gieren mögen / vnd faul fressig tag / vnd groß wolgehaltē  
herzen darbey sein / gottgeb wie es vmb die arm rott stād /  
was Chrustus oder Paulus sagen / es müßz also sein / wir  
wollen sye in die thürn werffen / so vil wir jr ankūmen / die  
Eweiber nemen / die hürer aber / das seind recht gesellen /  
sye künen vns wol in der kuchen ergetzen. O jr geystlichē  
herren / ich sorg aber von dem yrigen geyst. Ist es nit zū er  
barmen / das sye so strenglich handlē mit ein̄ ein eewieb  
hat / vñnd so vil schand vñ laster vor jren augen sehen / das  
sye vngestraft lassen.

Sagt an jr geystlichen Vicarij / vß was geysts seind jr  
geystlich: ist nit vß teüfels geyst: ja freylich / wann jr se  
hen des teüfels werck / vñnd weren es nit / ja erneren eüch  
darab / vñ aber gotts gebot legen jr darnyder: Sagt an /  
wie seind jr so vbersychtig: Ich meyn eüch jr Vicary der  
Bischöff / weliche jr wol anders vnderrichten möchtē / wo  
jr Chrusten weren vñ glaubtē) das jr drey oder fyertausent  
hürer

hörer im Bistumb vber sehen/ ja schandliche hörer. vñ ein  
 froms pfefflin/ das sein Blödigkeit erkent/ vnd noch göttli-  
 chem gebott/ mitt der Leim begert geraten sein/ so jamer-  
 lich martern/ thürnen/ stöcken/ blöcken/ vertribe/ sprech-  
 ende/ Ja er hat keüschheit gelobt (wiewol die gemeyn prie-  
 ster schafft in sonderheit mit keüschheit gelobt) vñ hat es nit  
 gehalten/ als ob er es gehalten hette/ so er ein hörer ist/ heyst  
 das nit ein verkerter syñ/ in den gott die so vō der warheit  
 weichen fallen laßt/ wie Paulus Roma. j. sagt/ so verstäd-  
 ichs nit. wiewol es noch in vnserem Bistumb freündtlich  
 zügungen ist/ hoff noch weiter geschehen werd.

**S**ag an du vicary wer du seist/ es köpt ein armes dorff-  
 pfefflin für dich/ dem sein magt zerbrochen ist/ also das vñ  
 den stucken leüt seind worden/ hat darzū mit vberigs/ vor-  
 hyn von dir vñ deins gleichē pfrundenfresserē vñ gesogē/  
 begert gnad von dir/ erbricht sich vor dir/ vñ deiner schönē  
 fruchtbarē Berecinthia/ gefangē mit güldenē ketten am  
 hals/ gedeümlet vñ gefünngerlet/ mit grossen güldenē rün-  
 gē. vñ laufft gleich d̄ proles/ das ist vnserer gnedigē frau-  
 en zucht in der stubē vñ her. Sag an was gedenckstu/ das  
 du dem armē schweyß abnimpst/ darin du zehēfach schul-  
 dig bist: wan es ist gewißz das du vñ eytel müerwill die schō-  
 ne gnad frauw vil frūmen junck frauwen vnd frauwen zu  
 ergermüß zeühest/ so der arme schweyß vñ nordürfft seins  
 haushaltēs/ dz er sich mit vyhe vñ arbeit erneren mög (so  
 du vñ deins gleichē pfarrenfresser/ im garnahenichts vbe-  
 rig lassen) einer magt not ist/ durch welcher nordürfftē  
 ger Beywönig/ ettwō sich der güter herz domine vber sycht/  
 dem du dan so vngenedigklich das steüblin vñ den augen  
 vnderstest zünemen/ vnd deinen grossen trom in eygenem  
 augen nit syhest: Wie darffest du ein vñteyl sprechē dem der  
 do vor deine vnd seinen augen sycht ein gleiche vñ grössere  
 that weder die ist/ darin du in verdämest: Schamstu dich



nit vor jm/meynstu nit das es jm zū hertzē gang/wie kantsē  
du so verucht sein/wan schon kein göttlich gesatz were/sol  
testu dich vñ natürlichē gesatz eryñ eren der vnmēschlichē  
**J**a spuchstu/es ist ein ands vmb die dorffpfeff (thate.  
lin/sy müssen täglich messzhalten/vñ mit den sacramēten  
vmbgon/das darffich nit. Ja so vil dester böser ist es/das  
du es nit thüst/vñ dānocht den armen schweyß vñsaugst/  
pfaß od ein geistlich person sein wilt/vñ doch nichts geyst  
lichs thüst. Sag an/ist es aber den geystlichen ämpteren  
nit schädlich/so er dir den zins gericht hatt:ist es darumb  
nit mer sund:ist es jm darnach erlaubt:Leyn spuchstu ich  
erlaubs jm darumb nit/thut er es aber meer/so straffich  
jn wider. Gar güt/es wolt mich ye dücken/es würd jm nit  
vergebens zūgelassen/freylich das du jn widerumb straff  
fest vmb ein par gulde oder drey /dir zū güt. Wie meynstu/  
so es ebē die meynung sol sein /ob es nit vil andre die nit pfaß  
en seind auch also annemen/bleiben an Le.vnd wo sye ein  
jungs vbertāmen/were es vmb ein par gülden zūthünd.  
meynstu nit/ob mā vil sünd/do einer gern ein par güldē od  
zwey gebe/dz er alle mal tauschē möchte: Jo es ist aber nit  
recht dz er es thut: Was fragt aber ein glaubloser mensch  
darnach/es sey recht oder nit/die weil mans jm nachlaßt  
**S**ehēt nūn jr schönē vicarij reuerēdissimouñ wie sünd jr al  
so dapffer leüt in der kirchen/wie seind jr so güt Christen/  
wie ist eüch d̄ glaub Christi so hart angelegen/das jr durch  
seiner willen die seelen mit gewalt zūm teüfel führen. Dar  
umb sag ich dapffer/ich glaub nit das jr Christē seient/vñ  
an sein Euangelij glaubē.wan glaubten jr/so hädleten jr  
anders/das ist/mit geschufft/vnd lieffen eüch der en benüt  
gen/wie wolt jrs doch nur gegē eüwerē Bischöffen verät  
wortē/deren Vicarij jr seind/die eüch freylich nit heysen  
wiß das got swort hädlen mit den leütē.welches so jne be  
uolhē ist/das sye wie Paulus leret/mchtig seien in der ge

sunden götlichen lere zū vermanen/vnd die widersprecher  
 darauß zū straffen/so beuelhē sye es eüch als jren statthal  
 teren/so können jr auch nichts mit /oder wöllen nit. Nun  
 ist ye eben disß das recht stuck das einē Bischoff vn̄ nach  
 mals seinē Vicarien zugehört/so wöllen jr es nur de facto  
 das ist mit gewalt vsrichten. Der Bischoff kan selbs wol  
 mit gewalt hādlen/darumb ist er ein weltlicher fürst.eüch  
 aber hat er beuolhen seine geystliche ämpter /das ist mit  
 der geschufft zū handeln/jr seind ye nit Vicarij in tempora  
 libus/ das ist/ in zeitlichen dingen. wann in solichen haben  
 sye sunst gemeynlich jre amptleüt. In spiritualibus aber/  
 das ist in geystlichen dingen seind jr statthalter. das ist/das  
 jr sy im gotswort versehen/wo ja mit mitt predigen/ doch  
 mit vberwindüg der widersächer durch die geschufft. Dar  
 umb dieweil jr nit die Lutherischē ketzer mit geschufft/ an  
 stat eüwerer Bischoff/die sich solchs zū eüch versehē/vber  
 windē/sonder wöllens als mit stöcken/blöcken/marterē/  
 vertreiben/tödtē/ze vsrichten/so seind jr warlich nit bes  
 ser dan andere stockmeister/vnd versüren eüch selbs mit  
 sampt den Bischoffen. Wolan/jr herrē verachten dise ran  
 herē nit/Scripturas scripturas/jr herrē/nit ferū. Chri  
 stus/für des statthalter jr vnnd eüwere Bischoff eüch vs  
 geben/hat nit mit eisen/stöcken oder blöcken gehädelt.

Wolan/verzeihē mir liebē herrē/es sind notredē. verzei  
 he mir auch liber leser/dz ich so vil sachē ynher vermische/  
 durch welche ich die art der schirmred nit gehalten hab/  
 yedoch erfordert es die not/das mā mercke wer ketzer/fal  
 scher leter vnd falsch vsleger der geschufft sey. Item were  
 die freiheit der kirchē vndertrückt hab/ich vnd meins glei  
 chen/die leib eer/vnnd güte für die rechten waren freyheit  
 in Christo darsetzen/wie ob gesagt /oder aber die ihenigen  
 die das Christelich volck so lange zeit in gefänckniß gehal  
 ten haben/vnnd noch halten/ja vnder der gestalt das sye



ire fürer vnd hyrten seien/erst gleich wie die thurnhüter  
noch vester verrigelen vnd verhüten/das sye nit entrinnē  
mögen. Ich weyß auch wol das solichs wider sy gesproch-  
en /inen vngewon ist/ vnd sye vnbillich dunckt. Wolan/so  
gedencken sye härwiderüb/das jnen nit vnrecht geschehe  
sonder das es die warheit sey/das ich vnd meins gleichē re-  
den.welichs so bald sye gedencken/werden sye auch leicht-  
lich hören/ob man sye ja auch in jrem vnrechtē straffe.

¶ Es gebürt aber mir vnd meins gleichē nach gültigē lei-  
ten nit/die grossen hansen vnd prelatē also anzutasten vñ  
straffen/sonder härwiderumb. Ich hörs wol/ich weyß es  
auch wol/das es also ordenlich zügon solte/das die hohen  
prelatē die mindern straffen solten/ordenlich nach dem ge-  
satz gottes. Wie wañ sye es aber nit thün/vnd selbs sträff-  
lich sind:vñ nit in schlechtē lasterē/die vñ mēschlicher Blö-  
digkeit/oder vnwissenheit geschehen/daran nit viler oder  
niemants dan jr selbs nachteyl geschicht/vondenen man  
auch hye nit redt/sonder die do antreffen jr regiment/dar-  
durch der gantz hauff den sy solten straffen vnd regieren/  
beschwert vnd verfürd würd. Sollen sye in disen vnd der  
gleichē sachen vngestraft bleiben: Es strafft sye gott nit  
allzeit durch besondere wüderzeychē vom hymel härab/  
so wegeren sy selbs nit jr vnrecht vñ vbel/ ja vilmer nimpt  
es zü/wie es alle zeit thō hat/biß zü letst yedman verdürb/  
vnd zü hell füre/darumb müß yemāts sein der es thü. wañ  
gott wil nit das sein geschöpff gar verderbe/erwegt ee zü  
aller zeit leüt vff/durch die er auch die regierer strafft.

¶ Wöchtestest sprechē/ Bist aber du es eben: wer hat dir es  
eben beuolhen: mustu jm eben also thün: sy also rauch an-  
faren:Bistu doch selbs nit vnsträfflich/ ja eben sträfflich in  
deinem leben. Wolan das letst verantwort ich nit/sonder  
ich spüch es sey war/sag aber dar bey/ich bin sträfflich vff  
dissz mal allein(hoff ich)in eygnen sünden/die niemāts son

derlich schaden weder mir selbs. Niemants wil ich verfür-  
 ren (so fer mir gott gnad gib) welichs ich von jnen/denē  
 ich hye zūspüch auch begerte/ so dan wolten wir wol lang  
 eins bleibe. Ich sag auch/ woltestu nur warten vff ganz  
 vnd gar vnsträffliche straffer/ sorg ich/ es würden wenig  
 oder niemants in der welt straffen gedürren oder mögen.  
 Darumb laß mir eben auch den gemeynē vorteyl den fast  
 yederman hat. Wo ich aber nit meinē ampt nach straffe/  
 dan so were ich billich sträfflich/nitt meiner eygner laster  
 halb allein/sonder dz ich vil verwarlaste. Ich wolt auch  
 ander leüt nimer so bissiglich gestrafft haben/ wo nur ey-  
 gene laster zū straffen weren. Das du aber spüchst/ob ichs  
 eben thün müsse/vnd wer michs geheysen hatt. Sag ich/  
 ja ich müßz thün/wan ich ye ein prediger bin/vn zū predig  
 ampt berüfft/was solt ich anders thün weder mein ampt  
 erfordert das vnrecht zū straffen/vn do das aller grōst vn  
 aller schädlichst vnrecht ist/am allerheftigsten straffen.  
 Tün weyß ich kein grōßer vnrecht/wann so einer vilen  
 schädlich/ja der ganzen chriſtenheit zū nachteyl lebt vnd  
 zū verderbüg/nit allein des leibs vnd güts/sonder der see-  
 len/als dan ich sorg die jhenigen thünd wider die ich schrey  
 Wolt gott ich würd lügenhafft gefunden/vnnd der lügen  
 hart gestrafft/aber es ligt am tag/darff nit vil probier es.  
 ¶ Darumb laß dich nit wunderen/das ich straff/so ich ye  
 berüfft bin (des ich nit zweifel) Darumb wee mir wan ich  
 nit straffe/nit schürwe/gleich den hunden die nitt bellen/  
 vnd den hyrtē die mit dem wolff ein bundt machen/deren  
 ich sorg vil seient. Müßz ich mich danneben also stellen/so  
 doch die anderē nit so predigen. Wolan/verantworte sy es.  
 Ich wil meins verantwortten/wie ich yetzund thün/ich  
 syhe die not/darumb dünckt mich/das es mir auch gebürt  
 zū schreien. Es stadt vil von disen schlaffenden vnd stum-  
 menden predigern geschriben/wie schädlich sye seient/das



sy vß forcht oder ander sachen die warheit verschweigen/  
jr ampt nit versehen.

¶ Vnd wie wañ ich mit solicher ordenlicher berüffung  
berüfft were/vnd sunst vffstünde vnd schüg/vnd zeygt an:  
das vbel der welt vß einē ernst vnd eyfer zū dem hauß gotz  
tes/vñ neme also sein wort in mein müdt/vñ schrye/meynz  
stu nit ob es ein berüffung were: Was ist anders ein rechte  
ware berüffung/dañ so der geyst gotts/das ist ein rechter  
eyfer/vber die vneer gottes vnd verführung seines volcks/  
einen treibt das er sein wort in seinē mund nimpt/vnd jm  
zū eeren wiß seine feind streitet. Meynstu nit ob got vffert  
halb dmenschlichē ordnüg kōndt berüffen/wo er sähe/das  
durch d mēschē ordnüg dz berüffen gefangē wer. Wer hat  
die prophetē gesandt/Heliā/Esaia:rc. Solt helias gewar  
tet habē biz in Achas gesandt het/dz er wiß in geredt het/  
es were frylich niemerner geschē/also auch die anderē/  
die gott selbs geheysen hat vff zūston/on alle ordēliche be  
rüffung der mēschen wider die sye predige soltē. Wüßte ebē  
einer warten biz es jnen erlaubt würdē von denen wider  
die er predigen solt: Wo ein hundert nit solt bellē/es hiessens  
in dan die wölff/hetten sye güt mache. Darumb liebē juch  
heren/jr sollen eüch nit verwüderen/ob es darzū kāmē/dz  
noch vil vnachtbarer leüt würdē anfahen reden weder ich  
bin/vnd gar mit minderer ordēlich er berüffung/es wil ja  
gott sein wort geredt haben/vnd vülleicht yetzt sonderlich  
mer weder ye. Vnd so es nit durch ein eytelichē geyst/müß  
es ye ein mensch sein/d fleisch vnd blüt hat/den er erweckt  
wie nachgültig er auch anzüschē ist/es wöllēs ye die gros  
sen hansen die eins herlichen ansehēs seind/nit thün/ja be  
schemen sich sein.vñnd ob sye es schon benelhen zū thün/so  
geschicht es doch mit ein geding/dz nit ston mag mit dem  
gotswort/es wil ye vnd sol vngesangen sein/wie Paulus  
sagt/meynt jr das jm gott wolt sein handt lassen zūschlies

sen durch eüwer geding: Gedenccken jr nitt das jr ein regel  
 haben in eüwerem rechten/der minder sol dem oberen sein  
 handt nit züschiessen:weliches jr doch vnderstond züthün  
 so jr mit geding wöllent geprediget haben das Euangelium  
 Man sol eüch kratzen/aber seuberlich/oder nit anrüren/  
 Bellen/vnnd nit beyssen.2c. Darumb schickend rechte predi-  
 ger/oder sye kummen on eüweren danck/man würt nit ye  
 mer vff eüch sehē/ vnd wan jr schon tausent bänn lieffent  
 vff gon/verbranten den ganzen Schwartzwalt vff jnen/  
 veriagten sye durch die welt/es würd nit helfen/es werde  
 vff den strümpffen andre wachsen. Hand jr nie gelesen von  
 der schlangen Hydra/die syben köpff heet/so bald man yr  
 einen abhiege/so wuchsen jm syben an die stat. Lügt zü/es  
 würt auch hye also gon/des binn ich gewiss. Lügt zü das  
 eüch der köpff an der Jdra nit zü vil werde/das jrs zü lest  
 nit all abhawen mügen. Wissen jr nit das Chusten blüts  
 ein yedes tröpfflin/durch der warheit willen vergossen/  
 ist mit ein some/dar auß andre wachsen: Lügt das jr nit zü  
 vil vergiessen/das der Chusten zü vil werde. Sprichst wei-  
 ter/wir wolten vngern/so wir wüßten/das einer von gott  
 gesandt were/in verhinderen/wer zeygt vns an: Es kün-  
 nen vil schmutziger vnachbarer/deren nie keiner für etz  
 was gehalten ist/vnd prediget. Wolan/des aht du nit/du  
 weyst das d herz sein ding alzeit durch die vnachbaren vor  
 der welt vffgericht hat/vñ durch die vnweisen/wan es die  
 weisen vñ achtbare nit habē wöllent thün/darüb veracht  
 du kein vnachtbare. Lüg aber zü/ob er dz schwert gottes  
 füre/ich meyn das gotswort/verhöre in im wort/syhe jm  
 zü dieweil er öffentlich leret/du wüßst es bald in me was die  
**D**och müß ich noch eins sage/du sagst ob (sach sey:  
 ich jm ebē also thün müß: ob ich nit künde hübschlicher thün  
 man müste nit so vngbürlich dar von redē/mā müß nach  
 der liebe hädlen.2c. Wolan es ist war/ja vff die liebe d schaf-  
 lin aber nit der wölff/wolt ich durch liebe willē des wolffs



den wolff nit vertreiben/er fräß die schaff hindēnach gar.  
Seind es dan wolff: Wolan sye mögens wol verantwort-  
en/künnen sye echt. Ich sags nit/Christus sagts/wer nit  
durch die thür/das ist Christu in schaffstal gadt/der ist ein  
dieb vnd mördet/vnd der wolff kumpt nur das er verzuck  
vnd freßzic. Wolan lugt lieben herre warumb jr da seient/  
das wort darff keins sondern vßlegens/es ist klar genüg.

**W**olan/das ich auch disen puncten beschließ/Sagt an  
lieben kläger/wer hat nün der kirchen freiheit mer vnder-  
druct:ich oder:dise von denen solicher jamer wie yetz an-  
gezeygt ist:vonden wegen die edle gespons Christi so jäs-  
merlich gefangen ist.welche gefänckniß ich verraten vnd  
anzeigt hab. Wolan der selbig Christus würt zwischē mir  
vnd eüch wol vrteylen/jr werdents innen werdē/ob schon  
mit vnwillen/vordem selbigen richter/glauben mir würt  
die recōuention sein.das ist/ich würd eüch vordem selbigē  
widerumb fürnemen/wie grausamlich vnd wie geschwol-  
len jr yetzund seindt. Es werden eüch eüwere Canones da  
selbst nit helfen/wie vil jr ja ist/vnd wie groß bücher es ja  
seien/auch mit allen scribenten/Sumisten vnd sophysten.  
dz einig klein büchlin/das neuw Testamēt genant (das jr  
gesellē etlich verbietē) würt die grossen pumpernal alle zū  
hauffen stossen. Ey ein so kleins büchlin/wider so vil gros-  
ser bücher/darın die grossen herren gestudiert habē: Ja ge-  
sell/es ist nit ein wunder. Es werde/wie das klein büchlin  
die grossen bücher/also auch die kleinen einfaltigē/die sich  
allein vff das klein büchlin gelassen habē/die grossen män-  
ner auch darzū vberwinden vnd schenden. Darumb liebē  
gesellē/ich fürcht mir nit/das ich/wie jr mich auch hye an  
klagen/wider eüwere geystliche recht die Canones gethon  
hab/schafft ich bün vff der seiten die dem kleinen büchlin zū-  
stan/das eüwere Canones vrteylen würt. darumb vrteyl  
ich eüch auch yetzund/vnd spuch/Warumb hand jr wider  
vnser

vnser klein büchlin gethon: Ja sprechē jr/ vnser Canones  
haltens also ynn/was wir gelert vnd gethon haben. Wol-  
an/so halt vnser klein büchlin dar wider/welichs wir wis-  
sendas es von Chusto ist/nit also von eüweren Canones.  
Darumb wölt jr /das wir nit wider eüwer Canones lerē/  
so machend sye vorhyn gleich dem kleinē büchlin.

¶ Darumb nim ich kein klag an/das ich wider eüwere ca-  
nones gelert hab/jr zeygē mir dan zünor/wo auch das selb-  
big wider vnser klein büchlin ist /dann würd ich mich ers-  
wüschst geben/sunst nit. Wölt jr aber ye an disem erbieten  
nitt gesettiget sein/sonder klein büchlin hyn/klein büchlin  
här/wir haben ein gesatz/wer darwider thüt/müß sterbē.  
Wolan /so far ich recht zü meinen forderen /wo es nit an-  
ders sein mag/vñ wil daselbs eüwer vnd/des vteyls Chr-  
sti/eüwers vñ meins richters erwartē/der (hoff ich) wer-  
de vns entscheidē. doch hoff ich auch jr werdēt bas beden-  
cken/vñ nit so grām hädlen/die weil jr eüch noch dessz senfft-  
mütigē Chusti Vicarien berümen/darumb werdē jr eüch  
auch nit des strengen richters ampt vnderwinden /bitz er  
selbs kumpt. dan möchtē jr villeicht wol mit jm richten vff  
den stülen der Apostelē/deren nachkumen jr eüch berüme/  
jr müssen aber vorhyn wie er senfftmütig vff dem esel reitē.

¶ Hye mit acht ich es sey auch verantwurtet der punct/  
das jr sagē/ich hab gesprochē vñ geprediget/das das volck  
nit durch solche geysliche satzung gebunden sey /oder sein  
sol. Wolan/ich bekenē. Sagt mir aber/wo hat yemants/  
(es sey ja der Bapst oder Concilia/ich geschweig ein min-  
derer) die mensche tödtlich (das ist bey todtsünden) zün-  
ner bindē gewalt: Zeygt in an/so wöllē wirs glaubē/welichs  
jr auch züthün schuldig sindt. wann sich freylich keiner so-  
lichs grossen gewalts vndwindt/er zeyge dan etwas dar-  
umb an. Vñ ist das ein grosser gewalt/den mēschē durch  
sein eygens gesatz dem teufel ergebē/des sich freylich kein



Edelicher mensch vnderwindē solt/so doch niemāts die hell  
in seiner handt hat/vnd gott nit ein yeden sein vngegrün-  
der fürnemen flux wil erstatten. Wüste gott gleich eins ye-  
den stockmeister sein/vnd sein kercker dar leihen ein armē  
schweyß der nit wider sein gebott vñ geheyß gethon/Befun-  
den/hynein zu stossen: so doch gott sein hell nür wider die  
vbertreter seines gebots gemacht hatt. welches wer nit  
vbertritt /sein jünger ist. wie kündt er dan seine jünger vs  
eins yeden geheyß in die hell stossen: vnd der sein gebot nit  
vbertreten hat verdamme. Ja sprichstu/er hatt villeicht  
wider sein gebott gethon/das er nit gehört hat die er hörē  
solt. wan er spricht/ Der eüch hört der hört mich. Wolan/  
das ist hye oben genüg veranwurt.

¶ Doch were ich nit als gar darwider/so etliche geschic-  
ctte sartzung vund ordnungen bey burgerlicher/das ist bey  
zeitlicher straff vffgesetzt weren in 8 kirchen/wie dan auch  
die weltlich gewalt zu thun pflegt. Aber so flux gen hell tre-  
ben die armen leüt vs eignem gefallen/von denen vns nur  
benolhen ist/das wir inen die genad gottes durch Christū  
verkünden/würt kein grundt in 8 geschafft gesunde. Dar-  
umb ist es nür ein fräuelichs vermessen/das einer bey ewi-  
gem tod crowet. diewel doch kein sterblicher magistrat dz  
ewig in seiner gewalt hat/sonder allein gott/vnd auch nie-  
māts andre straff vfflegen kan/weder eben die ihenige/de-  
ren er mächtig ist. Darumb freylich ein vermessenheit ist/  
der sich solicher vnnügllicher dñg vnderwindet/er sey ja  
geystlich oder weltlich/wan der geystlich hat ebē so wenig  
das ewig in seinē gewalt vff die weiß/als der weltlich. wir  
müssen ye alle selbs für den richtstül Christi/vnd da entpfa-  
hen vnser vteyl zu verdāniß oder seligkeit. Wie/meynstu  
nit ob es darzu kümē möcht das der verdāmer mit sampt  
den verdampften eben vmb seins verdāmens willen mü-  
ssen bey einander in der hellen sitzen/wie würden sye frey.

lich so vbel einander ansehen/oder aber vil mer den verdam-  
mer in der hellen vmb seines verdammens willen/vnd di-  
ser im ewigen leben.

¶ Das lobtrich aber wie es auch sein sol/dz sye daffertlich  
vß der heyligen geschriffte anzeygten dem volck die sund/vñ  
den nachfolgeden ewigen tod/vnd nit erst selbst machten  
sund vnd tod/do keine ist. Das sye aber sprechē/man muß  
das volck also im zaum behaltē/vñ also erschrecken. Nun  
hab ich auch daobē dar vō gesagt/dz es nit gilt also mache  
man sol sye mit der warheit vnd mit dem gesatz gottes er-  
schrecken/darnider schlagen vnd demütigen/vnd als dan  
durch das Euāgelii/das ist die gute botschafft/widerüb-  
erquickten vnd trösten. Das gesatz gottes ist genügsam so  
lichs zū thun/wañ sich sein nür unsere junckheren nit be-  
schämptē zū preigigē/vñ nit lieber jr eygne gelsüchtige ge-  
sätzlin/auch darnobē verkaufftē/vñ gelt darab lössen. etc.

¶ Vñ sag weiter/wo nit die göttliche gebott etwas schaf-  
fen/so laß nür faren/deine gebott werden nit helfen/mar-  
chens nür böser/das sye ein eüßerliche gezwungene gleiß-  
nerey treiben. Darum wer nit gen hymel wil/bleib hy auf-  
sen/man kan vnd sol niemants anders zwingen dan mit  
dem schwert des gotsworts/wie wir auch von keinem ander-  
ren lesen in der gschriffte/das sol man dapfferlich brauchē/  
mit dem selbigen sol man machen Cöpelle intrare/treib sy  
härzū/wie d herz sagt. das eisen schwert hat er Petrū heys-  
sen ynstecken. Darüb lügt jr nachtömen Petri/das jr es  
nit brauchē/es zimpt euch nit. Wie sol mā dan das vnrecht  
straffen das dē nechste schädlich ist: Wolan/darüb hat mā  
den weltliche gewalt an der hande/den man gegē den iher-  
nen so in der gemeyn etwas vnleidlichs dem nechsten für-  
neme müg brauchen/darumb man auch jm zū gehorsamē  
schuldig ist/vñnd sein tribut vñnd eer zū geben. wie Pau-  
lus gelert hat. Darumb lieben gesellen/land euch nit als



gar seltsam duncken das ich sol gesprochen habe / es sey das  
volck durch eüwere sätzung vngewunden / vnd jr s auch vn-  
billich binden / wann wie sant Paulus sagt / so sind jr diener  
des newen testaments / mit des büchstabē / sonder des geystes / das ist / jr sollen genad vnd den geyst verkünden / mit  
das gesatz / wie Moses / wie vil minder eüwer eygen gesatz  
Weiter / so ist Christus kein diener d sünd gewesen / wie S.  
Paulus sagt / das ist / er hatt kein gesatz gepredigt / damit  
er erst durch sein dienstbarkeit den zorn gottes vñ die sünd  
indie welt brächt / so er doch darumb kumen ist / das er sye  
hynweg neme. Was vnderstond sich dann seine nachkom-  
men vnd diener / seind sye vber den herrē Wolhyn wir wer-  
den mer dar von hören.

**V**ff das ich nun das exemplar oder die bildniß vß derē  
sye disen bauw vffzurichtē vermeyne / gar zerstore / wil ich  
vff den letzten puncten antworte / vnd sprich eüch an liebe  
kläger / vß was geyst getürre jr sagen / das ich die leyen be-  
wegt hab zu hassz / zu bösem willē vñ vffrüer wider die geyst-  
lichen / habt jr selbs gehört / oder möcht jr yemāts vffbün-  
gen / der solichs wider mich sagen dürff. Wolan / jr künge  
in villeicht wol vff / wann es vnder eüch vil seind / deren ge-  
müt vast wider mich erbittert ist / die gern wider mich sa-  
gen was man nür von jnen begert zu wissen / vñ wenig ach-  
ten was sye sagen / nür das sye etwas sagen / wie dann der  
hassz vñ neyd zu thun pflegt / vnd man auch finde die es  
glauben / vß gleichen willen zu mir. Sagt an / wer hatt die  
leyen mer gereyzt / ich? oder die jhenigē die bitz hār vil red-  
licher leüt / mit jren lesterlichē Worten geschmācht haben?  
von denen dick vñ oft gehört worden ist / Luther ist ein  
ketzer / mit sampt allen den die in lesen / hören / vnd im güts  
günnen / deren nür vberaus vil seind. Wie oft habe sye ge-  
sagt / man solt Luther vebrenne / sampt allen die im anhā-  
gen / vnangesehen das vil frummer redlicher leüt im günnē

darüb es ein freuel wort ist. Wie offft bin ich mit aller mein-  
er audientz/das ist mit allen meine zühörerē /vnder denen  
vil redlicher leüt von adel vnd burger schafft /geyslich vñ  
wellich sind geschuldiget worden Ketzer /Büben/ vnd sunst  
mit vnzüchtigen worten angetastet /darzñ auch offenbar  
lich vnders ange sycht.

**E** Desshalb nit ein wüder were/wo etwo einer des Eua:  
gelümbß vergessen hett/vnd jm die faust entlauffen were  
jm ins anzlit/oder sunst ein vnzucht wider faren:die weil  
doch wir nit alle gleich der schmachwort gewon seind/vñ  
leidlich /wie ein volkmener Christ sein solte /wie Christus  
vnd seine Apostelen vns lere vñ exempel vortragen haben/  
auch der alt Adam nit in vns allen erstorben ist /sonder die  
sünd noch in vnserem tötlichen leib regiert/vñ nit gar vñ  
getriben würt/bitz an das ende/wañ wir haben noch nit  
das schloßz erstygen/das ist hell/todt/teüfel/vñnd alle wi-  
derwertigkeit so vns ansicht vber wüden/darumb wir dz  
got swort anfahenzñ hören/ein lust darzñ haben/vñnd es  
erkennē als warhafftig/es ist der teyck noch nit gar durch  
seirert. Petrus hat von Christo selbs das wort des kreutz  
es hören predigen /noch dānocht vberwād in der alt Adā/  
vnd zücht vñ sein schwert. Dessgleichē die jünger Chzisti  
wünschiē das feüwr vom himel hār ab vber die gottlosen.  
Wie dāñ/ob vns die noch nit Petrus/oder so volkmene  
jünger Chzisti sind/etwas ein vnzucht/oder ein zeychē vn-  
ser vñnollkōmenheit entwüßte:die weil wir doch mitt so vil  
schmachworten täglich gereyzt werden/vñ solichs grōß-  
lich an vil frūmer leüt bracht ist/wiewol vns d̄ gebenedeyt  
gott noch bitz hār behütet hat/als wir in bitzē weiter thūn  
**V**nd was solich sagen von so vil senfften re: (wölle-  
den/Bittüg/flehungē/gütliche vermanūgen/welche gegē  
solchen vngeschickten leuten die vnserē gethon haben/die  
vnlangst dar vor solichs von solichen weybischen vñd grez



tischen leuten gar nit gelitten hetten. welche auch vmb so  
liche vnuernunfftige wort zu straffen / mit vil not oder ar-  
beit braucht hatt / noch dannoch haben sye soliche jr vn-  
uernunfft veracht / seind gedultig gewesen / habes gelitte /  
vnd verlachtet durch gottes willen / das man augenschein-  
lich hat müssen prüffen / das das Euangelium mit kleine  
frucht & gedult in jnen bracht hat / wiewol sye stetigs nach  
den fruchten schreien / vnd das sye nit sehen / das die Eua-  
gelischen sich nit besseren. Wie dunckt dich / hetten sye sich  
nit etwas durch gedult / die in vile zungen imen hat durchs  
Euangelium gebessert / es hette vngewiselt jr mächer seine  
vnuernunfftige wort mit schaden müssen büssen.

¶ Wolan / nün habē jr wer die leyen gereyzt hat / ich / oder  
eben die jhenigen selbs / die da allenthalben verhütet soltē  
haben / das sye nit gereyzt würden zu jrem schade. darüb  
dürffen sye nit vber mich klagen / sonder vil mer vber jre  
vnuernunfftige kunden die sy vnder jnen haben / ab denen  
sye vil mer ein grossz genallens gehebt / habes für herliche  
widerfechter Lutherischer ketzerrey gehalten / die doch der  
kunst vñ vernunfft zum teyl gar vnschuldig gewesen sind.  
Wie oft hat es sich begebē so man zu zeiten zusamē komet  
ist / vor ein laden etwo ein station gehalten hat / der Euāge-  
lischen leer zu red wordē ist / habē sye nichts dan scheltwort  
kinnen / weder wo etwo zu zeiten der gelersten einer vnder  
jnen mit einströwen argument oder mit lügen wider die  
Euangelische erdacht / den felsen der warheit vmb züsto-  
sen sich habē vñ standē. Mit welichē so man oft freündt-  
lich geredt hat / sye tugentlich vnderricht & warheit / so hat  
jr geschrey fürtröffen / mit schmähen vermischet. Aber so  
etliche grosse prelatē denen vffruer am aller meysten zu för-  
chten were / solten dise schreier / lesterer vñ d leut schmäher  
vō jrer vngewürliche weiß abgewisen habē / so habē sy jnē  
erst darzu gūnstlet / sy angericht / sye gelobt / das es so das

pfer leüt seyenn / die es den Lutherischen sagen dürffen (ich weyß wol was ich red) Nun aber so solicher vnbilliche vnvernünfftige weiß sich zu vast gemert hat / vñ es in nit yederman hat wöllen oder mügen vertragen / vñnd etwo ein kurtzer bescheyd solichen kunden geben ist / iren freuenlichen Worten etwo rauhes geant wort worden / ire lügen vñnd schmachwort in widerumb in jr anlüt geworffen / inen also ein sorg gemacht eines bösen ends das es nemen möcht / wo sye nit von irem schmähen stan wolten. zc. so sagen sye man wöll vffrüer vñnd bundtschüch machē wider die geystlichen. welchen man noch bisz här in vnserer stat Straßburg vnder gemeynen burger schafft (vnuernünfftiger leüt grobheit ist vor hundert jaren geklagt wordē) alle ere an thete / wo sye nur still weren / vñ solich vnglück nit selbs vber sich erweckten.

¶ Aber jr eygen vnglück (wie man spricht) reitet sye / vñnd das vbel das gott vber sye verhängen wil / müssen sye selbs fürderen / vñ selbs schuldig dar an werden / wie auch dem Pharao geschach / vñnd den juden / vñ von anfang / durch alle historien / also ergangē gelesen würt. da nit das gott / von dem nür alles güte kumpt / niemants schaden zufügen gefunden werde / sonder der böß in selbs ein pein vñ straff sey / durch die entziehung der genaden gott es / welche solche leüt verachten. Es seind aber die strengen vteyl gottes / vber die ihenigen die der warheit widerstreben / das sy sich selbs zu irem eygnem vnglück müssen fürderē / fliehē / als ob ein grosses här vor inen stünde / da sye niemants jaget. fürchten sich / da inen niemants thün wil / ab yederman erschrecken / vñnd dannocht mit niemants frid vñnd freundschaft halten mügen. Ist es nit ein grosse vnfüngkeit / das einer in großer forcht ston müß / vñnd die selbigen die er fürchtet darzu zu seinem eygnem vnglück müß reytzen / die inen auch niemer nichts vngbürliches (wo sye selbs



wolten) zū zūfügen begertē/ ja inen auch von hertzen leyd  
ist. aber sye müssen also thün/ vñd vermögen nit anders/  
schafft das sye gott verlassen hatt/ den sye zūmor verlassen  
haben. Wie möcht es aber anders zūgon/ dann eben also/  
wo gott nit für ein schirmherren/ durch ein steiffs vertrau  
wen zū jm gesücht würt: welichen wo sye hetten/ fürchtete  
sye sich nit/ vñd ob sye schon mitten durch den todt wand  
len soltē/ grosse här gegen jm zögē/ sonder sye sprächē/ her  
du bist mit mir/ wie der Prophet sagt. Vñd aber so achten  
sye es sey yederman wider sye/ auch die jhenigē so inē güts  
thün vñd gūnnen. Wolan/ gott wöll sye vñd vns verwarē  
vor solicher blindtheit/ welche freylich die grōst plag ist vff  
erdrich. Was mag aber vblers dem menschē zūston/ wan  
das er also seiner vernunfft beraubt würt/ das war/ klar/  
helle licht nit sehen kan noch wil/ vñd dannocht also müß  
wüten vñd toben:

¶ Vñd acht ich mich auch von deren zal die inen güts zū  
thün Begeren/ vñd big här auch gethon hab/ wiewol sy es  
wenig dar für annemē. Aber was solt blindtheit ands thün  
weder das sye güts für böß/ vñ här widerüb achtete: Gott  
sey mein zeug/ das ich jren schaden weder an jren güte noch  
leib nie begert hab/ sonder iren seelen heyl mit allem durst  
vñd begirden/ also das ich dest fester den zaum gehencke  
hab in die vnaußsprechliche schädlichste laster/ etlicher vn  
der inen/ welichs mich auch not gewesen gedücker hat/ als  
fast als freylich in tausent jaren nie/ wann alle laster seind  
am höchsten/ vñd nit die gemeynē laster/ sonder soliche la  
ster die ein verderbnüß seind der ganzen Christenheit. vmb  
welche es auch bald geschehen were/ wo nit bald rigel für  
gestossen würden.

¶ So höre ich wol (möchte einer sprechē) du hast vns vor  
lieb vnser laster anzeygt/ vñ vor d welt vßgeschriwen: du  
bettest vns lieber in anderen dingen gedient. Wolan/ es ist  
bye oben

hye oben verantwort/vñ sag weiter/wo es jr eygner schad  
 gewesen were/hette ich dester bassz mügen schweygen/es  
 möchte auch das arme volckly dester bassz erlitten haben/  
 dieweil sye auch so vngern von jren eygnen lastern hören/  
 So es aber antroffen hatt den ganzen hauffen (wie ge-  
 sagt) hat es nit anders müge zügen. Wir sehen das die ihe-  
 nigen/die vorston sollen/vnd den vbelen diser welt zu hilff  
 kumen/das sye selbs an solchen vbelen schuldig seind/jr  
 en teyl mit den dieben gemeyn haben/vnd würt also täg-  
 lich erger. Was sollen dann die hund thün/den solichs zu  
 melden beuolhen ist: sollen sye die wölff rauben lassen/vnd  
 den weingarten des gotts sabbaoth verhergen: Sollē sy  
 auch einpact gleich mit jnen machen/da mit sye auch jrē  
 teyl dar von bringen:vñ würt also erfüllet der spruch Esa-  
 ie. xxvij. Wir haben ein bundt gemacht mit dem tod/vnd  
 einpact mit der hellen.wañ die geysel vñ straff vs gelassen  
 würt/würt sy nit vber vns kōmen/wañ die lügen vnser  
 hoffnüg vñ schirm ist. Oder sollen sye thün wie die fuchs/  
 listiglich dahār schleichē: von denen Ezech. xiiij. Deine pro-  
 pheten o Jsrahel/ seind wie die fuchs in der wüsterē. Was  
 thünd die fuchs: sye gond listiglich den raub an. vnd wañ  
 sye sich etwas hār für thünd/Bergen sye sich listiglich/vñ  
 flur widerumb hinder sich/da mit sye nit erwünscht werdē.  
 Sūmasummarū/sye wōllen also wider die wölff fechten/  
 das sye dānocht vor jnen sicher seient/vnd jnen keinē scha-  
 den mügent zūfügen. Von denen der Prophet spricht/ Ir  
 habt eüch jnē nit entgegen gesetzt/jr habt auch kein maur  
 für das arm volck Jsrahel gemacht/da mitt jr stunden vff  
 dem tag des herren. Item/sollen wir frid schreien do keiner  
 ist/vnd hār widerumb: vnd also das volck betriegen/wie d  
 prophet spucht: Oder sollen wir redē was eüch gefalt/got  
 geb was das göttlich gsatz erfordere vff das man eüch nit  
 erzürne: Von denen Esaie. xxx. vnd Dsee. i. Oder sollē wir  
 A



also predigen/das die puester schaffte ein freud vnd lust dar  
an haben/vnd das das volck gern hore vnd lieb habe/wie  
Hiere.v. In summa/jr Begeren villeicht das wir gantz vn  
gar stumme hund seien/die mit künden Bellen/Bitz das die  
thyer der weld das vyhe vff frassen. Von denen Esaie. lvi.  
vß den vnd deren gleichen geschribten vil in den propheten  
mag ein yed yert wol merckē/ob mir zimpt hab zū schwe  
gen oder nit/oder nit vil mer gebürt hab zū schreie zū dem  
herzē hierusalemß/jm anzeygend seine vbelē weg/da mit  
es sich dar von wendete/vnnd also entpfehen mocht den  
zorn gottes. Ja sprichstu/wan man also prediget/so würd  
das volck so zū vorhynden geysliche hessig ist/bewegt/we  
lichen hassz ich erst erneuwere/vnd grösser mache ic. So  
hör ich wol/es seind die geysliche in disem vbel/dar durch  
die gantz welt verfürte würt begriffen: Wolan/sag mir /solt  
man darumb schweigen/das es die geysliche angadt vnd  
die welt lassen verderben/vff das man der geyslichen Bos  
heit nit offenbarte: was freyheit solten sye haben für an  
der leüt/solt inen nachgelassen werdē frey vn vngestrafte  
zū sünden: Ja sprichstu es seind diener Christi/darumb sol  
ten sy vngestrafte sein/dz sy so in ein herliche dienst seind/  
Warumb nit so vil deffester/dieweil sye sich in eins so gros  
sen herre dienst vngbürlich haltē/vnd jr dienstbarkeit dar  
zū so viler verderbnuß diener: Der besondern eygnen la  
stern halb sag ich allezeit wie vormals auch/das man der  
selbigē nit sonders achtete/aber deren lastern die jres herre  
Christi dienst/das ist die gantz Chustenheit antreffen/Kan  
man nit verschonen/vorab in denen personē die es minder  
¶ Seind nun eben die geysliche an disen (chün soltē:  
dingen schuldig: Wolan/ich hör wol das sy am aller meyst  
en wider mich klagen/darumb acht ich auch das es sy nit  
wenig angang/wan eben der schreyt gewönlich den man  
trifft. doch sag ich/gott geb sy seien wer sy wölle/mā klage

Billich vber sye von denen solichs vbel kumpt. Man klage  
 nit eben vber die geyslichen vnder denen ich weys das vil  
 herlicher manner seind/denen solichs vbel in der weit/ein  
 grosse bekümmernuß ist/wie mir auch/dem yetzt das ampt  
 zu beschreien soliche ding bevolhen ist/weliches so es inen  
 bevolhen were/sye würden on zweifel/wo nit fester/doch  
 zum minsten als vast als ich /schreien. Weliche mich auch  
 treulich vermanen/das ich nit dapfferlich schrey/frey-  
 lich vß grossen schmerzē/den sy vber solichs vbel auch tra-  
 gen. Wider dise vnd des gleichen geyslichē schrey ich nit/  
 sonder vil mer halt ich sye für aller eeren/ja zweyfaltiger  
 wert/wie S. Paul sagt/wan sye auch im wort arbeitē/  
 wo nit mit predigen/so aber mit fürderen vnd vermanen.  
 Darumb ich auch begere/das man in alle eer an thū/die  
 weil sye doch iren teyl mit fürderüg des gotsworts thū/  
 so es dise vil lieber hinderten.

**S**ind aber dise nit auch geysliche/sind es dan nit auch  
 puester/wider die du so schreiest. Wolan/ich wolt lieber sye  
 weres nit/vff dz d edel nam puester/durch soliche schädli-  
 che leüt nit verunreyniget würd. Darüb sag ich was derē  
 sind/an solichē vbel darwid ich schrey/schuldig/nit allein  
 nit puester sond vil mer die aller schädlichst sūcht d puester  
 sind/vñ freylich geborn allein die recht war puesterschafft  
 zu vertilgē. Ich acht auch dz sy sich vnder die rechtē warē  
 puester vermische hädewie die grossē hurnüsel vnd die zar-  
 ten bynlin/allein darüb dz sy in ire arbeit honig vñ wachs  
 vßfressen. welche hurnüsel wo sy einer sähe vmb die byn-  
 korb vñ her fliegē/welcher wolt so treg sein/dz er sy nit mit  
 fleiß hynweg trib. Ist disz nit eben das selbig vöckly/das  
 nur zu fressen/zū schindē vñ ab zünemē geborn ist: vñ doch  
 niemer vff das blümlin der geschufft fliegen/das sye auch  
 selbs honig mächte. Du syhest dz dis vöcklin in göttlicher  
 geschufft selte studiert/sond allein darüb do ist/dz es alles



an sich ziehe/was nur ledig würt. Es ist kein Pfarr/kein  
Pröbstey/Dechaney/Caploney/Dicariat/Canonicat/  
Altar.ꝛc.das vor dem vnerseelichen schlüd diser hürneußē  
bleiben mag/fallens alles an/vnnd darzü gar nichts dar  
umb thünd/weder singen/lesen/predigen/ja sūmasūma  
rū/sy können nichts mit denen dingen/oder sy beschāmen  
sich sein/vnnd ob sye schon gelert seind/so ist doch jr kunst  
nur wie sye güt gewinnē/vnd wie sye durch seltsame griff  
alle stiftung vnserer elterē/durch ein geblümtē schein mü  
gen ansich ziehen/also was vnserer forderen/tüing/fürstē/  
herren.ꝛc.in gottsdünst gericht/vnd reylich vff gestiffte ha  
ben/dar durch jre erben schwärlich beraubt sind/das fres  
sen vnd verzeren soliche hurneußē/in aller üppigkeit. Vñ  
were ein klein ding vmb die ledigen müßiggondē pfrundē/  
wo nit die pfarren also jämerlich geschunden weren/dar  
durch man die pfarrher vffs trinckgelt müß verweisen/vñ  
die almüßen da mit mā die armē speisen solt/auch so hauf  
fenweiß dē teufel in halß farē. Disß ist das gesinde/wid die  
ich schy. welche für priester achte vñ würdigen mag wer  
do wölle/ich acht sye nur für die größte sücht pestilentz/vñ  
verderbnüß des ganzen geystlichen stands/ja der ganzē  
christenheit/wiewol sye vnder der priester schafft für die er  
lichsten gehalten werden/vnd oben ansitzen/das ich auch  
für ein grosse ergernüß achte/dañ also auch vil vß jrē bö  
sen exempel/auch 8 maß hurnüßen zū werden trachtē.

**¶** Ja sagen sye/der Bapst hats vns erlaubt. Antwort.  
Entweders jr habents jm ab erlogen/oder er hat sein nit  
macht gehebt/ob er sich schon tausentmal des gewalts hi  
melreichs vnd erdrichs berümpft. Er vnnd niemants ha  
ben gewalt zū verderbung/sonder allein zū vffbauung.  
Weynstu das Christus hab Petro vnd seinen nachkömen  
gewalt geben wider die armen/vñ wider sein wort/dieweil  
doch alle vermanung durch das Euangelium/vff die ar

95.  
men vñ vff vßbreytüg seins worts dienet. Nun dient dz in  
corporieren der pfarthen/vnnd das ansich ziehen der almü  
sen/vß den herliche hospitalen/stracks darwider. Darüb  
mag es nit anders sein/dañ das der der solichs incorporie  
ren billicher/oder so er es wenden solt/vnd nit thüt/hand  
let stracks wider gott vnd zü zerstörung seiner kirchen. hycr  
umb solcher keiner vor gott (weder Bapst noch Bischoff)  
sein mag. Da von an ein anderen ort.

**W**olhyn/ich acht das man in mee wol erkene/das ich  
nit die erwürdige priesterschaft durch meine predigen vn  
freuntliche angefahren hab/sonder die schweren bürgen d  
erden/deren gar vil nit geweiht seind (es sey dan mit ein  
kleinen tonsurlin/pfennig blätlin) kün lesen künnen/nit  
betten/jr lebenlang schmutzig tüchen büben/esel strigler/  
rüffiener/vnd du merckst mich wol was/zü Rom gewesen  
seind.das die selbigen vnd jrs gleichen/sollen vnserer forde  
ren herliche stiftungenfressen.jren ein teyl vnserer Bröbst/  
Dechan/Canonici/pfarther sein/oder doch jren teyl dar  
von haben ze. Item ich meyn auch die schreiber vnd gleiß  
ner/die da der witwen heuser fressen/die das himelreich zü  
schliessen vor den leuten. In summa/das ganz gesind/von  
dem Mat. am. xxiij. durch auß geschribē stadt/vñ namllich  
die ein müctlin vß krogen/vñ ein Camel verschlucken/das  
iß/die so andechtig seind/das ee sy höras vnd andre gebett  
lin zü spreche/vñ der gleiche kleine wercklin zü chün/vnder  
wegen lieffen/sye dürfften ee zehen pfründen haben/die ar  
men witwen vnd weyßen jrs erbteyls/mit jrem gutzen be  
rauben/oder mit büeffen vnd bannen gar vertreiben. Vñ  
was solich von dem grossen vnnützen hauffen vil sagen/  
tracht jm ein yed selbs nach/wen ich gemeynt hab/so ich  
züm dickerenmal so hefftig geschrien hab/vnd tracht dar  
bey/ob es nit not were/niemer vff zühören.

**D**arumb hoff ich/es sol mir die recht würdig priester



schafft vnd jr's genossen/nit allein nit verübel haben/das  
ich wider solichs vnützes volck geschüwen hab/sond mir  
wider sye beyständig sein/vnnd mich sampt allen solichen  
meins gleichen predigern schirmen vñ entschuldigen/vnd  
dise vnd der gleichē wölff/auch helffen beschreyen/ob man  
solich vnützig gesind vñ dēmpffen möcht/dar durch die chri  
stliche kirch wider in jr vorige würde vnd heyligung kom  
men möcht/vnd auch sye nit als die vnschuldigen zūzeiten  
diser hurnüßlen müssen entgelten. Es soltē auch mir vnd  
meins gleichē billich die ihenigen wider die mein predigist/  
nit als gar für vbel habē/dieweil sye doch nit anders dan  
die warheit von vns hören/des sye auch jr eygne consciētz  
vberzeüger. vnd ob mir ein klein süncklin des glaubē's der  
geschafft in jnen ist/soltē sye billich gedencken/Wolan/es  
seind Prophetē/die eüch gott zūsendet/die eüch eüwers vñ  
rechte straffen/welichs ob sye es schon vñ der verstocküß  
jr's hertzen vnd blindheit nit erkennē/solten sye doch das  
erkennē/das vns nit gebürt zū schweigē/von vnserer äm  
pter wegen/in die wir gesetzt seind/die wir dapfferlich zū  
üben so treülich vermant werden durch Christum vnd die  
**S**prichstu mir weiter/wolhyn ich gibs zū (prophetē.  
Das es müß geredt sein/es solt aber doch nit so vngestüm  
lich zū gon. Wolan/d' Apostel lernet/das mā sol gestümig  
lich vñ vngestümiglich straffen/doch zūnor sol man bit  
ten/vermanen ic. welche vermanüß so nit stat habē mag  
so müß man darnach die eysene gert brauchen/so müß sich  
der rauch S. Johans erzeygen. Hatt man nit lange zeit  
vnd jar sanfft vnd zartlich mit disen zartē leüten gehädlet  
sye freimlich vermant öffentlich vñ mit verdeckten wort  
en/vnder fremden gestaltē figurē vnd gleichnüssen/allein  
den verständigē mercklich/jnen vorgespielt. Haben nit vil  
dapfferer leyer den fall vñ zerstückung der kirchē klage/was  
hat es alles geholffen/wan das sy es nur verspottet habē/

wo erwo zu zeitrē sich einer hatt lassen grob mercken/hatt man jm flux mit güte oder mit bösem das maul verstopfft. Wie mancher prediger hat gewüßzt/hat aber nit durff- en sagen vß forcht/gleich sam einer mit eim kolben zü ge- gen gestanden were/dessen forcht in gehept hette.

Was hat aber das alles gewürckt anders/dan das die gemüter d menschē ye lenger ye hitziger worden seind vber das vntträglich vbel so sye gesehen haben. welichs auch so mer man inen zertlet vñ geduldet/so vil dest fester zügeno- men hat/vnd ist also das gemürmel in d welt/vorab in den verstendigen beyd leyen vñnd gelerten ye lenger ye grösser worden/vnd hat gleich wie der most angefangen zeren/vñ zum puncten zapffen od sunst här auß geseuffert/aber doch dise jm gar nichts gelibet haben/mite etwas wägerung des vntregliche regiments da mit es etwas lusts gehebt/der wein seüberlich vergerē were/sonder vil härter erst zü geschlagen/desshalb der most noch vester erhitziget/biz er zü letst den puncten od boden hat müssen här auß stossen. Wolan/der punt ist här auß/sehen zü das der bodē nit nar- cher fare/das ist/man redet yetz an vil ortē offenbarlich/lügt zü das mans eüch nit klarlicher würd sagen/also das meniglichen die bosheit der Amoreer kundt werde.

Wan wolan es ist yetz und vülleicht die zeit des manliche- en vnerschrockenen redens kummen/biz här aber die bos- heiten der Amoreer noch nit erfüllt gewesen/die erst vber syerhundert jar erfüllt werden solten/vñnd darnach das volck gelediget werden. Genesis. xv. Wie meynstu ob es die meynung yetz hett/seind wir nit ein lange zeyt ob syerhün- dert jar gefangen gelegen in vast schwerlicher vnd harter gefäncknis/viler menschlicher satzügen/die auch ynnert halb solicher zeyt/erst vester zügenommen haben/als vor ye/dar von vil zü sagen were. Wolan der herr verheyßzt



Gen. am. xv. so die Bosheit erfüllt würde/wöll er vns ledig  
en/freylich durch seine Moses/mich vnd meins gleichen.  
welichen so Beuolhen würt vom herren/das wir zum Pha  
raon gangen/vnd im verkündigē/das er das volck ledig  
laß/es sey genüg mit dem volck gottes tyrānsiert./die Bos  
heit der Amoreer mag niemer erlittē werdē von gott/biz  
här hatt er gewartet/biz sye vffs höchst käme. nun ist es  
an der zeit. Meynstu nit ob dise figur hyehär reichen müg?  
meynstu nit ob die Bosheit d amoreer erfüllet sey/oder gar  
schier vffs höchst kōmen ist: meynstu ob die welt höher be  
schwert müg werden/weder sye vff disen tag ist: meynstu  
das der endchrist böser zeit werd müge bringē: Desselhalb  
zü sorgen ist/das der sün der Bosheit vnd der mensch d ver  
derbung/vnd der greiwel der do sitzt in der heyligē stadt/  
vnd sich vber gott erhebt/entweder s geboren ist/oder sein  
mütter groß schwanger/vnd der geburt nähig ist. Wolan  
er würt nit mügen entgan/man würt in kennen. wañ ob  
schoner noch nit geboren were/so ist doch vorlengst die müt  
ter die mit im schwäger gadt/vilen kundlich worden/vnd  
ye lenger ye fester.

¶ Zü solicher offenbarung vnd kundtschafft hat biz här  
geholfen die edle Truckerey/wie sye inē (wils gott) ganz  
vnd gar in kurzē tagen/mit allem seinem hoffgesind/mitt  
dem gāzen gewürm vnd geschwürm endecten vnd offen  
bar machen würt. Ich acht auch das d Barmhertzig gott  
dise edle kunst so lang dahinden behaltē/vnd sye erst zü dis  
sen letzten zeitē in reütchen landē hab lassen erfinden/das  
sye der Bosheit/so sye vffs höchst käme begegnet würd/vñ  
der endchrist mit seinem reich verratē vñ härnider geschla  
gen würd/wañ er müß ye erschlagen werdē (wie Daniel  
sagt) on hant/das ist freylich on eisene schwerter/sonder  
wie auch Paulus sagt/durch den athem des munds Chris  
sti/das ist/durch das gotswort. Tün lüg zü/es gadt schon  
dahär

Da h̄r/wer fliehen mag der fliehe. Sehe aber ein yeder zū/  
das sein flucht nit am sabath geschehe oder im winter.

**D**arumb soll billich kein zū vngüt gehalten werden / so  
im das schwert des gots worts beuolhel würt/wann es ist  
warlich yetz die zeit des redens/wie der weiß man spricht.  
Vñ wiewol vnserere forderen auch vnd aber nit so offenbar  
lich geredt haben/ist freylich allein darumb/es ist die zeit  
noch nit gewesen/es müste die Bosheit vorhin vffs höchst  
kūmen/also das es die gottlosen selbst beduncken würd/es  
were nit mer mūglich das jr gottlos leben zergon möcht/  
vnd sye sich durch hoffart gott gleich sartzē/vnd also wür  
dig würden/mit denen gott selbs stritte/vnd sye von irem  
stül stieffe. Gott hat allezeit nur mit den gewaltigsten vnd  
höchsten gestrittē/wañ als dan erst seind sye würdig/das  
sye gott selbs angriff/so sye im in sein reich greiffen/welt  
ches geschicht/so sy sich durch hoffart gott gleich erhöbē.

**E**s haben die grossen reich der welt/als do gewesen das  
Reich der Assyrier/Riechen/Carraginēser vnd Römer  
nit abgenōmen/do sye klein vnd demütig gewesen/sonder  
vil mer von tag zū tag zūgenūmen. Do sy aber vffs höchst  
kūmen sind/vnnd jr hochfart mit dem Reich wuchß/also  
das sy vermeyntē es were jr zerstōūg nit mūglich/do ver  
hengt gott jren vndergang/mit so vil grösseren schaden/  
wie sye auch grösser warē. Es spricht der Poet Lucanus  
nit vergebens das/das die grossen ding in sich selbs fallē/  
wo sy vberladen werdē. Wolan/lügē zū lieben herren/das  
ist eūch gesagt/vberheben eūch nit/wañ ye grösser vnd hō  
her jr sind/ye näher vñ schwärlicher eūwer end vñ fall ist/  
wan ye grösser/ye hoffertiger/ye hoffertiger ye blider/ye  
blinder ye geschickter zū fallē. Wolan/gott gebt eūch zū er  
kennen/Amen. wir werdē mit reden vnd predigē fürfaren/  
vnd die weil es breūt schreien/di weil der endchrist mit sein  
em reich noch nit darny der ligt/in anbellē.



**S**prichst weiter/ So hör ich wol jr wölt erst das volck  
gar wider vns hetzen/ Neyn/ vnd nit allein nit wider eüch  
hetzen/ sonder auch hyemit freündlich bittē/ das sich das  
volck keiner vngebürlicher weiß gar nitt anneme/ ja wed  
mit vnzüchtigen wortē/ vil minder mit wercken/ wan der  
Endchriß muß nur mit dem athem des müds/ das ist mit  
dem gotswort/ nit mit eysenen waffen vberwüden werdē.  
Darumb welicher das eyßen schwert in die handt neme/  
achtich das er größlich wider Gott thette/ es würt jnen  
straff genüg sein/ so man sye kenne. Darumb gehört nür  
darzu/ das man jm durch gotswort die larfen vom antlic  
ziehe/ wie man auch seüberlich anfahet. es würt jnen wür  
ser thun dan der todt/ doch würt es jnen obgottwil zur pe  
nitentz dienē/ vorab denen die on wissen angehängen seind.  
**V**nd da mit ich disen puncten auch beschließ/ so erforde  
ich mein anleger/ wo sy ye gehört habē/ das ich zu vffrür  
zu schmähen/ zu nemen/ zu schlahē. geprediget hab. **L**ün  
rrettē här für jr gesellen/ jr kundtschaffter (die man sunst  
nennet verretcher) aber jr werdt dahinden müssen bleibē.  
Doch frag ich eüch weiter/ dieweil jr so fleißig vffmercker  
gewesen seind/ also das jr gehört/ dz sunst wol bey dreytau  
sent vberhört habē/ ob jr nit auch etwo gehört hetten/ das  
ich das volck offte vñ dick so treülich vermant hab/ das sye  
still seient/ güter freündlicher wort gegē d priester schaffe/  
vil mer freündlicher that. nitt mit jnen bochen/ zancken/  
vnd dergleichen vnfür mit jnen nit anfahen. Hab auch  
treüvolich vermant/ das sye yederman geben was sye jm  
schuldig seien/ vnd ee meer vnd freündlicher weder vor  
hyn/ niemants das sein/ ja auch nit mit dem sy nür/ zu ne  
men begerē. Sagt auch/ das Euangelium lerne niemants  
ein anderen das sein nemen oder vorhalten/ die leüt schme  
hen mit Worten oder wercken/ sonder vil mer es gebe yeder  
man das sein/ neme niemants nichts/ sey nitt yederman

freündlich/es schlage niemants/es boche niemants/es demütige sich gegen menigklich/es sey gehorsam aller menigklich/vorab der oberkeit/es gebe tribut/zoll/er/wenn es schuldig ist. Ach wie treulich hab ich zün dickeren mal zü gehorsamē der oberkeit/geyßlich vñnd weltlich vermanet/in denen dingen so nit wider gott seind. Wand jr nie vō mir gehört/wie ich für kummen bin erlicher dorechter leüt bösem fürnemern/die do meynten/so das Euāgelium bürderliche liebe erfordere/vñnd gemeynschafft der gütere ic. vñnd das keins dem anderen getrang an thū/mit nemen/mit abschetzen/vñnd anderen vnbillichen dingen/das sye auch also niemants/vorab denen die do mer hetten weder sye/kein zynß/gülten/vñnd der gleichen schulde geben solten/sprechēde/das Euāgelium macht alle ding gemeyn ic. keiner soll dem anderen trang an thū/vñnd der gleichen wort vil. Solichem fürnemen ich dapfferlich nit enist/sonder als oft sich die matery begeben hat/wider standen bin vñnd gesprochen/wie ob gesagt/das das Euāgelium yeder man thūge was im zü gehöre. Darzū gesagt/wie das Euāgelium soliche freündlichkeit wol erfordere/aber niemants darzū zwinge. Darumb welcher Euāgelisch sein wölle/der thūg im also/gebe/verzeihe/leihe/schencck/leid/helff/teyl vñ. ic. niemāts aber sol noch mag er dar zü zwingen/das er es auch thūge. Er sey Euāgelisch gegem im selbs vñd gegen sein nechsten durch der gleichen exempel/mit geben vñnd leiden ic. die er beweise/wil einander auch also sein/ists güt/wil er nit/so beuelhe er es gott/das Euāgelium ist frey/es soll wol yederman geprediget werden/das wer genad hat/es anneme/niemāts sol man aber dar zü zwingen/gott wil ein freyen dienst haben.

¶ Ir ob schon disen oð ihenigē vnbillichs geschicht durch ein vñeuāgelischē sey geyßlich oð weltlich/also das er im



müß geben/thün zc. das er wol selber dürffte / sol ers dulzig  
klich leiden / jm geben vnd thün / was er nit entberē wil / so  
sey er durch soliche gedult warlich Euangelisch / vmd ein  
rechter sün gottes / gottgeb ob schon auch diser dem er es  
geben oder thon solte zehentausent mal mer hette / vnd jm  
es vnbillich abname / ja auch ob ers in aller üppigkeit ver  
thette / soll sich das alles nit lassen bekümmern / er sol Eua  
gelisch also durch sein gedult verharē biz an das end / das  
sich dan täglich nähert / do dan in solcher gedult Belonung  
reylich züston werde / vnd deren gleichen vermanügen vil  
**I**ch hab auch gesagt das die Apostelen Chri (gethon.  
sti nit also vnder den heyden gelebt haben / das sy jnen das  
je zü nemē vnderstandē hetten / sonder sye treulich vermāc  
zū der liebe / durchs gotswort. / Biz jren vil durch den glau  
ben den geyst gottes entpfangen haben / vnd sich solicher  
Euangelischer werck mit geben / helfen / leihen / leiden. zc.  
selbs geübt haben. also sol es noch zügon. Es ist mir auch  
yngedēck / wie ich vff der Cäzel gesagt hab / von einer sach  
mir begegnet / wie mir vff einzeit (nit weyß ich ob es verstu  
chens weise geschē) einer zükünmen ist / sagt mir von ertli  
chen zinsē die er vber das haubtgūt vorlangest yngenum  
men gebe / vmd es were vneuangelisch / das der selbig den  
zins weiter von jm nemē zc. Begert rath von mir / ob er jm  
weiter geben solte oder nit. Welchem ich antwurt / das er  
jm das haubtgūt dar legte zür ablösung / so dürfft er nie  
mer zynsen / od möchre er es jm mit gütē wortē beredē / dz  
diser vß Euāgelischer liebe jms nachließ / so hette er es / wo  
aber nit / so solt er es geben / vñ so vil desther fleissiger / so vil  
mer er sich des Euāgeliums berümpft. Sprach auch / wol  
te diser nit Euangelisch sein mit nachlassen / so solt er Eua  
gelisch sein mit geben yederman was jm züstünd / vnd obs  
diser schon vnbillich vō jm name. Das sag ich zü einer vn  
derichtung des volcks in disen dingen / die da das Euāge

lium allein an den orten vermeynten an zügreiffen / da es jnen zütrüg vnd nutz were.

**U**nd was solich sagen / ich Bezeüg mich sein mit meiner gätzen audients / dz ist mit d ersamē burger schafft diser löblichen statt / wie treülich ich wider vffruer geprediget hab / wie freündtlich ich das volck vermant hab vö der fleyschlichen freiheit / vff die rechte geystliche freiheit im glaubē / vnd was die selbige sey / jnen treülich anzeygt / sye zü aller freündtlichkeit / gedult / gehorsamkeit / gegen Beyd teyl oberkeit vermant. Ich hab auch züm dickerenmal rauch zügesprochen den bocherē / vñ den jhenigen die allein vermeynen euägeltisch zü sein mit fressen wan sy gelustet / mit mit beichten / vñ mit vnderlassung viler andrer güter ordnügen der kirchen. hab auch vber sye geklagt / das sye das Euägeliū mer schendē vñ schmähē / ja schedlicher seyen dem vffgon dem Euägeliō / weder die grösten feind Chusti. wan so sye vnder d gestalt / das sye Euägeltisch sein wöllē / also vil vnbilllicher weiß fürnemē / vil frummer leüt darab erschrecken / vñ sorg / es sey ein andere meynüg weder man fürgebe / es wöll ein böseren weg hynaus / vñ sich also dem Euägeliō nit wenig wider sperrē / vñ es für argwōnig halten / das es alle ordnüg vñ oberkeit abthon wöllē / vnd also vnfriden bringe / so es doch eygner natur die ding mer in friden stelle wo man es recht verston wolt.

**A**ber der teüfel (wie ich oft gesagt hab) thüts / d nit anders das Euägeliū kan vndertrucken weder so er sich sein auch annimpt / vñ aber zü weit vff dise seiten hynaus fährt. Es kan d teüfel wie oft gesagt auch Euägeltisch sein / das ist vñ d dem schein des Euägeliūms / wie vnder dem schein des güten engels / dem Euägeliō schaden / wie er auch von anfang gethon hat / vñ sich Paulus auch zü seinē zeitē / die weil dz blüt Chusti noch warm was / nichts hefftigeres klaget weder die selbige falsche euägelisten. Doch so haben sy



soliche freündliche vermanüng auch gestrafft vnd vertad-  
let/sprechende/so es ist wol war. das er das volck/also wie  
gesagt ist vermät/aber im ist nit ernst/sund vil mer begert  
er es erst also zü reytzen vnd zü vffrür vermanen/wan wo-  
ers mit vßgedruckten wortē sagte/würd mans im nitte für  
güt haben/vnd mercken/darumb thüt er im also /sye mer-  
cken aber wol wie er es gemeynt. 2c. Wolan/es ist wol dar-  
von geredt. Ich verman/Bitt/slehe durch das blüt Christi  
Ihesu zü fridē/gedult/2c. so müß es irer sag nach zü vffrür  
dienē. Sagt ich erst das man solt durch die heüser lauffen  
nemē/schlagen.2c. so wer es auch also geredt/wie müßt ich  
im aber noch thün: wie müßt man disen zartē leütē zü spre-  
chen/das man sye nit erschreckte: Wolan/ich merck wol  
wie inē zü helffen were/nämlich dz man gar schwige/wan  
sye seind so gar zart/das sy gar nit mügen leidē/das man  
inen den eyssen anrür/es sey ja helffens weiß oder schadēs  
weiß/vnd tragen aber doch den schadē offenbarlich/das  
in yederman sycht/ja auch vil darzū mit ergeren vnd ver-  
gyfften. Wolhyn ich glaub inen wol/sye seind zart erzogē/  
es ist inē indrey oder syerhüdert jarē nit vil geschēhē/sollē  
sy es dan erst gewonē/so würt inen wee thün. Eins wolt  
ich inen rathe/sy schickte mir ein Vocabulariū/das ist ein  
namen büch/wie ichs neñen solt nün hynfür/wan ich mer-  
dar von wolt sage/vff das ich nach irem willē thette/wan  
ich würd ye nit gar schweigen.

¶ Vnd vffs aller letst/ist noch eins meins dunckens/das  
mich der vffrür argwödig gemacht hat/dz ich oft gressz-  
lich vnd bissigklich geredt hab/das sye dan vermeynen ein  
Evangelischen nit gezimē. Wan S. Paulus sagt von der  
sanfftmütigkeit.2c. Wolan/ich bekens/es ist auch hye obē  
verantwurt/desshalb ich hoff mir nit sol für vbel genum-  
men werden/so man betracht wider welche ich so gressz-  
lich geredt hab/nit wider die schlechten sünd/seien ja geyst

lich oder weltlich / auch nit wider die grossen sündler / eyge-  
 ner sünd / sonder wider die widersprecher des gottsworts /  
 vñnd wider die deren schuld ist / das das gottswort in aller  
 Chrißtheit vnderdruckt ist. Itē wider jhenige die vff mich  
 gelogē habē / das ich etwas geredt solt habē das nit war /  
 die mir mein red vñnd lere falsch vfflegten vñnd nachsagten.  
 durch welchs vbel vil frummer leüt von der warheit abge-  
 fūrt sindt worden. Soliche vñnd der gleichē hat sich nit ge-  
 zympt / das man sye mit senfften wortē ansire / wan es die  
 rechten wölff gewesen seind / den man hat warlich müssen  
 in die woll greiffen. Meynstu aber das es ein kleind ding sey  
 das sy so vil frummer leüt abfüren / durch jr falsches nach-  
 sagen vñnd liegen? Wann es mich allein antrossen hette /  
 wolt ich es wol leichtlich verschmirzt habē / es trifft aber  
 die eer gottes an / vñnd der seelen heyl / da dann niemants  
 schweigen solt.

¶ Wolan / dißz sind die wider die ich so scharff geredt hab.  
 welche ich wie vor gesagt / warlich nit achte für priester /  
 sonder zū schanden vñnd schaden dem rechtē würdigen prie-  
 sterlichen stadt / wie die hurnüßlen vß dem kot diser erden  
 (das ist d̄ yrdischen begirdē) gewachsen. welche ob ich sye  
 schon durch mein scharpffs predigen / von den ymen t̄orb-  
 en der gūten bynlin vertribe / vñnd sye dem volck / da mit sye  
 sich vor jnen mögē hüten / zū erkennē gib / meynich nit vbel  
 gethon sein. vermeyn auch nitt / so ich also thüge / die kirch  
 verachte / sonder vil mer dise bringēts in die aller höchste  
 verachtig von allen nationē der weiten welt / welche ein  
 greüwel hat ab der yezigen Römischen Chrißtheit / von  
 wegen jrer geystlichen (genant) herren. darumb nit ich vñ  
 meins gleichē zertrēnē den gelisimatē rock Chrißti / sond̄ ebē  
 dise gottlose milites / krüziger chrißti mit vilfeltigē satzü-  
 en vñ sectē die sye mit dē eisene schwert in die welt zwingen  
 wider dz eynig gesatz d̄ liebe durch ein eynigē tauff / glaub



vnd Chriſtū bedēuter. wider welichs gefatz nit ich / ſonder  
eben ſy thūn / in dem ſy wenig warnemē des vilfaltigē ſcha  
dens & ſeelē / ja ob ſy hauffen weißz dem teüfel zū führen / dar  
mit nur jr ſpißz nit anbreñe. Das ſy aber zūm leſtē ſprechē /  
es ſey ein gemeyn gerücht geſchrey vñ lumbd vber diſes vñ  
alles vbel ſo ſye vber mich klagē. Wolan / ich hab ſein keinē  
zweifel. aber freylich bey jrs gleichē gottloſen vñ böſen / oß  
der warheit vnberichtē / von denē auch dz gſchrey erwach  
ſen iſt. aber weit ein anders gſchrey von vil gūten erbaren  
leütē / deren zeügnüß zū hoffen iſt mer probiert bey den frūz  
men / weder diſer Bauchdiener ein ganze matten vol.

**E**zū beſchluffz hoff ich genūg vermerckt ſey / dz ich nit vß  
dem böſen geiſt / vnd on vorbetrachtūg geredt / vñ die ver  
dāmūg Luthers veracht hab. Jtē / das ich keins menſchē  
yrtumb weder Luthers noch anderer / gepredigt hab / Be  
ſchirmt vñ angehangē ſey / auch nit die Chriſtlich freiheit  
vndertrückt hab. Jtē auch nit die geiſtlichē ſatzung & kir  
chen vñ Cōcilia verachtet / ſye ſeien den dem gottswort zū  
wider geweſen. In welichē fall ich ſy nit erkeñe für ſatzūg  
& kirchē / wie auch ſolichē gefatzmacher für kein chriſtliche  
kirch. Darūb ich auch nit vnrecht geredt / das das volck  
mit ſolicher vermeynter kirchen ſatzūgen nit gebūden ſein  
ſol / vorab tödtlich. Aber & vff rür halb / viteyl ein yeder bis  
derman / welche & vff rür mer ſchuldig werē geſin / wo eine  
(do gott vor ſey) kōmen were / ich / oder die jhenigē / von des  
nen vil frūmer leüt geſchmehet ſeind mit wortē vñ werckē.  
ja die auch noch täglich nit nachlaſſen wöllē / ſye habē dan  
das erdtrich mit Chriſtenem blūt (wie im anfang & Chriſts  
lichē kirchē) widerūb begoffen / dem ſye auch ſtätigs  
nachtrachtē in jrem andächtigen gebett / wie ſy  
auch andächtige vätter ſeind. Wolan gott  
würrt rechē das blūt ſeiner heyligen /

Der ander teyl diser verant- 99  
wortung vber die folgenden Artickel vom  
Fiscal W. Matthes zügemessen.

**N**un das fundamēt daruff sy  
vnderston zü bauwen/vndergraben vnd zerbroch  
en ist in den dritthalb ersten articklen. Das erems  
plar aber oder die bildnüß darauß sye vermeyn̄t haben zü  
bauwē/auch zerstört/im anderē teyl des dritten. So greiff  
ich yetzund den vffbauw an/das ist/ich wil anzeygen wie  
gar es nichts ist/das sye daruff habē wöllen bauwen. Vñ  
wiewol die matery die sye haben wöllen vffsetzen nit dāng  
lich gewesen ist vff das fundament/wo es schon steyff ge  
standē were/das ist/das die artickel so mir vffgelegt/gar  
nahe alle erlogen seindt/als man würt hören. So gebürt  
mir dānocht etwas darzū zü reden/denen zü schanden/die  
so fräuelich gelogen haben/vnd inen darbey zü erkennē ge  
ben/wie gar sy noch nichts geschafft hettē wider mich/ob  
schon ich in deren gelognē punctē ertlichen schuldig were/  
damit sye sehen sollen wie weit sye noch nienanda seien da  
hyn sye gern wolten/vnd wie gar fründtlich ich noch bey  
der weil gehandelt hab vnd jr verschonet/das ich sorg vor  
gott noch müß rechnūg gebē meins schweigēs vnd meiner  
zucht gegē denen dingē do warlich kein zucht vnd verscho  
nens geltē solte(wan wo sol billicher nit verschont werdē  
weder da es die eer gotts antrifft)vñ sye aber nit destmünd  
mein gar nichts verschont habē/sond vffgerapplet was  
sye nür bedunckt hat wider mich mügen sein/damit sy mir  
nür möchten schaden/wer ja mit lügen oder warheit.  
¶ Vñ bin ich vngezweyfelt/sye hetten die sachē lieber mit  
der warheit dar gethon/damit es dest ein besser ansehēs ge  
hebt hette vor den leuten/vñnd auch deffer basz hetten dar  
C



Bey Beston mügen/wan es allmal ein sorg bey der lügen ist/  
wie schön sye ja gleissent /das sye doch zu lestt verratē wer  
de. So aber sich die sach so lang verzogen hat /vnd ich nit  
hārauß hab wöllē mit den stucken bey denen sy mich gern  
erwüschet vnd vest hetten mügen heben/vnd aber darnebe  
für vnd für gefaren/die ihenen ding anzutaffen vnd zu be-  
schreien/die niemāts anders weder für groß vnrecht hatt  
mügen erkennen/vnd sye selbs in jrer eygner cōscentz nit  
haben mügen loben. Ober weliches schreien sye auch nit  
habē dürffen offentlich klagen/wol gewisst/das man inē  
dar in nit recht geben hette/sonder jr vil mer daran gespot-  
tet. Wan so sye geklagt hette/er red wider die pfrunde fref-  
ser/Curtisanen/vnnd pfarrenhengst/deren halb das edele  
gotteswort so ellendiglich in aller welt geprediget würt/  
vnnd die armen leüt durch die Christus sein blüt vergossen  
hat/so jämmerlich verwarlast vnd verfürtet werdē ic. Item  
er redt wider vil böser mißbreüch vnd gremlerey dar mit  
man yetz in der Chriſtēheit umb gadt. dar wider auch vor-  
mals ee Luther vff erdtrich kōmen ist/vil frūmer predicā-  
ten klāglich geschriewen habē. Wo sye min solichs geklagt  
hetten/wer wolt sich vber sye erbarmet haben/wer wolt  
anders gezeihen haben/wie dunckt eüch/er thūt eüch eben  
recht/so er eüch eüwere schādliche vnd der gantzen Chriſtē-  
heit verderbliche laster anzeygt/desshalb sye dan vbel be-  
standen/vnnd mit scham vnd schanden hetten müssen dar  
¶ Also haben sye gelauster vnd vff mich ge- (von ston.  
wartet/ob ich mit etwas hārauß wüschē wölt dz ein anse-  
hēs hette vorden leütē/vn mit dem sy hette Beston mügē.  
Desshalb sye jren schreiber ein zeit lāg do gehept/das mir  
auch zeitlich zu wissen wardt/ob ich yrgents mich hett las-  
sen mercken/Bey dem sye mich hetten mügen ergrētſchen.  
¶ Nun haben sye on zweyfel getreülich vff gemerckt/bis dz  
sye müd worden seind/vnd ich aber so beheb noch bey d zeit

vñ so behütſam / mich nit zu weit hynauß hab wöllē laſſen / vorab in denen dingen die mich noch zu früg zu reden bedürcken. aber darneben in denen do die größt vnd offenbareſt not was / vñ auch mīnder widerſprechlich / ſo vil hefftiger angehalten / habē ſye es doch zu leſt nit lenger mügen vertrucken / ſonder iren ſchmerzē angezeygt / vñ alſo jr tieffſchweigē hat zu leſt vom hertzen müſſen vßbrechē / vñ haben alſo die lügen vorhāden genōmen / do ſye kein oder wenig warheit haben künnen finden.

**¶** Wolhyn / ich gib in dānocht zu das ſy lieber die warheit gehebt hettē / damit ſye deſterbaß beſtanden weren. Da es aber nit hat ſein wöllen / haben ſy dānocht die ſach nit künnen ligen laſſen / wān es hat ſich zu weit ingeriſſen / vnd haben recht in ihens nāmen die ſach gewagt vñ angefangē. Vnd wie Chriſtus auch eben in dreyen puncten verklagt wart / nāmlich das er den tempel hab wöllen brechen / das volck verkeret / vnd den zins verbotten dem Keyſer zu geben / das dann alle ſerlogen was / wie die heyligen Euangelia vßweiſen. Alſo möchten auch diſe nachfolgende artickel vß diſe drey puncten in der ſumm gezogen werden. Es was keiner d Chriſtū anlagte das er die ſcribas vñ phariſeos in jrē vbel geſtrafft hett / deſſen das Euāgeliiū vol iſt. wān wo ſye mit ſolichē für Pilatū kōmen werē hett er ſtux daruff geāt wurtet / er hatt eūch eben recht gethon. Do ſy aber fürwāntē er hat verbottē dem Keyſer den zins zu geben / das ſtünd im zu verſprechē / wān er ans Keyſers ſtatt do ſaß. Der andrē ſachē halb d zerſtörung des tēpels vñ verkerung des volcks were im wenig angelegen geſin.

**¶** Alſo auch hye durch alle artickel lauſt / dz ich hab noch vßfür getrachtet / welches dann nit anders iſt weder die oberkeit zu entſetzen / das ich (wie ob ſtat) genūg verantwurt hab wie ich hoff. Aber des tempels halben iſt noch d mangel / den hab ich wöllen zerbrechen. das iſt die ordnung



der kirchen (ich het schier gegehē der k̄uchē) wöllē abthūn/  
so ich doch vil mer die vnordnūg hab gemeldet/vnnd noch  
einer rechtē ch̄ristlichen ordnung getrungen/wie gehōrt ist  
vnd würt. Darumb gar nahe alle artitel mögen vff das  
tempel brechen vnnd volck verfürē gezogen werden/wie  
wirsdan̄ eināder noch wöllē besehen. Vnd ist nit on/wie  
Christus nit gar nichts vom tempel geredt hat/ als nam̄  
lich Johā. ij. Lösent vff disen tempel ic. das jm auch vff ge-  
rupfft wart Matth. xxvj. Item er auch die keuffer vñ ver-  
keuffer die den tempel gottes entwonereten/vsriben hatt.  
desshalb die klag nit als gar on fundament war/darumb  
sye die lügen auch desten baß möchtēt schmücken/vñ vff et  
was verloffene red grunden. Also ist auch zūm teyl mir ge-  
schehen. die lügen so sye vff mich geredt vnd geklagt habē/  
fließen dannoch vs ertlichen reden die sich verlossen habē/  
aber gar weit anders weder sy es fürgeben. wie auch Chri-  
stus gar nit vom materlichē tempel verstund/sonder von  
dm tempel seins cōpers.

**Z**ūm ist der vierd artickel eben der selbigē einer 8 etwas  
inhelt von dem geredt ist/aber weit anders weder syes für-  
geben. wiewol ob es schon geredt were/weil sy es fürgebē/  
ich mich dannoch nit darbey wōlt fürchten/es wōlt mir  
dan̄ die gschrifft liegen. Vnd spricht zūm ersten in disem ar-  
tichel/ich hab gesagt/der Bapst vnnd Bischōff haben nit  
mer gewalts vnd ein grösseren höherē orden weder ein yeg-  
licher andrer priester/wiewol ich nūn das wort nie geredt  
hab/vorab vff der Cātzel/so müß ich doch etwas darzū re-  
den. Vnd also des gewalts halbē zūm erstē. Wer weist nit  
das Bābst vnd Bischōff nit allein grösseren gewalt habē  
weder ein arms dorffpfefflin/so man doch angēscheinlich  
sycht das jr gewalt fürtriffet aller fürsten vnnd herzen/ja  
auch des Keyseris gewalt. Wann welcher Keyser ist ye so  
mächtig gewesen als der Bapst/vnd ob schon nit mit lād

vnd leüt/weliche dannocht groß vnd weit seind /so hatt er doch mit dem schwert des bañs mer geschafft weder dolet ein mechtiger Keyser mit ein grossen häre: ja auch die selz bigen künig vnd keyser selbst oft mit disem schwert bezwü gen /mit bapyr vnnnd brueffen die grossen mächtigen keyser thümb forchsam gemacht: deßhalb ich in mächtiger hab geachtet. Wan wer den anderen zwingt /ist mächtiger vñ gewaltiger weder diser.

**U**n sprich ich auch nit dz diser gewalt nit recht sey vnd von gott/wañ der bañ ist ye von Christo vff gesetzt/ er lüg aber zu das er in recht brauch /vñ dar zu in die geschufft zu brauchē erlaubt. Ich sprich auch nit das jnen der weltlich gewalt nit zymē/wiewolich auch nit darff sagen das er in en zymē/von wegen der gewaltigen sprüche der geschufft/ die sye des weltlichē gewalts gantz vnd gar erlassen vñ inē abschlagen. vor welichē sprüchen mügen sy mit irem weltlichē gewalt beston/wilichs gern sehe/mir wer angst dar bey/vnnnd billich ein yeglichen der do glaubt das die geschufft war sey. Wolan/von denen geschuffte ist obē auch gesagt. Das hab ich aber wol gesagt/ich möcht leidē wer zeitlich regierte/es weren ja geystlich od weltlich personē/da mit es nür wol geregirt würde. Wölte aber ein geystlicher ye regieren/ligte er darneben das das geystlich regiment/das sein fürnemlichst war recht eygen ampt ist/nit verwarlasset würde. Dar bey gesagt/das es misslich sey jnen bey dem genüg züthün /so doch ein yeglichs sein eygenen man bedarff/vnd vorab das geystlich/das vff predigē vnd studieren stat/das sich mit zeitlichem regierē nit wol mag vertragen.

**A**ber es ist nit neyn/sye habē gar fein die geystlichen ampter von jnen vff ire Vicarien geschoben/vnd die weltlichen für sich selbs behalten. welches dan (wie vor gesagt) zü dulden were/wo man sye nür mit gechickten versähe /vnd



die nötigsten recht eygnet; ämptere / als do ist's predigē vñ  
das gottswort hādlen vñ verfechtē mit dem aller geschick  
sten. welichs aber auch nitt ist / sond allēthalbē glar hārüb  
gkert. Vñ wie die Bischöff die sich nur 8 geystlichē sachen  
beladē soltē / jrer yetz gar müßig ston / also beuelhē sy auch  
die aller geystlichstē sache dem aller noch gültigsten hauff  
en / als ob sye die geystlichē ämpter nichts angiengē / vñd  
aber die weltlichē vnder den geystlichē / wie do seind die ge  
richts händel vñ andre sache od geystgeberdē / die ich war.  
lich kum acht ein Bischoff züstendig / den aller geschickstē  
doctouribus / vñ soll dānocht wol geregiert sein. Aber es ist  
nit ein wüder / wañ also bingt man am meysten dz zeitlich  
güt an die kirchē. welichs allein heist wol regierē. Darüb  
euch weiter nit wüderē sol / das mā yetz nit gelertter Bisch  
öff nordürfftig ist / wie man dān auch seltē darnach stellt /  
sonder die zeitlich güt zū gewinnē geschickt seind. desshalb  
auch wol ein kauffman yetz üd ein Bischoff oder ein prelat  
sein möcht / wie sy dān vff disen tag sich auch 8 sach vnder  
windē. wañ nit 8 kleinest gewin etlicher kauffleüt vff disen  
tag ist mit bistöben / prelaturē vñd pfrundē sinätzen.

¶ Wolhynich nym vß dē wörtlin (ordē) dz sy dē geystlichē  
gewalt gemeynē. von welichē wiewol auch nit geredt / so  
möchts dānocht erhaltē werdē / schafft das man sye gleich  
mit eināder zū den rechtē priesterliche ämpteren weyhet.  
Weyter so wir warnemē der weihūg od ynsetzūg die Chris  
tus gethō hat / mögē wir auch kein vnderscheid findē zwē  
schē priesterē vñ bischöffen. vß welicher so mans nit findt /  
weyß ich nit wo hār mans sunst billich sol nemē. Wā findt  
nirgētz do er sondlich bischöff vñ sondlich gemein priester  
yngesetzt hab / wie da vß weisen die ynsetzūg od beuelhe die  
er gethō hat zū absoluiere / messzhalte vñ predigē / welichs  
die rechtē eygnē bischöfflich od biesterlich ämpter sind. al  
so dz ich nit glaub dz jnc andre sondlich beuolhē seie. Seind



nün seine jünger vß solichē beuelch vñ ynsetzung Bischoff  
 wordē/ vñ man sunst vō keiner andre die er yemāts gethūn  
 list/ muß er von not allein bischoff geweiht habē/ müßten  
 hynfür alle die ihenē bischoff sein denē solche ämpter beuol  
 hē werdē/ vñ sich jr vñziehe/ vñ also gleich sein. wañ glich  
 er beuelch/ ynsetzung/ ordnūg vñ ämpter/ mügē nur gleich  
 machē vñ gleich lassen bleibē/ du wöllest dan in disen hohe  
 dingē gaucklē/ wie mā pflegt i wellichē sachē/ do ein fürst  
 od künig ein ampman beuilhet sein ampt/ dz er selbs thūn  
 solte/ welcher drüb nit künig ist. es gilt aber hie nit also ma  
 chē. Meynstu dz Christus hab wöllē ein vergebne müßig  
 gondē stād ynsetzē/ vñ seiner kirchē ämpter die er so theur  
 erarnet hat mit müßig ondeleuten versorgē/ da es ye einer  
 dem andren beuilcht bitz vff den minste/ die weil er selbs ge  
 prediget hat/ auch den tod für vns gelitē/ vß seinē nachkū  
 mē hab wöllē gnad jückerē machē/ derē vorhyn gnūg was  
 ¶ Dat aber Christus seine jünger nit zū (wie obgesagt.  
 bischoffen sond zū gemeyne priessterē geweiht/ so muß der  
 bischofflich stād vergebēs sein vñ nit vō Christo yngesetzt.  
 An welichē nit vil zweifel were/ wo sy nit anders sein soltē  
 wed wie sy yetzt dē merer teyl sind/ derē wir wol zūm christ  
 lichē regimēt/ dz allein durchs gots wort bestat gar nichts  
 bedürfftē/ vorab mit denē ämpteren die sye trage/ welche  
 auch fürstē vñ herē gleich als wol künntē verschē. vñ behiel  
 tē nur gemeyne priesster die die ämpter vō Christo yngesetzt  
 übtē/ vñ d selbigē fleißig warterē. In sūma/ du würst mir  
 vß d geschriffte des neüwē testa. kein vñscheid findē/ entwe  
 ders bischoff od priesster. vñ nit diser bischoff ihener priesster  
 dmer/ diser mind. wañ nur ein weihūg geschehē ist/ vñ vß  
 einer agēd sy all gleich geweiht od yngesetzt hat. Das du  
 aber ein andre ordnūg von der kirchē fürwēdest gadt mich  
 nit an/ ich sych wol wie es in d kirchē zū gat. Ich wolt aber  
 gern vñscheid sehē vß dem Euāgelio/ vō dem die kirch ge  
 bore ist/ wie Petrus sagt/ vñ nit hār widerüb. Ich syh wol



das in 8 kirchen seltsame ding für gon/ deßhalb einer wol  
zweiflen möcht ob es die kirch were /oder züm minsten ob  
es die heylig kirch were /in deren so vil wider das Euägeli  
um Christi Jhesu/ vß dem sye geborē ist /gehandlet würt/  
die so gar wider irs vatters geheys handlet. Darumb lies  
ber kläger wiltu mich vriteylen /so vriteyl mich ab Christus  
worten/ sätzung vnd ordnig. oder ich würd dir nit geston/  
das du recht vriteylest/ mitt gewallt magstu thün so vil dir  
oben härab verlihen würt. Jetz hoff ich genüg vermerckt  
von der gleiche der Bischöff vnd der gemeynen priester vß  
dem weihe büch oß Agend darauß Christus geweihet hat.  
¶ Es thüt auch nit zü der sach das du sprichst/ ja Christus  
hat eytel Bischöff geweihet/ vñ es jnen beuolhē das sy sol  
ten andere priester weihen. Wolhyn/ es wer ein brießlin güte  
dar bey/ das ist ein gschufft vß dem Euägelio/ das sy eben  
minder in den ämptere sein soltē/ die sye weiter ynsetzē wür  
den. Wir lesen vil von Paulo vnd den Apostelen/ das sy ge  
sandt haben andre (wie vnserē Bischöff auch andre Bisch  
öff machen/ vnd vorab der Römisch Bischoff die anderē  
alle zü bestetigen sich vnderwinder) sye haben aber gleiche  
ämpter/ vnd den namen Bischoff wie sye gehebt. welichen  
namen wir von Paulo lesen jnen zügeschriben hab/ darzü  
vilen in einer statt/ darzü auch den namen priester vnd Bi  
schoff on vnder scheyd gebraucht. Das du aber vō den Di  
aconis möchtest für wenden. sag ich/ es seind nur diener 8  
rechtē Bischöff vnd priester gewesen/ wie es sich laßt mer  
cken vß dem büch Acton. Deren ampt was/ das sye sich 8  
armen leüt beladeten/ damit die Bischöff oder priester deß  
fürderlicher dem gotts wort möchten dienen. wiewol vn  
sere diaconi yetzund sich der armē wenig beladen/ minder  
die Bischöff/ es sey dan das sye jnen vor dem liecht standē/  
was vorzeiten von vnseren forderen vff die armen gestiftet  
vnd verordnet ist/ das sye es vff jren pracht verwenden/ vnd  
damocht



Dannoch jre ämpter nit vfrichten.

¶ Darumb schleüß nichts was du fürwendest für deine Bischöff vsserhalb dem Euangelio Christi vnd Pauli. wan eben daselbst hâr halten wir das Bischöff vñ priester seien/darüb wir auch daselbst hâr nemē müssen wie/wer/vnd was sy seien/vñ was jre ämpter seien. Ich weyß wol das jnen die Bischöff vil vorbehalten haben vor anderē gemeynen pfarherrn/darumb sye vñ vielleicht vermeynē Bischöff zu sein/vnd nit dise. Aber die selbigen ämpter wie nichts im Euangelio dar vñ beuolhē würt/also acht ich sy der selbigen ämpter halb nit für Euangelische Bischöff. Itē zu glocken vnd steynen kirchen vnd der gleichē weihen/das jnen sonderer beuech geben sey/wie vileicht auch nit vil not daran gelege ist/hab ich nit vil gelesen. Der vorbehaltenen väll halben im absoluieren kan ich auch kein grunde finden/wiewol es ein ansehens hat vorden leütē. Aber ich acht wer die beicht widerumb wie sye sein solte/nitt ein gezwungener notfall ic. so dürfft man sein gar nit.

¶ Wöchst weiter sagen/Es würd sich vbel reimen solten alle pfarherre Bischöff sein/vnd keyner mer weder der ander/so würd vnd möcht keyn ordnung sein in der Chustheit. Es müß ye etwo eyner vor dem andern sich der sach vnd d'chustlichen ordnung weiter beladen in ynfallenden sachē/zü dem man für den anderen ein züflucht hette/der vorden anderen sich der Chustlichen händel vnderwünd/mit anbringen/mit reden/mit versprechen/mitt disputierē ic. wie dan auch Petrus für die anderen herfür trat vnd Christu bekānt für sich vnd dise. Item auch an andren orten lesen wir/das er für andren vffstund vnd redte ic. Von Paulo vnd Jacobo deßzgleichen gelesen würt/welche handlung ein grössere oberkeit vnd orden vñ vielleicht möchte bedeüten. Sprich ich neyn. Petrus vñnd welche züm dieckeren mal hâr für tratte/seind darumb nit grösser vñ höher im stadt



oder ordē oder weihūg gewesen/aber wol grösser im ernst  
liebe vnd eyser zu der ere gottes gewesen. darumb sye auch  
vor anderē hār für tretten seind/ vnd solichs jnen von den  
anderen nachgelassen von wegen der gnaden die sye hettē  
villeicht in reden vnd handlung weiter weder die anderen.  
man müß ye ordelich einander nach redē wo man bey einā  
der ist/ vnd einer sich des handels etwas ernstlicher /ja ob  
schon vß beuelch der anderē beladē/ damit ein ordnūg sey/  
¶ selbig aber darūb nit gleich mer ist weder dise. Wie auch  
in einem rath sye alle gleich seien /doch wurt ein beuolhē  
für anderen ein grössere sorg vmd ernst/ zu dem auch das  
volck ein gewissen zūgang hab der es verhör/ vnds den an  
deren in der versamlung anbringe/ mit welichē er handelt  
vñ nit für sich selbs/ es sey dan das jm etwas kleins in son  
derheit beuolhen werd/ darzū nit not ist den ganzen rath  
zū beruffen vñ zū bemügen. Wie aber nu ¶ selbig amptmei  
ster in einē rath darumb nit mer ist vfferhalb der beuelch  
weder die anderen/ auch nit eins anderen stades/ also auch  
hye/ ja auch minder hye weder in disen. Wan noch mēsch  
licher hoffart würfft sich etwan einer selbs hār für/ wil hō  
her vnd merer vnd würdiger vor den anderē gemeynē mit  
brüderen oder raths herren geacht sein /oder sye jm vil  
leicht soliche eer selbs anhängen. Das gilt aber hye nit al  
so wie ¶ her vß getruet spricht. Welcher der grösser vnder  
euch ist/ sey der anderen diener. hat villeicht wol künne be  
trachten die not von deren ich erst gesagt hab. Darumb  
hat er jnen auch aber stur darzū gesagt wie sye sich in sol  
chem vall sollen halten. Gade es nun also zu vnder den Bi  
schoffen der christenheit/ hab ichs doch nit vil me gesehen.  
Sye thūgē jm aber wie sye wöllē/ kein andre oberkeit wer  
den sye mögen vß dem Euāgelio vffbringen auch keine an  
deren stadt oder orden für andre. Vnd wölte gott das sye  
sich nur dapperlich also hār für chetten/ od weliche dar zu  
erwölzt würden sich nur ernstlich in christliche sachē bündh



ten. Aber allein da sitze vñ nichts vberal thun / sond gleich  
 wie weltliche fürsten alles durch andere vfrichtē / vñ sy al  
 lein dē namē des hauptes d oberkeit behaltē / aber mit küst /  
 mit reden / mit handle mit rathē / mit disputierē / mit kēzer  
 vberwindē / für sich selbs gar nichts künne od vermügē ic.  
 dunckt mich man möcht solcher oberkeit wol entberen im  
 geystliche regimēt. sye dürfften sich auch keins sonderē or  
 dens vñ weihūg zū solichē müßiggondē prangen berūmen  
 Vff die meynūg wie mir noch wol yngedēck ist / hab ich dar  
 vō geredt freylich vff den tag Matthe im. xxij. jar / Bābst  
 vñ bischōff gar nit verworffen od veracht / darzū auch nit  
 gar gleich gemahet den gemeynē bischōffen od pfarherē /  
 sond jrs ampts halbē dz sy vor anderē thun soltē sy hoch ge  
 nūg wie auch yetzt gesagt er habē / wo sy es nur also volbrā  
 chten. Vñ wolt gott das sy sich d massen erzeygē / woltē  
 wir sy hoch gnūg haltē. Wolhyn also möcht ich dar von ge  
 redt habē / vñ freylich nit vnrecht / du würst mirs auch vß  
 dem Euāgelio nit anders machen / damit laß ich in ich be  
 nūgen / gott geb wie du jm thūgest.

Es ist auch einer darūb nit ebē bischoff dz er mer zū ver  
 sehē hatt wed ein andrer gemeyner pharher. wie dan yetzt  
 ein bischoff ist vber ein gātz landt / vñ dānocht nit ein doiff  
 mit bischofflichem ampt verseyht. wān nit die menig die er  
 verschē soll / sonder das ampt des verschēs macht einen zū  
 ein bischoff. welches so d minder eben als wol treibt als  
 der merer / ist er eben als wol bischoff. Wie ein hangtwer  
 cker der vil matery tüch oder leder zū verwercken hat / nit  
 me ein schūh macher ist weder der weng hat. Vnd wie wo  
 einer nit vil leders hette vnd dannocht mer arbeitē weder  
 diser der vil hette / ja etwo der selbig gar nichts hette / son  
 der zūm weingeng. welcher hett do billicher den rechten  
 namēn schūmacher. (mā soll mir nit für vbel habē dise ver  
 gleichnūß / es gebē sye auch vnser scolastici) also auch hye.



Darumb lieber kläger tring nit so gar gnaw vff die sach  
für die Bischöff vñ Bapst/ob es darzu kōmen möcht das  
ein schmutzigs dorffpfārherlin hūdertmal grösser merer  
vñd warer Bischöff were/weder dise/wiewol sye minder  
zū versehen haben weder dise. Es mag sich auch wol einer  
vberladē mit der matery die er vff arbeitē solte/das sy jm  
verdirbt. Wie meynstu hye/ob sich nitt mancher Bischoff  
vberladt mit ein grossen landt/oder mer/mitt zweyen oð  
dreyen grossen Bistumbē/vñd dānocht nichts Bischöffliches  
handlet: ja auch darnor ist das nitt gehādlet werd/dieweil  
sye die āmpter gefangen haben/erlauben wem sye wōllen.  
welches wir nit als seer klagtē/vorab des messzhaltēs vñd  
absolnierens halb/dieweil ordnung nutzlich vñd gūt ist/  
durch welche yedē sein statt/dorff/land oð volck zū geteylt  
würt/in dem er sein ampt übe/vñd nit weiter (doch not ist  
allzeit vßgenōmen) wie ein handtwercker nit ein yede ma  
tery/sond allein die seine erlaubt würt. Aber des predigēs  
halb/daran auch mer not gelegen/wiewol es sein were wo  
es fruchtbarlich in der ordnung gehaltē werden möchte/  
hat doch dise gleichniß nit stat/sond hinckt/wie alle gleich  
nißen. Solte nit einer mügen das gotswort hörē von ein  
der jm nit eben zū geteylt ist: vorab wo sein pfārherz oder  
Bischoffes nit kōnte/wie es dāñ ein lange zeit schlechlich  
genüg zugangē ist/desshalb ich mich auch bekenē gesage  
haben/das ein pfarktindt nit eben bey einer todsünd schul  
dig sey in seiner pfarz predig zū hörē/vorab wo er vernā  
das jm sein zū geteylter hyrt nitt das recht gotswort pre  
digte/oder es fruchtbarlicher von ein anderen hörē mö  
chte/welches auch ein yeglicher mensch wol vriteylē kan  
vñd sol/dieweil das vriteyl bey den schāflin ist/obs die recht  
weyd sey oder nit.wie der herz lernt/das die schāflin jr s hyt  
ten stym erkennen. welches wo geschāhe/warumb solten  
sy jm nit nach folgē/vñd die falschē propheten vordenen er

sye auch treulich gewarnet hatt / meiden. ja wañ es schon jr pfartherin selbs weren. Vñ möcht nit einer in gleichem fal predigen das pur lauter gottes wort / wo er sähe das es not were / ob jm schon das selbig vöcklin nit zü geteylt were / oder gar keins: seitermal das die zerteylung durch der ordnüg willen geschicht / welche im solichẽ val kein ordnüg were / ja wol ein zerstörung. doch so geschehẽ dise zerteylügen auch vast durch der nutzunge willen / welche zeitlich anfieng in der kirchen mit geystlichen ämpteren gesücht werden. Welche wer nit süchte / sonder allein der seelen heyl vñ eer gottes / warumb solt jm verbottẽ sein / vorab auch dem der einẽ beuelch het vß der gemeynen weihung oder ynsetzung vom Bischoff beschehen.

**C** Der Bischoff so er priester weihet / spricht. Gond hyn in die ganze welt vnd predigen das Euangelium allen creaturen. Syhe wie so gar da niemãts würt vßgenõmen. wo nün einer vß solichem beuelch hyn gieng vnd predigete wo er not vnd mangel sähe on sonderliche vßteylüg / meynstu ob er vnrecht thete: wañ die vsach d zerteylüg solte in billich nit hinderẽ / wie gesagt / so hett er auch on das beuelch vō Bischoff. welchen so er nit hat / müßt dẽ Bischoff freylich nit ernst sein gewesen in der weyhe. do er es jm hette beuolhen / welches jm dan vbel anstünd / das er also in solich en dingẽ gauctlete / wie dan yetz vast der brauch ist / das sy vber den gemeynẽ beuelch vom Bischoff beschehẽ / müssen erst ein weitere erlaubniß oder indult vom Vicario habẽ. welche erlaubung billicher die weihung heysen möchte / dieweil er erst darauß krafft entpfalet die er vorhyn nit ge

**C** Ja sprichstu / sye seind nit alle geschickt geheyt hat. nüg am ersten bischöfflichẽ weihen. Ich weyß es wol / darumb solte mans vngeweihet lassen / nit also ynher sultzen / sonder wie Paulus lernet / sye vorhyn probieren / da mit es sein nit weiter bedürfft. Wan solte sye nit also verschrotten



das sye weder hinder sich noch für sich möchten/weder zu  
paffen noch zu leyen mer gut weren. Vnd ob man nit also  
hauffen weyß paffen möchte/auch nit so jung vnerfahren  
mächte/wer niemer vbel gethones wer dann das kunst er  
barkeit vnd gute sitten die jugent zu zeiten ersatzē/als im  
Timotheo geschach/den Paulus vnuerachtet wolt sein/  
von wegē seiner jugendt. Sye seind aber nit all Timothei  
iren etliche/die yetz vnhär schwürmen/nit zu einer klein  
en schmach dem ganzen geystlichen stand vnd ergernuß d  
Christenheit/dar von vil zu sagen were. Wer aber daran  
schuldig ist mag ich niemants anders gedencen weder ebē  
vnser obere prelaten die es also zu lassen vnd billich solten  
weren/vnd noch der leer Pauli Bischöff vnd pfarherr er  
weleten. Aber wie solten sye ander leüt noch der leer Pauli  
halten vnd ynsetzen/die weil sye selbs nitt seiner leer nach  
jns bistumb kumen sind/vil minder sich auch darnach hal  
tē. **S**äct Paulus lert das ein bischoff od pfarherr (ten.  
vß sein haushaltē weib vñ kind ziehē vß gutem wādel sittē  
vñ wesen menigklichē zu vor kütlich probiert vñ bewert soll  
sein ee er angenomen würt. Itē das er der heyligē geschufft  
geleert vnd erfare sey ic. wie er dan durch vß lernet in den  
Epistlen zu Tito vnd Timotheo. Summa er soll vnsträf  
lich sein/vnnd ein gute zeügnuß von yederman haben/damit  
mā im mit d warheit nit müg arge nach redē ic. **N**un  
lüg wie fein gadt es yetz zu/vber das mā der gemeyn rath  
in solicher wölung gar nit mer hat oder achtet/so beuillet  
es der Bischoff auch ein oder zweyen/die verhören etwan  
ein den sye vorhyn nie gesehen vnd noch niemer dar zu hyn  
für vülleicht sehen.vñ also in einē halben fierteil einer stund  
im aberfahren alle seine kunst/sitten/wandel seines vergā  
genen vnd kunfftigen lebens. **N**un wolan solt aber ein exa  
minator (das ist ein verhörer) nit so geschickt sein/das ers  
ein in so kurzzer zeit kündt ansehen ob er geschickt were die

Seelen vor dem teüfel zu verhüten? Kan man doch bald ein  
em ansehē ob er der genß hüten könd. welichs sye freylich  
für ein grösser ampt achten/wan sye mächem die seelen be  
uelhendem oft die baurē oder sye selbs nit vertrauweten  
der genß zu hüten.

Item so sy dan also probiert sind/fragt der weybischoff  
ob sy zu 8 weihe würdig seiēt (zu latin/sunt digni) meynst  
du nit ob einers wol verantwortet/so er sprach/ja freylich  
gering genig: Sunt iusti/ja freylich wüß genig: Soltē  
sye aber nit würdig genig sein/sye können doch zwo oder  
drey zeil im gradual oder messzbüch lesen/darzu cōstruierē  
vnd exponieren/so kan es jnen auch nit an güten sitten fā  
len/sye gon doch sein erbarlich gekleydet vor dem examina  
tor (verhörter) nit mit ein lapechtē byret vnd vßgeschnitte  
nenschühen wie sunst. so stond sye doch züchtig do wie die  
junctfrawē vor dem der sy verhöret. vß welichen dingen vñ  
anzeygügen wie wer es möglich das ein solicher nit gnüg  
samlich erkundet würd das er niemer vbel geriete. V des  
elenden probierens. Ja sprichst/es bedarff yetzt nit solches  
strēgen bewerens/wan man weihet vil nür vßs schlechte  
messhalten vnd singen vnd lesen. Ja freylich vß schlechte  
messhalten/ich sorg das es zum dickern mal als schlecht  
sey das es weger vnggehalten were/vngesungen vnd gele  
sen darzu/wie vñ vñ harnaher. Wolhyn/ich hab keinen  
zweifel S. Paul hat von selbigen pfaffen nichts vberal in  
gütem gesagt/vñ vñ hielt er sy auch gar nit für pfaffen  
Darumb vñ vñ auch nit not ist das man sy noch seiner  
ordnung probier vnd ynsetze/wir wollen vns auch der selbi  
gen pfaffen nit vil bekümerē/gotgeb sye weren gleich wie  
sye wolte/wo man nür dem armen volck die rechtē waren  
pfaffen (ich meyn die diener des gotsworts) recht vñ vñ  
probierte/noch der regel Pauli.

Welicher Begere dz sy von jugēt vß in 8 heyligē gschafft



gestudiert haben/so seind etliche Jezabels diener die iren  
schülmeysteren verbieten das Euangelium/die Epistelen  
Pauli/vnd andre bücher d heyligē geschafft den jungē kin  
dē in d schül für zū lesen/heyst dz nit mōdererey vñ entchrist  
lich geregirt:so verstand ichs nit. Wie möchte der Türck  
grösseren schaden in der christheit zūfügen: heyst das nit  
vß der wurzlen den Christlichē glauben vßreüen:welichs  
freylich der Türck nit thette/wiewol solichs noch in vnse  
rem bistumb nit gehdrt/hoff auch weiter nit gehdrt werde  
sol. Es ist nichts das sye fürwenden/es mügens die jung  
en kind noch nitt Begreifen .xc. ja freylich/solte der teufel  
nit ein scheinliche anwurt künne geben vff solichen mort/  
so wer er wol ein schlechter fürst diser welt. Künne sye die  
vnküschen poeteleeren verston/vnd die schwerzigē philo  
sophos vnd sophysten/vnnd dessz gleichen vnützē dings  
vil. solten sye nit auch dises/daran irer seelen heyl ligt ver  
ston: Das ist aber vrsach ire Jezabelischē diener sorgen/  
man wöll den rechten Gott erkennen/dar durch eürwers  
gotts Baals dienst/vnd nachuolgig eüch die narüg so jr  
darauß gehept hand/abgon. Sagt an jr schandliche ver  
bieter/seind jr auch Christe:neyn freylich. jr glaubte sunst  
dem wort Christi/das er gesagt hatt/Was ich eüch heym  
lich in die oren zū geredt hab/sollē jr mengtlich vff dē dāche  
ren/das ist vffs aller offenbarest predigē. Warumb verbie  
ten irs dan den jungen knaben in der schül/vß denen man  
pfarther vñ diener des gotsworts ziehen sol: Nün macht  
man ye gemeyntlich pfaffen vß den schüleren. Sol es nün  
Johānesslin nit lernen/wañ würtz dan herr Hans künne?  
Darumb ist herr hans leyder yetzt minder in kunst/weder  
etwo ein schlechter Baur im dorff.vnd vnder den leyen vil/  
die in rechter nutzlicher kunst zū der seligkeit mer verstäds  
haben weder etwo ein ganz geschwürm der Jezabelisch  
en diener. Es thut ja aber weē/wañ wohyn sy künne/soli  
Gen sye



mit irer kunst darnider / sy wissen 8 geschiffte nit / oder mögen sy nit erleiden. so woltē sy gern das auch andre nit wüsten damit jr vnwissenheit vnbekant blibe. Es hilfft aber nit / man kert sich an das gemeyn argumēt nit mer das sye stätigs führen damit sy biz hār gefochten haben (es gehört den leyen nit zu) als ob die leyen nit wissen soltend das gesatz gottes: als ob Christus nit auch dem leyen kōmen werere. Wolan liebē gesellen es hilfft eūch nichts / jr sind werwoiffen von gott von wegen das jr in verwoiffen haben. Darumb hat er sein wort von eūch genūmen / vnd es ein volck gebē dz es an nūmpt. dem wōllet jr s lassen / ist vnser frūndliche bit an eūch. wañ wōlt jr ye nit jm hymel / so laßt doch vns hyn ein. Gott geb eūcher kancnūß / Amen.

¶ Damit ich aber wider vff mein matery kum von 8 gleiche der Bischöff vnd gemeynen pūster / mūß ich noch eins verantwürtē / nāmlich das sy für wēden von den. lxxij. jūngeren / die der heri vß sandt zū predigen in alle stett / do hyn er kumen würd / von wegen das er ein grosse zeitige ernēnsahe vnd wenig arbeiter Luce. x. Bey disen. lxxij. jūngeren vermeynen sye die gemeynē pūster verstanden sein / vnd bey den Apostelen die Bischöff / aber alles on grundt. wañ er sagt nūr von predigen / vnd nit von absoluerē vnd messzhalten / welche zwey allein den zwōlffen beuolhen / vnd zū inē geredt / gelesen werdē. Wie gadt es aber nūn zū / das so vil tausent paffen vff das messzhalten / singen vnd lesen in der kirchē gestiftt sind / vnd wenig / darzū die aller minsten vffs predigen. So doch vß disem vermerckē möcht werdē das Christus vil mer das widerspiel gemeynt hette / wenig messzhalter / als nāmlich die pfarther vnd die Bischöff vñ vil prediger. ja auch möcht darauß vil ee verstäde werdē / das yeder man zū predigen erlaubt sein solte / wie sich dan der Apostel auch mercken läst. j. Corint. xiiij. durch auß. Je mūgent (spricht er) alle samen / doch ordenlich einer noch



dem anderē prophetē / das ist die geschiff vßlegē / zū vn  
der bauwūg des nechste / wiewol wir vns yetz selzam dar  
ab stellen / wo ein ley vßstadt predigē / welchs freylich nie  
gents verbotten ist / ja vil mer erlaubt / wie gesagt / vorab  
wo die ern groß vnd zeitig ist / vnd vnserē iūcthern nit hār  
für wōllen / sye fürchten vñlleicht das sye schwarz an d son  
nen werden / oder mügen vñlleicht den rucken mit bucken /  
predigen wil ye arbeit haben. bringe auch verachtung / ar  
mit / zū vorab denen die jm wōllen recht thūn.

**N**ūn lūg wo bleibstu mit den .lxxij. jūngerē / darauß du  
die gemeynē priester machest / die mīnder sein sollen weder  
die Bischōff. Sag mir weiter / dieweil durch die selbigē die  
gemeynē priester verstanden sollen werdē / wer hat in dan  
das messzhalten / singen vnd lesen den ganzen tag / darab  
weder gott noch die welt er freuwet vnd gebessert wurt / be  
uolhē / dieweil am selbigē ort auch gar nichts dar vō stadt.  
Syhe zū / wie fem haben sye es hārūb getert / alles stracks  
wider das geheyß vñnd ordneren Christi / das einer schier  
gedēcken mōcht es were alles wider chūstlich werck. Dar  
umb wiltu hye noch Christus worten handelen / so wūrstu  
jm also thūn / du seiest Bischōff oder pfarther / fleissig vß  
das ernstlichest selbs / selbs / selbs predigen / vorab in d statt  
da du bist. Dieweil aber der ern / vnd der glaubigen vil ist /  
denen das gottswort auch not were / do nym vß den .lxxij.  
(das ist vß dem gemeynē hauffen / vnd schick sye allenthal  
ben hyn / do du nit magst sein / doch auch etwo dar kūmest /  
das sy dir den weg bereyten. Summasumarū / vil predig  
pfaffen / vnd wenig messzpfaffen gibt das Euangelū Chri  
sti. So ist ein ander Euangelium darneben vß gestāden /  
das fülle alle welt vol messen / vnd das recht pur gotswort  
niergents ist / ja auch nit in der messze / in derē es vorab sein  
solt / vnd freylich etwan also im brauch gewesen / zeygt an

Das Euangelium vnd Epistel/die man noch liest /wiewol  
 on frucht der vmbstüder /ja auch des lesers /vnd ist also ye  
 einer dem anderen vnrecht (i. Barbarns) Des sich der  
 Apostel. j. Corinth. xiiij. beklagt. Was aber gott für ein lob  
 vnd der selen für ein frucht vñ solichen messen enstادت /lass  
 ich die verantwurtē die sich darab neeren. Wolhyn das ist  
 von den. lxxij. jungeren /darauf du mir deine messzpfaffen  
 nit würst machen /vñ bleibt wider wie vor /das die pfaffen  
 die die rechten ordenliche Apostolischen ämpter in beuelch  
 haben vnd brauchen /rechte ware Bischöff seien /wan ein  
 gleiche beuelch ampt vnd ynsetzung ist diser vnd deren.

¶ Hyemit sey nun vff disen puncten geantwortet /hoff sy  
 sollen sich lassen fertigen. Wiewol ich noch erst hartzü ziehē  
 möcht was sanct Hieronymus hie helt. Item was auch  
 die schül lerer von disem handel sagen /die d sach noch selbs  
 nit eins seind /ob Bischöff sein ein besonderer orde sey. dar  
 umb auch nit ein wunder sein sol ob ich ein teyl züstünde/  
 welcher mich am aller besten in der heyligen geschriffte ge  
 gründet bedeuichte.

**Nun volan: es wer leidlich gewesen**  
 mit dem das ich allein gesagt haben solte /der Bapst vnd  
 Bischöff haben nit grösseren gewalt vnd orden weder an  
 dere priester. Das ich aber erst darzü sol gesprochen haben  
 ein yeglicher mensch sey priester /vnd alle menschen ha  
 ben eyn gewalt /würde noch vnleidlicher sein /wan so mü  
 ste der Bapst auch dem sigristen gleich sein /wann sye ye  
 auch menschen seind /wer danmocht leidlicher dem gemey  
 nem priester vergleicht /wie ein oberister in einer statt gar  
 nichts geachtet were /wo er dem müste burger erst gleich  
 were. Leidlicher aber were es /wo man in ließ bey den ge  
 meynē herren des raths o der regimēts d selben stat bleibe.



261  
Nun hab ichs auch nit geredt/darüb mich wüder nimpt/  
wie sy so fräuelich habē getürren vff mich /ich sprach gern  
liegē. Wiewol herrē sye gesprochen/er hat gesagt ein yegle-  
cher mēsch ist sacerdos/das man auch puester neinet/wöl-  
ichs nit also weit werffen/wiewol ich mich sein nit geredt  
haben bekēne/es sey dan wie man würt hören. Aber sye ha-  
ben velleicht die vnder scheid nit gewißzt zwischē den zwey-  
en wörtlin Presbyter vñ sacerdos/darumb soltē sye vorhyn  
baß gestudiert han/oder züm minste der articulierer selbs  
etwas fürsichtiger gewesen sein/dieweil mā jm als ein ge-  
lertē der lateinichē sprach den handel beuolhē hat.

Ernstlich aber dar von zü redē/so wissen wir alle wol/  
das presbyter heyst ein elcister/dem vor andren vß der ge-  
meyn die dienstbarkeit des gots worts als dem gelertisten  
vñ erfarenste im gsatz gottes beuolhē wart zü lernē/vñ zü  
regirē die gemeyn/wie auch im weltlichē regimēt gemeyn-  
lich den eltesten als den erfarensten vñ witzigsten dz regimēt  
beuolhen würt. also auch hye in den sachen des glaubens.  
Nun welicher wolt so dorechtig sein/das er sagte/wir we-  
ren alle die elcisten/oder vns were allen beuolhē das gotts  
wort vnd andre dienst die allein denen so darzū erwölt wer-  
den beuolhen seind: Welcher wölt sich auch der selbigē für  
anderē vnderziehen on besondern beuelch von menschen  
oder von gott: desshalbē auch wölungen geschehē zü so-  
lichen ämptere von dem volck/oder von anderen jren vor-  
ständeren/als Bischöffen/wie dan sanct Paul jren etlich-  
en solche dienstbarkeit beualch/vnd das sye es auch wei-  
ter anderen befulhen noch nordurfft vnd gelegenheit d̄ sa-  
chen vermäte/wie wir lesen ad Titu. j. Vnd war auch nit  
eben not das sye alt weren der jar halb/so kunst/gnad/vñ  
erbarkeit sunst da were. wie er vō Timotheo sagt/das nie-  
mants sein jugent solte verachtē. Welches freylich darüb  
geredt ist/das ob schon einer nit eben in hohem alter were/



dānocht nitt verachtet würdē/wo er sunst tōuglich würd  
 gefunden.es was aber zūner sychelich das man solche Bass  
 funde vnder den alten/darumb sye auch den namen behiel  
 ten/das sye hießen presbyteri /das ist/die eltesten/wie man  
 noch heit dissz tags in Fräckreich das wörtlin seniorbrau  
 cher zū eeren. Vnd wolt gott das man noch zū zeit die elte  
 sten herfür zōge/nit ein kindt einer ersamē gemeyn für stel  
 lete/nit also kinder vnd die nichts wissen/ja auch vngeso  
 gener sitten darzū seind.ließ alt leüt regieren/zūnor in sa  
 chen die die seel antreffen/dardurch das gottswort nit we  
 nig verachtet würt/vmnd schir kein bekantniß des glaub  
 ens me vfferdrich ist.Wolhyn/wir müssen dissz vbel mitt  
 sampt anderen lassen für gon so lang gott will/er würt vil  
 leicht der mal einuß darein sehen/das nit yemer dar kinder  
 oder narren regieren/vmnd den zorn vß dem er gesprochen  
 hat/Ich würd jnen kinder zū fürstānder geben/ab lassen.  
 Ich achte aber wol were es vmb die psarhen als vorzer  
 ten/man würd sich nitt also dumb dringen/das sich auch  
 die kinder jr vnderwünden.

**C**Damit sey nūn verantwurt das ich nit geredt auch nie  
 gehalten hab das alle menschen priester vom presbyter ge  
 nant seien.aber wo ich sye genēnt hette sacerdotēs/welich  
 es auch priester heyst/mōcht ein anders ansehen haben.  
 wān also werde alle Christen genēnt Apoca.j.vnd.v.vñ.xx.  
 welches niemāts leügnentān/er leügne dan die geschuffte  
 Item sanct Peter.j. Petri.ij.nēnet zweymal alle Christen  
 ein priesterthūmb/wie ich sy dan auch nenne vnd bekenne/  
 doch nitt von allen mēschen/wie mir mein articulierer zū  
 mißst.wann wer weyßt nit das solichs von den vnchristen  
 nit sol gesprochen werden/wān sye nichts vberal weder ge  
 weiht noch gesalbet seind. Auch seind sye nit glyder Chri  
 sti des rechten waren lebendigen priesters/von des wegen  
 wir auch alle priester seind vom sacerdos genant/nit vom



presbyter / wān wiewol alle Christen sacerdots seind / ha-  
ben sye doch nitte alle beuelch die dienst vñd ämpter der el-  
tisten oder fürstendigen / als predigen / absoluiere vñ messz  
halten zū volbringen.

**¶** Nun were hye vom rechten priesterhumb / das wir im  
tauff angenōmen habē wil zū sagend / dar vō ich vffs kürz  
est eben das zū wissen thūm. das so wir durch den tauff Chri-  
sto Ihesu ingeleibt werden / das ist ein leib mit sampt allen  
christglaubigen / dessen Chustus ein haubt ist / wordē seind /  
wie dan Chustus ein warer ewiger rechter priester ist / als  
Dauid spricht. vff welichen das ganz priestertumb des al-  
ten testaments mit sampt auch dem opffer das sye gethon  
haben von kügen vñd kelber etc. gedeütet hat. Also auch  
seind wir alle mit jm gesalbt / vñd priester (sacerdots ge-  
nant) worden. wān wir seind ye ein leib mit jm. Darūb wie  
er priester ist ewiglich / also auch wir / die eins mit jm sind.  
Vñd wie er das recht priesterlich ampt ein mal volbracht  
hat / da er seinen leib / nit kug vñd kelber etc. am kreütz vffge-  
opfert hat für vns alle. Also auch wir täglich vff opferen  
mit kügen vñd kelber / sonder vnseren eygenē leib / als ein vber  
vß angeneemes opffer gott dem himelischē vatter. Dar vō  
spricht sanct Paul Roma. xij. Ich ermahne euch lieben Brü-  
der durch die Barmherzigkeit gottes / das jr eüwere leib be-  
geben zūm opffer das do lebendig / heylig / vñd gott wolge-  
fellig ist / welches ist eüwer vernünfftiger gottes dienst etc.

**¶** Dessgleichen auch so das fürbitten ist der rechtē warē  
priesterlichen ämpter eins / wie dan im alten testament ge-  
won was / vñ aber Christus ist der recht fürbitter vor gott  
dem himlischen vatter / der recht war mitler zwischē gott  
vñd dem menschen / also auch die da seind in Christo / vñd  
ein leib mit Christo / mögen yetzund' auch fürtreten für  
gott den himlischen vatter / mit vñd durch Chustum / vñd  
also das war priesterlich ampt volbringē für vns vñd für

eināder / wie vns dan̄ d̄ her̄ benolhē hat. Da h̄r k̄up̄t das  
 wir all vn̄sere gebet in dē namen Christi thūn vñ schließen/  
 in welichs namen sye nit m̄gē v̄nerh̄rt bleibē. wañ d̄ prie-  
 ster Chrus vñ sein opffer gefelt so wol dē himlischē vatter/  
 dz wer do ingeleibt durch den glauben bitter / vñ sich selbs  
 vffopffert / d̄ kan vñ mag nit vbel gefallē dem selbigē him-  
 lischē vatter. Diser ding zeugn̄ß gibt vns garnahē die gā-  
 ße geschrifft zūn Hebreer / die ich vmb k̄urtz willē wil vnge-  
 allegiert lassen. als ich dan̄ achte / es niemant dar anzwer-  
**S**o n̄n dem also ist / das wir opfferē vñ bitten (fle-  
 mit vñ durch Chrustū den warē ewigē priester / mit dem wir  
 auch eins sind durch dē glanbē / wer wolte dan̄ n̄n leuctnē  
 dz alle chustē mēschē priester / dz ist sacerdores werē / vñ die  
 rechtē warē gsalbtē gottes / wie wir dan̄ auch alle gesalbt  
 werdē in tauß / vñ also sint vñ werdē ein heyligs vñ k̄nig-  
 lichs priestertumb. j. Pe. ij. vñ priester wie ob stat / vñ Apo.  
 allegiert. N̄n m̄cht ich v̄lleicht also dar v̄o geredt hon /  
 wie ich noch rede vñ bekennē w̄rd / ob gott wil ewigklich /  
 wiewol mir doch nit in s̄nderheit zū wissen ist / dz ich noch  
 vil darvon gesagt hab / weð vff ein einzig mal zufellig / vñ  
 aber der s̄in Belials so bald vff gerapplet hatt / vermeynt  
 er hab den man̄ erw̄scht / hat in aber nit wol gehept / son-  
 der n̄r bey den oren / es wer weget er hette in bey dem her-  
 zen gefasset / das ist / das er das hertz vñ den grundt di-  
 ser lere recht vermerckt hette vñ rechtem hertzen / so het sy  
 in erschieflich sein m̄gen.

**W**olan / n̄n acht ich es sey vor fr̄umen Christen gen̄g  
 verantwort / das ich nit gesagt hab / das alle menschē prie-  
 ster / das ist presbyteri seien. Es ist ye den heyden nit benol-  
 hen der dienst des predigen vñ der sacrament zū brauchē /  
 auch nit allen Christen / desshalb auch nit geredt ist das sy  
 alle gleichen gewalt haben in der kirchen diensten / sonder  
 allein d̄ dem es benolhē w̄rt von gott vñ von den mēschē



sol sich soliches vnderwinden. Hårwiderumb aber sag ich das alle Chrusten püester seien / das ist sacerdoten / vñ auch opfferen vñnd fürbitten mügen vñnd sollen in vñnd durch Chrustum Jesum / wie gesagt ist. Vñnd gott wöll das wir nur soliches ampt emb sigtlichen üben / mitt andechtigm gebet in dem geyst Chrusti vñnd der warheit / das ist in Chrusto mit vffopfferüg vnserer leib am kreuz / ja mit Chrusto auch stürben / das wir mit jm zu ewiger seligkeit erston möchten. wañ wir müssen ye mitt Chrusto sterben vñnd vffgeopffert werden / sollen wir echt mit jm erston zu ewigem leben / Amen.

¶ Das er aber weiter spricht / ich hab'gsagt / ein püester d nitt prediget ist kein püester / vñnd gebraucht sich aber hye des wörtlins sacerdos / gibt ein anzeygüg das der gürt articulierer oder kläger nit rechten verstande hat gehept was vñnderscheid sey zwischen den zweyc wörtlin Sacerdos vñ Presbyter. Hette er es vffgesprochē oder genēnet wie auch vordurch das wörtlin presbyter / so dürfft ich vffobenteür die sach mit jm beston (wie wol ichs auch nitt geredt hab) das ein püester (presbyter genant) nit sey ein püester (auch vom presbyter genant) so er nit prediget. es sey dan wie mā ein todten menschē ein menschen heyst / ein dürre Baum ein Baum / vñ ein yegtlichs ding dz sein ampt nitt kan vñ mag od wil volbringē dē nāmen seins ampts vnbillich sol habē. So wir nun wol wissen das predigen ist das eygen ampt d püester / presbyteri genant / wie dan obē angezeygt ist / wil auch bey predigen verstanden haben alles treulich vermanen / es sey ja sampt oder sunders / wie dann die gemeyn so mit den sacramenten / nāmlich der Buß vmb gon. zu weltlichem gemeynlich wo sye recht mitteylt würdē dem volck / laufft mit predigen vñnd verkündung des gots worts. Als dan auch der herr gesprochē hat / Das thünd in meiner gedächtnuß. Vñnd sanct Paul sagt / sy sollen den todt des herren verküngigē

ren verkündigē / für war der meynung / das der mensch we-  
 lichem solche sacrament dar gereicht werden / also ynge-  
 denck were des tods Christi / durch welichē jm seiner sündt  
 verzeihung erworben ist. deren er durch den glaubē bey di-  
 sen sacramēten als sychtbarlichē zeichen vermant würd /  
 wie sye auch sanct Paulus allenthalben nenet ministros /  
 diener / dispensatores ministeriorū dei / das ist / die vsteyler  
 seiner geheymniß vnd hushalter ic. Ist wol zū Bedencken /  
 welcher nit solche seine ämpter treibt vnd übt / das er ent-  
 weders nit der selbig ist / oder vntreulich vnd vnbillichen  
 sich des selbigē namens berümpft. wie da vnbillich d heyst  
 einrichter / der niemāts kein recht spricht. ein prediger / der  
 nit prediget / vnd also von allen anderē ämpteren zū redē /  
 das der vnbillich den namē des ampts treyt / der es nit  
 braucht hat / oder sich zū brauchen übet.

¶ Nun weys ich wol das man sy yetzūd auch priester / das  
 ist Presbyteros vnd Clericos nennet / die ja deren ämpter  
 keins thūnd / oder sye nit recht nutzlich vnd fruchtbarlich  
 dem volck thūn. sye wōllen auch also geneēt sein. Wolan /  
 so nenē sye sich recht wie sye wōllen / wer wils jnen werē  
 Ob sye aber in der geschufft also geneēt seien / vnd dar für  
 gehalten seyen / bey deren ich sye allein vnteyl vnderkenne /  
 das find ich nit. villeicht können sye es Bas erkennen vñ le-  
 sen. Darüb summasumarū / was darffs vil wesens / Chri-  
 stus hat priester yngesetzt / die die ämpter treibē / die er jnen  
 auch treulich beuolhen hatt / nämlich die drei / Predigen /  
 Absoluieren vnd Consecrieren / welche dann warlich alle  
 durchs predigen verstanden werden mögen / vnd auch pre-  
 digen zū jnen allen gehört. Ich find auch niergents das er  
 müßig gond faul / fressig volck (wie sein vil yetzūd ist) yetz-  
 gents yngesetzt hatt / aber wol hat ers durchs Euangelii  
 vbel gescholten. Nun so wir vns von Christo des priester  
 standts berümpfen / so müß man auch warnemen wie vnd

f



was in Christus beuolhē hat / sunst dürfft er jr wol nit ken  
nen / deßhalb auch nit ein wunder ist / ob schon ich vnd ein  
ander kein püester anderßwo hāt achtetē / weder eben dan  
nen hāt in Christus geachtet hat. wān wir ye hye redē von  
Christlichen püestern. Das er ein faul freßig vöcklin solt  
vasset gepflanzet haben / dunckt mich es hett der nōt nit be-  
dürfft / es wechßt selbs ob mans schon nit sät.

¶ Da sprichstū aber die kirch hats also gemacht wie sye ye  
zund seind. Wolan / so seien sye benüigig / das man sye 8 kir-  
chen püester nenne. Wir wollen hye püester Christi haben /  
vund ob einer weiter sage / die kirch hat sein ein beuelch ge-  
hebt von Christo / sag ich es wer güt ein büeflin darbey das  
vidimiert were von Christo. So sagen sy / Johā. xvj. stat /  
wān do kumpt der heylig geyst / würt eich alle ding lerē ic.  
vñ hat also der geyst gottes die kirch nachuolgender zeit so  
lichs gelernet ic. möcht ich sagē / Er hat sy freylich hübsch  
ding gelernet / do er sye nit anders gelernet weder ein solt-  
chen vnnützen hauffen ynsetzen. Wie ob einer sprach / Er  
müß freylich nit gethon habē / dieweil er ist ein geyst Chri-  
sti. welcher Christus solichem vöcklin ye vnd ye züwider

¶ Darumb summasumarū / sye geschwei (gewesen ist.  
gen wol des berümens vnd lieffens bleiben bey Christus yn  
satzung / das eben die ihenigen püester werē / die sich 8 pü-  
sterlichen ämpter vnderzōgē. welche aber nit / das sye sich  
bekantē als vnnütz diener vñ haushalter. wān man wurt  
erforschūg thūn von den haushalterē ob sy getrew gewes-  
sen seien / villeicht vñ solicher vorgonder demütiger bekant-  
nūß möchtē sye genad bey Christo vnd verzeihung jres vit-  
reüwen haushaltens erwerbē. Dises alles sag ich güter  
warnūg vñ vermanēs weiß / nit das ichs ebē also erstreitē  
wil / sonder jnc anzeigē ein klein wenig / das ich danocht vn-  
ergriffen sein wölt / wo ich schon solichs od derē gleichē et-  
was geredt hette. Sye auch darbey vermanē / dz sye eben

was nāmē ires stāds ob er sich vergliche mit dem yngesetzt  
en priester hūmb. i. presbyteratus Chusti. wān warlich die  
geschufft stat steiff/würt sich nitt leichlich noch vnserem  
fleyschlichē syn biegen.

¶ Vff den andern verstandt wie auch der articulierer die  
wörtlin neinet/das ein priester sacerdos geneit. 8 mit predi-  
ge/nit sey ein priester sacerdos/hab ich nit geredt/dān das  
were als vil gesagt/als ob ich sprāch/ein chüst der nit predt  
get ist kein chüst. wāndz wörtlin sacerdos würt vast gleich  
lauffen im verstandt mit dem wörtlin Chust. Welcher wöl-  
te nūn so vnuerschampt sein das er den ihenē für kein Chri-  
sten achtee 8 nit prediget/der sich nit solicher amptec 8 ler-  
nūg vñ der sacramēt vñdwinde/ als auch keiner nit thūn  
sol/er werde dan dar zū in sunderheit von Gott oder von  
den mēschen gewelet/dān so soler billich priester das ist pre-  
byter geneit werde. Darūb lieber gūter gesell laß dich al-  
so recht benūgē an diser antwort vff disen pūcten/ vñd ge-  
dēck dz du da habest ein sāler geschossen/gort geb wie du es  
verstōn woltest. vñ bistu bißhār nit ein rechter priester das  
ist presbyter gsin/sond allein mit dē nāmēn/so lūg dz du es  
werdest mit 8 ūbung/da mit du nit für ein vnnūzē schalck-  
hafftigē knecht vom herren erkānt werdest.

¶ Nun volgt weiter ein andrer pūct dises fierdē articckels  
das ich sol gesprochen haben/die sybē zeit in der kirchen spre-  
chen oder singen noch dem sitten beyd in hohē vñd gemey-  
nen styfft kirchen sey nitt nūz/vñnd als vil als keines ver-  
diensts/sonder sey ein lautere dorheit/vñnd soliche diener  
sient vnnūz. 2c. Wolan/diser punct würt auch wort bran-  
chen/darūmb lieber leser laß dich nit verlangen/ich müßz  
mich ye mit dem zarten vñdclēin ein wenig ersprochen/die  
weil sye mein doch nit wōllen müßsig gon. Vñd sag zūm er-  
sten/dz mich schier vff den argwon brācht das wörtlin/ho-  
hen vñd nideren styfft kirchē/dz ich merckē wer der articu-  
lierer



hier er oder die angeber solcher articel gewesen seien/freylich vff einē hohen od nideren stiffe verpstündt. darumb sy die selbigē so treuwlich gemeldet haben/vnd vvilleicht auch sye in willen zu versprechē/als dan billich/haben der andern gemeynen kirchē darin man auch singt vnd liest nit geachtet/villeicht das sye nit vil darnon habē/oder vvilleicht das sye ein anderē sitten haben in irem singen vnd lesen weder dise/das dan leicht sein möchte/auch ein besseren. wann wie ich gesehen hab/das der sytt ist in singen vnd lesen vff den styfften/ists nit gātz löblich. ¶ Un spricht er eben noch den sittē vff den styfften/hett er gesprochē schlechtlich anhin/das ich solt gesagt habē/singen vnd lesen vff den styfften wer nit nütz ic. wolt ich mich erwüschet gebē. Aber so er gesagt hat/nach den sitten d styffe/bin ich noch vnerschrocken/wan ich nit so vil löblicher sitten syhe in ire singen vñ lesen/das ichs vast könt rhümen/vnd als verdienstlich vñ nützlich vñ schreyen/sonder ja vil mer für ein dorheyt/ich sagt gern auch für ein gespött vnd gottes lesterung zum dickeren mal. deßhalb auch wie nützlich soliche diener seien anders weder das sye die frucht des erdrichs helfen verzeren/mag ein yeder wol ermessen.

¶ Un wolan/ernstlich von dem handel zu reden/so hab ich das auch gar nit geredt/sonder so löblich vñnd eerlich von dem singen vnd lesen in der kirchen gesagt/das ich nit weyß noch dem sitten wie mans braucht/ob ichs gegē got verantworten mag. Auch so hab ich das singen vnd lesen gemeynt/nitt eben wie es yetz leyder gebraucht würt/sonder wie es gebraucht sol werden. Wann so singen vñnd lesen recht gebraucht vñ geübt würt/ists löblich/wie vns auch sanct Paulus vermant Ephe. v. Vnd saufft eüch nit voll winß/darauf ein vnordig wesen volgt/sonder werdēt voll geysts/vnd redent vnder einander von psalmē vnd lob gesungen vnd geystlichen liederen/singēt vnd spielēt dem her

ren in eüwerē hertzen/vnd sagen danck allezeit für yeder  
 man Gott dem vatter in dem namen vnser̄s herren Jhesu  
 Christi ꝛc. Wer wölte nün singen vnd lesen/vorab der psal-  
 men/vß vollem geyst (nitt vß voller fleschen) verwerffen?  
 wie es Paulus gemeynt. Dessgleichē er dan auch an ein  
 anderen ort. j. Coynth. xiiij. eygentlich (meins bedüctens)  
 dar von redet/vnd es nennet mit der zungē reden/spricht.  
 Der mit der zungen redet/der redt mit dem mensche/sond  
 gott ꝛc. wie dan durch das gantz capitel er das reden mit d  
 zungen (darbey ich verstand das singen vn lesen) vnd das  
 weissagen (da bey man verstadt das predigen) gegen einā-  
 der vergleicht/vnd in solicher vergleichūg das weissagen  
 das ist das predigen /gar weit vber das singen vnd lesen  
 vberhebt/also das er es vil tausent mal besser vnd nützer  
 achtet/sprechende. Aber ich wil in der gemeyn lieber fünff  
 wort reden durch meinē syñ (das ist den syñ mit predigē vß  
 legen) vff das ich auch andere vnderweiß/dan sunst zehen  
 tausent wort mit der zungen. Merck hie wie hoch der Apo-  
 stel das predigen für alles ander lobet.

**N**un antwort ich zum artickel also/das ich singen vnd  
 lesen in der kirchē nie geschmecht hab. doch so hat diser ar-  
 tickel (wie mich dünckt) ein vrsprung vß einer predig die ich  
 vff den tag Mathie/im. xxiij. jar thett/do ich vnder anderē  
 sagt von der wölung zū den geystlichē ämpteren/das wir  
 der selbigen bey der wölung Mathie ein exempel billich ne-  
 men solten. Welchen der her hat villeicht darumb wöllen  
 geweler werden nach seiner vffart/dar mit wir künfftiger  
 zeit wüsten auch zū wölen prelaten in die chrißliche kirchē.  
 Sagt auch darbey/wie sich ein byderman mit seinem sün  
 halte solt d nün studiert het/ob er sich selbs solt hyn ein trun-  
 gen/oder warten biß man in beruffte? Do ließ ich in sol-  
 cher predig noch (von menschlicher blödigkeit wegen) das  
 einer der do studiert het/vnd des willens were seine gaben



vnd gnade dem volck mitteylen möchte zimlicher weis vn  
durch zimliche mittel vmb ein pfründlin stellen, dieweil es  
doch yetzund darzu kumen were das man nit nach im stel  
te. Solte aber sich befleissen das er nach einer pfarr stellte/  
oder einen stande darin er nutzlich sein möchte der gemeyn  
en chrisstenheit/mit predigen vnd mit den rechtē waren am  
pteren der prierster/welche dan für andere am aller meyste  
die pfarrherren treiben vnd üben. Wo aber solchs im nit  
möcht geraten/gieng hyndas er ein pfründlin sunst anme  
me daruff er sing vnd lese/vn in solichem gott diene/wan  
es auch nutz vnd gut were/so man im recht thette/vnd es  
der Apostel wie obgesagt lobte/doch weit/das ist zehēt  
sent mal vnder dem predigē/den ich auch allegierte. Sags  
te auch darbey/das ein solicher sich befleissen solt/vnd eys  
feren noch den besten vn höchsten/als noch den recht geist  
lichen gaben. lobte auch darbey das zungē reden/das ist  
das singen vnd lesen/wie es gar ein selig ding were/wann  
die ihenigen so mit der zungen redeten (sagt ich) die redetē  
mit gott/vnd besserten sich selbs. Doch sagt ich darzu/dz  
zu besorgen were/das vil vff disem vnd anderē stryffe seien  
die auch nit mit 8 zungen redeten/als die ihenigen/so zim  
teyl nit verstündē was sye singen oder läsen/vnd ob sye es  
schon verstündē/weren doch ire syñ zerstreuet/vnd zim  
dickeren mal mer vff die presentz oder andre üppigkeit/dan  
zu gott vffgerihet. deszhalb wenig frucht vn nutz vs dem  
selbigē singen vnd lesen entstünden/vnd zim dickeren mal  
mer gottes gespotter.

**E** Dises vn der gleichen hab ich von dem singen vnd lesen  
gesagt. durch welches mein sagē es noch vngescholtē ist/  
vn aber wie es yetz gebraucht wurt/wenig dar durch ge  
lobt/wie fast sy es ja vffnutzē/vn für ein grossen verdienst  
gegē gott vs schreie. welches wir auch dester bassz dulden  
wölte/wo es nit dem gottswort darin 8 recht war gottes  
dienst ist zu nachteyl geschehe. vn dz namllich in zwen wegs

Zum ersten, das es (vorab vff den styfft kirchen) gar nahe  
 vertrügē. wan vnangesehē das 8 feirtag allein dem gotts  
 wort dienē sol/so hat man doch die aller bequemlichste stū-  
 den/dē armē volck mit dē kirchē gesang versperret vñ ynge-  
 nāmē/also dz das volck/so etwo durch die woch mit arbei-  
 tē müd wordē/die weiber mit jrē kindlin/die nacht vngerū-  
 wiget/müssen entweders die predig versaumē /od jrē notz  
 dürfftigē schlaff brechē/da nit jr geseng vñ gepræg für gäg  
 vñ wir desten ee vber den tisch künneē/wan wir müssen frü-  
 getrückē habē/schafft dz wir vns gemeynlich am abend  
 vberfasten. Wolhyn/es ist mit nit schimpff/sond zū erbar-  
 mē/das disem kaltē vnfruchtbarē gmürmel/das edel vnd  
 ewig gots wort weichē müß/ab dē alle himlische/yrdische  
 vnd hellische creaturen erzitteren vnd jm weichen. darüb  
 sich auch billich fürstē vñ herrē jm zūweichē/vñ sein raum  
 vund platz zū lassen/nit solten beschemē. Ach gott es were  
 hye vil zū sagē/ja billicher zū beweynen/was nachteyls di-  
 ses singē vñ lesen zū zeitē bringt/desshalb nit ein wüder we-  
 re ob schon einer sagte/es wer mer gēts zū nütz/mit sampt  
 dē sengerē/als ich noch dānocht nit gsagt hab/auch noch  
 nit sagē wil/es würt sich selbs wol täglich sagē/wie mich  
 auch bedücket man greiffes gar nahe. Vñ was solich vil da  
 von sagē/examinier/dz ist verhör ein yeglicher sein eygē cō-  
 sciētz/sy würds jm bald sagē/was nutz er schaff mit disem  
 prengē. Es sagt 8 herr/die warē anbetter werde anbetē im  
 geyst vñ in 8 warheit/gott wöll es geschehe also.

¶ Damit aber dz ichs bas rüre/so ist dz das böst vff disem  
 hädel/dz gar nahe alle güter 8 geystliche daruff gezogen vñ  
 gebrauchet werde/die pfarrē jrer zehenē beraubt sind/also  
 das keine od wenig gelehrter männer sich 8 pfarrē mer vnd-  
 wündē/sond 8 mererteyl sich vff dissz vnfruchtbar geschrey-  
 geben. Aber es bedarff nit vil studierens/man singt dem  
 Requiem heur als fern/kumpt kein neuwer scribent dar-  
 über/man darff auch nit mit den armē trancken vmb gon-



vnd jnen dienen. In summa/derending keins thün/das  
Christus yngesetz vnd verordnet hatt dem priesterlichen  
stande /ist genüg das du do standest/bitz man die presentz  
gibt/wiewol es etliche schwer genüg antumpt/das sye so  
lang müssen harre. Ich mag auch sagen das/ob es schon  
recht vnd mit andacht geschähe /so were es dannocht vn-  
nütz vnd schädlich/das dar durch das gotswort in aller  
welt verhindert würt/oder vffs aller noch gültigest gepre-  
giget. Summa sumarū/es seind die Collegia geystlicher vñ  
weltlicher stiftung gar nahe alle dahyn gericht/das dar  
durch das gotswort verhindert od vermindert würt. dessz  
halb auch nitt wunder were /ob einer schon sagte (als ich  
noch nit gethon hab) es were nutz vnd güte/das soliche /dē  
gotswort /vnd auch den armē nachteylige vnd schädliche  
collegia vnd stiftungen/genzlich vßgetilgt werē. Summa  
sumarū /es hats der teüfel gar fein alles dahyn gericht/  
das eben die gebott gottes/die sich strecken vffs gotswort  
vnd nachuoligig fürsehung vnd dienstbarkeit des nechste  
durch dise eygne vffgesetzte stiftungē vil weit hynhinder-  
ston müssen/vñ sol dannocht nutz sein/darff niemāts dar-  
wider reden. Es solten die pfarren mit den gelertisten vñ  
geschicktesten priesterschaft geregirt werde /da mit das  
das jhenige so gott den priesteren beuolhen hat/vffs aller  
fleissigest würde versehen /ob schon keine klöster vnd styffe  
vfferdrich weren. Du würest mir ye nit vß den henden ne-  
men den spruch Pauli/das das vnderbauwen vnd vnder-  
weisen des nechsten vil tausent mal besser sey dan das sing-  
en vnd lesen/ob es schon vffs aller fleissigest geschähe.  
Hye mit wil ich dem kirchēdienst nit ab gesprochen habē/  
ich wil aber auch nit/das dardurch das gotswort sol ver-  
trückt/vnd den aller nachgültigsten vnder den priesteren  
beuolhen sein. Wolan/hye mit wil ich nun vff disen punctē  
geantwort haben/das ich diser anlag noch biz hār ganz  
vnschuldig

vnschuldig gewesen/vnnd noch bey der zeit so freündlich  
 dar von geredt/das ich gott darüb fürchte/aber das zart  
 völklin mag nichts erleidē/was man redt/das ein wenig  
 sye antrifft/so sorgen sye es wöll vber sye gon./wan jr eygē  
 cōsciens vn̄ gewissen/das jr ding nit so glas schön ist/das  
 macht sye so vn̄rūwig/stellet sye in sorgen/vnd vberzeuget  
 sye/wie sanct Paulus spricht. Es ist nit möglich das der  
 ihenig/so ein böß gewissen hatt/rūwig sein mög/wann er  
 muß alle zeit in sorgen ston/es breche vß.vnnd so er vil ver-  
 sücht/wie er sein ding bergen/verstreichen vnd entschuldi-  
 digen/vn̄ yederman so im etwas straffs weiß zū redet/ver-  
 treiben wil/so gibt er sich erst selbst schuldig/vnd macht dz  
 menigklich seins dings war nimpt/des vorhin nit geach-  
 tet het/vnd also bücht es vß.also mag auch hye geschehen  
 sein. Darumb möcht jnen nützer sein gewesen /sye hetten  
 sich zūm teyl erkennt/als die so nit gar vn̄strāfflich seien/  
 so hett man mit jnen als mit anderē sūnderen gedult müs-  
 sen haben. So sye aber ganz vngestrāffte sein wöllen/vnd  
 menigklich das maul verstopffen/der die warheit gesagt  
 hat ist. Ist es bitz dahār kōmen:vn̄ zū besorgē ist dz es noch  
 niergen nit dabey werd bleibē.

**Der fünfft Artickel ist lächerlich:vn̄**  
 kindisch/das mich wūder nimpt das sye mit dem nochgül-  
 tigen ding här für kōmen. aber es ist not das man etwas  
 hab/da mit die zal der artickel groß werde/das man sagen  
 müge/man hat. xxiiij. artickel wider jnen vffbracht. Vn̄  
 kan man ye. xxiiij. artickel nit von dem fensterbrett nemen/  
 darüb muß man zūsamē rasplē was mā findet. Darüb ob  
 diser artickel für sich selbst nit schneidet/als die anderē/wo  
 sye war weren/so hüfft er doch die zal erfüllē. Die summa  
 disz artickels ist/ich hab mich vß rhūmiger eytelheit/vnd  
 zū verachtung der geystlichen stend ein Bischoff geschubē/  
 G



vnd mir auch also zuschreibē lassen. Nun sag ich zum erste  
dz diser artickel auch erlogē ist/dan̄ ich mich nie mit dē na-  
mē Bischoff genant in meine geschriffte/sye werdēs auch  
mit meiner hādt schufft nit vff bringē. Dz Bekēne ich aber/  
das mir ein gūt gesell zu geschriben hatt den uamen/ Epi-  
scopo ad sanctum Laurentium/das ich darzu nit warnā-  
me/bis̄ mir es ein anderer zeygte/so vil hab ich bis̄ hār d̄ ti-  
tel geachtet/gottgeb wie man mich nennte. Was solt aber  
ich darzu thon habē:solt ich im den brueff widerüb gschickt  
haben/mit straffen des vnrechten titels: Solte nūm emer  
alle mal die brueff widerumb schicken/oder den lügen straf-  
en d̄ im ein vnrechten titel zu schrieb/mūst man wol noch  
als vil böttē haben/die schier allēthalben die brueff wider  
brächten/wan̄ es werdē warlich vnser vil mit falschen tite-  
len genemmet/wir leidens aber gedultigklich.wie die versel-  
ten junckfrawen sich dānocht lassen junckfrawē schelt-  
en vmb s̄ fridens willen ic.

Wie offft schreibt mā geystlichē vñ weltlicher prelatē vñ  
anderen/hohe titel zu/deren jr einteyl wenig würdig sind:  
Man nennet yert die leüt/die aller heyligsten/heylicsten/  
aller erwürdigste/würdigsten/aller gnedigsten/genedigē/  
aller andechtigsten/aller demütigsten/aller geleertsten/gē-  
lertiste/künstreichste ic. Wer wolt alle titel erzalē/die mā  
den leüten zu schreib/weliche zuzeiten solcher titel vnschul-  
dig seind.wan̄ etwan wenig heyligkēit/genad/gunst/eer/  
kūnst/andacht/demut/Bey ertlichen ist/vnd leidens doch  
gedultigklich/schicken die brueff darüb nit widerüb heym/  
schlahen den böttē nit an̄ halß. Man laßt aber soliche nā-  
men vnd titel darumb fūrgon/nit das die ihemigen denen  
sye zūgeschribē werden/eben also seien/sonder vil mer/das  
sye sich bey dem erinneren/das sye also sein solten von we-  
gen des standts in dem sy seind. Also solt d̄ Bapst Bey seine  
titel vermant werden/das er noch erforderig seins stāda

sich flisse der heyligkeit/der Keyser der gnade vñ gunst ge-  
 gē seine vnderthone/vñ also ein ygtlicher seins titels war-  
 name. were er es nit/das er doch dächte/syhe das helt mā.  
 von dir/vnd bist jm aber als gantz vngemes/scheme dich.  
 stell ab dein tyrānisch/dein bübisch/dein vnerlichs wesen.  
 bist nit mer so hochfartig/so gottlos vñnd seeloh/studier/  
 das du nit so ein grosser esel seiest/das dir solicher titel nit  
 fälschlich zūgelegt werde.

¶ Nun wolan ich ahte diser güter gesel hab mir auch den  
 titel Bischoff/zūgeschriben/nitvilleicht darumb/das ich  
 ein Episcopus od Bischoff sey/sonder das ichs billich sein  
 solte/von wegen des stands in dem ich bin/wan ich bin ye  
 ein pfarher in Münster vor sanct Laurēzen zū Stras-  
 burg/vnd nit ein klein volck mir Beuolhen ist/des hyrt/hir-  
 ter/wechter/lerer vñ vffseher ich sein soll. darumb solt ich  
 billich Episcopus sein. Episcopus aber heyst ein vffseher  
 warnemer/wechter. anders würstu mir den namē nit vff-  
 legen/du kümest dan die grāmatica nit. Darumb ist von  
 nöten/das einer dem ein frumier hauffd Christen mensche  
 Beuolhen ist/Episcopus sei/wol vffsehe/wareme/vnd wa-  
 che. Vnd wee jm vnd einem yeden/der es nit thut/der sich  
 solichs vnderwindet/vnd nit Episcopus ist/als dann ich  
 sorg/das er mir warlich zū vil zūgeschriben hab/wann ich  
 leyd ein klein vffsehē hab vff mein herdt/so mir Beuolhen/  
 deßhalb ich vvilleicht vnbillich Episcopus geneuet würd.  
 Wolan/er hats acht ih darūb gethō/dz ichs sein solte/vñ  
 ¶ Es ist aber dānocht leidlich (mich hynfür des Beflyße  
 dz er mir Episcopus vñ nit Bischoff gschubē hat. wan wo  
 das selbig/möcht man billich ein ynred haben. wann bey  
 dem wörtlin Bischoff/wie es yetzū ein gestalt hat/werdē  
 mir verstäde groß fürste vñ herrē/die land vñ leüt regierē/  
 oder sunst groß vnd gnedige vñ erwürdige herzen gescholt  
 te werdē/als die weihbischoff. vñ ob es schon also geschehē



were/das nit ist/so were es doch mir nür ein gespötte vnd  
schimpff/vnd solt es auch billich dar für gehept habē/wie  
auch Pilatus/do Christus angeklagt ward/er het sich für  
ein künig der Juden vßgeben.was möcht er anders denck  
en(als auch vß 8 geschufft zū vermessen ist) Na du armer  
ellender künig/wie er in dann den Juden zeygte/gespötte  
weiß/sprechende/Ecce rex vester/Sehet hye eüweren kün  
ig. Also möchtē auch billich vnserē ankläger gedacht ha  
ben/Na du bist ein feiner Bischoff/hastu doch weder land  
noch leüt/oder kēnen titel von ein land /darein du nie kün  
mē bist/od auch niemer hyn künest/als die weih bischöff.  
Wo ich mich aber hette des lands vñ leüt vnderzogen/als  
ich mich der arbeit/so die Bischöff soltē üben/hab müssen  
vnderziehē(wañ ich hab ye prediget/absoluiert/messz ge  
halten/die sacramēt ministrirt.das dan (wie ob stat (die  
eygentlichen ämpter der Bischöff vnd priester sind)so we  
re dan billich daryn züredē gesin. So aber das nit/hette es  
der vnriw wol nit bedürfft/vnnd mich (ob ich mich schon  
hette ein Bischoff vß geschriben) lassen ein Bischoff sein/  
wie man sye an sanct Nicolaus tag vnd vmb die fastnacht  
**D**arumb ob schon mir also zū geschribē/ist (macht.  
freylich 8 meynig/wie ob stat geschēhē/das ich ein treüw  
lichs vffsehens hette.welchs so ich thette/wer ich warlich  
Episcopus. Vñ ob ich oder ein anderer/mich also nenēte/  
geschähe es darumb vß keiner verachtung/wañ ich nant  
te mich wie ich were. Wañ gedürft ich mich nennen einen  
vffseher/warüb nit auch Episcopus/dan sye beyde gleich  
heÿssen oder deütē.der do lernet/mag sich wol ein lerer nen  
nen.wañ er sich aber auch Doctor nennet/het er darumb  
vnrecht thon: seittemal das die geheüblēten vff der hohen  
schül Doctores heÿssen. Hieß darüb das wörtlin Doctor/  
nit ein lerer/darumb das ein vngeheüblēter auch lerete?  
So hör ich wol/durch der geheüblēten Doctores willen/



müſte das wörtlin Doctor von ſeiner Bedeiütmiß fallen:  
 Wiemeynſtu/ob nit ein vngeheüblerer lerer ſich Billicher  
 Beklagte vber den geheübleren Doctor/der nit leret/dz er  
 ſich vnbillich des namens anneme/dieweil er dz ampt ſei-  
 nes Doctorats nit brauchte/als man jr leyder yetz vil fin-  
 det/die allein den bloſſen namen haben/vnd mer ſich rüme  
 jrer eytel ere oder wanheit/das iſt des bloſſen wanē vnd  
 leren namens / ſo ſye oft gar wan vnd lere an kunſt ſeien.

¶ Also möcht auch hye ſein/das ſich mancher ſchlecht ge-  
 ahter armer pfarherr billicher des namens Episcopus/  
 rümete/dan mancher groſſer fürſt/es hab dann Chriſtus  
 vnd ſanct Paulus (in deren rede vñ geſchriſtē/was Epi-  
 scopus ſey erkenne) gelogen. Beſyhe (wiltu gern) Paulū  
 zū Tito vñ Timoth. Wie meynſtu wo vnſere Biſchöſſ ein  
 teyl/diſe geſchriſt läſen vñ jr glaubtē/ob ſye nit billich ver-  
 za gten/vnd penitētz in eſchen vnd in einem ſack (wie d Kū-  
 nig von Ninue) würcken würde/ob inen gott verziige jrē  
 Biſchöſſlichen ſtandt alſo ſchlechtlichē gehalten. Nun wer-  
 den ſye ye nirgents anders här Biſchöſſ ſein/dan eben vñ  
 der geſchriſt darinne ſye mer werdēt finden/das jrem ſtadt  
 zū wider iſt/ja gantz vnd gar widerwertig. Meynſtu nit  
 ob jren vil pfarherris genoß gewesen ſeien/die Paulus in  
 ſeiner Epistel zū Philippēſeren am erſten capi. Biſchöſſ  
 nenet: Darumb lieben geſellen betrachten den handel baß  
 ee jr eüch mit eüweren eygnen ſchwert ſchneiden/vñ eüwe-  
 re Biſchöſſ ſo jr alſo erhebe wöllen/jrer rechter warer bi-  
 ſchöſſliche wüerden erſt berauben.

¶ Was wölteſtu dar zū ſagen/wan ſich etliche Apoſtelen  
 vnd Euangelikē nenneten: Wöchten nit auch ſanct Pe-  
 ter/Paulus/Andreas ꝛ. die ſelbigen darumb fürnemē vñ  
 ſprechen/Diſe titel gebürē eüch nit/ſonder vns allein. deßz  
 gleichen Matheus/Lucas ꝛ. des titels halb Euangelikē  
 en/ſich auch alſo Beklagen: Wolan/wan ſye da durch von



Allen  
jren senden/eeren in der seligkeit abgesetzt würdē /klagtē  
sye sich billich. Aber nūn so sich andere auch zū vnseren zeit  
ten/der ampter wie sy sich jr gebrauch habē zū jren zeitē/  
vnderwindē/warumb solten jn nit auch die namen gebür  
ren:müsst man erst andere namen machen:müsst Aposto  
lus nit mer ein gesandter heysen:so müsst auch das krieg  
isch wörtlin Apostello/nit mer senden heysen. dessz gleichē  
Euāgelista müsst nit mer ein verkündiger güter botschafft  
heysen/vnd der gleichē vil. wer wolt yemer neüwe namen  
machen:Auch sagt Paulus mit vßgedruckten wortē/ Er  
hat verordnet etlich das sye sein solten Apostelen/etliche  
Euangelisten/etliche Doctores ic. zū erbauung seines  
geystlichen cōpers/nit allein die jhenigen so zū der selbigen  
zeit gelebt gemeynt/wan sye den cōper Christi nit gar vß  
gebauwen haben/sonder biz an den jüngsten tag alle ge  
treüwen kirchen diener daran bawen/darum sy auch den  
namen haben des ampts des sy üben. Dessz gleichen mag  
auch gsagt werden von dem namen Episcopus. welchen  
namen billich haben die/so dessen rechte eygen ampt (als  
predigen ist) treüvolich üben.

**S**ye sagē/es sey vß verachtüg weiß geschēhē. Wer wil  
es jnen sagen:wan sich einer des namens brauchte der jn  
zūstünde/vnd billich also hieß/müsst er darumb den ande  
ren verachtet habē/der auch solchen namen hette: Wo es  
aber nit war were/vnder der man nit were/für den er sich  
vß gebe/were etwas vnleidlicher/dar zū sye billich lügen/  
die es angadt/da von hye oben gesagt/das sich nit etlich  
dessen vnd anderer namen berümen/deren sy doch vnschul  
dig seien. **V**ñ woland disz sey vff disen artickel geantwor  
hoff genüg vnd freylich zū vil/wan er nit der eere wert ist/  
von wegen das es mer für ein gespött geacht soll werden.  
man müß aber der spotter auch spotten/vnnd dem thoren  
noch seiner thoheit antwortē/wie der weiß man schreibt/

da mit er sehe / das er nicht durch jnen witzig sey / wie er sich  
selbs vberredt / vnd das das schädlichst ist / ander leüt mit  
jm zü narren macht.

**Der sechst Artickel : zündert mich**  
wohär sy jnē vffbracht / die weil ich doch von seelgerechē  
gar nahe ale mein tag nichts geredt / weß darzū / noch dar  
wiß / wan sye nit vil grunds in der gschufft haben / wie vast  
ja gar nahe der ganz geystlich standt / wie er yetzt ist / dar  
uff stadt / vñ vnmissprechliche güter dar zü geben sind / doch  
hab ich jm jar. xxiij. vff aller seelē tag einpredig gethon / dar  
aus ich acht sye disen artickel genömē. Vñ ist die summa  
der selbigē predig / Ich hab die abgestorbenē seelen geceylt  
in drey teyl. Etlich so gar in keinem glauben / etlich so gar  
in volkumēnē glauben / die drittē so mittelmessig des glau  
bēs halb abscheiden. Die ersten habē schon jr vnteyl / Der  
nit glaubt / ist verdäpt. Johan. xiiij. Wan wie wir gott ver  
trauwen vff seine zū sagüg / so geschicht vns / wan gott ist  
getrew / mag sich selbs nit leüctnē. Die anderen aber so in  
volkumēnē glaubē / gewisser sicherer züuersycht alles güte  
zū gott durch Christū abgescheidē / denē geschicht noch jrē  
glaubē / wie d herz sagt. dan alle ding dē glaubigē möglich  
sind. Wo nun solicher glaub / das ist gewisse züuersycht zū  
gott ist / ist es nit möglich dz pein da sey. wan wo volkumē  
ner glaub / da ist auch volkumēne liebe. welche als Johā.  
spricht / alle forcht vnd nachfolgig peen vfstreibt. also dan  
vngesweiflet noch d vile des glaubēs vñ liebe vberschreēck  
liche freüß / die kein aug nie gesehē / kein or nie gchört / in kei  
nes menschē hertz ye gestigē / die do gott bereyter denē so jr  
lieb habē. Vñ habē die jhenigē so i volkumēnē glaubē ab  
scheidē / lieb / darüb sy auch kein forcht vñ peen habē. vñ al  
so sind sy in ruwē vñ selig. für welche vngesweiflet zū bittē  
nit not ist. dz sy aber lieb habē / gschicht freylich vß dē glau



ben. wān wo sye nit glaubtē / vñ sich alles gūts zū gott ver  
sähen / müste eins teyls noch hassz da sein / wān es were ye  
forcht da / von wegen der vnuolkmēnē zūuersycht / die nit  
gar on hassz ston wil. Vñ ob schon solcher hassz nit stracks  
gegen gott / so ist er doch gegen der straff / deren er sich be  
sorgt / welche dann ist ein werck gottes / also mag es zūm  
teyl ein hassz gottes genant werde. Wān welcher nit in al  
len wercken gottes / sye seien ja peinlich oder freidlich / sich  
gantzlich in willen gottes / willgētlich vñ lustlich setzet / der  
hat ye noch etwas mangels vnd vnwillens / dar durch die  
vnuolkomene liebe / vnd nachuolig die rüge der seligkeit /  
verhindert würde / das seind dan die drittē / so in mittelmāß  
sigem / das ist in vnuolkmēnē glauben abscheiden. welche  
dan als ich gesagt hatt / noch mangel des glaubens / so vil  
mer forcht / welich nit on peen ist / habē. welche forcht (also  
müglich) in der seel bleibt / so lang bitz sy durch merüg des  
glaubēs oder versicherüg / vnd nachuolig der lieb / würt  
vßgetrieben / vñ also mittler zeit / die seel in vnüg stat / dessz  
halb ich sagte / die kirch in jren ämpteren / so sye für die seelē  
heltet / jnē rüg wünschet vñ von gott begert / das die forcht  
die sye vnruwiget / vßtreiben werde / vnd nach der senning  
oder verlangung noch gott jrem schöpffer dessen sy ein kla  
rere erkātniſ on zweifel hādē / dan hie vfferdtrich / durch  
gantz volkomene erkātniſ / deſter ee getröstet vnd ersetti  
get werde. Desshalb ich gesagt / meins dūckens gūt sein  
den herren zū bitten / das jnen zū rügen geholffen werd / vñ  
die ersettigūg jrer begirden gefürdert.

**U**nd wiewol in der geschufft nit stat geschriben mit kla  
ren vßgedruckten worten / wie vñnd was man für die ab  
gescheidenen thūn solle / hab ich doch gesagt meiner acht  
ung / nütz vñnd gūt sein / vnser geber zū gott gethon / auch  
vff sye richten vnd stellen / vsach das vns solichs niergent  
in der geschufft verbotten / wiewol auch nit in sonderheit  
nit gebottē

nit gebottē/vs genōmē was das eynig Machabeonū ver-  
 mag/vnd was deren sprūch seind/durch die wir für einan-  
 der zū bitten gelert werdē. welche sprūch mich allein vff die  
 abgestorbenē zū bitten vermanē/wiewol sye zū den lebendē  
 gen gesprochen seind/vnd vff sy auch verstanden. Diweil  
 aber die abgestorbenen nit destminder vnserē mit glyd blei-  
 ben/vnd vns mit vfructter geschufft für sye zū bitten nier-  
 gents verbotten ist/wōllen wir achten das es gott nit vns  
 gefellig sey/darumb wir zum minsten daran nit sünden.  
 Ich hab auch hārzūher gezogen S. Augustinus geschuffte  
 vff dem büch/genant De cura pro mortuis agenda/da er  
 nāmlich dreü mittel zeigt/durch welche wir den seelē helff-  
 en sollen vnd mügen/almūsen/gebett/vund auch dar bey  
 das opffer des altars. vff der selbigē meynūg redt ich auch  
 vff das mal/vnd nāmlich von dem opffer des altars sage  
 ich/das S. Augustin dar bey verstünd die messz/welche  
 were ein gedächtnūß des lebendigen opffers Christi Jhesu  
 ein mal am kreutz vffgeopffert. Sagt auch ich wōlt mich  
 nit darein legen ob die messz ein opffer were oder nit/so vil  
 aber vns diēte/so wolten wirs haltē für ein gedächtnūß  
 des waren lebendigen opffers/daran wir nit kōnten fālē  
 oder yren. wān eben darumb disz sacramēt des altars in  
 gesetzt von Christo/das wir es soltē thū in seiner gedeche-  
 nūß. vñ lernete dan zūmal das volck treūlich/wie sy sich  
 in der messz soltē haltē. Nāmlich also/das so sy durch das  
 sacramēt des altars/des leibs vnd des blūts Christi Jhesu/  
 seines tods vermanet wūrdē/sich in also vestiglich  
 anhengig māchten durch den glaubē. Solicher glaub also  
 vffgeopffert gott dem himelischen vatter/für vns. vnd  
 welche in solichem glaubē abschidē/mōchte nit vnfrucht-  
 bar sein. lernet sy das sy also vffopfferen solten (durch disz  
 Sacramēt vermant) ire gebett im glauben geschēhen/  
 für alles was inen angelegen were/den herren vermanen



ires vnd der abgestorbenen / glauben in sein blüt vnd erlö-  
ung / in welche er sy hat geheysen vertrauwen / seitmal  
er es von vnser vnd der abgestorbne wegen vergossen hat.  
wie er spricht / Das ist der kelch des newen testaments / in  
meinem blüt / das für euch vergossen würt zu verzeyhung  
der sund / als solten sy sprechē / Ach himelischer vatter / das  
ist der leib vnd das blüt Christi deines eingebornē suns / der  
sich ein mal hat für vnser vnd aller menschen sund / dir zu  
einer bezalung vffgeopffert / ein wolgefelligs opffer / vñ du  
es auch also angenömen für aller welt sund / so wir vestig-  
lich vnseren glauben vnd vertrauwen in in setzen / vñ  
vns deiner genaden durch in vns erworben gantzlich ver-  
sehē. Hye stand ich vñ vermane dich durch den selbigē leib  
vñ blüt hie zugegen / in einē sychtbarlichē zeychē / zu solichē  
glaubē vnd vertrauwen deiner gnaden / Bitt dich in rechtē  
warē glaubē / mir vnd meinē vatter / Bader / od vff wen du  
dan dem gebett in sundheit richtest (wie wol sunst gemeyn-  
lich niemāts vßgeschlossen sein soll) also noch deiner zusa-  
gung gnedig vnd barmhertzig sein wöllest / vnd ansehen  
meinē glauben / vnd der abgestorbenen / die auch durch dem  
glaubē in Chustum / seine glyder gewesen vnd noch seind /  
vnd sy irer begürden zu dir ersetzigen / vff das sye zu rügen  
kūnen / welche rüg nit sein mag on dich / von jnen volkum-  
menlich erkant / wie sy dan dich hye vff erdrich durch mā-  
gel des glaubens nit gantzlich vnd volkōmelich erkant ha-  
ben. Darumb wöllest soliche vnuolkūmene erkantniß in-  
enmeren / in welcher vñ nit anders sye rügen vñ lebē mü-  
gen / wie dan Johānes spricht / Das ist das ewig lebē / das  
sy dich / das du allein warer gott bist / vñ den du gesandt  
hast Jesum Christū / erkennen. Das nūm also vnd s gleich-  
engebett sich das volck im ampt der messz gebrauchē soll /  
hab ich treulich vermant / vnd das solichs auch von gott  
nit vnerhört sein mag / wo es in rechtem waren glaubē ge-

schlecht/das wir dan aller meyst durch das sacrament der heyligen messen vermant werde. wann da ist leiplichen Christi/durch den vns soliche gnad zu stadt.

¶ **U**n trit här für du lugner/sag ich hab gesprochen es sey ein yrtumb/messz für die abgestorbne zu haltē/so ich doch so getreulich gelerner vñ vermät/wie wir die messz fruchtbarlich brauchen mügen für alle glyder Christi Jesu. Ist nit zu erbarmē/das soliche treuwe lere mit solcher vndäckerbarkeit sol vff genommen werden: ¶ **U**n wolan gott verzeihe es jnc/es ist ob gottwil nit von allē so fälschlich vffgenō

¶ **D**och so müß ich danocht das auch darbey (men. sagen/vff welichs sy sich vvilleicht etwas lenden/da mit es nit gar on grund sey. ¶ **N**ämlich das ich gesagt hab/ich wüßte nit ob es gott angenehm were/so hauffenweiß messz halten/wan es nit wol züuersychtlich ist/dz soliche messen mit andacht vnd hungeriger seel mügen gehalten werden/vor ab wie es yetzūd ein gestalt hat vmb vns priester/die gleich ein handtwerck dar auß gemacht/allein durchs gelts willen anhin lauffen/gottgeb wie es vmb vns stand/zü besorgen das wir züm dickeren mal mer gott erzürnen dar mit/dan das er vns vñnd den vnseren dest gnediger dar durch werde. Ich hab auch gesagt/das ein einige messz mit andacht gehalten in gegenwertigkeit der glaubigen mit solicher übung des glaubē/sey vngeweyfelt ein wolgefellig ding vor gott/vñ freylich vil besser ein soliche einige/wedder anderē vil/sunst mit masleydigen magē/vnd durchs geitz vnd gelts willen gehalten/wann was wolgefallens gott haben sol ab solichem messzhalten/da mit vnser geitz gesettiget würdt/mag ein andechtig mensch wol betrachten/vñnd sag noch vnuerholen/das soliche messen/der vffsagung Christi/gar vngemeß vñnd vngleich seien/ab welcher vffsetzung/vñnd niergent anderswo här/wir



den Brauch der messz haben vnd nemen sollen. welichen wo wir also gehalten vnd nit geendert hetten/acht ich/het nie mer vbel gethon sein mügen/es hette dan Christus vn sein Apostel vnrecht messz gehalten.

**D**a Bey ich doch nit die loblichē Ceremonien oder geyst geberden in der messz verwürff/also das ich es auch sträfflich noch zur zeit acht/wo sy mitwilligklich veracht würden. ich wolt aber das sy frey weren/vnd die conscienzen nit dar durch so leichtlich gefangen würden/sonder dem geyst vnderwürfflich weren/vn nit der geyst jnen. welichs wol geschehen vnd gehalten werden möcht/wo nit gleich ein handwerck vn narüg darauß wordē were/dar durch wir nit den menschen handthieren/wie Petrus sagt. dan vngezweifelt/das vom anfang der welt nie kein handel od kauffmanschaft gott ye vbeler gefallen hab/den die man yetz braucht mit seinem fleysch vnd blüt/nit vmb. xxx. zehe ner/ja etwan vmb ein noch gültigers. Vnd was sol ich sagen/ich sorg das alles vbel so gott yetz vber die welt verhengt/nit ein kleine vsach sey/das (ich sprach) gern etliche er goltlesterlich) messzhalte. Meystu aber das es ein klein sach sey mit dem rosenfarben blüt Christi ein solichē schädlichen grempelmarck treiben.

**S**prichstu/was sollen sich dan die armen messzpfaffen erneren/die nit arbeiten können/darzu auch zu alt/es nie mer lernē mügen. Item so vil münch in den klösteren/vffs messen als vff jr narung gestyfft. Wir sehen ye wol/wie sy es nit flux lassen weihen/ee sye zeitig der jar halb werden/das sye jr brot mit messzhalte gewinnē mügen/wan sy müssen täglich hynan/sy sein geschickt oder nit/das oportet facere muß da sein/gottgeb wo bleib/In mei cōmemoratiōnē/davon vil erschre: cklichs zu sagen were. Wolan/8 selbigen messzpfaffen vnd messzmünchē halb/wie sy sich ernerten/würd bald rath gefunden/woder eyfer vnd ernst zu 8

ere gottes in die regierer der christheit käme / doch sag ich  
 noch meinē verstandt / das der nechstrath were / das man  
 rigel fürstieß / nit so vil messzpfaffen zū weihen / so würd es  
 sich bald reynigen. Vñ was were daran gelegen ob man  
 schon die armen messzpfaffen mit pfründen vnuersehen /  
 vnd doch täglich messz vmbß Brot halten müssen / yneyle  
 vnder die grossen Curtisanen / das der selben yeder einen /  
 zwen / oder ein halben / noch seinem vermügen ziehē müste  
 biß das sy versehen würden entweder mit pfründē / oder  
 durch das natürlich absterbē. Der münch halb wo es bet  
 tel münch weren / müst auch also mit jnen gehandelt wer  
 den / das jnen die rechen Curtisanē vnd andre reiche aptey  
 en / von irem vberingen mitteylten / das sy des gutzens nit  
 mer bedürfften / bliben in irem klöster lin / so lang sy wöltē /  
 oder lebten vnd dienten gott vngezwungen zūm tägliche  
 messzhalte / nämen auch hynfür deßmünd mer zū in / doch  
 das selbig würt sich selbs wollernē. Aber die reichē münch  
 ernerten sich vß iren gülden / vñnd stelletē auch das gutzen  
 ab / da mit sye auch vngezwungen weren zū den täglichen  
 jämmerlichen messen. welichs manchem verstēdigen billich  
 ein grosse beschwärnuß ist / also das nit ein wunder were /  
 das sye wie die schneegens hauffecht vß den klösteren lieff  
 en / ich geschweig andrer vsachen vil / die einē yeden billich  
 bewegen solten vß den klösteren / als vß einem gegenwür  
 tlgem schlund des tods / lauffen. dar von auch vor gesagt.  
 O greüwel vber alle greüwel der in disen ellendē messen ge  
 braucht würt. Aber sye haben disen greüwel / wie erschreck  
 lich er ist / dānocht ein hübsch hürlin (de opere operante et  
 opere oprato) vffgesetzt / wo sye es doch krompt habē / ja  
 freylich nit vß heyliger gschufft / weyß ich wol / dannē här  
 man allein erkent wie vñ was die messz sein solle / sag gleich  
 ein yeder darzū was es wölle. Es ist bald gesprochen / es sey  
 vom heyligen geyst / zū disen letzten zeiten vnseren geleerten



yngeben/aber solichs zū Berwerē/Braucht vil schnauffens/  
vorab so wir so ein jamerliche brauch vnd vßgang vor au-  
gen sehen.

**Der sybent artickel lautet vom Bann:**  
vnd wundert mich auch was sy gedacht haben den zū setz  
en/so ich doch als vil als nichts vom Bann geredt hab. auch  
mich der Benügig absoluierens halbē/so vil jnen nachtey  
lig hat mügen sein/auch nitt angenōmen. Ich acht aber  
sye haben wōllen fürbauwē/ob syemich vnd andre erschre  
cken möchten/das wir ja hynfür auch nichts dar von red  
ten/wañ sy haben mit ein kleme sorg vff den Bann/den sye  
brauchen/das wo er also erlåg/müßte jr ding auch gar na  
he mit einander ein sturtz nemen. wañ mich wil ye nit dun  
cken/das der Bann wie sye in brauchen/ein grundt in der ges  
chufft hab. Wir wissen ye wol/das der Bann von der grōs  
sten sünden wegen/die man sinst nitt hat können straffen  
vnd vßtreiben/von Christo vffgesetzt/vnd von seinē Apo  
stelen gebraucht worden ist/als wir dan finden Mat. xviii.  
j. Coim. v. von dem der sein stieffmüter vnverschampt het  
te. Tūn braucht man jnen yetzund in dingen die zū zeiten  
nit sünd seind(wiewol jr eygene sagung sagen man soll vñ  
mag kein Bann vfflegen/es sey dan zūm minsten ein todt  
sünd/darīn er sich hab verschuldiget) vnd nūr in den min  
deren vbertrettingen der merenteyl. Man hört selten/das  
mā verbānē die grossen tyrannē/rōuber/wücherer/gots  
lestret/cebrecher/wie Paulus. j. Coim. v. beulcht. vñ  
geschicht es darūb/das sye sorgē/wo jnen solich groß hur  
müßel in jr spinwep kāmē sy zeruffens jnen/vnd füren hyn  
durch. Wōcht auch einer gedēcken/sy lägen selbs in dē spi  
tal siech/vñ hettē zūm dickerē mal teyl vñ gemeyn mit sol  
chen/wie d̄ prophet spricht/Du sahest den dieb/vñ lieffest  
mit jm. Was solich sagen/ich acht wañ die verbanner nit  
mit dē verbannten leyhetē/so gieng es anders zū. Wie wōl

len sy es nūm ab er richtē vñ straffen/dieweil sy entweders  
 selbs in gleichē vbel strāfflich/od die ihenigē die sy verban-  
 nē jnen zū mächtig seind. Wie kōnt ein geystlicher pfründē  
 rauber ein gewaltigē straftrauber. ein geystlicher so sein le-  
 bēlang in hurerēy lebt ein ebrecher & zūzeitē vbers böglin-  
 trit in Bañ thūn. Aber die kleinē/so kein besonderē gewalt  
 habē müssen sich leidē/and enē brauchē sy jr schwert dester  
 dapfferlicher/da mit es nit rostig werd. vñ darzū in denen  
 dingē die hyehār nit gehōrē/als vmb gelt schuld/vñ andie  
 zeitliche weltliche sachē/derenthalb das weltlich schwert &  
 weltlichē oberkeit gegebē ist/vñd die sy auch allein gehōrē.  
 Wan so ye & Bañ ein geystlich schwert sein sol/zūr straff &  
 sündē/nimpt mich wūder wie er zū der gelt vñ andier ding  
 en schuldē gebraucht wūrt. Vñ wiewol es vnrecht ist/das  
 einer dem andren dz sein verhelet vñ wiē alle Brüderliche lie-  
 be/so ist dz doch nit die weiß/dz mā es mit dem Bañ dar zū  
 treibē soll/dieweil Christus der dissz schwert yn gesezt hat/  
 sich gar nit hat zeitlicher güter vsteylīg/wöllē vñd windē  
 Lu. xij. sprechēde. Wēsch wer hat mich gesezt einrichter/  
 od erbtaylor vber eūch? Syhe zū das hat Christus geredt/  
 dem doch vom himlischē vater aller gewalt gebē ist/in hy-  
 mel vñd vfferdē/hat sich & zeitlichē güter nit wöllē vñd er-  
 windē/vñ wir geystlichē genāt die dē gewalt/des wir vns  
 Berūmē allein vō Christo habē/vñd erwinden vns solicher  
 weltlicher ding. Ist vñd villich darumb gschēhē/dz das welt-  
 lich schwert nit mer hat wöllē schneidē/vñ das andas vn-  
 sere geystlichē vast weltlich wordē seien/desshalb man es  
 villich jnen Benolhē hat/ob der bañ schneidē wölte.

**W**as sol man sagē/ich red spōrtlich daruon/es ist aber  
 ein grosser ernst/wan es triff an die eer gottes/vñ sein ge-  
 sätz/dz freylich nit also vffgesezt ist. Es ist & Bañ ein geyst-  
 lich schwert/dz allein vff die sünd zū straffē ghōrt. welche  
 zūzerstōrē (& her vfferdtrich kōmē ist) durch sein wort. wie



Dañ die geschriffte von keinem anderen weyßt. vff welches  
schwert/ wer do nit geben wil/ der sol gemeidet /vnd von d  
gemeynschafft der gehorsamen ab gesündert werdē/ vff dz  
er nit auch andere mit jm vergiffte/ oder sich schāme/ vnd  
also widerkere. Dar von. ij. Thessa. iij. So aber ymāts vn  
gehorsam ist vnserē wort/ dem zeygēt an durch einen brieff  
vndd habt nichts mit jm zū schaffen/ vff das er schamrot  
werd. doch halten jr nit als ein feind/ sonder vermanēt jr  
als ein brüder. Nun weyß mā ye wol / was worts Paulus  
mit den Tessalonicern geredt hatt/ freylich nit von zeit  
lichen güteren yn zūbringen/ anders das er die müßig gen  
ger strafft/ vnd die selbigen nāmlich beuilcht zūmeide/ wo  
sye sich nit besserē wolten/ spricht also. Dañ wir hören das  
etlich vnder euch vnordelich wandlē/ vnd arbeitē nichts/  
sonder treiben fürwitz. solichen aber gebieten wir/ vnd er  
manen sye durch Chrustum vnseren herren/ das sy mit still  
lem wesen arbeitē/ vnd jr eygen brot essen. Vñ daruff/ So  
yemāt aber nit gehorsam ist vnserē wort/ den zeygēt an. ic.  
wie obgesagt. Nye magstu augenscheinlich sehen vff wen  
der geystlich Bañ dienet. Nun halts gegen einander vnd  
lüg/ wie reimet es sich/ Paulus heyst man soll die müßig  
genger verbannen/ die vnder vns wonen/ anderen leüten  
zū beschwerde. So verbannē hār widerumb die rechtē wa  
ren müßigenger die armē grōsten arbeitē/ welche zū vor  
vß gemerglet/ das sye jr weib vnd kind oft nit erziehē müs  
gen/ werden erst darzū dem teüfel vbergeben. Heyst das  
Chrustlich gehandelt: sycht es jm so vngleich. Wiewol ich  
auch nie dar wiß gewesen/ dz mā nūr dapfferlich verbanē  
die zerer/ spieler/ hürer. so tag vnd nacht vol seind/ weib  
vnd kind daheym lassen sitzen/ vnd von frumen leüten stet  
tigs gelt vffnemē/ vnd darnach nichts wōllen darumb ge  
ben/ deren vil seind in landen/ das man die selbigen nūr da  
pferlichen straff/ wāñ sye grhören ye vnder die rott d müß  
sig genger.

sig genger/von denen Paulus sagt. *Sīmasumarū*/gelt schuld yn zūbringen gehört ye nit zūm geystlichen schwert sonder allein laster welcherley die seient zū straffen.

**E**in sagen sy /man verbañ nit vmb gelt schulden/sonder vmb die vngheorsame. Wolan/es were zū dulden/wan es vmb die vngheorsamkeit were /von straff der sünd /die den geystlichen gebürt zū straffen. So aber von vngheorsamkeit derē ding die sye nichts angond/als gelt schuld yn zūbringen/dunckt mich on noth sein/vorab so man sunst in weltlicher oberkeit gericht vnd recht hat/denē vß göttlichem rechtē dasselbig allein zūstadt. Es krypt auch zūm dickeren malsoliche vngheorsamkeit vß vnuermüglichkeit vñ armut. welchs warlich kein vngheorsamkeit ist/dan zū vn möglichhen dingen mag niemāts verbunden werden/muß einer darumb von gott verworffen /vnd jm die geystliche gemeyn vnd sacramēt verbotten sein/darumb das er arm were: Aber got ist gerecht/der darüb soliche nit verwürfft wo sy mit gedult in warem glauben solichs leiden. welichē glauben so sye behalten/vngescheiden seind von got/ob sy schon das sacramēt niemer mer entpfingē/wan es seheydet ye nichts von gott weder allein der vnglaub/welichen vns nieman vfftringen mag/auch den glauben nit nemē darumb auch vor gott nit verbannen/wir habē vns dan zūvordurch die sünd vñ vnglaubē selbs verbañt. deßhalb sich soliche vn schuldigliche verbañte nit vbel gehebe solten/sonder vil mer gedultiglichen leidē/gleich als andere leiden/die jnen gott durch menschen /oder anders/zū fürget. vnd also das kreutz mit jm tragen/vnd nit destminder trachten/das sye solicher eüsserlicher verbannüg (wo es mag on sünd sein) ab künmen. das ich auch darumb sage/wan man verbañt oft einen vmb sachen/die nit sünd/sonder die do recht seien. oder wo er darvon ließ/erst vnrertheette/der selbig sol bannen lassen für gon/vnd es gott be-



welchē / vñ solt er schon vñ dem land verlagte werden / man  
sol ye leiden was vns Begegnē mag zū leidē / ee wir vns lies-  
sen eringen zūm vnrechten / dar von vil zū reden / vñlleicht  
in nachuolgigen articel etliche fäll anzeygen.

**¶** Wolan / damit ichs ende / so nym ich für mich die Besur-  
deren puncten vñ dem articel. Vñnd so er spricht / ich hab  
absoluiert die verbannten so zū mir kummē seind / hab jnen  
auch das hochwürdig sacramēt geben vñfferhalb vñ zūm  
österlichen zeitē / auch vñfferhalb der färllichkeit des tods.  
darzū fränelich gesprochen / das sye keiner anderen absolu-  
tion bedürfften. Sag ich das war ist / das ich absoluiert  
hab vom ban vñ dem rechtē gefellet / als do seind / wo einer  
ein pfaffen geschlagē hette / welcher fall in sonderheit in  
geystlichen rechtē vergriffen / im capitel Si quis suade-  
re. vñnd deren gleichen vil mer / auch im geystlichen rechten  
noch der lenge erzelt werdē. aber vñ was grūd & geschriffte /  
lass ich sye verantworten / wan ich es ye nit glaub das ein  
sünd so groß sey das sy eüßerlich verban / es sey dan durch  
die verkündig / wan du wüßst anders nit vñffbingen. wan  
der eüßerlich ban ist anders nichts weder ein verkündig-  
ung. welchem bey der Apostelen zeiten grosse krafft nach-  
uolgete. Des innerlichen bans halb geschweig ich / wan  
ein yegliche todt sünd verbannt innerlich. Warumb aber  
eine in sonderheit vñnder anderen sol bannen / kan ich nit  
wissen / vñnd vorab so vil lieberlicher fäll vñnd casus / deren  
etliche kum für sünd geacht werden sollen / vñnd doch etlich  
dargegen groß vntrügliche sünd / nit im selbigen titel ver-  
griffen seind. Aber es ist nit ein wund / wan die ding so vns  
geystlichē genāt antreffen / ob sy schō in dē gebortē gottes  
nit vergriffē sint / so sind sy vñlleicht darüb sünd / dz sy vns  
vñden vnseren schadē vñ vntrügig mache / deßhalb sy bil-  
lich für bennige casus sollē gehalten werdē / wan man sol ja  
billich vns geystliche gorsdiener gāz vñ gar nit beleidigē /



da mit wir nit gehindert werde am gotz dienst/vñ vns das  
 kreuz nit zu schwer würd mit Christo zu tragē. Sūmasur  
 marū/Es sprach/einer vff ein zeit zu mir/wir geyslichen  
 weren im ror gefessen/hetten pfeiffin gemacht wie es vns  
 gefallē herr. Wolan/es gang recht wie es mög. Es sind et  
 lich fällt im geyslichen rechte vffgezogen/die sollen für ken  
 nig gehalten werde weiter weder andere sünden/wie vñ vñ  
 was vrsach/lass ich sye verantworte. Ich aber vñ die hey  
 lig geschufft/haltet das allein todsünd/durch die wir d ge  
 nad gottes beraubt werden/vns ynnerlich verbannē vor  
 goit/doch ist der brauch inder kirchen nit von anfang ge  
 wesen/das man von aller sünd wegen sol eufferlich verbän  
 nen vñ vñsündere/sonder allen von d sünd wegē/so erger  
 lich vñ strafflich nach d drittē vermanūg/wie d herr lernet  
 Von disem auch hye oben gesagt. Darūb sol niemāts zür  
 nen/es hat d titel im geyslichē rechte/De senētia excoīca  
 tiōis/wenig grunds in d geschufft. Wolhyn/es würt men  
 zūner antworten kumen.ich sorg dz men weder Bartolus/  
 Baldus/noch Hosienis etc. werden mügen helfen.

¶ Das ich aber mich ab solichē händlē vnderwūden hab  
 zu absoluiere/meyn ich des macht gehebt haben/vorab in  
 denē ich absoluiert hab.wañ ich auch wol weys/dz etlich  
 vnder den vorbehaltenē fällt allein dem Papsst vorbehaltenē  
 sind/nit den bischōffen/darūmb ich auch d selbigē nie kein  
 en absoluiert hab/wie mir auch soliche nie für kumen/vñ  
 geschlossen/da der ablas noch in seine werdt was. Der bi  
 schofflichē sachen aber hab ich mich vnderwūden/vñnd  
 auch d selbē vil absoluiert/wañ ich sein macht vñ gewalt  
 gehebt hab/vñ beuelch m.g. herre bischhoff zu Strassburg/  
 des Penitentiarius ich gwesen vñ noch bin.dieweil ich pfar  
 her in müster vor s. Laurentzē bin/vñ vñ vñ wegē welcher  
 pfar/einyeglicher daselbst pfarher den titel vñ ampt hat  
 dz er sey vicarius i penitētis/dz ist i sachē die do ätreffe die



cōsciētzē/ des auch meine herren Deputaten des Chores  
güt Brieff vnd sigel haben / von vil Bischöffen bestätiget/  
die ich auch gesehen hab / sye es jnen auch nit werdē lassen  
liederlich neme / sye wöllen dan selbs / freylich vß vrsach vñ  
nit vß verschuldigung etwo mit ein bößzlin machen.

**S**ag nun einer / wo ich vnrecht thon / so ich einen absol-  
uirt hette / der vom rechtē im bañ were gewesen / vorab in  
denen sachen / die dem Bischoff zühöig gewesen seind : ja  
vnrecht hett ich gehept / wo ich es nit gethon / vnd dem ar-  
men sündler die gab nit mitreyle hette / die doch mir jm mit  
züteylen beuolhen were. Ich darff mich des berümen / nit  
mir zū lob / sonder dem rechtē zū güt / das ich die armē leüt  
flur vnd bald abgefertiget / sye auch nit gemolckē vnd ge-  
schez / wie etwo geschehen ist. Vnd was sol ich sagen / sye  
habē mich so oft getauret / das mā sye so jämertlich durch  
leichter vnd noch gültiger sachen willen / haryn zū mir tri-  
ben hat / das jr zū verzeren vnd versaumē. Ich weys auch  
wol das sye solichs mein absoluiere vbel verdrossen hatt.  
deshalb ich zūm zweytē mal / noch etlicher warnung durch  
ein güten gesellen geschehen / darumb zū rede gestellt binn  
worden / vßs einmal für den Vicarien 8 zeit. D. Heinrich  
Kolher / do ließ ich es die Deputaten die die sach antraff /  
verantworten. was ich auch dazū redte / wissen die so dan  
zūmal zūgegen waren. Zūm andren mal vor meinē gnedig-  
en herre vom Capitel diser hohen styfft. wā do ward aber  
ein praticte angericht / durch wen weys ich wol zūm teyl.  
was ich aber daruff antwort / ward auch verfasset. Nam-  
lich ein solichen fal / Es kame ein armer sündler / begerte vō  
mir als von einem statthalter des Bischoffs absoluiert zū  
werden / in einem bischöfflichen handel vund fal / ob ich es  
thun solte oder nit. Solt ich nit / was wer dan mein ampt  
vnd beuelch / wie wolt ichs vor gott verantworten / das ich  
ein sündler der von gott gnad begert / vnd ich jm die wider

meinē beuelch vñ gehēyß abschließ: so doch der herz gespro-  
 chen hat / Wen du entbindest vff erdrich / sol auch gebun-  
 den sein im himel. welichs wort so doch zu allen priererē ge-  
 sprochen ist / gehört es vil mer zu dem so bischöfflichen ge-  
 walt hat / dieweil doch der brauch der vorbehaltten sündē  
 vñd fällt noch solte gelten / ich meyn es würd mich niemāts  
 darin straffen. Solte ich nū ein solichen sūnder absolue-  
 ren / so hett ich verwürckt wider dise meine klāger / wie solt  
 ich mich nū (sprach ich) in disen zweyen widerwertigē for-  
 derungē halten: Sagt auch weiter / wie das jr meynung  
 were / das ich ein solichen sūnder vor zu des Bischoffs Vi-  
 carien schicket / oder zu dem Fiscal / das der selbig in zūvor  
 straffte vmb soliche vbertrretung / vñd darnach ich in ab-  
 soluierte. Das were dan eben (sagt ich) als wann ein dieb  
 oder mörder wölte beichten / vñd der beicht vatter sprach /  
 Gang vorhyn zu dem Richter / vñd sag jm wie du ein dieb  
 seiest / vñd küm dan widerum das ich dich absoluiere / vñd  
 aber der richter den selbigen absoluierte mit dem galgen.  
 Wie vermeynen sye (sagt ich) es müssen also die beichtvāt-  
 ter veräter sein der sūnder. Sprach auch / Ich dünck mich  
 zu gut dar zu / das ich erst des Bischoffs veräter sein solt /  
 er were ein reicher fürst / hette wol andre veräter zu versol-  
 den. Sūmasumarū / ich verantworte disen puncten 8 mas-  
 sen / das meine G. herre vom capitel ein grossz wolgefalle  
 vñd vernūgens hatten. Es kam auch niemāts mer d sich  
 weiter regte / wañ ich auch vor dem Capitel dan zūmal soli-  
 chen gesellen nūr dapfferlich den kampff anborte / mir soli-  
 ches jres fürnemens ein antwort zu gebē / es war aber nie-  
 mant dabey / sein ward geschwigen. Ist also bisz yetz und  
 bleiben anston / haben sye es vermeynt mit andren dūngen  
 hyndurch zūtrucken / verhoff aber es sol jnen alles fālen.  
 Wolan / sy seien noch frisch / vñd beweisen mich (auch vñ  
 jren Decretalen) wo ein beichtvatter antweder nit solte



absoluiere/oder inen vorhyn zum Fiscal/oder zum hecket  
schicken. Nun acht ich wol gnüg verantwort/warumb ich  
vondem Bañ vff dem rechten gefelle absoluiert hab.

**S**o nun soliche absoluiert wordē/habē sye (wo sye echt  
prieſter gewesen) widerumb messz gehalten/weliches sy am  
meyſte verdrossen hat/Warumb aber nit: Ist einer wider  
umb vereynigt mit gott in der conscienz/warumb solt er  
nit dürffen messz halten: es were im dan in sunderheit zu ein  
er straff verbotten/als auch in vil fällen im geysfliche re  
chten geschicht. Auch so hab ich durch solich mein absolu  
tion/dem Vicarien vñ Fiscal/vnd wer weiters an soliche  
verbanct/oder sunst sinder anspruch gehebt hatt/nichts  
abgesprochen/sonder vil mer dar zu vermanet yederman  
zu vernügen/der seinethalbet schaden gelitten hat/als bil  
lich. Auch inen treulich darbey gesagt/das sich mein abso  
lution nit weiter stretch dan vff die cōsciencz/wie dan auch  
alle mein absolutiones brieff lauten/derē man noch vil fin  
det/die dise clausel all habē/in foro cōscientie dimittat.

**V**om Bañ aber der von menschen vffgāgen/das ist/so  
man einen vff der Cantzel vffkündet in Bañ/durch schulde  
willē oder sunst/sag ich das ich solicher nie kein absoluiert  
hab/vffgeschlossen/dader ablaß noch in seinem wert war  
vnd vff geheys des Vicarien vnd des obersten Comissari  
en.weliche als sye den ablaß gern gefürdert hetten/stretch  
ten sye in auch vff die bennige Bauren/deren das selbig jar  
vil kamen. deren vilen es nit am sacrament oder ablas als  
vil gelegen was/als sye das jar vber frid hetten mügen ha  
ben/vnd vmertriben vff dem dorff/vor der herrschafft her  
ten mügen bleiben/doch fälere den armen Bauren der an  
schlag/wann man inen kein brieff/das sye zum sacrament  
gangen weren/geben vult/daran im dan am allermeyst  
en gelegen was/damit sye sich mit solichem brieff vordem





haben/wañ ich hette eben das selbig gethon das die heylig  
en Canones vshweisen. Ich erkenne aber kein andre Cano  
nes heylig/weder die heylig geschriffte/wid welche ich hoff  
niemermer befunden werden sol/mit meinen predigen ge  
thon haben. Hab ich aber mit der heyligen gschriffte an die  
Canones gestossen/vnd sy ein kleinwenig verletzt/warüb  
seind sye mit dannen gangen/meynen sye das die geschriffte  
jnen sol weichen:wo habē sye das erlebt: Vnd ob es schon  
ein zeit lang leyder geschehen sein möcht/hoff aber es sey  
vsh mit jnen/vñ jr hoffart werd ein end habē. Sagst auch  
ich sprech der Bañ sey kein nütz. Tün wol an/man hatt wol  
vermerckt/was ich vom Bañ halt/das er vast nütz vñ güt  
sey/wañ man in recht braucht/wid die gröste verherde vñ  
verstockten ungehorsamē sūnder. wider welche so man in  
dapfferlich gebraucht hette/ist kein zweifel er wer noch kräf  
tig als vom anfang zu der Apostelen zeitē. So wir in aber  
vff vnsern geitz gericht/vnd vns hat sollen ein schultheys  
sein/da mit man vnserē schulde ynbringe/vnd vnserē hoch  
müt mügen behalten/vud in güten rüwigen sündliche fri  
den leben/meynstu ob es ein wüder were/das man hett an  
gefangen nichts dar von halten/vund den weltlichen ge  
walt yetz und allenthalben müst an rüffen/on welchen er  
kein krafft mer hatt/freylich zu einer anzeygung/das sye  
jnenden merenteyl vnbillich brauchen. Wan wo sye jnen  
recht brauchten/durffte es sein nit. Es rüfft Petrus vnd  
Paulus kein weltlich oder Keyserlich schwert an/da sye  
verbañten. Es ist dz geystlich schwert des gotsworts für  
sich selbs scharpff genüg/ja vil scharpffer weder kein eisen  
vund stabel yemer sein möchte/es hat ye künig vund key  
ser vberstritē/vnd nit widerumb. Wan durchs gotswort  
seine ye künig vnd keyser Christen worden/vnd haben mitt  
irem schwert Christum nit mögen vertreiben/vnd wider  
ston/wie vil sye es vnderstanden haben anfangs d kirchē/  
wie sye

wie sye noch zu thun durch böß leüt verfürt werden möch-  
ten. Darumb acht ichs mer für ein schmach dem geistlich-  
en schwert/das ist gott vnd seinē wort/das man dem geist-  
lichen schwert/das weltlich zühilffnemē sol. Aber es ist ein  
zeychen/das es kein geistlich schwert mer ist/kein gotz wort  
mer ist/sonder nit mer dann ein angenömener bloß vnd  
schrecken. welches so die leüt zum teyl haben wöllen merck-  
en/vnd nit daruff geben/haben sye das weltlich schwert  
darzu entlehenet/eins am anderen geschliffen/wie man  
zwey messer an einäder werzt/also das sye schier beyde nit  
mer schneidē. Was darffss vil wesens/ich acht/do wir vn-  
sere satzungen haben wöllen ynfüren in die welt/vnd sye  
aber dem gotz wort zuwider gewesen/vnd desshalb sy auch  
die leüt villeicht nit haben wöllen annemē/hat man sy dar-  
zu gezwungen. zum ersten mit dem vermeynten Bañ/dar-  
nach mit dem weltlichē schwert. Gibt auch ein güte anzey-  
güg/wan man ye nit od seltē andre ding mit dē Bañ intrigt  
weder eben jr eygene satzung/gar selten die grossen haupt-  
sünde/wie gesagt. welche wo noch heüt des tags dapffer-  
lich mit dem schwert des gotz worts antastet würdē. vñ so-  
liche von der chüßlichē gemeyn als vast gemeidet/als här-  
fürgezogen/vnd selbs zu den obersten regentē in der geyst-  
lichkeit gesetzt werden/würd an zweifel der bann/on weltli-  
che schwert sein würckung als krefftig wider gewinnē als  
ye. vnd in welichē er nichts wolte schaffen/ließ man in fas-  
ren. Würd er sich aber vngbürllich vnd vnträglich vnder  
der gemeyn zu wonē/halten/würd in der weltlich richter  
wol finden/der dan eben das schwert darumb tregt/zum  
schirm der frumen/vnd zu rach der bösen.

¶ Es ist vmb dē Bañ/wie vmb ein geherttet eisen oder mes-  
ser/das man verderbt in weichē dingen/das es in herten  
dingen/dar zu es auch gemacht ist nit mer soll. Wan hatt  
den Bañ ein läge zeit den merenteyl gebrauchte vñ verderbe



In vnnützlichē weltlichen dingen / als in gelt schulden ꝛc. da  
mit er nūn verderbt vnd verachtet / so man in brauchē solt  
wider die herten grossen vnstrāfflichē sūnder / so wil er nye  
me schneidē / es ist ein schlecht ding wordē im Bañ sein. man  
findt yetzūd dörfen / darinnē verbanctē Baurē vil mer sind  
dāñ vnnerbantē. Wā findt ein flecken / da es ein gemeyn  
ding ist / am Sūndag. x. oder. xij Baurē vber die Cāzel ab  
zū werffen / also das die zeit die man brauchē solt zū gottes  
wort / garnach verzert würt in vnserer vermaledeinūg / als  
ob man nit zeit hett im jar schulden ynznūbingē / weder ebē  
dise stund / die doch kum von der gangzen wochen gerissen  
würt / müß sye dānocht auch der teüfel mit seinē fasnacht  
spiel verwüstē / das also gottes wort niene me platz hat / vñ  
wöllen dānocht güte Chriſten sein / vnd sein wol regierēde /  
geistlich / andächtug prelatē. Sag nūn an gelschafft / wer  
hat den Bañ nullius efficacie / dz ist vntōglich vñ veracht  
lich gemacht / ich / der sich solichs vnchristlichs verbannt  
beklagt hatt / vnd dar wider (wiewol nit als vil als not we  
re) geredt hab / oder jr / die mit eüwrē teüfelischem verban  
nen das ganz geyslich schwert verachtlich gemacht hab  
en / vnd also vol schād vnd laster vnd ergernuß die welt ist  
Sagst weiter / ich hab gesprochen / die menschen (worden.  
sein vngebūden durch den Bañ. Aber was darffs vil sagēs  
vom bindē. ich sorg das dein Band wie du das oft brauchst  
weder eüßerlich noch innerlich binde / Von dem eüßerlich  
en Band sehē wir wol / man verachtet es / vñ stoßen sich we  
nig daran / man findt wenig die daruff gebē. Von dem in  
nerlichem Band obdu es nit wissest / so wil ich dir sagen /  
Du bindest in nit / er müß zū vor gebūden sein / durch seine  
sünd vnd vnglaubē. welcher so er befunden würt / vñ den  
grossen schandlichen vnd vnstrāfflichen sünden / sol er bil  
lich auch eüßerlich gebunden werden / das ist verbannt /  
abgesündert von der gemeyn / das er geschēndt werd / wie

Paulus leret/vnd gott wil auch solich bandt krefftig vnd  
 für ein band halten/wie er Matthei vnd Johan. spricht/  
 Welchen jr Binden/der ist auch im himel gebunden. Wo er  
 aber züuor nit gebunden were/sonder durch vnschuld (wie  
 offte geschicht) verbannt würt/so bindt er in ja nichts gegē  
 gott im himel/ob er schon vor der welt verleitet vnd ver  
 schossen were/also das er müst im wald bey den wildē thie  
 ren wonen. Vnd es sol sich auch das arm völklin des bil  
 lich freiwen vnd trösten/seind sye schon von der welt ver  
 worffen durch jr vnschuld. so trachten sye mir das sye im  
 glaubēsteiff gott dem herren anhangē/wan von dem seind  
 sye noch vnuerworffen/sonder erst vffgenömen. vnd würt  
 von inen warhafftig der spruch des prophetē/ Impulsus  
 euersus sum vt caderem. Ich bin gestossen vnd umbkert  
 wordē/das ich solt vallen/aber der herr hat mich entpfan  
 gen. Itē an ein andren ort/Sye haben mich vermaledey  
 et/aber du hast mich gebenedeyet. Vnd was soll ich sage  
 en/soliche verbanung ist inen medicinalis/wie selbs jr  
 recht spricht/das ist ein nutzliche artzney zü der demütig  
 keit/wann also helfen sye das kreutz Christo tragen. Lüg  
 en aber die selbigen verwaledeyer vnd verbanner zü/das  
 nit d spruch Dauids auch an inen war werde/Er hat lieb  
 gehabt die vermaledeyung/vnd sy würt im künen. O wie  
 ein erschrocklicher standt ist es vmb die verbaner/es seien  
 ire officiales/od deren namen es geschicht/wer weger sye  
 hetre jr leben lang d seiw dar für gehütet/es sey dan die ge  
 schrifft erlogē. Es gilt nit jr liebe herre/so bald mā vns die  
 naß einwenig erseurt/flur/tu bestia sis excoicatus/di vyz  
 he/biß im ban. Vñ här widerüb/wan er die absolution bez  
 zalt vmb. v. schilling. sis absolutus/sey widerumb absolui  
 ert. O jr gesellen (ich meyn eüch jr Officiales/Dicarij vñ  
 was des gesinds ist) wo hyn wölt jr mit eüwerē seelen: das  
 jr des senffmütgen Christo so ertztyranisch mißbrauchē



Sūmasumarū/ ewer ding ist gantz vnd gar vnchüsslich/  
darumb laß dich nit wunderen ob ich schon gesprochē hett  
das diegeystlichē solichen Bañ nit solten brauchen oder trei-  
ben/ wie dunckt dich: wer hat sye es geheyssen /den Bañ an-  
ders brauchen weder wie er in vffgesetzt ist vnd beuolhen/  
dar von oben gesagt.

¶ Nun vnteyl weiter ein yeglicher frummer Christ/ ob ich  
mit solicher lere das volck zu vngehorsamkeit tribē hette/  
vnd in ein verachtung der heyligen miter der kirchen/ vñ  
der schlüssel: Ich merck wol wañ einer die warheit lerete/  
vnd von ein ding sagte/ wie es were/ vnd sein solte/ müste  
er gleich zur vngehorsamkeit bewegt haben: warumb ver-  
schaffen sye nit das die warheit dapffer geprediget würdt:  
das volck treulich vermant mit dem aller besten predican-  
ten so man in haben möcht/ vnd sye drob hielten/ zūm min-  
sten/ so sye ye doch selbs nit predigen wöllent: hab ich kein  
zweifel/ man würd das volck sūren wohyn man nūr wölt.  
vnd wüde sich vffs aller gehorsamest erzeygen/ wie mans  
yemer Begeren möcht/ so es doch yetzund in den schweren  
vntrāglichen gebotten vñ vffsatzungen sich hatt so ge-  
schleyfflich vnd willig erzeygt. Wie hett es erst gethon/ wo  
es die recht stym des hyrten gehört: wie dan yetzund sye an-  
fahet ein wenig Baß lauten (Widersprechs ja wer do wöll/  
so ist im dānocht also) dessgleichē die treuwen vermanūg  
en vnd warnemūg. Es wil das volck vil vil ee freündlich  
gezogen vnd geführt sein/ weder gewaltiglich gezwungē.  
Vnd ob mans schon gewaltiglich ein weil zwingt vnd in  
forcht behaltet/ so ist doch der vnwill da/ der alweg wider  
hinder sich vff freiheit gedenckt/ mag einer wol gedencken  
was wolgefallens gott darab habe/ dan er wil/ das vnser  
wil sol sein in seinem gesatz. Psal. j.

¶ Vnd dieses hat stat in geystlichen dingē/ in denē man nit  
anders zwingē sol/ dan mit dem gotz wort. in welichē sach

en'aber ist von norwegen/das man zu zeiten das schwere  
 brauch zu straff der bösen etc. Darumb was sol ich anders  
 sagen dann das ich warlich glaub/wenn wir das gotts-  
 wort brauchen/würd nit allein kein verachtung/sonder  
 ein freundliche willige gehorsame sein in aller weitē welt  
 die sich gar bald in einen schaffstall widerumb ergebē wür-  
 den/vnder einen hyrten Christū Jesum. Nun aber so sy se-  
 hen das man sye nit zu weiden/sonder zu melcken/scheren  
 vnd schinden begert/wie kan es anders zügon/dan wie es  
 eben gadt. wer den kopff mag vß der halffter streyffen/der  
 thut es. wan sy vß solichem tyrannischem weyde die prela-  
 ten nit mee für prelatē halten. deßhalb sye auch vermeyn-  
 en/inen gehorsamkeit nit schuldig zü sein. Sye achtē auch  
 nit das disz die heylige chrißliche kirch sey/bey denen sye so  
 vil schand vnd laster finden/auch das nit die rechtē schlüs-  
 sel züm himelreich. wan sye können wol mercken/das mit  
 solicher weiß das himelreich nit vff geschlossen/sonder vil  
 mer zü/vnd der hellen rachen vff geschlossen werde. welich  
 er als zü besorgen/yerzund offen stand/on maß vund ende/  
 wie der prophet spricht. Ich acht du merckest nun wol/das  
 eben die jheungee so sichs beklagen/das volck mit irer tyrā-  
 ney ungehorsam/vnd die recht heylig kirch vund schlüssel  
 verachlich vnd zü nicht machen. Wolan/das sey gnüg vff  
 disen Artickel.

**Vom achten artickel: das ich gesagt**  
 sol haben vff der Cantzel/der Luther hab nichts vßels ge-  
 schriben/sonder die warheit/ich vnderweiß dich sein lere/  
 man vnderstand mirs zü verbietē/tere dich nichts drā. etc.  
 Mit solichen wortē sol ich aber das volck bewegt haben etc.  
 Was darffs vil sagens/du hast mich vom Luther nit vil  
 hören sagen vff der Cantzel/ob aber in einē verantwurten  
 meiner leer/die man anfang mir zü verkeren/vund sye Lu



therisch schelten/ich etwo des Luthers yngedenck wordē  
were laß dichs nit wunderē. doch hab ich mein lere me mit  
des Luthers gschuffte Bezeugt/aber sein gschufft treulich  
vñ fleißlich gelesen/als auch noch für vñ für. vnd wo sy be  
funden warhafftig/hab ich sy gepredigt/nit darumb das  
es Lutherisch lere ist/sonder das es war ist/vñ gotts lere.  
Vñ sag noch vnuerholen/ich bin durch Luthers schreibē  
in die geschufft geführt worden/vñ ein verstandt d gschufft  
vberkumen/dar für ich nit wölt aller welt gut nemē/vnd  
ob er schon hundert tausentmal ein ketzer were. Ich hab  
nichts ketzerisch geprediget/es sey dan die heylig geschufft  
ketzerisch/derē ich angehāgen bin/vnd noch/gottgeb wer  
mich darzü leyte. Ich hab nit sonder gesezt vff der Cāzel/  
das er weder vbel noch wal geschriben hab. Ich hab auch  
nit gesagt/das ich dich sein lere vnderweiß. Ob ich aber ge  
sagt hette als ich auch noch sag/Es bellē vil wiß in/schelt  
en in vast/sy künne in aber mit heller göttlicher geschufft  
sein leer nit vmbstossen/were es ein wundt: so in doch also  
ist. Wan es mit lügen erdeckt vff in vñ andre frumē predi  
ger vßgericht were/vñ mit schmehwortē/glaub ich er we  
re mit sampt anderē lengst vberwundē/oder vberschriwē  
Vñ wil es aber nyme also zu gon/es wil nün hynfür we  
der lügen noch trawen/auch kein langwyriger Brauch/  
kein menschē lere helfen/es muß allein die gschufft da sein  
vñ die selbig lauter vnd klar/vorab so man etwas vff das  
volck zu glauben vnd zu halten/tringē wil. welche wo nit  
also vffbracht werden mag/so bleib man nür dahinden/  
Es würt nit gefochten/man wöll dan mit gewalt an vns  
das müssen wir geschehen lassen/die weils gott wil also ha  
ben/on des verhegtnuß wir wissen das sye nichts vermür  
gen/eben wol als vber Chustum. welcher so er vber vns  
iren hochmit verhengt/so geschichts zu seiner glory/vnd  
freylich zu vnserem heyl/Amen.

**N**un wolan/meynstu das ich vbel geredt hette/wo ich  
 sprach/8 Luther hat nit vbels/sonder die warheit geschri-  
 ben/so kum vnd zeyg das selbig vbel an mit der geschriff-  
 kanstu es nit/soleids das man es redt/ee du zu spott werd-  
 est/vnd vnderstandest den himel zu stürmen. Weiter/vn-  
 derwys ich schon dz volck sein lere/so vnderwys ich doch  
 niemants als Luthers lere/sonder als gottes lere. welche  
 ob schon Luthers leer gleich ist/ist ein zeichē das sye auch  
 gerecht ist/wie gottes lere. Wie dunckt dich/solt ich mir sy  
 lassen verbieten/wo mans vnderstündet als man dan frā-  
 uelich genig hat vnderstanden/vnd noch thut/vnd doch  
 nit anzeygt/ob vnd wo/sye gottes leer zu wider sey. Dar-  
 umb kurzumb/entweders zeygen mir vnd anderen/das  
 Luthers leer gottes ler zu wider sey/oder wir werden vns  
 ob gott wil nit lassen verbietē/vnd solten sich die feind got-  
 tes zu tod darab wüten/vnd dannocht da mit das volck  
 zu keiner vffrür bewegen/sonder vil mer zu rechter christ-  
 licher gehorsame/als wir dan yetzund augenscheinlich se-  
 hen. Ob man sich aber in ertlichen dingen nit bey der nasen  
 würt lassen führen/wie vor/vnd alle tandtmeren für das  
 Euangelium halten/vnd vff ein yeden wechselbanck in  
 der kirchen vffgericht züher zütragen ic. muß man gedult  
 haben. Es haben sich andere frumme leüt auch ein lange  
 zeit müssen leiden.



**W**olan nun gadt es an die ar-  
 tickel vom karst hansen/in welches spiel sye  
 mich auch haben wölle ziehen/wie dan auch  
 manchē frumen man. Wan welicher yetzund  
 ein zeit lāg vom Euāgelio/vom gots wort/  
 von d geschriff/vom glaubē/vom gsatz/od von was güte  
 seligen nutzlichen dinge/so die ere gottes/vnd der selen heyl  
 antriff/geredt hat/oder einē redenden zugehört/hat ein



Karsthans müssen sein. welche vnd der gleichē schmehwort vil gehört sind / das nit ein wider were / wo sich etwo Karsthans wider soliche vngesempte zungē vnuernünfftiglich en erzeygt hette / aber gott hat es bißhär gewendt / würt auch weiter wenden / also das auch die jhenigen so für vnuernünfftig geachtet / vernünfftiger weder dise gefunden werden. Es ist kundlich wie vff ein zeit / ein armer güter mensch (anders von jm ich nit sag / auch nit anders weyß) hie vnd anderswo vmbgangen / vom Euangelio gesaget vnd prediget / was aber vnd wie / hab ich nit vil von jm gehört. Diser so er verhasset von etlichen worden ist / von wegen seins predigēs vñ sagens vnder den leyen / das er (laut des articckels) vffrürige ding gesaget sol haben / hat sye gut gedunckt / mich jm zū vergleichen / vnd was vngeschickts sye von jm vßgeben / mir auch zū messen / nit das ich mich weder sein noch eins minderen beschäme der mit frumkeit vmbgat / wie dan ich von jm nit anders weyß vnd hab mügen erfahren / vfferhalb irem sagen. sonder das ich darbey vermerckt meiner wider sacher güten willē / alles vff zū waspelen was sye mir vngeschickts von mir vffbringen möchte en. wie jhener allerley besel vffhüb biß es ein arm vol ward deßzgleichē allerley rüßschmutz / biß das es ein korp vol machte. Also hab ich auch des güten armē Karsthansen gesell müssen sein.

**E**r sagt zūm ersten ein lange legend von dem güten armen menschen / schilt in vbel / das ich alles vnuerantwort wil lassen / wan es mich nit angadt. Aht auch er sey so einfaltig nit er wisse es selbs zū verantwortē / wo man in echt zū verhör last kōmen. Das aber mein articulierer spricht ich hab miß desselbigen angenōmen / sein predig gehört / jm ein mal zū gericht / mit sampt anderen seins genossen / vnd das alles darumb das die vffrür / deren sye mich durch die ganzē articckel vß / begyrig scheltē / iren sürgang hett mügen habē

gen haben/vnd der pfaffen blut des ich dürstig sein sol ver  
 gossen möcht werden. Wolan/dises alles redt er vß eignē  
 mit willen/on grundt vnnnd wissen. Darumb sag ich also  
 darzü/das ich mich sein gar nichts sonderlich angenömen  
 hab/weder an einem für gon/wie andre ein wort oder drey  
 mit jm geredt oder zügelost. darauff ich (warheit zü sage)  
 nichts fräuelich hab weder können noch wöllen vireylen.  
 wiewol dānocht bey mir selbs gedacht/Wer weyß vß was  
 vireyl gottes die leyen yetzt anfahen zü predigē /dieweil die  
 gelersten vnd obersten prelaten es lang zeit hār verachtet  
 haben/wie dann kundlich ist/also das nichts verachters  
 bey den grōsten prelatē der kirchen vff den heütigen tag ist.  
 Das ich in aber geherbergt hab/da redt er was er wil.vff  
 ein mal hab ich in geladē in mein hauß/ist aber nie kumen.  
 Vnd ob er kumen were vnd mit mir gessen vnd trumctē her  
 te/was were das vbel gethon:müßte ich darüb/ob er schō  
 vnfrum od böser anschleg were/auch mit jm vnfrum sein  
 vnd jm zü seinen anschlegen helffen. Vnd warüb gedencft  
 er nit/ich hette es villeicht darumb gethan/das ich wolt  
 erfahren was hinder jm steckte /als dan in auch gr oß herrē  
 geladen /freylich solcher meynüg. Aber wie kōntē mein wi  
 derpart solichs in gutem beschehen bedencken/so sye böß  
 seind/wie der herr spricht Matth. xij. Vß vberflusz des her  
 zen redt der mündt. Vnd ein güter mensch bringt für von  
 seinem güten scharz güte ding/vnd ein böser mēsch bringe  
 von seinem bösen scharz böse ding. Sagt auch darbey/das  
 die menschen von einem yeden vnnützen wort/das sy also  
 geredt habē/müssen rechnüg geben am jüngsten gericht.  
 Wolan/do wöllen wir villeicht sehen wer war hat /ist we  
 nig daran gelegen/ob schon ich sampt anderē /dieweil für  
 lügner geacht werden. doch wöl vns gott verhüten /das  
 wir nit lügner erfunden in offentlichen thaten/als sy/ wie  
 fast sy gleichnē /werden doch gott nit betriegē.

R



**D**arumb summa summarū/wie es eytel erdicht ding ist/  
was sye Karsthansen halb von mir sagē/also auch das/dz  
ich mich vbel gehebt sol haben von wegen seins vertreibē  
Vnd nāmlich ist erdicht/ich sagte gern erlogē/das ich soll  
gesprochē haben/man vertreibt hye vnd zū Basel die frū-  
men/die das Euāgelium predigē/soll also Karsthansen ge-  
meynt haben. Wolhyn/sye reden was in ins maul kompt/  
wer wils jnen weren. Das bekenne ich aber/das ich nit ein  
mal/sonder oft vnd dick das volck zūm Euāgelio ver-  
mant hab/das es auch standthafftig dar bey bleib/vnd es  
im nit laß abtringen/sonder offentlich vnd allenthalbē  
dar von reden/vnd auch darumb leiden vnd sterbē/wo es  
nit anders sein möcht. Wie dunckt dich aber/ich solts wol  
nit gethon haben? Wie meynstu aber/ob ich ein güter pre-  
diger gesin were/wān ich gesagt hette/halten dapffer ob-  
den alten geltsüchtigen Breuchē vnd gewonheitē: Sagte  
allenthalb/wie güte es were/das man vil stempney/apo-  
stüzlerē vffrichte/den pfaffen/münchen/nunnen/vil zū  
trüge/wie sye so andechtighen Betten/wie das seg feur  
so heysß sey/das man es sunst nit anders/dān mit vil opfer-  
ren vnd seelgerechten/vnd mit des Bapst ablaß leschen  
mög/wie des Bapst vnd der seinē gewalt so groß sey/vnd  
was er vnd die seinē sagen/ja auch wider das Euāgelium/  
sol gleich als das Euāgelium gehalten werden. vnd deren  
ding vil/die vff vnseren nutz/gewynn/pracht vnd fürne-  
men dienen möchten.

**V**n wie meynstu/ob ich ein güter prediger were/wo ich  
den magistrat/das ist die weltlich oberkeit wider die luche-  
rischē kēzer (als sy es nenē) dapfferlich verhetzte/vnd die  
geschafft daruff vfflegte/gott geb sye reymte sich oder nit:  
wie ein münch zū Ostern duffz jars/der dreyen Marien sal-  
ben vff gelegt hat. Die erst salb sol sein ein harte strēge ver-  
manung wider die Lutherischen kēzer. Die ander salb/ist

schärpffer/das ist/das man sye sol thürnē /stöcken vñ blö-  
cken ic. Die dritt salb ist noch scherpffer vnd aller scherpff-  
est/das ist/das man sye dem henccker sol an strick gebē/ver-  
brenen vñ ertrēcken ic. Sy he zu wie herlich er die gschufft  
vfllegt/wie dunckt dich? Du wüsst mirs dānocht (sprach  
er) mit verlachen. Wolan/du lieber gesprecklechter bruder/  
ist es spiritus oder litera: das ist/ists der geyst/oder 8 büch-  
staben/dise dein vfllegung? Es kan aber nitt der büchstab  
sein/das ist dz alt gesatz/wan du bist ein prediger des newen  
testaments/als du sagst.in welchem so man genad pre-  
diger/vñ auch kein ander schwert hat weder das gotz wort  
wie bistu dan so vngenedig mitt demen dreyen salben? Ich  
sagte gern du werest ein prediger des letste testamēts/das  
der endhüft würt machen/vnder dem da auch die glaubi-  
gen sollē durechtet werden/deren gleichē nit vom anfang.  
Matth. xxiii. O Ihesu/haben dich erst die güten drey ma-  
rien nach deinem tod /so mitt bitteren salben wöllen ver-  
graben/denē du doch in deinem leben so freündtlich gewe-  
sen bist: hettest wol mügen sagen/Was hab ich dir gethon  
mein volck? wie bistu mir erst so bitter wordē: Wolan lieber  
gesprecklechter bruder /salb anhyn/dieweil es dir nachge-  
lassen würdt. Es haben (ich acht) deins genossen soliches  
mer getriben/manchen ketzer (als jr sagt) also gesalbet/  
es stadt jnen wol an/wan sye seind vvilleicht der ketzer mei-  
ster gesin. Aber das wundert mich das man danoch leüt  
findt/die solich predigen dulden/ob sye es schon nit loben/  
hoff aber gott werd sye bald anders erleüchtē/das ich jnē  
von hertzen wünsch.

¶ Nun sag an du articulierer /gefallend dir soliche predig-  
er: dunckt es dich Euāgelisch sein zu solichem blütnergies-  
sen rathē vnd vermanē: aber es gadt wol hyn/es ist nit wi-  
der die aller chüstlichste geystlichkeit/wie sy der articulierer  
nennt/sond wider die aller vnchüstlichste lutherische ketzer/



deren blüt zū vergiessen/ist gott ein lob (als sye sagen) sye  
vermeynen auch gott ein dienst daran zū thun/wie geschri  
ben stadt Johā. xvj. Ein yeglicher der eüch tödtet/würt  
vermeyne er hab gott ein gefallen gethon. Es volgt aber/  
sye haben nit erkant den vatter noch mich. mich dunckt sy  
kennen in auch freylich nit/sye vnderstünden sich sinst nit  
im seinen sün mitt sampt seinen glyderen so grausamlich  
zū salben.

**W**olan/ich habs volck dapfferlich vermant/das sy bey  
dem Euangelio bleiben/sye es inen nit vß den hendē lassen  
nemen/leib vnd leben dar an setzen. aber nit gesagt (wie et  
lich) das sye andren jr leib vnd leben darumb nemen sollē.  
Heyst das zū vffrür bewegē/vnd zū vergiessung des blüts  
der aller chrislichsten geystlichkeit: so es doch der herr leret  
Luce. xiiij. Welicher zū mir kumpt/vñ nit vbergibt vatter  
vnd mütter/Brüder vnd Schwester/dar zū auch sein leben/  
mag nit mein junger sein. Vnd Johan. xij. Welicher sein le  
ben lieb hat/der würt es verlieren. aber welicher sein leben  
hasset vff disem erdrich/der wurt es erhaltē in das ewig  
leben. Wie meynstu nün/hab ich vnrecht geredt/das sye jr  
leib vnd güt setzen für das Euāgelii/ee sterben ee sye inen  
es lassen verbieten: ja öffentlich vnd allenthalben dar von  
zū reden. Ist es dan als ein böß dig dumb: wem thüt es et  
was schaden? Es nimpt niemants nit/es laufft niemants  
durch haüß/es gibt yedermā. wem zoll/zol. wem tribut/tri  
but. wem eer zū gehōrt/dem gibt es eer. wem forcht zū gehō  
ret dem gibt es forcht/es gehorsamet yeder man wo es nitt  
wider gott gebotten ist/es demütiget sich gegen yedermā.  
Sūma sumarū/es leidet/es duldet alle ding/es verarget  
nichts/wie der Apostel sagt. Es macht kein bundtschüch/  
wie die dorechte leüt fürchten. Wer hatt die bundtschü vor  
etlichen jaren vff bewegt/do des Euāgeliiß nit gedacht  
ward. vnd yetzund so es vffgadt vnd hār für dringt für die

ellenden stupflen der menschē gesatz/so hört man niergēts vom Bundtschüch/vñ hoff es sol hynfürter nit gehört werden/anders dan das jnen etlich leüt selbs ein grausen machen/do sye es nit bedürfften. Es begert auch nit zū regieren vfferdtrich/sein reich ist nit von diser welt.

**D**arumb wundert mich an etliche leüten/das sye sich so vbel vor dem Euangelio fürchten. Es schafft aber das sich so vil vnder der gestalt des Euāgeliums ynmischen/wie sich der Sathanas vnder die güten engel vermischer/die falschen propheten vnder die güten.vnd ist nit ein wunder das es yezund geschicht.wan sich des auch Petrus vñ Paulus hefftiglich beklagt haben zū jren zeiten/do Christus noch new was/ich geschweig yezund zū vnserē letstē bösten zeiten. Wan sol aber darumb das Euangelium nit vnderwegen lassen/sonder so vil dester hefftiger predigen/vnd aber darbey warnemen was für falsch propheten sich darüder muschen wöltend. Lüg aber auch das du ein recht vlteyl habest vff die selbigen falschen prophetē/vñ vß was regel du vteylest/nitt ab eins yeglichen menschen tandt/sonder vett vß der heyligen geschriff (die allein richter ist/vnd sein wil vnd müß) wo sye der selbigen widerwertig gehandelt gefunden werden/so straff dapffer noch gelegenheit. Woltestu darumb das Euangelium nit dapfferlich lassen predigen/darumb das sich sein etliche böse leüt verergertē: were/als ob einer nit wölt güten somen säen/darumb das er sorgte es würdē jm wicken vñ vngewechß darunder gesäet/oder darüder wachsen.hab aber acht vff dē der es darunder säen wolt/oder wo es selber wüchße/das du es vßgettest.doch laß es wol vffkömen/das du es auch für einander kennen könnest. Es ist nit ein wunder dz sich krieg vnd vffruir vnder den menschen erhept/yezund zū der zeit des vffgondē Euāgeliums/es seind doch vorhyn krieg gewesen. Wie vil hunderttausent man seind vmbtumen in



Europa nür in .xxx. jarē / do kein Euāgelisch gschrey was  
wie yezund ist / auch nit durch des Euāgeliums willē / son-  
der durch des schandtlīche geitz willen / neid vnd hassz vñ  
vngeszempfte Begyrlicheit zeitlichen zū regieren.

¶ Wie meynstu / das es dar zū kame so du das Euāgelium  
also verargwoonest / das es dir erst zū vnfridē geratē wurd  
so du es vßschlügest: Die juden vermeyntē Chustus wurd  
sye vmb jr reich vnd wesen bringen / darüb sye in tödre der  
jnendoch nür frid / genad vñnd seligkeit zū bringen kumen  
was. Es geschach aber da sye vermeyntē sye hettēs vber  
kumen / do ward erst Chustus gerochen / das Hierusalem  
gar geschleyfft ward / vñnd jr reich zerstöret bis vff den heil-  
tigen tag. Also würt auch hye gewisslich geschehen / wo  
wir vbersehen. Das Euāgelium nimpt niemants sein  
reich / sonder es bringe mit jm ein eygen reich / welichs es ye  
derman anbeüet / den kñderen diser welt als wol als den  
anderē. So sye aber vff das zeitlich reich verhaftet seind /  
vñnd jnen das Euāgelium von einem anderen reich sa-  
gt / vñnd das reich diser welt / vñnd alle ding daruff dise welt  
hofft / verwürfft vñnd strafft / die leit tugentlich dar von  
weist / so meynen sye man wöls jnen nemen / thünd wie ein  
yeglicher der etwas vnrechts besitzt oder vff jm hat / hört  
nit gern dar von sagen / vñnd in des selbigen straffen / sonder  
vil mer vermag ers / so verstopffet er yederman das maul  
das er schweig. vñnd wo er nit schweigen wölte / sieng er ee  
ein hader mit jm an / vñnd geschweigte jm mit gewalt / wo er  
es echt vermöchte.

¶ Also geschicht auch hie / das Euāgelium nimpt nimāt dz  
sein / es strafft aber yedermā seins vnrechtē / wān es wölt  
ydermā gern selig machē. so nñnd die weltlichē menschē vn-  
gstrafft sein wölle / auch nit leidē dz man jr ding vor d welt  
für vnrecht hab. wān sy sorgē wo mans für vnrecht hielte  
wurd es etwan dar zū kumen dz man es nit würd leidē. dar

umb hebē sy ein hader an/vñ entbörē sich wiß soliche predi-  
 ger/vñ werffen stül vñ bēck yn/vñ stond zu vertribē/vñ  
 mit d marien salb zu schmierē. so dan er hept sich entbörung  
 in d welt/do facht an sich widereināder setzē der vatter wi-  
 der den sün/vñ hār widerumb. da würt erfüllt d spruch des  
 heren Mathei. x. Ich bin nit kumen das ich den Friden vff  
 das erdtrich sende/sonder das schwert. Wie dunckt dich  
 aber nün? meynstu ob wirs vom erdtrich widerumb ver-  
 treibē wöllen/darumb das es solichen vnfriden bringt. Es  
 würt nit helffen/ye mer du wüßst weren/ye mer es hār für-  
 tringen würt/sein zeit ist hye. wie im glenzē das die baum-  
 blüen/hilfft kein verbieten mer/wir werden (ob gott will)  
 ee darumb sterbē in Friden mit gott den vns das Euange-  
 lium bringt/vñ du aber mit grossen vnfriden deins hertz-  
 ens vñ conscienz wüßst nichts schaffen/vñ sych dich ebē  
 für/wen du wüßst wenen du habest mich vñ ein anderen  
 durch den todt vertribē vñ geschweygt/dz dan dein vrt Eyl  
 erst grausamlich dahār fall/des du vngezweiflet sein solt/  
**I**ch riete treulich allē fürsten vñ (für künstu es nit.  
 herze geystlich vñ weltlich/das sye das Euāgelium dapffer-  
 lich liessen für gon/neme es an wer da wölt/es zwingt nie-  
 māt anders weder mit wortē/es hat sunst kein schwert/  
 wed das gotz wort. geschichts nit/so gedenck mein darbey/  
 du wüßts müssen on dein dāck vñ mit zerstörung deins gānzē  
 reichs lassē für gon. Du wilt yet nit kleinē abgāg leidē des  
 so du vnbillich besitzest. nün gedēck dz du es nit gar verlier-  
 est/es hißft warlich kein rath wiß gott. gedēck dz gott zu di-  
 sen letzten zeitē sein volck d mal eins vß d grimme gefāck-  
 niß egypti erlösen wil/seine prophetē sind schō kumen/vñ  
 das du nit an inen zweifelest/so habē sye das gotz wort/dz  
 zeychen des lemlins/wöllen den Character (das ist das zey-  
 chen der bestien) gar nichts achten. Darüb lassz für gon/  
 wider setz dich nit so hefftig/du hast nün mer wol gesehen



das es nit vß einē mensche ist/ sond vß gott/ dem du nit wils  
der/ so würst. schick dich darcin/ so würt es alles glückliche  
zügon/ laß das volck faren/ eyl jm nit nach/ du ertrincdest  
sumst im roten mer. Hertz Pharao das volck gefürdert vff  
das geheiß gottes vß dem land/ vñ were jm beholffen dar  
zü gewesen/ so wer er Pharao bliben vnd gottes freunde/  
vnd Egypten vngelagt mitt vilerley leyden. Do er das  
volck aber hindert mit höchstem fleiß vnd mit allen krefft  
ten vnd macht/ versancken sye all nit eināder im möre/ vñ  
ward das volck dannocht ledig. Denck mein dar bey/ du  
würst die leng nit weren. es mag sich noch wol ein weil ver  
ziehen/ veracht aber nit die langmütigkeit gottes/ wān sy  
dich nit zü d büß berufft/ wo du es hören woltest/ wie Pau  
lus sagt. Pharao verzogs lang mit dem volck/ ee ers wolt  
lassen/ es ward aber nur sein schad darnach dester grösser  
Meynstu das gott von seinem wort/ fürnemen vnd ewigē  
anschlag vallen werd/ darumb das es dir nit gelegen ist.  
Neyn. Vil weger gott sey warhafftig/ vnd du vnd alle mē  
schen lügner. Hymel vñ erden müß zergon/ aber das ewig  
wort gottes zergadt niemermer/ da wiss dich nach zü rich  
ten in gottes wort/ wān mit der weiß würt sich gott nit in  
dich richtē. Nun wolan das sey ein kleiner vßlauff zü einer  
vermanung deren die es annemen vff das Euangelium/  
das man sol dapffer darob halten/ vnd leib vnd leben dar  
an wagen/ wo es ye nit anders sein wil/ vñnd also verant  
wortet dise drey artickel.

**Der zvvölfft artickel helt auch vil pū  
cten in jm/ vñd denē nit einer war ist/ wie wir hören wer  
den. Der erst/ ich sol gesagt haben es sey kein segfeür. Wol  
an solt ich sage es were erlogē/ so sprech manich wer grob  
Wolan lassen es eben als vil sein/ wān ichs nie reredt hab/  
sonder von dem segfeür vff aller seelen tag nāmlich recht  
geredt**

gredt hab/nit weyß ich ob ich sein vff S. Matthens tag  
 yngedēck gewesen bin. Das weyß ich aber wol/das ich nie  
 geredt hab/dz kein segfeur sey/sonder also geredt/ob schō  
 kein ander segfeur were/wider die forcht die in dem abster-  
 benden mensche bleibt von wegen des vnuoltūmenē glaub-  
 ens (von dem oben in sechsten Artickel gesagt) so were es  
 doch pein genūg. Darzū ein gleichnūß geben eins schwerē  
 traums/in dem zūm dickern mal etwo einer ligt in grosser  
 forcht von wegē grausamlicher Biltmüssen so im fürtkōmen  
 fliehen wil/weyßt nit wo hyn. in welichē trōumē er sich er-  
 arbeitet vnd ersychtet/das im etwo der schweyß vber sein  
 leib ablaufft so er erwacht. welicher trōum (sagt ich) selte  
 ein mensch ist der jr nitt gewar worden ist/doch einer meer  
 vnd grausamlicher weder ein ander/noch art der cōplexi-  
 on oder natur eins yegtklichē. Bey solichē forchtsamē trōis-  
 men byeß ich warnemen was beyleuffig für ein angst von  
 wegen der forcht in der seel so der mensch durch den tod ent-  
 schlaffen ist/sein möchte. wann es kanye ein forcht nitt on  
 angst sein. welche forch so grösser sy ist/so grösser auch die  
 angst. welichs dan alles entspringt vß einē vnuoltūmenen  
 glaubē vñ vertrauwē/welicher aber sich gētzlich vñ vnges-  
 zweiflet güts zūuersycht zū gott/das dan ein vester steiffer  
 glaub thut/der mag sich ye nit fürchten in seinem abschey-  
 den. wan wo etwas forcht were/müst von not wegen kein  
 vultūmener glaub sein. So nūn kein vorcht ist/volgt das  
 auch weder angst noch schreck/oder deren gleichen grau-  
 samkeit seien. wan so er durch dē glaubē steyffstadt/vff dē  
 felsen Christo Jesu/mag wider in die port d hellen nichts/  
 weder wasser noch wind mügen den bauw vmbstossen. do  
 würt erfüllet der spruch des propheten/Ob ich schon wan  
 delete in mittē der scharre des tods/so würd ich kein vbels  
 fürchtē wan du bey mir bist/vñ deren gleichē mer. Da här  
 ist vngesweiselet/das die abgestorbenen in rechtem glaubē



glauben in grosser lieplicher sanffter rüw / seind gleicher  
weiß wie mancher ein holdtseligen leiplichen traum hatt/  
in dem jm so wol ist / so senfftiglich er getzt würt / so in gros  
sen freude ist / das es nit vñ züsprechē ist. Difes sag ich nür  
zū einer gleichniß / nit das es darüb ein solicher traum we  
re / sonder bey solichen grausamen vñ sanfften tröumen  
beylcüffig zū mercken were / wie es sein möcht in d gar ab  
gscheidne seelē / wān sy ye noch jr würcküg behalt / vñ frey  
lich vollmener weder dieweil sye noch mit dem yrdischen  
fleych behengt ist / antweder s zū forcht vñ trauren / oder  
zū hoffnüg vñ frid / wān disz seind die rechten bewegüngen  
der selen / von denen dingē nün vil zū sagen were.

**N**ün weiter so hab ich auch mit vñ getruckten worten  
gesagt / nit spuch ich das kein andre pein sey / sonder wān  
kein andre wer / so wer doch soliche forcht / schreck vñ schau  
der ein grosse pein / von welcher forcht die gschrifft (vñ de  
ren ich ertlich allegierte) vil sagt / vñ sunst von wenig an  
deren penē mit vñ getruckten wortē. Ich hab auch gesagt  
das die altē doctores als vil als nichts vom segfeur schrei  
ben / oder doch als dunckel / das man nit eygēlich kan wis  
sen wie sye es gemeynt haben. Darbey aber gesagt / das sy  
zū bittē für die abgestorbē nit verwerffen / als nāmlich Au  
gustinus in büch De cura pro mortuis gerenda. Welches  
ein anzeigüng gibt / das sye der meynung gewesen / das ecli  
che abgescheidnen / standen noch nit in vollmener rüg /  
auch noch nit jrer begyrdē zū gott gētzlich ersettiget seien.  
desshalb sye güt bedunckt hat / gott zū bittē / das jnen zū  
rügen geholffe müg werden / dieweil auch solich fürbittē  
in der geschrifft auch nündert verbotten ist / wie ob gesagt.  
Das hab ich aber darbey gesagt / das vnserē doctores die  
erst inmerhalb dreyhundert jaren geschriben haben / vñnd  
nāmlich die letsten also eygentlich dar von geschriben vñ  
geprediget haben / als hetten sy es gesehen / do es jnen doch



Cum getröumt hatt. vñnd das alles on allen grundt der ge-  
 schufft/weder das sich ye einer vff den anderē eben als vñ-  
 wissend/gelassen vñd gegründet hat. Das vñd der gleiche  
 Bekē ich geredt haben. Wie meynstu aber/ob es vnrecht  
 sey: wer hat vns geheysen on grundt der geschufft/so frā-  
 uelich inhār plumpen: Meynstu nit was gott hett wöllen  
 von vns gewisst sein/hett es on zweifel doch mit etwas an-  
 gezeygt: Vñm aber wir gar nichts künmen vffbringen/vñ  
 ob scho etwas vffbracht würt/müß mir mit gewalt darzü  
 zwungen werden. Was soll ich sagen das sye haben die pe-  
 nen vß gemessen bey einem quintlin: vñnd einer yegklichen  
 sind ire penen zū geteylt/vñd also die vrt Eyl gottes (deren  
 sich die alten vätter nit vnderwunden haben) so frāuelich  
 zū wissen vermessen/das einer sich billich verwunderē hett  
 mügen/ob gott erst zū disen letzten zeiten die ding (so lang  
 heymlich im vorbehalten) hab wöllen offenbaren. Vñm ist  
 die welt vil tausent jar gestandē/vñ von dē segfeur nichts  
 gewüßt/weder was inen erst zū disen letzten zeitē zū wissen  
 worden ist/warumb das selbig geschēhē/kan ich nit geden-  
 cken/anders dan das er hab angesehen ir notdurfft/das sy  
 narüg darauß möchten vberkōmen/als es dan reyllich zū-  
 tragen hat/wan sye der narung auch mer bedürfft habē/  
 vorab so sye nit mer als kargklich künden hauffhalten/vñ  
 ir darzü vil worden sind/als nāmlich die fyer Bettel orden  
 vñnd andere stiftungen/die nit eben vff die rechten ynge-  
 setzten ämpter von Christo (als do ist predigen) vff gestift-  
 tet/welche ire narung billich von dem Euangelio haben  
 sollen/des segfeurs nit bedürfft. Vñm aber sye allein vff  
 singen vñd lesen/vñd vff opffer messen yngesetzt sein/dessz  
 halb ye not gewesen das inen ein bsündere begangēschafft  
 zū stōnde/da nit sich ein solicher vnarbeitsamer hauff mö-  
 che in güter rüw ernewen.

**W**ie aber dise offenbarügen geschehen seind/kan ich nit



anderst dencken/wan durch vilerley der geyst (ich sag nit  
das sye es zum dicker mal selbst zugericht habe) Jte durch  
verzuckung vnd tröum der heyligen vätter (als sy sagen)  
in welichē jnen von engelen (ich darff nit sagen von teüfe-  
len) offenbarung geschehen/vnd der penen eygenthschafft  
angezeygt/das sye es also dem volck könten predigen/wie  
sye dan auch treulich gethon haben.vnnd namllich die Bet-  
tel münch/wan jr narüg jnen in sonderheit daruff gestan-  
den ist/vnd sye vnd jres gleichen andre stiftunge freylich  
vß d hitz des fegfeürs entsprügen. Es haben wol die pfarr-  
her auch müssen darvon sagen/so bald in jre zehenden ent-  
zogen wurde/damit sy sich narthen. Es hat auch die Beicht  
nit nichts zü denen dingen gethon/dar von ich nit wil sag-  
en/sond lassen ein yeglichē selbs bedencken/wie es zü gägē  
sey/das dz fegfeür erst zü disen letstē zeitē so heysß wordē ist.

¶ Zü disen dingen hat nit wenig geholffen die eynfaltig-  
keit des volcks/das villedicht sich (wie noch/so die welt et-  
was listiger ist weder vor jaren) hat lassen bey der nasen fü-  
ren. Vnd was sol ich sagen auch von den heyligē vätterē/  
weliche wie sye sündet gewesen seind in jrem leben/also ha-  
ben sye oft geirret.vßgenömen allein in dem/das wir wis-  
se on mittel vß vnd von dem heyligē geyst geredt habe/als  
do seind die gschriffte der Prophetē/Apostelē/vnd Euāge-  
listē ic. welche so du nit wilt eynig für die pure vnuerfelsch-  
te götliche warheit haben/ist nit weiter mit dir zü disputie-  
ren/Bist auch kein Chriß mer/da von auch oben.

¶ Vñ sag noch/das die vätter wie heylig sy gewesen sind/  
haben sye mügen yren/vnd vngeweifelt oft in den vnnd  
anderen dingen geyrit/vorab wo sye nit vß grundt der ge-  
schufft/sonder vß eygnē verstädt/vernünfft oder won ge-  
redt haben/wann so gott ye will/das wir allein an seinem  
wort hangen sollen/verhengt er billich/so bald wir etwas  
weilers vmb vns ligen weder vff sein wort/das wir in yr-



rung billich sollen fallen/wie dan. ij. Tessa. ij. Das sye die  
 liebe der warheit nit haben vffgenömen/das sye selig wür  
 den. Darumb würt inen gott senden kreffrige yrthumb/  
 das sy glauben der lügen/vff das gericht werden alle die  
 der warheit nit glaubt haben. Wann der soll ye billich yr  
 ren/der nit steiff vff dem eynigen weg der warheit wil blei  
 ben/vnd dem getreuen fürer nit allein glaubē/sunst auch  
 etwas von jm selbs erdencken wil. Abraham wolt den brü  
 deren des reichen mañs niemans von todten schicken/son  
 der wyse sy vff Mosen vñ die propheten/die sollen sye hörē.  
 Was sol man sagen:man findt in aller geschriffte nit vil vō  
 erschynung der abgestorbne geysten/sonder was von Sa  
 muel geschribē stad. j. Reg. vlt. dz dan nit Samuel/sond  
 der teufel gewesen sein muß/in Samuels gestalt/wiewol  
 Augustinus der meynung ist an einem ort/es sey Samuel  
 durch die zauberin erweckt gewesen/vnd hab geredt mitt  
 Saule. So spricht er doch dar wider an ein anderen ort/  
 nämlich in questionibus veteris et noui testamēti. q. xxvij.  
 er sey nit warlich erweckt/sonder es sey gewesen ein teufel  
 in der gestalt Samuels. Syhe zu wie widerwertig jm sel  
 ber ist der heylig vatter Augustinus. Darumb lassen wir  
 vns billich nit vff in vnd ein andren in solichē grossen ernst  
 lichē dingē/sonder vff die heylig geschriffte allein/die von d  
 d abgestorbne seelen erscheinūg gar nichts sagt/sonder es  
 mit vßgetruckten Worten verbeütt. Deutero. xvij.

¶ Darüb laß dir auch nit ein wüder sein/ob schon sanct  
 Gregorius in denen erscheinūgen etwas zu glaubhafftig  
 gewesen sey/ist echt das büch Dialogorū sein. Summasum  
 marū/wir haben ye Mosen vnd die prophetē/denen/vnd  
 Christo nachmals vñnd seinen Apostelen wir allein sollen  
 glauben/in der gleichen grossen sachen die den glaubē an  
 treffen/als dan nit ein kleiner punct des glaubens ist vom  
 segfeur/vnd doch so gar vff nichts mit vßgetruckte worte



in der heyligē gschufft gegründet / ich geschweig des pünctlichen vßzireckelens vnd vßmessens der penen / das ettliche lerer gethon habē. Hab niemāts zweyfel het gott gewöllt das wir soltē gewißt haben von disen seinen heymlichē vrtelen / er hette es vns also wold durch die gschufft lassen wissen wie er andre ding zū wissen thon hat daran minder gelegen ist / vnd das auch minder vnder welt geachtet würt. Er hat vns freylich nit gewisen vff alt vettelische märlein vnd tröüm / vordenen vns der Apostel treulich warnet. 7. Timo. iiii. Vnd an ein andren ort / Nit glaubt emey egklichē geyst / sonder probierē die geyst ob sy von gott seien. Wie sollen wir sye aber anders probieren weder durch die heyligen geschufft / welche so vns verbeüet von todten zū forschē / wie kōnten wir jin anders thun: dan für vngewiß ding halten / alles das / so püntlich die jhenē lerer vom fegfeür geschriben. Vnd wan kein geschufft were / solte ein billich argwānig machē das es nit von gott were / was man so fräuelich dar von pludert / der jamer mit vil teüfelischen dingen / der dar auß ist entsprungen.

**D**arumb glaub an die fegfeürer wer do wöll / wir sollē vestigklich an die geschufft glauben. vnd was die selbig nit vßduckt / argwānig halten / vorab wo wir so ein elendē vßgang zūm dickeren mal sehen. Darmit wil ich nit den väteren abgebrochen haben vnd sy verwerffen / sonder vngēfangen von jnen sein gleich zū glauben als das Euangelin was sye etwo als menschen geredt haben / sonder der selbigen warnemē / vnd gleich als vß jrem / vnserem geyst auch helfen / doch vngēfangen eins yegklichē geysts. Wil auch hiemit dem fegfeür nichts abgebrochē haben / es sey wie es wöll. Aber allein halt ich das wir alle nichts dar vō wissen vñ gewißt habē bis vff disen tag / vñ auch dar zū nit sollen dar von zū wissen begerē / dieweil doch gott vns solichs nit beuolhen hat / gottgeb was vnserē geltüchtigen herē ein



zeitlang dar von gefunden habē. Sag auch weiter darzū/  
 das ich das bitten für die abgestorbene auch nitt abschlag  
 (wie oben gesagt) wölte gott dz es mir geschähe wie es sein  
 solte/das wir mit mer vns selbs darin süchtē/weder die ver  
 scheydnen/wie dan zū sorgen ist schier vberal geschicht/so  
 vom thüger/so von dem der es lasset thün. Es wöllē ye die  
 ihenen so etwas jren abgestorbene nach thün/geschē sein/  
 so wöllē dise den nutz dar von haben. Ist es gott gefellig:  
 do die hoffart/dort der geiz: kan ichs nit verston. Summa:  
 summarū/das spiel ist verhönt/das ihener wol gesprochen  
 hat/das nach thün der todten/sey nichts anders wed ein  
 trost der lebēdigē.wie das /mag ein yeder selb versto. Nye  
 mit sey verantworret diser punct.

**E**Der ander punct/Ich sol gesagt haben/alle menschen  
 seien puester.vnd hat sich aber der articulierer brancht des  
 wörtlins Sacerdotes/nit wie obē des wörtlins Presbyter  
 Ach er sey etwas gelertter wordē mit dem articel schreibē.  
 ist aber kein wüder/es bessert sich ye einer in der eloquenz  
 das ist im wolredē/der do vil schreibt/als er freylich thon  
 hat. Nun wolan was soll ich vil darzū sagen/ob ich schon  
 gesagt hett/alle menschē seind sacerdotes/wer nit vß dem  
 weg/wie du auch obē gehört hast. Wo ich aber hett gespro  
 chen/sye seind all puester/presbyter genant/were anders/  
 des ich nit gestād/wie ichs auch nit geredt hab. Nun wick  
 elt er doch eins vnder das ander/dar bey ich merck/das es  
 im vngefärllich also geraten ist/mit dem wörtlin sacerdo  
 tes. Wan er gleich daruff spricht/das ich geredt sol habē/  
 die weiber mügen auch consecrieren/das ist/das brot ver  
 wandlen in den leib Christi. Zu welichē wort ich gern sagte  
 das er in sein hals löge/wiewol es vnuernüfftiglich ge  
 nüg also geredt ist/dünckt mich doch es thū mir not/wan  
 nit zū schimpffen ist mit diser red/ja auch billich das er in  
 meine füßstapffen stünde/wo er solichs nit könd beweisen/



wann die lüge ist etwas schädlich. Wolan er würt sich (als ich hoff) selbst stellen vor gott/sein vnrecht wider seinē brüder gewürckt bekennen/der jm dan wölle genedigtlich verzeihe/wan ich hab s jnen auch schon nachgelassen vnd verzeihen. Vnd des selben züm zeichē/wil ich ein schimpffliches mitt jm widerumb reden. Lieber meynstu ob ich vnrecht geredt hätte/die weiber haben gleichen gewalt als die priester:dunct es dich ein wunder: Ich hab oft gesehē das sy sich merers gewalts vnderwunden haben vñ habens hyn durch getruckt. wann ich hab ye der mal eins ein pfaffen magt absoluiert/die den pfaffen gschlagē hett dz er gryñ. Syhe/heyst dz nit gewalt:wie meynstu/hetts ein andrer priester gethon/er wer in leiden mit den pfaffen kōmen/so dise frau erst recht meister im hauß ward/ich sprach gern des pfaffen gewalt gar vberkam. Wolan/das ist geschimpfet/da mit jr sehen das ich nit mer zornig sey.

**V**ff den dritten puncten/das ich die menschlichen satzungen gereyzt hab (wan er spricht ye/irritauit/das mir gereyzt müß heysen) weys ich nit wo mit ich sye gereyzt hāt/weder das ich vs dem nachgonden wort/cassauit/vermerckt wie ers gemeynt.cassauit heyst aber als vil als vernichtiget. Nun ist nit neyn/es heyst wol gereyzt/wan mā einen wil vernichten.welcher wöllt aber nit gereyzt vñnd zornig werdē/so man in vnd sein ding vernichtiget. Aber ich aht wol/das nit die gesatz gereyzt sind worden/sonder vil mer die sphenen so mit den menschlichē gesatzen regierē/vñnd in den mēschlichen gesatzen sich wider gott/oder vber gott setzen/gereizt vñnd erzürnet werden/wo man jr vn billiches fūrnemen antastet vñnd strafft als dann billich ist. Wan wer hatt sye geheysen gesatz machen die dem gōtlichen gesatz zūwider seind:vñnd das leicht joch Christus beschweren. Nun hab ich kein menschliche gesatz vernichtet/weder allein die/die dem gesatz gottes vñnd dem leichtē joch



Chriſti (des diener ſy ſich rümen) zu wider ſind. Ich weyß  
 wol das die weil das Euangelium (wiewol vilen gepredie  
 get) doch noch nitt in allen menschen lebt / das man gefatz  
 habē müß / das man die bösen straff / das man fridsam vñ  
 dereinmāder bleiben mög / darumb ich wider der ſelbigen  
 gefatz keins / nit allein nit geredt hab / ſonder zu vnderthe  
 nigkeit allezeit treulich vermant. Vñ nitt allein das ſelbe  
 ig / ſonder auch zu den vnbillichen vñd beſchwerlichen  
 beyd von geiſtlichen vñd weltlichen vffgelegten gefatzen /  
 treulich vermant zu halten wo es nitt wider Gott iſt / des  
 halters halb.

**E** Darumb thüt jm mein gegēteyl aber zuvil dar an / das  
 er ſpricht ich hab geredt / es müg ſich einer füglich mit ſein  
 er gefatteren ſich vermähelē. Was ſol ich ſagen: ich hab  
 nit geredt. Aber alſo / ſeitenmal von der gefatterschafft in  
 der geſchafft nichts iſt / darumb ſolt auch kein verbott ge  
 ſchehē bey todtsünden / ſich darin zu vermähelen / wie dan  
 die kirch aller ding nichts hat bey todtsünden zu verbieten /  
 was nitt in götlichē gefatz vorhyn verbotten oder gebottē  
 iſt. So dan verbeüt od gebeüt die kirch nitt / ſond zeygt an  
 dz es zu vor von gott verbottē ſey. Darüb ſolt gēzlich vn  
 verbotten ſein / das ſich die gefatterē vñd ire kinder vnder  
 einander verheyratē / ſonder ſolte frey ſein in allen gradē /  
 vñd vnder allen menschen der eelich ſtadt / wo nit vñ dem  
 götlichē gefatz ein hindernüß darzwiſchē käme. Das ſagt  
 ich aber darbey / die weil nit vñ grund des götlichē gefatz /  
 ſolliche bürden vffgelegt / vñd aber wir jm halten vñd tra  
 gen ſolicher vnbillicher vffgelegte bürden / nit wider gott  
 thügen / gleich wie andere beſchwerden gedultiglich tra  
 gen vñd leiden ſolten. Vermant auch darzu in ſonderheit /  
 das ſye in keinerley weg die geiſtlich oberkeit härinnē ver  
 achtē ſoltē. welche vñlleicht nit on vñſach ſolichs verbottē /  
 ob aber die ſelbig genüßſam vñ ſy recht daran thün / ſtünd



inen zu verantworten. Item vermanet auch weiter / so jren vil noch zur zeit / ergerneß ab sollichem vermählen nemen das wir es wolte meiden vnd gedultigklich vns enthalte / doch vß freyem vngewogenen geyst / alles durch eynigkeit vnd liebe willen / die alle ding duldet. Summa summarū / ich hab treulich gewarnet vñ vermät / dz man sich in denē vnd andren / der geystlichen vnd weltlichen oberkeiten gebottē / wo sy des halters halb nit wider gott / gedultigklich en leidē sol. wañ ich hab alle mal dar bey gesagt / ob sy schön wider gott gebieten / so mügen mirs doch wol mit gott halten / vnd also gedultigklich leiden / wie anders vnbillichs / dan also werden wir erkant kinder Christi / in dem das wir das kreuz gedultigklich mit jm tragē / es sey vns von wem es wölle / Billich oder vnbillich vßgelegt.

¶ Weiter hab ich gesagt / ob es sich aber begäbe / das solche personen zusamen sich vermäheleten / eine der anderē mit willen vnd munde die Le verhiessen / das solche in kein scheidūg / sy würde jo vom Bapst oder Bischoff oder wer sollichs vnderstünde / fürgenomen / verwilligen soltē / wañ da weder Bapst noch niemāts gewalt hette. Vnd ob sye schon ein Ban oder vermaledeyng vß sye legte / das gedultigklich littē / wañ sye warlich vor gott vnuerbant / sonder vil mer durch solichs gedultigs leiden solicher vermaledeyung / selige kinder gottes weren. Vnd ob schon dem Bann weiter nachfolgen würt der weltlich gewalt / solche eeleit zu vertriben / sollen sye vil ee vß dem land gon / ja brot betteln / vnd in summa alles leiden / was zu leiden jnen mag zu ston / ee sye einander verlassen / vnd sich gar nichts weder vordes Bapsts oder Bischoffs gebott fürchten. Wañ wie weder Bapst noch Keyser etwas wiß gots gebott macht hat zu gebieten / also ist auch in solichen fürgenomenē gebottē jnētmās schuldig zugehorsamē / wie oft gesagt / vñ sein die geschufft vol ist / wañ also ist d Bapst nyme Bapst.



der Bischoff nymme Bischoff / wañ sye vermügē nichts wi  
 der Got / wie geschribē stadt / Wan sol gott me gehorsamē  
**¶** Wolan / das ist Beyleüffig die red (dan den menschē.  
 die ich gethon hab von d̄ genatter schafft / vñ nit wie er für  
 gibt / wie wol es jñe an dem noch zū vil ist. Wañ wo sye nit  
 gewalt hettē widerüb zūscheidē / wañ sy wider jr gebott zū  
 samē künen werē / möcht niemāts er werē / das nit täglich  
 soliche vermāhelüg geschēhē würdē. Leidlich were es / wo  
 zwey vß vnwissenheit / als oft geschicht / zūsamē künen / dz  
 soliche vngescheidē bleibē. So du aber meynst / dz so auch  
 vß vngheorsamkeit / verachtüg vñ mit ergernüß geschehe  
 dānocht vnzertrent bleibē solte / würd man nit wol künne  
 weren. Wolan / wie dunckt dich aber / wer hat dichs heissen  
 verbietē: Wie wañ ich sagte / es mag kein vngheorsame an  
 gezeygt werdē / die weil dz verbott vnbillich gewesen: Wer  
 hat dich geheysen dem armē volck so vil strick legē / das sye  
 jñe kün eint gon künde / sye müstē daryn fallē: Wie meynst  
 du / ob du schuldig daran seiest / das er also verachtet od ge  
 erget hat: welcher sünd wo dein vngegründt gebott nit ge  
 wesen / sy nit schuldig weren wordē. Wie wiltu den sachen  
 aber thun: woltest jm derumb nit verzeihen: / sye vmb gele  
 straffen / vnd von einander scheiden: Wie möchstu aber so  
 vnbarhertzig sein / so doch gott in seinē gebottē verzeihet  
 vñ gnedig ist / woltestu dan in deinē eygenē gebottē vñ ver  
 botē so vngenedig wesen / derē du doch kein süg hast / vorab  
**¶** Wie woltestu es aber verantwortē gegē (Bey todtsündē.  
 deinē herren Christo / d̄ dir als ein knecht seine herdt / nit zū  
 vberladē / sonder sensftiglich mit seinē wort zū weiden Bez  
 uolhē hat: Item was woltestu sagē wañ er sprach / warüb  
 vbertrettē jr mein gsatz: von euwerer gsatz wegē / ja nit als  
 lein vbertrettē / sond auch and lein zū vbertrettüg zwingē  
 wie die pharisei Mat. xv. zū denen ich auch sagt. Irn tra /  
 Vergebēs ceren sy mich / in dem das sy menschen lere vnd



gesatz predigē. Was ist die leer von der genatterschafft an-  
ders dan menschē gesatz: Seyg mir ein büch staben in aller  
geschufft dar von / dan allein in deinē Decret. xxx. Causa.  
Ist es nūn vmb sunst / was wiltu dan die armen leüt zwün-  
gen / das sye vil not vnnnd arbeit darumb leiden: Vlleicht  
aber ist es dir nit gar vmb sunst / wan mit solichē gelt sūch-  
tigen gebottē du deinē nutz ge sūcht hast / hab ich dir beuol-  
hen das dudurch deines nutz willen / mir mein gesatz vff-  
lösen soltest / vnd das volck zū bösem zwingen: Weystu nit  
das nit ein titel von meinem gesatz vffgelöset werden solt:  
Wan du ein Türck oder vnglaubiger werest / gedächt ich  
es geschähe vß neid / hassz / vnd feindtschafft: Nun aber so  
du mein knecht sein solt / wann du hast ye die eer deines ge-  
walts allein in meinē nāmen / du rümeſt dich ye ein Vicari-  
en / ein statthalter / einē hyrten meiner schāflin. Es sind ye  
das Bapstūmb vñ Bistūmb nit weltlich / sond geystliche  
oberkeitē / da mit man die geyst / das ist die seelē der mensch-  
en / freündlich vnd tugentlich / mit dem gotz wort speise vñ  
vnd lere. Was zeihestu sye / das du sye mit deinē wort / mit  
deinem gebott zwingest / vnd wie ein vogler in einem strick  
fahest / vnd sye darnach ihemerlich wūr gest / jnen abnimst  
jr gelt / jr nahrung / vnd gibst sye erst dar zū dem reüfel: wan  
du heiffest sye ye wider mein gebott thūn / so du sye von ein-  
ander heiffest scheyden / die doch niemants scheiden mag  
dan der tod. Weystu nit das ich gesprochē hab / Es soll ein  
mensch vatter vnd mütter verlassen / vnd anhangen seinē  
weib. Item / was gott zūsamē fügt / das scheydt 8 mensch  
nit. Nun hat ye gott die zūsamē gefügt / die nit wider got-  
tes gebott zūsamē kummen sindt / wan wer könt vns an-  
ders sagen / was das zūsamē fügen were: Welche dan also  
zūsamē kumen vnd eināder geloben / sollēs auch wie schul-  
dig / einander treülich halten / als geschriben stat / Vouere  
et reddite. Geloben vnd halten. Nun handt die zwey einan



der gelobt / vnd du sprichst sye sollens nit halten.

**I**a sagstu / sye haben wider mein gebott gelobt / darüß sol jr gelubd vntäuglich sein. Was gadt aber das mich an Ich hab ye von der geuatter schafft nier gëts gsagt / noch verbott geben. meynstu nit ich herts künden gebē / die weil ich doch die grad in denē sich zim oder nit / zünermähelē / ey gëttlich gemeldet hat hab in dem büch Leuitici. Darüß du billich soltest gedencken / hette ich die anderen grad wöllten verbieten / oder soliche gebott oder verbott weiter vß strecken / ich herts wöl kündt / die weil ich eben am setzen der selbigē gradē gewesen were. Es ist ein gemeyne regel in deinē geystlichē rechtē / das / wan du in sonderheit etwas in deinē en rescriptis oder Bullen meldest / so müß man eben acht daruff habē / das man nit minder oder mer darzü thū / dan eben wie du es gemeldest hast / vnd das heysen deine Juristen / ex certa scientia beuolhen / haltē auch vil daruff. Wo aber von einem ding gar nichts vberal gemeldet würt / so dan vermüt masset man etwo vß billichkeit / was auch geschickt / ordenlich / füglich vñ recht darbey sein möcht. Ist nün das in deinen rechten / warumb lassestu es nit auch in meinem gesatz gelten / so du syhest / das darinnen eygentlich die zügelassenen vnd verbottenen grad gemeldet werden / vnd du setzest erst andre hynzü. Soltest nit gedencken / ich herts selbs wol künden hynzü setzen / wo es mir gelegē wer gesin. So bin ich auch nit so vnkündig / dz ich nit hert künden wissen / ob es inkünfftigen zeiten not würde sein / hette wol künden sprechen / Haltens also / Bitz vff die zeit / so wil ichs eins lochs zweier oder dreyer enger gürten.

**H**att gott künden anzey gen durch die prophete seine zükünfft / auch des endchrißts zükünfft / er hett auch wol künden anzey gen / das zü denen zeiten auch ein andre ordnüg in den graden sein solt. Weiter / do er selbs vff erdtrich künmen / vnd bey den menschē gewandlet / hatt weder er / noch



seine Apostel weiters in disen dinge verschafft /sonder wie  
es gott durch Mosen geredt /bleiben lassen /wiewol er im  
Euangelio /auch seine Apostelen /8 Le /offt geda cht. Aber  
es ist v illeicht angezeygt vn̄ gemeldet. j. Timo. iij. da Pau  
lus spricht. Der geyst sagt eygentlich /das in den letzten zei  
ten werden etlich von dem glauben abtrettē /vnd anhäng  
en den yruigen geysten /vnd leren der teüfel /durch die so in  
gleißner ey /lugenreder seind /vnd brantmal in jren gewis  
sen haben /verbieten eelich zū werdē. Ja freylich hat ers  
eben daselbst angezeygt v̄nd gemeldet /das wider sein ge  
bott /der Elich Stadt verbotten würd /wie vff disen tag /  
wiewol nit allen menschen /wann das were zū grob /man  
würd es mercken. Darumb geschicht es subtiligklich ver  
schlagen /durch v̄snemūg etlicher personē /als da ist /ver  
wātschafft /mogschafft /geuatter schafft. Ic. Ich gschw yg  
yert so vil öden /secten /darinnen es gar verbotten /als in  
aller pfafferey /müncher ey vnd nunnerey. v̄s welchē den  
merckteyl eytel schand vnd laster entsprungē ist /wie da obē  
dar von genūg gesagt. So vil es aber antrifft den weltl  
chen standt /in den verbotten graden /der geuatter schaff  
ten. ist nichts anders /weder eytel geitz vnd gremlerey.  
wie wir dan sehen /das man mit gelt soliche verbott wider  
nachlaßt /weliches nachlassen den handel argwānig ma  
chet /als ob es allein darumb angesehen sey /das man zū jn  
en widerumb kummen müßz /v̄nd jre liedlin singen /will  
man ledig werden. Vnd das gibt nāmlich argkwon /das  
man eben zū jnen müßz kummen. Es mag kein mīnderer /  
Pfarherr oder Bischoff soliche gebott dispensierē /wo es  
not thert /die doch in den götlichen gebotten gewallt habē  
zū entbinden /sonder der kan es allein dispensierē der es ge  
macht hat. Gleich wie man ein ein rüdēbandt anlegt /der  
müß wider zū dem der es im angelegt hatt. V̄n̄ weyß ich  
wol /das billich ist /das der das gebott oder verbott allein



195

nach laß/der es gemacht hatt/wie der auch allein das vñ  
den bandt vff thün. Sye lügen aber mit was fügen sye so-  
liche gebott gemacht haben/wie diser mit was rechten er  
ein biderman ein rüdenbandt etwo anlegt.

¶ Wolhyn/sy sagē es sey vñ einer chüstlichē güte meynung  
vñ gott zu lob geschehe/darüb es auch not sey wie göttlich  
gebott zu halten /doch so man not vñd vrsach sycht/laßt  
man sye nach. Nun were hye vil zu sagē/ob alles was wir  
güter meynung thügen/eben recht sey/vñ Gott ein gefal-  
len darab hab: Ich acht das kum ein verfürischer spruch  
ye vñ kumen sey wañ eben diser /d ein vrsach ist viler stein-  
peneien/gebotten vñd verbotten/die vñ gütem gedunck-  
en gemacht/vñd vñgericht seind.welichs vnser gütdunck-  
en vns in d geschrifft verbottē ist/so Gott nämlich spricht/  
Du solt nit thün was dich gütdunckt. Lieben gesellen/es  
dünckt sich nit/die weil wir ein göttlich wort vñ gsatz habē.  
Es heyst/Israel/hör mein gsatz wñ dir gott dem her sage  
Was hetten wir seins gsatz bedürfft/wañ es in vnserem  
güt geduncken gestanden were/hette er wol müge sprechē/  
Duncken mir yn hin lieben menschen /als mich ond as dñ-  
cket/das des duncken/so es so gemeyn in d welt wordē/mā-  
cher erdrincken muß. Was aber vñ einem glaubē zu lob vñ  
ere gottes gschicht/kann nit vnrecht sein. Wie kan aber ein  
ding vñ einem glaubē geschehen/dessen ich kein gotz wort  
hab/daruff ich mich darff vertrösten/das es Gott gefall.  
Wo nñ etwas vñ solchem glaubē nit geschicht/welichen  
ich on ein wort gottes nit habē mag/muß es von not wegē  
wie auch Paulus leret/sünd sein. Darüb magstu wol das  
binden bleiben/mit deiner güten meynung/du hettest dan  
ein gotz wort darüber das du vñd alle gelerten neme mer  
werden vñ bingen durch vngezwungene geschrifft.

¶ Summasumarū/es ist ein pur menschē gsatz/darumb  
mag es dem göttlichē gsatz oder gebott niemer gleich sein.



Darumb auch nit not gleich zū halten/welchers auch al  
so vermeynt zū erhalten/vnd in die leüt zū zwingē/den kan  
ich nit anders achtē/dann für den Lucifer/der sich Gott  
auch gleich satzte/vnd für den menschen der sünd/der sich  
vberhebt vber alles was gott ist. Heißt aber das nit sich  
gott gleich oder vber in setzen/wo ich mein gsatz wil gleich  
gehalten sein/ja auch strenger drob halt/ja auch das ichs  
erhalt/zūm dickeren mal das göttlich gesatz weichē müß.  
Das dan geschicht/so oft sye die Le zertrennen/so nit wi  
der das göttlich gesatz/das ist/in graden von gott verbot  
ten/gemacht werden. O du stinckender tödtlicher mensch  
was nimstu dich an/hast nit gesehen/wie es Lucifer gar  
gen ist. Ich acht aber du habest es nit gesehen/wañ man  
sycht es nür im glauben/des ich dich warlich vnschuldig  
sorg. Das du aber sprichst/mā last es noch wo es not thū  
ge. Ja sprichstu/wo man gelt bringt/wañ ich kein andre  
not niergents find/die da schaffen mag/weder eben gelts  
not.das ist/das den jhenigen/die sich ab denen sināzen ne  
ren/das gelt not ist/darumb sy auch nachlassen vnd vfflö  
sen/vnd on das selbig gar nichts/ob schon sunst grössere  
not da geschehē würde. Sūma summarū/diser vermāhes  
leten not/müß derē gelts not wendē/oder da würt nichts  
geschafft. Darumb möcht einen bedücken/man hett dar  
umb dise not so groß gemacht/dz deren gelt not dardurch  
vertriben würd/das ist/dz dise verbott/so nödtlich sein mü  
ssen/vnd gleich den göttlichen zc.

**U**nd wundert mich noch eins/warumb so vngleiche  
nachlassungē seien in disen/vnd in denen. Die göttlichē ge  
bot/last man vmb kein gelt nach/das man sye müg vber  
treten. Man erlaubt ye kein sein Le zū Brechē/zū stelē zc.  
wo es aber geschicht/so verzeiht man es. Dye aber härwi  
derumb/man last nach das man wider disz gebott mög  
handlen/das einer sein geuatter mög nemē zc. So aber er  
sye genū



sye genūme hat on vorgonde nachlassung / oder soliche er-  
 laubung / so bleibts im vnuerzigē / gott geb was vnraths  
 darauß volge / sye vnderstends ee wider von einand zū trei-  
 ben / es sey dann der mitler da / der den kauff allenthalben  
 macht / Vnd ist also sein vñgetert / das in disen sünden zū  
 thūn / oder nach zū lassen / niemants genad erwerben mag  
 weder das gelt. das blūt Christi / die not der leūt / vermags  
 nit. Desshalb zū gedencken / das man freylich mit den nutz  
 der leūt / vñnd die eer gottes allein angesehen / auch mit den  
 pfarhern / oder Bischāffen zū lieb / das sye mit solten gelt  
 wücheren / sonder sy habē inen selbs dise kauffmanschafft  
 vorbehalten / da mit von inen der spruch Petri erfüllt wür-  
 de. Sye werden vmb eūch hantieren in der geitigkeit mit  
 erdichten worten. Wōcht einer wol vslegen / mit erdichtē  
 erfundenē hindernüssen der Le / da von die gschrifft nichts  
 weyßt ic. Syhe nūn wie hübsch dise verbott / in etwas für  
 treffen / vñd hāfftiger darob gehalten würt / weder ob den  
 götlichen gebotten / in ettwas aber minder. Aber das gelt  
 macht do den kauff.

**E** Darumb mich dunckt der spruch Petri als nahe härzū  
 reichen / das es rüren möcht / vñnd der spruch Pauli / das  
 es vsyrügen geysten künne / solichs verbietē. Darumb gib  
 ich nūn zū / das Christus dar von durch seine Apostelen ge-  
 redt hat / von solichen gradē das sy in künfftiger zeit wür-  
 den verbottē werde / aber nit vs seinem geheys / sonder vs  
 den yrügen geysteren / die ich halt für teüfel. halts ein an-  
 der wo für er wöll. Wann ich syhe wol / das eben der teüfel  
 den besten nutz dar von bracht hat / die welt in alle schand /  
 laster / geitz / ergerniß vñ verachtüg gefüret. Jtē stracks  
 auch dahyn bracht / das wir fräuelich den götliche gebot-  
 ten zūwider handeln / das dan ein eygen werck ist des endt-  
 chusts / weliches auch das aller schädlichēst ist. Wan es we-  
 re dannocht alles leidlich / wie sye es grempleten. Das sye



aber das gesatz gottes dar mit zu boden stoffen. Hye ende  
chifflet es mit einander. Heyst aber das nit gottes gebott  
vmbstoffen/da ich wil/das mein gebott muß für gon/wie  
es ja vmb gots gebott stand: Der herr spricht/Was Gott  
zusamē fügt/scheydet kein mensch. Du sprichst/gond von  
einand. Vnd so er dir schon das göttlich gebott für würffte  
das er wider das selbig nit gethon hab/vnd also billich vn  
recht gehandelt/darumb er vngescheyden sein sol. So sa  
gestu er hab wider gottes gebote gethon/darumb das er  
wider dein gebott gethon hat. Vnd wiewol du es niergent  
anzeigen kanst/wo dirs Gott beuolhen hat zu verbieten/  
muß es dannocht sein.

**W**eynstu das du es alle mal verantworte werdest/mitt  
dem spruch/Wer eüch hört der hört mich. weystu nit das er  
dir sein Euangeliū hye mit beuolhen hat zu predigen: Vnd  
dann so man dich hört sein wort sagen/hört man in. Nun  
bistu doch ein Jurist/vnd hast die ganzen geystlichē recht  
in dem schrein deins hertze/vnd spruchst selbs/das man fa  
uorabilia/sol vß strecken/odiosa/Beschneiden vnd zu ziehē.  
das ist/wo brieff vnd ordnüg vß gon von dir/darin etwas  
freündelichs dem menschen anzunemen fürtragen würt/  
das sol vn mag man vß einander strecken/als weit als es  
erleidē mag. Wo aber etwas schwärkästigs gebottē würd  
oder beuolhen/das sol man eben vßs aller genau west wie  
man mag zu ziehē/damit niemāts beschwert würd. heyst  
zu latein also /Fauorabilia sunt extēdēda/odiosa vero re  
stringēda. Kanstu nit das auch in deines herrē vn gots be  
uelch haltē: Er hat dir allein beuolhen das Euangelium  
die güte Borttschafft/so verwandelstu es in ein schwäre vn  
trägliche Borttschafft. Ich gebeüt/verbeüt/Bey dē vngüß  
gottes ic. Hettest wol gemacht gethon/Biz er dir öffentlich  
weiteren beuelch geben hette/die ding etwas hefftiger zu  
machen. Es ist auch kein entschuldigung/das du sprichst



es sey vß jm vnd seines geyst beuelch. Es were ein brieflin  
güt dar bey. Ich sich wol das der heylig geyst in Paulo res  
det/ Er ist ein verfluchung/ der ein anders Euangelii pre  
diger weder ich. Wann ich weyß ye keins das er geprediger  
hat/ weder eben das wir von jm vnd von den Euangelistē  
habē/ in dem er oft ermant/ so wir erlöst seind/ sollen wir  
vns nit durch menschen gesatz lassen heben/ vnd der men  
schen knecht erst werdē. Item in dem von denen verbottē  
ten gar nichts stadt/ anders/ dann wie daroben gesagt/  
das der teufel werde verbott der Le ynlegen oder ynfürē/  
läng eben das er es nit durch dich gethon hab.

¶ Es ist auch kein verantwortig. das du sprichst/ es sey or  
denlich vnd billich/ so doch ein vatter sein dochter nit mag  
zur Le vß dem göttlichē verbott nemē/ auch kein geschwi  
ster das ander/ das es auch also hye sey. Wer heyst dich die  
gleichniß brauchē: ich jähē gern dein geitz. Kanstu nit die  
heffigen sachen do yn ziehen/ wie du in andren gebotten zu  
thun nachlasset. Weystu nit dz man weder neben sich noch  
hinder sich in göttlichē gebott weichen soll/ weder zu noch  
vonthun/ wie Deuteronomij vñ Apocalypsis geschriben  
stadr. Weystu nit das man gar bald vß eygnem vermessen  
vnserer vernunft vñ Beyleuffigen rathschlegen veryrret/  
vorab wo man der geschufft nit steiff war nympt: weystu  
nit das alle gleichnißen hincken? Darumb ist not dz in so  
lichen trefflichē sachen/ die gleichnißen/ vß deren man so  
liche beschwerden dem volck wölle vfflegen/ auch gegrün  
det seien/ vñ angenömen/ als auch andre figuren/ die vß d  
Biblen ins New Testamēt/ etwas sollen bedeuēt. Wann  
es also gilt/ dz ein yeder noch seinē bedücken etwas verglei  
chet ein andrē/ vñ wölte stur daruß ein gebott od verbott  
od ein articke des glaubē machē/ wer möchts erzeigē?

¶ Nun were es dannocht leidlich/ dz man gleichniß züge  
vß der geschufft/ ob sye schon hincketē. sye ziehen aber auch



gleichniß vß den heydnischen & ömischen rechtē/wie dan  
im Canon genant/ Ita diligere. xxx. q. iij. Darin er vermey  
net/so kein Le Bey den Rómeren hat solle sein /zwischen de  
nen die einander an kinds stat angenómen haben/also sol  
auch vil munder ein Le sein /zwischen denen /die einander  
in geyslicher genatter schafft verwandt seind. Was gade  
aber das Chustum an: sol sein gesatz sich erst noch der hey  
den gesatz lencken: vß der heyden gesatz müssen grunden:  
was hat Christus mit den heyde zúschaffen: was vergleich  
nig ist Christi mit Belial: des liechts mit d finsterniß: mey  
nestu nit /wan wir kein heydenisch gesatz hetten /auch die  
weltlichen ding zú regieren /ob wir nit vß dem göttlichen  
gesatz durch Mosen geben /die welt zeitlich regieren kúnd  
ten: Nabent sye die juden ein lágē zeit vß dem gesatz regiert  
was solte dan vns gebrestē: ja eben acht ich /so wir dz göte  
lich gesatz haben lassen fallen /vnd seind vff der Rómer vñ  
Kriechen gesatz bücher gefallen /das wir auch in so vil yr  
rungen vnd vnordelich regiment /beyde in weltlichen vnd  
geystliche sachen kúmen seind. Wan was habē wir anders  
also gethon /dan gott verachtet /vnd der heyden gewon  
heit an vns genómen. welichs Gott dem volck allerzeit am  
heftigsten verbottē /auch gestrafft hat. Liß die Biblische  
gschrieffte /so findestu es. Das gsatz Mosi ist nit gar durch  
Christu vßgehebt /sonder die Ceremonialia /das ist die ge  
satz d geystgeberden /die haben ein end in Christo. Aber die  
anderen /als do seind Judicialia /die gerichtszwangliche  
gesatz /die weil wir doch nit alle recht Christen vnd glaub  
ig seind /wie die juden auch nit alle noch dem gebott gottes  
wandelten /solten wir billich behalten haben /für das wir  
der Rómer gesatz. vß dem gesatz duodecim tabularū /auch  
entlehenet angenómen habē. davon vil zú sagē were /aber  
bye hár nit gehórig. Doch red ich das zúfellig vff den ellen  
den Canone /der ein gleichniß vß der Rómische adoptton



(Das ist annemüßig an kinds stat) här bringet. Vnd was soll ich sagen/ Chustus hat sein volck wöllen frey habē/ von allen beschwärlichē gesatzē/ darumb seind die Mosaischen Ceremonien vffgehoben. Wer heyst vns dan andre an die stat machē: Chustus heyst ein erlöser/ mit ein gesatz geber. so machen wir erst ein Mosen vß jm/ so wir vnder seinem namen so vil gesatz machē/ vñ die welt erst weiter beschweren/ weder mit dem gesatz der liebe/ in welichē alle propheeten erfüllet seindt zc.

¶ Darumb da mit ich wider künne/ was gadt es die genatter schafft an: müß eins darumb sein geistlicher vatter sein wan einer eins vß dē tauff hebt: Wolan es seys/ was gadt es aber das an: wir wöltē bald machen das niemāts das ander dürffte zū der Le nemen/ wan ye ein mensch lernet das ander/ vñ gemeylich lernens die ihenen mee/ die das kindt nit gehebt habē/ so müste dan von stundan ein genatter schafft da sein. Vnd also müste ich lügen/ das ich keines menschen geyslicher vatter würd/ durch die lere vñ vnderweisung/ wölt ich echt ein weib haben/ auch dürfft ich sy nit mer lernen wan ich sye vberkame. Wo würt dan der spruch Pauli war/ Es würt etwo ein vnglaubig weib behalten durch ein glaubigen man/ freylich das er sye leret. Ja sprichstu dz gilt nit. Warüb gilt aber dises: du verbeistest wol in münderen sachen/ das zwey einander ire eeliche pflicht nit mer dürffen fordern/ ob du es auch da thetest/ was läge dran/ so du doch nür in gleichnißen vñ vß gütduncken handelst. Also möchtestu auch verbietē/ das gar kein Christ den anderen neme/ wan der tauff ye näher brüder vñ Schwester macht weder genatter schafft/ die doch nit von nöten ist/ als der tauff. Es müß doch eben nit ein genatter sein im tauffē/ es müß aber wol ein lerer sein des glaubēs. Wie wo die gnatterē das kindt niemer mer sehen/ oder kennen: zc. Sumasumarū/ es sindt als vngegründte



ding in der geschiffte/vñ doch beschwerlich dem volck. vñ  
nit allein nit nutzlich/sonder viler ergernüßen vsach/dar  
umb weger vermitten/vñ das volck frey gelassen.

**C**Vil were noch zū sagen von disem vngegründten gesatz  
wie gefährlich es ist den armen gewissen/die etwo zusamen  
kumen seind/wissend vñ heymlich/vñ zū zeitē vnwissend/  
vñ nach der zeit sich etwo erinnere/oder der teufel in ein  
yrung zeygt do keine ist/desshalb ire conscienzē bis an je  
end beschwert sind/vñ sich auch nit gern offenbaren/vñ  
vil vsachē/scham der kinder/vñ andrer. Item das auch  
die predicanten zū zeiten selbs nit wissen was sye pluderen/  
vñ den armen leuten yrungen machen da keine seind/das  
ich gar wol in disen jaren bin innen worden/vñ mich das  
arm volck erbarmet hat/das es also ellendigklich vmbtri  
ben würde/vñ namllich vs der Firmung/weliche (als sy  
sagen) ein sacrament/dem Tauff erst vollkumenheit gibe  
als ob Christus nit genug geredt hett/wer do glaubt vñ  
getaufft ist/würt selig. Nit das wir von der Firmung (als  
obgesagt) nit haltē/wañ sye der herr gebraucht hat. Das  
sye aber erst auch hartzū kumpt vñ solich hindernüß ma  
chet/ist zū klagen.

**I**ch glaub/wo nit Gott vom hymel mit seinen gnaden  
zū disen letsten zeiten herab gesehen hett/es were noch das  
vñ anders vil enger gestricct wordē/wañ es hat ye in tur  
zen jarē/dieweil der geiz zū genömen hat/gar vast in ver  
botten auch zū genömen. wann noch ertlich land seind/die  
soliche gremplerey nit wissen/obs aber Christen seien/vñ  
in der tauff vñ glaub müg helffen/würt sye Christus wol  
verantworten. wañ ich ye acht er sey ein volkomener lerer  
gesin/da mitt sein gesatz keins zusatzes bedürfft hat. Dar  
umb weliche also eynfaltigklich in sein gesatz gewandelt  
haben/kan ich nit gedenccken das jnen etwas hab mügen

mangeln. Ich syhe auch nit was die welt an güte zügen  
 mē hab durch die gesatz/sond ye mer gesatz ye erger sy wor  
 den ist. Wie meynstu/wo gar kein gsatz vberal wer in geist  
 lichen dingē/weder die heylig geschriffte/vnd die selb eynig  
 vnd klarlich geprediget/ob wir auch gnüg hetten zur selig  
 keit: Spichstu neyn/wie sind dan die leüt selig worden vor  
 vierhundert jaren/ee dise gesatz alle gemacht seind: Spi  
 chstu dan ja/was hatt man jr dann bedürfft: Ja der geiz  
 hat jr bedürfft/das man vnder einem erberen schein klüg  
 lich handhiert. **N**un wil ich dannocht die vätter vnd die le  
 rer zum teyl darzu auch entschuldigē/vn dem teüfel (8 do  
 ist ein fürst diser welt/mit sampt etlichē seiner kind die alle  
 zeit mit geloffen seind) hye schuld geben/der auch die frū  
 mē oft kan hynan führen/wosy nit eben 8 geschufft warne  
 men/wie ob gesagt/desshalb sy dan auch nit gar vnschul  
 dig seindt/wan sy solten steyff vff der geschufft bliben sein  
 welichs so nit geschehen/seind wir dester ee veryrret. **S**ū  
 masummarū/hett man als vast das pur Euāgelii predi  
 get/als gesatz gemacht/so weren wir noch pur Christen.

**N**un das ichs beschließ/hastu wie ich gehandelt hab/nie  
 geheissen die genatterschafft verachte/sonder durch got  
 tes willes dedultiglich solichs kreüz tragen/vnnd auch  
 ergerniß zu vermeiden/aber solich vermähelung besche  
 hen nit lassen zertrennen kein mensch vff erden. Vnd auch  
 da bey gesagt/das solich trenner stracks wider gottes ge  
 bott thün/vnd schwerlich vn vilen gewissen nachteylich  
 sünden. **D**isach (acht ich) habstu genüg gehört.

**D**as ich aber ein solichē hab geratē zubleiben bey derē  
 so er gemūnen hat/vermeynich recht gethon haben/wan  
 darff ich es predigen/so darff ich es auch sunderen perso  
 nen rathen/vorab die mich darumb raths forschen. **N**ete  
 iches nun nit gethon/wie wolte ich meinem ampt genüg



habē gethon/ich bin ye meins G. herre von Straßburg pe  
nitentiarius/das ist/an seiner statt d̄ conscientz rathgeb.  
Kem nūn einer/der ettwas vff jm herr/begert ein rath zū  
seiner seelē heyl/vñ ich wüßt jm zū rathē/solte ich es thūn  
oder nit: Sprichstu neyn/so bin ich ein vngetreuer knecht  
gott vñ meīnē Bischoff. sprichstu ja/was treibst mich dan  
vñ: vertrawest mir nit/dz ich es künd vñ wüß/wz duldest  
mich dan: Ja sprichstu/ich solt rathē noch dem geystlichē  
rechten. Sag ich wider/ich soll jm rathen noch seiner seelē  
heyl/das ich aber nit baß weyß zū thūn weder vß der hey  
ligen geschriff/die ich weyß das sy gots wort ist/vnd darff  
daruff ein betrübtē conscientz vertrösten. Sag mir/war  
uff künd ich sye sicherlicher trösten/weder vff das wort  
gottes: dessen wort eben der sy selig macht. Wan ich schon  
vil sagt/gehab dich wol/d̄ Bapst in sein Decretal sprichet  
also. diser/ihener schreibē vber das Decret/vber das Sen  
tentiariū ic. ach gott so weyß ich wol das der Bapst mit al  
len seinen scribentē menschen seind/die yren haben mügē  
als dann oft geschehen/villeicht in disem auch möcht ge  
schehen sein. Auch weiß ich wol/das es eben als sorgtlich  
ymb sye stadt des himelreichs halben als vmb mich/dessz  
halb ich mich nit wol rüwīg kan vff yr Decret schreiben/  
oder sagen verlassen/wo sye nit eben vß gott reden. Also  
bleibt die arme conscientz vngewißz vñd zweifelhaftig/  
vnd ob ich sye schon steyff vff soliche zusagūg der mensche  
leren lānet/so ist es doch nūr ein vor/das gar bald zerbricht  
vorab so die hartē stöß des tods kumen/desszhalb dan der  
mensch in verzweiflung kumpt. Vnd ob schon auch einer  
vor seinē end nit in verzweiflung kumpt d̄ menschen leren/  
sonder steyff dar uff stadt/wie man jm ynher pludert hat/  
so ist vil böser. wan der herr würt ye nit frage anders dan  
nach seinē gesatz/ob es gehalten sey/wo nit/vnd aber einer  
vil anzeygt des Bapsts vnd der mensche lere/wie meynstu  
das er



121.

das er sprech: So gang hyn zum Bapst vnd zu den selben  
menschen / heysß dich selig machen / ich hab dir mein gesatz  
beuolhē / wie meynstu ob du mit dem Bapst vnd der Bapst  
mit dir dem teüfel zu fürer: wol der Bapst schwerlicher / so  
er dich verfür hett. Das jm aber also sey / besych mir den  
¶ Wo ich aber här widerüb sag / Das spricht (prophete  
Gott / eben der gott der die seligkeit gibt. Wolandenck ich  
spricht ers selbs / so darffs kein not / du wilt jm frölich ver-  
trauwen / der mag nit liegen / ee müßt hymel vnd erdrich  
brechen. Wolhyn / so gedenck ich / vff den felsen wil ich mich  
füssen / den stöfft wed teüfel noch hell vmb. Wie dunckt dich  
nün / ob ich nit mit solchen Worten ein zweifelhaftige con-  
sciencz Bas müg tröffen: als ich dan schuldig bin / vnd mirs  
mein gnediger herr hatt beuolhen. Ob ich nün in sollichem  
rathen des Bapst Decretalen / oder anderen die auch teyl  
vnd gemeyn haben / die auch vff der finantzerey sitzen / die  
vff der kauffmanschafft vmbreitē / die jr narung vß solich  
en dingen haben / ettwas widerwertigs rath / kan ich nit  
dar für / die weil ich recht rath / vnd dem armen menschen  
sein seel errette / wie mirs mein gnediger herr beuolhē hat /  
meins ampts halbē. Ich würd (hoffich) nit anders gefun-  
den werden / weder das ich noch der heyligen geschufft re-  
chten waren verstandt den armen leüten gerathē hab. Sā  
let es aber an deinen Decretalen / vnd dieses mein rathen  
deiner finantz nachteylig ist / so gedenck / das es eben mein  
ampt ist. was gadts mich an: warüb richtest du nit dein lau-  
ten noch meiner pfeiffen: Du weyst wol das man die pfeiff  
nit anders kan ricken / die laut mag man wol höher od ni-  
derer ziehen. Acht es wie du wöllest / der pfeiffen nach müs-  
sen jr alle dantzen / wöllen jr echt selig werden. Du woltest  
aber dein laut gern hoch richten / das mans für die pfeiff  
heyligē geschufft hört / lüg aber das dir die seyte nit zer sprün-  
gen / als mich dan eben wil bedünnen sye sahē schon an zer-



springen/die quintsezt vñ der senger sind schon dohyn/die  
andren kumen bald harnach. Darumb nichts der pfeiffen  
gleich/das ist/lass ab/ee du gar drum komest.

**L**ieber gesell hastu nie geschē/das die Theologi vñ Ju  
risten wider einander rathē: wie wol sye oft auch der sach  
en eins werden vmb Christus willen. Wo aber einer steyff  
thun wil was in sein conscienz weiser/so ist er selte mit den  
Canonisten eins/vorab in casibus cōscientie/das ist in dir  
gen so die cōsciētz antreffen. Du bist ein richter des zānt  
ischen gericht/magsts wol außrichtē an mich. Bissz zu fri  
den/das ich dir doch mit abgeschlagē hab/auch sonderlich  
nichts darin geredt/habst gleich das arm volck geschūden  
mit dein rechten wie du wöllest/ich hab dem armen volck  
lin allzeit gesagt sy sollēs dultigklich leiden. Wie meynstu/  
ich solt gesprochen haben/folg jm/sein ding ist gewissz/got  
tes wort möcht fālen: S du ellender mensch mit dein egypti  
schen vor/far nūr für mit deinen finantzē/vnd such ein  
anderen helffer weder mich/ich würd für faren mit der ge  
schufft. Wolan/hyemit sey es genūg vff diesen artickel. kum  
mestu hār wider/so wil ich dir in bassz vß streichen.

**D**er dreytzehēd artickel: trifft an die  
würdige miter gottes/von welcher ich nie anders dan al  
les lob/zucht vnd eer (wie sye dan würdig ist) geredt hab/  
dess zeügnūß mir müssen geben etliche tausent/die es ge  
hört haben. Aber sye haben solichē artickel freylich vß lau  
terer Büberey vßbracht/ich acht auch das sy der reüfel in  
sonderheit gereyzt hab wider mich solich geschrey vß züge  
ben/das ich die würdige mitter solt geschendt habē. Wan  
so der reüfel wol weißt/das dise würdige miter bey aller  
Christheit ein besondere annütigkeit vñ gunst hat/auch  
in vilen eynfaltigē menschen grösser weder Christus selbs  
geachtet/hat er gedacht/wolan/du wilt vñ jm vßgebē/er



hab die müter gottes geschmähet/von stundan würt yetz  
 man ab im scheühē /in verflüchen /im feindt werden/vnd  
 also noch folgendes auch seiner leer/dan so kummē wir des  
 schreiers ab. Es würt auch dem Euāgelio ein gātz bößz  
 geschrey bringen so man würt sagen/Sych zu/das thünd  
 die neüwē euāgelisten/sye schenden die müter gottes/sych  
 das kumpt vß der ketzerischen Lutherischē leer.vnnd also  
 mügen vil leüt hinderstellig werdē /die soliche leer /sollich  
 predigen werden meiden /vn̄ mit sampt mir vnd den meinē  
 sye auch helffen verfolgē /vn̄ also villeicht möchtē wir das  
 Euangelium widerumb kleinlaut machen/das wir aber  
 ein weil in Friden werē. Wie dunckt dich/ ob es also zu gan-  
 gen sey: Lassz dichs nit wunderen/sathanas kan mer dan  
 ein künst. Ich weys das das geschrey von mir vßgāngē in  
 die land/vnd nāmlich in die stett darin ich bekant bin/am  
 aller meysten gewesen ist/das ich die würdig müter gottes  
 so schmähelich in meinen predigen gehalten hab. Man hat  
 mich auch mit keinem anderen mer künden verunglimpff  
 en/vnd was güter freündt/ja auch meine gesiptē freünde  
 die ich gehebt hab/mir gantz abholdt worden.

Es haben auch den hassz gegen mir gemeert etliche vß-  
 gangnen büchlin von diser stat/darin man sich vnderwin-  
 det zu beschirmen die eer der müter gottes/wider ire lester-  
 rer/deren einer freylich ich in aller meynung vnd gedan-  
 cken hab sein müssen/von wegen des vougē geschreys von  
 mir vßgeben. Wolan/ich müßz mich leiden/ich kan nit al-  
 lenthalben hyn lauffen vnd mich versprechē/auch glaube  
 man mir nit als bald. Hab recht müssen lan die lügen ein  
 weil auch regieren/wan̄ sye wil ye auch im spiel sein. Wan̄  
 so alle menschen lügner seind/wie der Prophet spricht/sol-  
 ten sye nit billich auch ein regiment bey jnen haben: Wol-  
 an/lasz regieren/es mag aber jr regiment nit lang beston/  
 die warheit kumpt doch hinden nach an den tag/vnnd



mit so vil grösserē eerē erstünd vom tod / so vil er jämertli-  
cher lydt vnd starb ic. Es leidet vnd stirbt auch die warheit  
mit Christo / sye erstet aber auch mit Christo / wie alle ding  
so in vnd mit Christo sterbē / widerumb mit im auch erston  
werdē / wie d Apostel spricht. Wie dunckt dich nün / meynst  
du nit das sye yetz eerlich an tag kün: Weliches so die für-  
sten d lügen die teüfel mercken / alle mügliche ding vnder-  
ston / ob syes hinderē möchtē / wan sye ye nit gern geschēdt  
sein wöllen. Es hilfft sy aber nichts / nür so vil schändlich  
er geschēdt so vil mer sy vnnerschāpt haben gelogē. Dessz  
halb ich hoff sol er auch in mir nit wenig geschēdet werde /  
wan er mich auch nit wenig antastet hat. Tün wil ich las-  
len faren / was man allenthalbē von mir vßgeben hat der  
Müter gotts halben / wers willig zü verantwoitē / wo es  
mir vnder augen gefeyt würde / ich kan aber nit ein yeden  
vber hoff antwoiten / sye wissen mich wol zü finden / ich kan  
sye aber nit allenthalbē süchen. Ich halt auch nichts von  
jnen allen sye sagen mirs dan vnder augen / dessz sy mich in  
wincklen mittnamē / offentlich aber vngenant / vn doch  
das zü mercken ist / beschuldigen. Göt vergebts jnen.

¶ Wolan / diser artickel hat ein vrsach gehebt vß einer pre-  
dig / vff den tag der geburt Marie gschēhē / im. xxiij. jar. In  
derenich vnder anderem sagt / das von der geburt Marie  
in der heyligē geschrifft nichts vberal geschribē were / son-  
der auch nit not were / wan es bey niemants zweifel hette.  
Aber das sye ein müter gottes sey wordē / vnd andrer ding  
so von jr geglaubt würt / ist nit not gewesen zü beschreibē.  
Wiewol nün aber von jrer geburt nichts beschribē / so wis-  
sen wir doch das sye geborn ist / desszhalb wir billich ein fest  
halten von jrer geburt. in dem wir yngedenck seien d gna-  
den so uns Gott gethan hat durch sein mensch werdung /  
welcher dise würdige müter ein anfang gewesen. wann sye  
dargebē hat die matery vß deren wünderbarlich die mēsch:



heit Christi gemacht vñ geforniert ist / deßhalb dan auch  
 wir sye Billich eeren für alle andre creature / als die jhenne /  
 die Gott auch für alle geert hat / wan sye eynig vß allen cre  
 aturen zu einer müter gottes gewölet ist. Weliches eynig  
 (das sy ein müter gottes ist) ein vnaussprechlich lob ist / an  
 dem eynigen puncten wir vnser lebtag genüg zu betrachte  
 vnd sye zu loben han. Wan kan jr auch nit mer eeren zu le  
 gen / wan eben die / das man sagt vnd glaubt / sy sey ein mü  
 ter gottes. welche eer jr auch die geschufft zu gibt / anderē  
 man nit zweifelen kan vnd sol / so doch an anderen vil züge  
 legten dingen gezweiselet werden möcht / als dan auch vil  
 dings mer der dapfferkeit des chüstlichlen glaubens nach  
 teylig von jr vßgeben würt / vmd sich das eynfaltig volck  
 vß die vngegründten märlechten ding etwo mer laßt we  
 der vß das jhenig / das die satte geschriff von jr vßdruckt  
 Wir hetten (sag ich) genüg an dem selbigen / thet nit not /  
 das wir so fräuelich von jr vß gäben / des wir gar kein wiß  
 sen trügen / man thut jr auch kein gefallen / sonder mer ein  
 schmach in vil dingen. Solichs aber den merenteyl von jr  
 vßgeben vnd vßbracht von denen die jren nutz vnd gewin  
 mer weder der würdigē müter vnd gottes eer gesücht ha  
 ben / wie dan öffentlich ist / das wir alle mit einäder das vn  
 ser in der würdigen müter süchen / entweder gesuntheit /  
 behütung vor schaden / oder war zu sye ein yeder brauchen  
 wil / wie dan ich besorg gar nach mit allen anderen heyligē  
 gesche / in denen wir mer vns selbs weder jr vnd gottes eer  
 süchen. Welichs so dan sehē die jhenē die jren nutz darauß  
 wissen zübingē / helfen sye auch dar zu / erdencken selzam  
 schwencē / geschichtē vnd exempel / da mit sy dz volck bewe  
 gen. Was soll ich sagen / es sind alle land vol solicher grem  
 plerey / die vnder dem schein d eere Marie vßgericht sind /  
 alle welt vol capellen / da dem teüfel mer gedinet würt we  
 der Gott vnd seiner müter / vnd muß es doch alles vnder



ihren namen geschēhē/das sy eben also müssen sein ein deck  
mantel viler schandē vnd laster. da von vil zusagen were.  
¶ Hab auch weiter vnder anderen gesagt das/wie nit in  
der geschriffte von irer geburt geschubē stadt/also auch nit  
von irem vatter vnd mütter/wie die geheysen haben. das  
dann auch nit not/wan es vngezweiflet bey yederman ist/  
so sye für ein mütter gottes in der geschriffte vsgeben würt/  
sye sey ein natürlich mensch gewesen/von natürlichen el-  
teren geboren/vnd in züchtē vnd eerenerzogen/desshalb  
die geschriffte kein not hat gehabt solchs zū beschreiben. Hab  
auch da bey gesagt/das jr elteren on zweifel frum/erber/  
heylig leüt gewesen sein/vnd auch in sunderheit von gott  
vserwelt/das inen vor allen andren menschen diser welt so  
liche gnad vnd eer gethon ist/namlich das sy soltē fürbür-  
gen den edlen stāmen Jesse/dar auß die edle blim Christus  
Jhesus entspringen solt. Vnd die weil man nit wüßte den  
namen irer elteren in der geschriffte/als auch niemants leü-  
ctnen mag/wer doch dar an nit vil gelegen. sey gleich An-  
na vnd Joachim/wie dan die andechtigen lerer vermeyn-  
en/wöllen wirs gern annehmen/so doch wir vngezweiflet  
seien/es frum heylig leüt gewesen seind. Hab auch dar bey  
gesagt/das dise histori von der entpfegknüß Marie vnder  
der gülden porten geschēhē/vnd ander ding vil/die sye von  
Joachim sagen/wie er bey den hyrten vnd vyhe vff dem  
feld ein weil sey vmb gangen/von wegen des verworffnen  
opffers vnd dess gleiche/das es alles vngegründt sey/vn  
auch nit ein büch staben in der geschriffte dar von/dar zū es  
auch als künckelmārisch lautt/das es argwon macht nit  
vs dem heyligen geyst yngeben/wie dan andere ding mer.  
Aber vngezweifelt/das die ihenen so iren nutz haben ent-  
pfunden vs denen dingen/sy es auch haben künde vff mu-  
zen/wie dan erst in kurtzē jaren sant Anna ding vff bracht  
ist/vnd yeder wil ein stück von jr haben/die doch so lang



vngewißt gewesen ist. Sūmasūmariū / es macht die ding  
 arg wōnig. Christus die sollen mit satten dapfferen dingent  
 vmbgon. Es ist vns genūg das wir wissen das Maria sey  
 ein mütter gottes gewesen. Vnd die weil doch von irer ge-  
 burt vñ elterē gar nichts in der geschuift ist / sollē wir nit  
 fürwitziglich vast darnach grüblē / wān es auch kein son-  
 dere not daran gelegen ist / sunst hetz vns der heylig geyst  
 wol in der geschuift kōnden öffnen. Vñ aber fürwitzig-  
 lich darnach zū grüblen / ist gefārllich. wān es möcht eben  
 als bald mit troffen werden. An dem aber (sagt ich) sollen  
 wir vngeweislet sein / das sye geboren sey von heyligē leu-  
 ten / wie obgesagt / vñ on zweyfel in grossen eere vor gott dē  
 herrē. Dēsshalb auch wir sy vffs aller eerlichst haltē sollē /  
 als die / die gott selbs geert hat / gott geb ja vñd was namē  
 ¶ Vñ tritt hār für du schwerer / vñd sag ich (das sey.  
 hab gepredigt / ich wißz nit vß was elteren Maria geborn  
 sey / vñ man wißz auch nit obs Anna oder Joachim habē  
 geheyssen. soltestu auch darzū gesprochē habē / wie du oder  
 dein gesellē zūm teyl schreibē / Ich vermeyn man habs in  
 weyssel kisten vff gelesen. Sehē zū liebē freündt wie vntreū-  
 lich die armen leut ein sein red verkerē. Vñ hastu wol ge-  
 hört wie vñd was sich geredt hab / ich acht du werdests nit  
 scheltē. aber gar vntreūwlich legt mirs diser schwerer vß.  
 Er solts gar gesagt haben / hett es vñlleicht nit als vbel ge-  
 lautet. wie het aber sein lügē mügen ein gestalt habē. wolt  
 man die warheit sagē / so dürfft mā nit liegē. wolt man dān  
 die ding reden wie sye gefallen seind mit vorgondē vñ nach  
 gonden Worten / so möcht es ye nit vbel lauten. wie hett ich  
 dān auch mögeverunglimpft werdē. Darūb ist es not ge-  
 wesen / stumpff also abbrechen / flux ein wōrtlin vff raspe-  
 len / vñnd dar mit dar von / wir haben den man erwōscht.  
 Du hast in aber noch nit. Sag du mir vß der geschuift /  
 von welichen elteren sye geboren sey / vñnd wie sye haben



geheissen/vñ hab dñ recht/du würst es aber noch lang nit  
thün/als wenig als ichs auch nit thün kan/vñnd wil aber  
darumb nit liegen/wil sagē wie war ist. man findt von jrē  
elteren/geburt vñ namen nichts in der geschriff. Aber da  
mit ist sye vngeschmähet/vñd von jr nichts destminder zñ  
glauben sye sey vñ keinē stein entsprungen/auch vñ keinem  
weyßen kaffen oder sündel hauß sonder von frummen hey  
ligen leüten. deren nam wie wol in der geschriff vnbeant/  
doch freylich im büch der lebendigen geschriben ist.

**E**Sagt an jr gesellen die für die würdig müter also fecht  
en/ist eüch auch also ernst oder nit/oder süchen jr eüweren  
nutz/oder jr vñd jr's kinds eer: Mich dunckt solt man eüch  
ins hertz sehen/jr müßten anders bekennen/weder jr yetz  
mit mund reden/man würd finden/das eüch nit als vast  
ander eer Marie vñd gottes gelegen were /als an eüwerē  
eygnē nutz. Wan wo eüch die eer Marie angeläg/so würd  
eüch auch hundert tausent mal mer die eer Christi anligē.  
vñ dem eynig sye/wie wir auch/alle eer vñ seligkeit haben.  
Nün seind jr yetz also streng an der eer Marie verhaßt/  
das jr schier Christum in vergessz gestellt haben/von dem  
eynig die geschriff allein vñ gibt/das er ein erlöser/ein mit  
teler/ein fürsprecher sey zwischen gott vñd dem menschen  
vñnd aber dessen nit ein wörtlin von Maria oder eynichē  
heyligen. So müñ dise ding allein von Christo vñ gebē sind  
in der geschriff/wer heyst vns dan wider die geschriff bis  
zñ einer verkleynig Christi sye eeren: Wie meynstu/ob wir  
hinden nach dar zñ kēmen/das die eer gar jr were: so müß  
dan die geschriff erlogen sein. vñ dan so siel darnider auch  
die eer Marie die sye vñ der geschriff hatt/vñd also würd  
sye nur ein bloße vngegründte eer habē/das wer dan kein  
eer. Wäger ist/man geb jr die eer die jr die geschriff gibt. in  
welcher jr sün Christus Jesus allein geert würt/vñ sye vñ  
alle seligen allein in jm. welcher so vil mer eeren er hatt/so  
vil auch



vil auch mer eeren haben die ihenen so in jm geert werden.  
 So vil mer das haubt eere hat / so vil auch mer die glied die  
 im selben haubt lebē. So vil fruchtbarer d rebstock / so vil  
 auch die gerten / so von jm wachsen. welche auch nit ands  
 dan im rebstock leben / auch on jn nichts mügen / wie d herr  
 selbs spricht / On mich mügen jr nichts thun. Nun kam es  
 bald dar zu / als auch geschehē ist / das wir von Maria ha  
 ben alle ding also wöllen erwerbē / das Christus (in dem al  
 lein sye vnd wir alle vermögen) vergessen ist / vnd sye also  
 vom rebstock / vom haubt / in dem sye vermag alle ding ab  
 gesündert. durch welche absünderung in vnserē gedencē  
 oder dorechter meynung sye darnach nichts mer vermöcht  
 hette / wiewol sye vnd andre lieben heyligen vnabgesün  
 dert sein vō Christo / durch vnserē dorechte won. Es würe  
 aber Christus nichts destminder von vns geschmācht vñ  
 verlestert / vñ nachuolgendes auch die würdige mütter / die  
 allein in Christo lebt vnd mechtig ist.

Nun sprichstu / Ich Befind doch leibliche hilff so ich von  
 jr begert hab / ist ein zeichen / das ich recht hab in solchem  
 anruffen / wiewol vnyngedēck Christi. Man findt ye denē  
 geholffen würt / so sye ire rosentrentzlin vnd andere gebet  
 lin so püntlich sprechē / ire sirt in die wald vñ winckelkirch  
 en hyn vnd wider thünd / ire opffer vnd fastag vfrichtē etc.  
 Wolan / ich gib zu / Bin auch nit dar wider das jnē geholff  
 fen werd / wañ man sychts wol. Wie meynst aber / ist es ge  
 wissz das dir die würdig mütter geholffen hat / vnd nit als  
 bald der teüfel / vñ gottes vnd der würdigē mütter zorn vñ  
 verhengtñuß. Item ob es schon nit vom teüfel geschicht /  
 sonder vñ gott / wer weyß ob es mer vñ dem zorn gottes we  
 der vñ sein gunst vnd gnadē. Wer macht mich gewissz / dz  
 die zeitliche hilff alweg vom gunst gottes künr. Bescheint  
 sich an dem / das so wir etwo wenen es sey vñs wol geholff  
 en / so ist vñs erst entholffen / erscheyßt vñs die hilff die wir



vnd ordentlich begert haben mer zu nachteyl. Die mütter gottes wil nit wider den willen Christi helfen. Nun hatt Christus mir vom kreüz gesagt/von durchächteyde/von jamer not vnd leiden vff erdrich/vnd in jm allein freud vnd friden zu haben. Johan. xvj. Ir werden in der welt getrang haben/in mir aber friden ic. Wan wir nun hören das Christus sagt von solichen kreüzten vnd zeitlichen beschwerde die vns dienstlich sind zur seligkeit/so lauffen wir zu den müttern/vermeynen wir wollen die sache durch sye gegen jm abtragen/vnd er also muß ein lügner werde/vns ein andere weg gen himel zeigen/weder er im Euangelio vff geschriben hat. Sag nun an/was ist das anders weder sein mütter brauchen wider in: Meynstu ob sye ein geuallen daran hab:meynstu nun auch das solche hilfften von jr kumen/vnd nit mer vff dem zorn gottes: Wir lesen/das Maria stünd vnder dem kreüz Christi ic. Lieber stell dich zu jr vnder das kreüz/glaub mir/du wirst mer gnade bey jr sündē weder so du wilt das kreüz von dir schüttelē. durch welichs eynig der weg gen himel ist. Warüb ruffest du sy nit an/das sye dir helffen dein kreüz tragen mit irem sün:

Was solich sagen/wir bitten schier alle die mütter gottes mir vmb zeitliche ding/vnd ob schon vmb geistliche ding etwo auch/so seind sye doch in zeitliche ding gericht. Als so wir bitē S. Barbara/das sy vns on das sacramēt nit laß verscheidē/wie dan den merenteyl die kriegere vnd das volck/das am aller wenigsten gottes fürchtig ist/thut anders nit/weder das sye gedenccken/wolhyn leb im sauff/preiß/raub/treib dein Bülerē/du würdest so bald nit vberēylt/sanct Barbel würt dir zeit vnd weyl erwerben/das dir sacramēt würt vor dein end. Sag an/vff was vrsach begert der geistliche güter von sanct Barben/ists nit das er sye ordnet vffs zeitlich: also das sye hye im sauff/vnd in iren sündē mügen fürfaren/vnd sich dannocht des himels



reichs nit verfaumpen. Mit der weiß hett sanct Barbel  
 ein besseren weg gen himel fundē / auch ein leichterē weder  
 Christus. Also ebē gadts auch zū mit d' eer der würdigē müt-  
 ter. was darffs vil probierēs / er far ein yed sein eygen hertz  
 ob ich lieg: Darumb es darff mit vil wesen / in dem dz wir  
 die mütter gottes eerē / so schmahē wir sye am aller meystē  
 Ere sy in irem sūn Christo / vñ gib dem selbē alle eer / gnad /  
 vñ barmherzigkeit zū. Icē das er allein der mütler sey vor  
 Gott / vnser fürsprecher vor Gott / vnser leben / vnser hoff-  
 nūg / vñ was vns dan not ist. Dz er allein d' sey / durch den  
 wir haben ein zūgang zū dem himelischē vatter / wie die ge-  
 schrift lautet. Sych zū / also würstu Mariā am aller mey-  
 sten eerē / wān sye ist desselbē ware leibliche mütter gewesen.

Ists nit ein grosse eer / ein mütter sein eins solichē kindes:  
 Nun wolan / du magst wol sprechen / ich habbs doch nie  
 anders gemeynt / ich hab die eer Christi jm allzeit vorbehal-  
 ten. wer zweifelt daran / dz Christus nit mer sey weder sein  
 mütter: wie du dan gesagt hast. Es wer aber güt dz yeder  
 man also wüßte / die erfarnheit zeygt ands an im eynfalti-  
 gē vol. t. welichs wir so lassen in irem won stecken / got geb  
 wie es glaub / vñ kumpt dan also in ein vesten won von der  
 mütter gottes / das wān einer sy da von ziehē wil / vnd vff  
 die rechte eer die jr gebürt / weisen / so ist's jm vngehört. vñ  
 stundan schrieket man / Ketzer / schmaher vñnd schender der  
 würdigen mütter. So beständigens dann die netzens trag-  
 er / die schragenhansen / die geyslichen wechßler vnd grem-  
 pler / ja ertz abgötterischen diener / so iren nutz / gesūch / vñ  
 gewinn in der hochlöblichen mütter gehbt haben / vñnd  
 sye doch niemants mer geschmācht hatt wān eben sye / die  
 die würdigen mütter zū irem gelle kanten vffrichten / wie  
 auch anderen heyligen mer geschicht. Wie meynstu / wān  
 ich yetz und schnellen wölt von disem gesind / das sich alles  
 vñ der würdigen mütter gottes zeitlich neret vñnd besap-:



vnd wie ein yeglicher sein finantz hatt/der so/diser sunst/  
die güt mäter müßz sye all meisten. Wolan/ich wil es lassen  
bleibē/deres verstadt/dem ist es nit not.der es nit verstadt  
der glaub meinen worten/vnd eer die würdig mäter gottes  
wie sye geert sein sol/vnnd wil. Vnd weyßt ers aber nit/so  
gang er zu rechten christlichen predigere vnnd hörs. Das  
Euangelū zeygt dir genüg an die eer gottes vnd der seinē  
bey dem bleib /da magstu nit fälen /wie vñ wen/vnd wem  
du solt eer erbieten.

**U**nd das ichs beschließ/müß ich noch eins mit meinē ar  
ticulierer reden. Er sagt/ich hab also ein freueliche meyn  
ung gehalten wider 8 gemeynen kirchen ordnüg /die doch  
ein fest im jar hat von inen. ich acht er meyn Annam vnd  
Joachim. Nun hab ich doben gesagt/wie erberlich ich vō  
den frūnen elteren Marie geredt hab/vnd wie ich geredt  
hab/so zweyfelt mir auch nit. wölt gott das die articulier  
er oder meine ankläger so wenig zweyfelte. Sag mir aber  
mir durch disputierens willcs/wo ist es ein gemeyn ordnüg  
der kirchen:vnd wie lang hat es gewert/das dise fest vff  
kūnen seind:vnd ob es genüg sey/wann die kirch ein fest  
von ein heyligē haltet/vnd in der Bapst canoniziert/das  
er darumb heylig sey:welichs canonizierē oder heyligē ma  
chen Christus sich nit hat wöllen vnderwindē/auch in sein  
en gesiptē freynden/wes sich jo yetz vnser Bapst vermes  
sen/die dannocht weit vnder Christo noch seind. Hatt nit  
sanct. Augustin gesprochen vor tausent jaren. Vil körper  
werden geert vff erdtlich/deren seelen seind vergraben in  
der hellen:nit das ich von disen zweyfel/aber ich müß dein  
lachen/dz du so ein güt eynfaltig argumēt hast vß dem ge  
branch vnd fest der kirchen ein heyligen zūmachē. Nōstu  
nit das der gantz handel yetzūd ist/das wir die Breüch 8 kir  
chen anklage/das sye nit alle löblich seind/sonder vil spöte  
licher Breüch/ja auch abgötterische:wir lassen sye aber all



hyngon/dieweil sy nür nüz tragen/vnd also durch vnfers  
 Bauchs willē/haben wir die edle gespons Christi schier zür  
 hüren gemacht. Wie vil meynstu das heyligen gewachsen  
 seind inmerhalb vier oder fünff hüdert jaren/seithär vns  
 das zeitlich so wol geschmeckt hatt. Anna vnd Joachim  
 seind nit alzeit im kalender gestanden mit roter dinten/ich  
 fürdencks gar nahe mit Joachim. Ich acht auch das exē-  
 pel von sanct Jacob vnd vom verlornen sün/hab auch vil  
 dar zü thon. An dem ich auch einmal vernarret/do ich zü  
 Wenz in die schül gieng/macht darnach zü Erdfurt drey  
 hundert verß daruß. Difes alles redich mit bezügüg (wie  
 vor) das ich hoch vnd vil halt von den eltern Marie/vnd  
 als die da billich zü loben seind in Gott dem herren/die ich  
 auch die weil ich leb wil eeren in Gott/vñ gott in jnen/ als  
 billich. Aber den dorechten vngegründtē leutē gebürt sich  
 also zü antwortē. Nyemit sey beschlossen diser artickel.

**Des vierzehenden artickels biñ ich**  
 auch gar nit bestēdig/wie er lauter/vnd besonder so er sagt  
 ich hab soliche wort geredt zü schmach vnd verachtüg der  
 kirchē. Es mag wol etwo ein vnüzer hauff der sich auch  
 für ein kirch vß gibt/dar für angenömen haben/ich hab  
 zügüt der rechten warē kirchē geredt was ich geredt hab/  
 das sye erken das war lebēdig wort gottes vor den sprüw  
 en vnd rost der menschlichē gesatz/vnd die rechte stym jrs  
 hyrten Jesu Christi. Nün wolan laß michs geredt habē.  
 wan wo ichs nit geredt het/so wolt ichs eben noch reden/  
 vnd reds eben yezund/das ich sorg es sey lenger dan fünff  
 hundert jar vnder getruckt gewesen. Ja eben so bald man  
 angefangē hat mit vnseren eygnen menschlichen gesatz-  
 en die Chuffenheit regieren/da hat mans vomen zü ange-  
 fangē vnder zütrucken/bis das es yezund vff die nechsten  
 hundert oder zweyhüdert jar schier gar vnder getruckt ist



von den menschen gsaen. Welcher der yetzund lebt/hat  
vil anders hören predigen/weder vnser eygne erdichte ser  
monen/die sich den merenteyl zogen haben vff die mensch  
lichen sarnungen vnd vff vnser eygne inuentiones/das ist  
er findigen/wie wir dan noch vnserē gefallen (ein yeder)  
erdacht habē. Es zeygen auch klärlich an die predig büch  
er/die noch verhanden seind. welche mag besehen wer da  
wöll/würt er finden/wie weit iren ein teyl vom Euāgelio  
lauten/sonder vol stecken der natürliche vsachen/vß dem  
Aristotele vnd andren philosophis/vol spitziger vnnützer  
fragen in der heyligen geschufft/vnd die selben mit natur  
lichen vsachen zū beweren/als von der heyligen drinaltig  
keit/von den tören der engel/wie sye mitt einander reden/  
wie sye sich bewegē/ Augenblicklich oder mit der zeit/ob sye  
auch die starr erfüllen darin sye seind/ob sye ir seligkeit ver  
diēt haben Augenblicklich/so sye doch auch vß genadē be  
halten seind. Item von den gradē der seligkeit. welcher hey  
lig ob dem anderen sitz/von den besondere krönlin ettelich  
er heyligen vorden anderen. Item von den geschöpfften  
wie vnd wen sye Gott geordnet hat/ob die creatmen auch  
müchten schöpffen/von der erbsünd vil vnnützer fragen.  
als dan nāmlich so von der würdigen müter gottes vnnüt  
lich genig disputiert ist. Von der mensch werdūg Christi/  
ob allein dem sūn gottes gezympt hab mēschlich natur an  
sich zū nemen/vnd nit auch dem vatter vnd dem heyligen  
geyst. Ob er ein yegliche natur hett an sich mügen nemē.  
Ob Gott nichts destminder wer mensch worden/wo Adā  
nit gesündet het. Item von den sacramentē/ob sye seiē ein  
vsach der genaden vnd wie/vnd ob sye gnad geben. Dess  
gleichen von anderē fragen/weliche onnot zū erzelen/de  
ren vol seind alle predig bücher/weliche sye gesogen haben  
vß den scribēten vber den meiffer von hohen sinnen. Item  
wie auch die selben predig bücher vol stecken der fahlen vñ



exempel vß den exempel bücherē gesogen / von den heyligē /  
 vnd exemplen von jnen / züm dicker en mal so kindisch vnd  
 tuncelmärlich das ein schand ist / vnd ein spott der Chri-  
 stenheyt. Was sol ich sagē dz sy voll seien 8 satzügen vñ ord-  
 nungen vß dem geystlichen rechten vñ seinen scribēten ge-  
 sogen / wie hoch das Bapsttumb sey vber alle stānd der chri-  
 stenheit / von seinem gewalt vff erden vñnd im fegfeur /  
 als vom ablas vnd der gleichen / von der priesterlichē wür-  
 digkeit / wie es ein künigklich volck sey / von irem gewalt /  
 von irer würdigkeit (weliche wie sye yetz leben nit bas ge-  
 lobt werdē möchtē / wān so man gar von jnen stillschwig)  
 von irem verdienst mit singen vnd lesen / wie güt es sey so-  
 liche stiftungē da man stätigs Gott lobt (ich darff nit sa-  
 gen spottet) von vil seelmessen / von der erlösung der seelē /  
 von geystlichē öden / von irem grossen verdienst durch ir-  
 strengs leben. von irer keuscheit / gehorsam vñ armüt / das  
 allwincel vol seind pfaffenkinder vnd zeitlichs güts. von  
 der höhe des verdiensts vnd würdigkeit eins ordens für dē  
 anderen / eins ordens patron vber den andren.

¶ **S**ūmāstūmānū / ich möcht in ein grossen büch nit erzēlē  
 die ding die gemeyn in den predigbücherē sind / vß denē dān  
 ein yetzlicher gleich als vß einē reichē krom hat genōmen  
 was im gefalle hat / war zū er geneygt gewesen ist / was er  
 hat wöllē vffnutzen im volck / hat er ein war oder behilff  
 dar zū gefundē. Hat er wöllē die beicht vßstreichen vñ vff-  
 nutzē / hat er gāze volumina das ist gāze bücher dar von  
 gefundē darīn die sündē bey ein quintlin vßgemessen vñ vß-  
 gewegē seind / was ein yede halt im gewichte. Hat er gūte  
 kirchwey od patrociniū wöllē habē / hat er von seins heyli-  
 gen exempel od fablen ein michel teyl fundē. Vñ das ichs  
 mit kurtzen worten sag / der matery dar mit man das arm  
 volck gedeübt hat / ist vberschwencklich vil / die dem Euā-  
 gelio gar nichts ver wādt gewesen ist. Besychs so sindstus



wān du wūrst mich ye nit vberreden / das die stempeny vñ  
gremplerey da mit man vngangen ist / das Euangelium  
sey. Wir wissen wol was das Euangelium ist / ein gute Botschafft  
von Gott durch Chrustum vns zūwegē bracht / der  
gnaden vñnd barmhertziker. welche vns in den geschaffte  
en der heyligen Euangelisten vñd Apostelen verfasst ist /  
wān die selbigen alle da hynlangen / das wir erkennen die  
gnad gottes durch Chrustum vns beschehen. Vñ ob schon  
auch darīn angezeygt werden die sūden / das geschicht /  
das vns die genad dest angenemer werd von Chrusto. Do  
wūrt angezeygt der glaub in Chrustū / das ist / wie wir sol  
len die gnad gottes erlangen durch den glauben / vñd ver  
trauwen vff Chrustū steuff gesetzt / wie solicher glaubē hyn  
nimpt alle sūden / vñd vnser hertz ganz vñd gar von sū  
den reyniget / wie nach folgt die liebe zū Gott vff den glau  
bē ic. Wān wer möcht nit lieb habē der so vil gūts jm von  
Gott beschehē befūnd: da folgt dan auch die liebe des nech  
sten. Wān so wir ye gott nichts thūn künden / wān er ye vn  
serer gūter nit bedarff / es ist vorhyn alles sein. er gibet vns /  
wir künden jm nichts geben oder thūn / so geben wir dz selb  
vnserē nechsten / dem wir thūn / helfen vñd rathē / ein yeg  
licher mit dem er kan vñd vermag / von den gaben die jm  
Gott mitteylt hat / er auch sein nechsten mitteylt. Itē jm  
verzeyhet / jm vbersycht / jm strafft / jm seine bürden hilffe  
tragen vñd dessz gleichen. Item auch vff solichem glaubē  
er gedultig wūrt in armūt / in tranckheit / in verachtung /  
in leiden. do seind jm leicht alle bürden / auch der tod. wān  
durch den selben ist er vngezweiflet erst zū erlangen eygēt  
lich / des er vestigklich sich zū Gott hat versehen. Da von  
vil zū sagen were / welichs auch hye noch der leng zū erklä  
ren nit von nōten. Nūr dz wir ein kleinē Bericht habē / was  
das Euangelium predigē sey / vñd was nit.

**C** Summarū / was sich nit streckt vff den glauben in  
Christum



Christum vnd vff die liebe des nechsten/das heyst nit das  
 Euangelium geprediget. Da bey magstu nun wol gedēcken/  
 ob das heysß Euangelium predigen/so man die menschliche  
 gesatz/gebott vnd verbott predigt. Es ist freylich kein gü-  
 te Botschafft/wie auch oben gesagt ist. Wann man nun  
 sagt/thusu das/oder thusu diß nit/so bistu des teufels/  
 Bist in vngnaden gottes vnd der Apostel Petri vnd Pau-  
 li/so doch mir wed im altē vnd neüwen gesatz Gott solicha  
 ye gebottē od verbottē hatt. Welicher kan das für ein güte  
 Botschafft habē dem man von so vil stricken sagt/vñ so vil  
 gruben/von so vil listiger warnemer vff dem weg. Nun ist  
 vnser geystlich recht vast der selben gattung. Ich wil wol  
 glaubē das es gepredigt heyst/du wüsst mirs aber nit das  
 Euangelium geprediget heysen. Nun kan nieman leügnen  
 das des dings schier eitel vff allen Cāzlen gewesen ist/das  
 ein Christen mensch wol solte verzagt sein ab solichen vñnd  
 der gleichen vil dingen..

¶ Vnd ob schon in allen predigen gemeynlich das Euang-  
 elium auch geprediget worden ist/so hat mans aber doch  
 so behend durch lossen nach dem tert/vñnd flurs vff vnser  
 selbs erdachte matery/wo hyn dan wir die gericht haben/  
 ich geschweig/das es gar seltē anders weder historisch vñ  
 exempels weiß/das ist/als ein geschicht von Christo oder  
 den seinen geschehen/die wir als für ein exempel haben an-  
 genūmen der nachvolgūg. Weliches wiewol nit böß/wañ  
 Christus ist ein exempel vns für getragen dem wir volgen  
 sollē/seinen wortē/wercken/leiden/wie sanct Peter spriche  
 i. Petri. iij. Christus hat für vns gelitten/darin ein exem-  
 pel gelassen. Also wie du sichst/das er bettet/fasset/den lei-  
 ten hilfft/vnd lieb erzeygt/das wir auch also thün/in vns  
 vñnd vnserem nechsten. Aber warlich das ist das geringst  
 vom Euangelio/da von es auch nit Euangelium heyst.  
 dan dar mit wer vns Christus nit mer nützlich wed ein anderer



heylig/ab dem wir ein exempel nemen/vnd sein leben blibe  
bey jm vnd hülff vns nichts. vnd kürzlich die weiß macht  
keine Christen/es macht nur gleisner /es müßz noch vil hö  
her mit dir kumen.

¶ Wiewol nun yetz ein läge zeit/das die best weiß das euā  
gelium zū predigen gewesen/so ist auch mit gelouffen das  
er für ein gesatz büch geprediget/vnd ist vns Christus für  
getragē worden wie ein gesatz geber/der das gesatz etwas  
enger gestriekt hab weder Moses/von wegen dz er sprüche  
Mat. v. Es ist gesagt zū den alten/Du solt nit todt schla  
gen. Ich sag aber/welicher zürnet vber sein brüder ic. Itē  
es ist geschriben/Aug vmb aug ic. Ich sag aber /das jr al  
ler ding nit sollen widerstō dem vbelen ic. Vñ welchen vñ  
der gleichē text sye für wenden/Christus hab ein gesatz ge  
ben/vnd sey das Euangelium ein gesatz büch/wie die gesatz  
bücher Mosi/so er doch kein anders bringet weder das ge  
satz der liebe/als er spricht/ Ich gib euch ein neuws gesatz/  
das jr einander lieb haben. Vnd warheit zū reden/so ist es  
kein neuws gesatz/das er Mat. v. anzeygt/sonder es ist das  
alt gesatz Mosi/das er erklert. welches die phariseer nür  
nach dem büchstaben vnd oben hyn noch den eüsserlichen  
wercken verstanden hetten/vermeynten jm da mit genüg  
gethon haben/wie auch noch heüt beytag vnser phariseer  
mer vff eüsserliche wercken ligē/wañ vff den rechte gründe  
wurzelē des hertze. welche dan das war ewig gesatz got  
tes /ein mal durch Mosen gebē er fordert. Das dan d hert  
im Euangelio anzeygt hat/da mit sye erkantē was das ge  
satz von jnen er fordert. In welche wo sye sich vnuermüg  
lich befundē/jnen die gnad Christi/das Euangelium die güte  
Botschafft vō Christo Ihesu dester angenemer würd. wāñ  
so einer sycht die mege d schuld/so ist er dester gieriger d ge  
nadē/vñ dester mer vñ fleissiger d äctbar/vō dem jm solche  
gnad widerfert/als dan hye in erfüllung des gesatzs Chi

stus allein ist/durch den vns geholffen müg werde das vn  
träglich gesatz gottes zu erfüllen. Christus nun also gepre  
digt/ vnd auch von jm also gepredigt /das heyst allein vn  
warlich das recht Euangelium gepredigt.

**D**arumb mag verstande werde in dreyerley weg das  
Euangelium predigē. Zum erste als ein exempel d leer vn leben  
Christi/welichs güte/aber nit dz recht stuck ist. Zum andre  
als ein gsatz büch/das dan falsch ist. dan es kein gsatz büch  
ist/sond als vil es zufellig das gsatz meldet /welches zu vor  
hyn durch Mosen gebē ist nit durch Christu/sond die war  
heit vn gnad Jo. i. Welche gnad also durch Christu gebē vn  
vns behalt vordē vnmügligē gsatz) ist zum drittē dz recht  
Euangelium in den bücherē des neüwē testamēts geschribē/  
als namllich d vier euangelistē/Pauli/Petri/Jacobi/Johā  
nis. welche wiewol nit vff ein manier od art. wan etliche  
in historiē/etliche in ermanügs weis /doch sy alle vns an  
zeygē vn anbietē Christu als ein gab vn ein schenck die vns  
vō gott gebē vn vnser eygē ist/also das so wir lesen od hörē  
das er etwas thut od leid/das er es vns leid od thū. vn wir  
vns nit minder daruff verlassen als ob wirs selbs gethan  
hettē/ja als ob wir selbs Christus werē. Sych zu /dz heyst  
nun das Euangelium recht erkent/das ist die vberschwenck  
liche güte gottes/die ye kein prophet/kein engel/kein Apo  
stel hat ye mügē vßsprechē/kein hertz ye genügsam ver wū  
deren vn begreifen/das ist das groß feur d liebe gottes zu  
vns. da vō würt dz hertz vn gewissen fro/sicher vn zu fridē.  
Vß solichē predigē/wechst d recht war christlich glaub in  
vns/wie dan S. Paulus spricht/ Der glaub ist vß dem ge  
hörd. Welcher soliche botschaft hört vō gott vns zugesagt  
wie wolt er yetz nit glauben. Welcher nun also glaubt/wie  
möchtē jm nit alle ding ja auch d todt leicht sein vff disem  
erdrich. Ist es nun also geprediget worden/so hab ich vns  
recht. Ich sorg aber/das vnder hundertennit einer es also



verstandē hat/ich geschweig das es bis h̄ar vast durch die  
aller vngelersten pfaffen geprediget ist/die wenig verstan-  
den haben/was Euangelium sey/so auch die gelerten (wil  
mich geduncken) es nit gewisst haben/wan jr geschufftē  
gar still dar von schweigen.

**W**ie wan ich auch darzū sagt/das auch nit d̄ recht glau-  
be wer prediget:wann es auch darauß volgt/wo nitt das  
Euangelium predigt würt/mag auch nit der glaub sein/  
wan er allein vß dem gehörd der gūten Botschafft vō gott  
zū gesagt/erwechset. Wie schlechtlich aber vom glaubē vn-  
sere theologi zum teyl geschubē haben/lāst sich wol lesen  
Die den mererenteyl al vil vom glauben/vnd doch n̄r als  
ein erkantnuß/geschubē vnd gesagt haben/wie man auch  
von anderen historien ein erkantnuß vnd glauben gehebt  
hat/vff die vnser hertz nit so genzlich vertrōstet würt/das  
es in frōliche sicherheit k̄um der göttlichē gnaden: dan wo  
dem also/war zū were dan not gewesen/so vil vff die gere-  
chtigkeit vnserer werck zū bauwē: was hettē wir bedürfft  
des ablaß vnd andier vnserer eygnen erdachtē werck/als  
fārt vnd klosterwerck/vnd der gleichē/so hoch vffnutzē/  
das volck darein fūren/dar zū vermanen: Welchs so wir  
stracks in soliches vertrauwen in Gott gefūrt hetten/die  
rechtē werck alle sampt von inen selbs hauffen weiß zū her-  
gefallen weren. Aber nit die werck da von wir pfaffen vnd  
munch reich worden sind/sonder durch welche d̄ arm La-  
zarus vff der gassen erzogen wer wordē. Item gedult in w̄-  
derwertigkeit/in tranckheit/vnd was der rechten frūchtē  
des geysts seind/gewesen weren.

**D**arumb lieber gesell/laß dich nitt frembd duncken di-  
sered/Wie wann ich auch sagte/das der mererenteyl in der  
zeit n̄r hoffart/geitigkeit/vn vnwissenheit prediget hatt:  
da von auch doben. Hoffart in den grossen gelerten theolo-  
gen/die n̄r in subtilen frage gestandē/mer haben wōllen.



Kunstreich gesehen werden/weder das sye am puren laute  
 ren tert der geschriffte weren gehägen/das sye dan für ein  
 disch ding geacht haben. Es ist ein schlecht ding ein Euan  
 geliū postillieren/ gehört nür den schlechten dorffpfefflin zū  
 vnd für eynfaltig volck/die grossen predicanten führen mit  
 kurzē worten dardurch/ als an dem nitt vil eer zū erjagen  
 war. Vnd ob sye schon ein thema darauß namen/kundten  
 sy es doch flux richten vff jr meynūg. Wie vil hundert tau  
 sent themata seind genomen vß der geschriffte/oder vß dem  
 Euangelio/vnd sich aber die matery nichts dar zū gerey  
 met hat/seind vff die heydenischen zänctischen fragen kün  
 men/als vß hoffart/das wir auch die frembdē vngehörte  
 doctores neinen kōndtē/vñ arguieren dan vff der Cantzel  
 dahār als ob wir in der schül weren.da man nür eynfaltig  
 klich sagē solt/das glaub/das sagt Gott/vnd solichs vß d  
 götliche geschriffte bewert. Wohār anders ist das zäncken  
 vnd haderen kumen vff den Cāzlen/da einer vff den ande  
 ren gestochen/wie die natteren/vnd ye einer vor dem ande  
 ren hat wöllen gesehē sein/vnd jrem geschwertz also dz arm  
 vöckly müssen zūhören. Exemplū/ Der handel von d ent  
 pfengēnūß Marie vnmūz dē volck zū wissen/hat doch ein  
 yeder sein narren kapp daran wöllen probieren/vnd deren  
 T Geitigkeit hat auch prediget/zeygen an (gleichē vil.  
 die wechselbenck in allen kirchen/vff allen kirchweihung/  
 da man die prediger nür hyn gestellt hat/dz sy vß rieffen dē  
 marckt/den trom/den abloß/das gotzhaus rhūmen/wie  
 arm die brüder seien/wie sye sich schwerlich verbaumt ha  
 ben/wie sye tag vnd nacht singen vnd lesen/Gott für dich  
 bitten so du ligst vnd schlāfft/was der heylig für ein kunst  
 kan.der kan für das augenwee/diser für die geelsucht (ich  
 mein im seckel) wie hochs verdienst der sey. Da sind die sta  
 tionierer hār gefaren/vnd hand gelogen/das man möcht  
 hammen dar bey sungen. Vnsere Prelaten haben das gelt



von jnen genömen habens lassen ligen. Solte ein frummer  
pfarherr ein wort dar wider gesagt habē/er hette in ange-  
ben/er wer fiscalier worden. Der güte frum man hat müs-  
sen den wolff vnder seinen schäflin/mit gesehenden augen  
lassen vmgon/hat nit darüber dürffen schreie/sonder hat  
die Mandat darzu müssen fürderē. Was sol ich sagen/des  
dings ist on zal da mit mā sinätzet hatt. Man hat die kirch  
wey prediger/erstmessz prediger/ablass prediger bestelle/mit  
vil anders wedere die weinrieffe/Da trag här/da schēckt  
man den besten. Es seind auch die keßsamler darzu kumen  
vondenen ich geschweig/die heymlich hauspredigen. Ach  
gott wer möcht erzelen den jamer der fūrgangen ist in der  
Christenheit. Es haben auch die armen berupfften pfarr-  
herlin/auch müssen seckel prediger sein/vff jar zeit/vff op-  
feren/vff den kleinen etterzehenden/ist er echt jr gewesen/  
vnder ding vil. Do ist vast gehört worden die stym/du bist  
das vnd ihens schuldig bey einer todesünd/du bist des tei-  
fels gibstu das nit/thust ihens nitt. Sūmasūmarū/es ist  
des dings kein end/dar mit man vmb gangē ist/das alles  
vnder dem schein des gots worts fürtrungen hat. das ich  
frölich vnd dapfferlich darff sagen/wo ichs nit vor gsagt  
hette/das nit allein der menschen gesatz/sonder auch der  
menschen geiz fürtrungen hat/das das gots wort ja frey-  
lich welt dahinden bliben. Selten hatt man prediget vom  
geiz/vom eebuch/von gots lesterung/von mißtrauwen  
zu gott/das die recht hauptünd ist. Als nūr von dem zehē-  
dē/wie du das schuldig seiest/wie ihens. derē dir gott keins  
nie verbotten hatt/ja oft vor solichen verbieteren als vor  
beschliefferen des himelreichs/vnd vfflegeren der schwär-  
en bürden gewarnet. Was sol ich sagen das verkündē der  
Mandat von ein hye/dem anderen dort. Item von bann  
büeffen/vnd des plunders vil/das in der kirchen ist/vund

zuzeiten da man das gotts wort predigen solte/hatt man mit den gelt geizigen vnd zänckischen sachen müssen vmb gon/obs Euangelium nie nitt dar durch verhindert worden sey/viteyl du selbs. Den feirtag der allein durchs gotts worts willen vffgesetzt ist/vnnd eben die stund / vnd auch das ort vnd die stat dar an man es hat sollen predigen / hat den menschlichen (ich spräch gern den teüfelischen) gesatz en selbs müssen weichen.

**U**nd was solich sagen vom dritten / das den merenteyl vnwissenheit auch geprediget hatt / das ist / die aller vngeschicktesten vngelerntesten pfaffen / vßgeschlossen / was gelerter münch gewesen sind / die haben nün jr kunst vast vff die zwey vorige stuck / inen zu nutz vnnd zu gewinn gebrauchet. Wolan / ich meyn die gemeynen prediger / oder pfarher / in stetten / vnd vff dem land / da mags niemants leügnen / das es dem aller vngelerntesten hauffen (wie oft gesagt) beuolhen ist. Vnnd ob schon in einer statt vff einem Scryfft / etwo ein geschickter ist / der gern das beste thett / so mussz er der schnür nach reden / das er seinen gnedigen herren nit erzürne / er darff das manl nit zu weit vff thun / da mitt er dem scryfft nitt schade / die Oberkeit / die Chorherren vngestraft laß. Summa / es seind gefangen leüt. Sye dulden auch einen nit lang / wo er es zu vil wolt machen. Sye perpetuieren auch keinen vff die pfarr / wo es möglich ist / vff das er jr liedlin mussz singen / oder aber weichen. Sye versehen sich auch allein mit mittelmässigen gelerten / Bey denen die sorg nit ist / das inen der schwartz vbers nest wachsz / Er mag leicht sein / das er nür kan das Euangelium postillieren / vnnd die leüt mitt den Sacramenten versehen / man darff sein sunst niergentz zu. Wo er aber gelert were / vnnd wir in liessen nitt predigen här für brechen / gewünne das volck ein gunst zu jm / vñ würd höher geachtet weder



wir selbs/die seins herren seind. Darumb müßz mans für-  
sehen/sye vō ein jar zūm andern dingē/wie die seirw hyrtē  
vnd danocht in eyd ynbinden/so oft es inen gelegē ist im  
jar dar zū abkünden. Sūma sūmarū/sye habēs wol für  
sehen/wils nit helffen/so haben sye doch das jr gethon. O  
du ellende Babylony.

**E**s ist auch dessz gleichen von dorffpfefflin/die dan den  
merēteyl gūt eynfaltig gesellen seind. Na sprichstu/sye mö-  
gen leicht sein vffs dorff/als ob Bauren nit auch leüt zū der  
seligkeit beschaffen weren. Ja sprichstu/sye hören nit gern  
lang predig. Ich glaubs wol/die weil du inen nit ander pre-  
diger dar stellest. Ach gott wer wil sye gern hören/die sich  
oft selbs nit verston. O wān die stym des rechtē hyrtē lau-  
tet/würdē sye bald zū lauffen. Was wiltu sagen/ich glaub  
das wenig Bauren so grob vff erdrich seient/wān sye von  
yemāt das gotz wort hören d apfferlich/ernstlich/fleissig-  
lich vnd von hertzen predigen/sy würdē bewegt/wān das  
gotz wort schneidet wie ein scharf sacht/trent von einander  
leib vnd seel/wie der prophet vnd Paulus sprechē/Es hat  
krafft/wo es nūr braucht würd/es müßz aber mit ernst ge-  
**S**prichstu/ja den ich dar stell/ist geler (prediger sein-  
ter weder ich selbs/vnd so ich da stünd kōndte ich minder/  
würden mich freylich vngerner hören dan disen. Wolhyn/  
ich glaub dir woldz du minder/ja etwan gar nichts kanst.  
Du bist auch nit vmb weydens willen ein hyrt oder pfarr-  
herr/ja vil minder weder dein vicary oder substitut/ja nit  
allein kein hyrt/sonder ein dieb vñ mōrder/wie d herr sagt/  
Ein dieb kumpt nit das er weyde/sonder das er stele/metz-  
ige vnd verderbe. Vñ du auch nūr darüb/das du die schäf-  
lin scherest/milckest vñ d rōdest. Ober welche hyrten der  
prophet jamerliche wee schreiet/Wee den hyrten von Isra-  
hel/die sich selbs weyde. Ist nit/das die schäflin vom hyr-  
ten sollen geweydet werden. Ir habt die milch gessen/euch  
mit der



mitt der woll bekleidet/was feyst gewesen gemezelt/haben sye aber nitt geweydet. Schamestu dich nitt du ellens der Curtisan/du pfarenhengst/das du deinen schäflin nie kein löcklin heiw gebē hast/vñ so vil von jnē jārlich schindest/wie wiltu es gegē gott verantworten? Darumb ist es nit ein wunder/das sye deine stym nitt kennen im gūten vñ nach zū volgen/aber sye kennen sy dannoch wol als eins wolffs/diebs vñ mōrders stym/so du nach dem herbst/vñ Martini mit Bañ bueffen vber sye wüt est/plagst/vertreibest/schindest sye/gibst sy dem teüfel/vmb der zeitlichē nahrung willen/für die du doch soltest dein seel gesezt haben/wie der herz sagt. vnd dannoch jnen wider gott ere vñnd recht abnimpst/gottgeb was du für bueff von Rom hast/gottgeb wer es dir geluhē oder erlaubt hat/er hat sein nitt macht/es sey gleich der Bapst selbst/es sey gleich ein weltlicher oder geystlicher lehenherz. Es hat niemants macht das volck Christi/mit seinē blüt so theür erkauft/so ellendlich vff den fleischbanck geben.

**N**un wil ich auch hie mit nichts ab gebrochen habē den lehens herren der pfaren/sy seind geystlich oder weltlich/wie wol es billicher solt anders sein. Wolhyn es stand jnen gleich zū verleihē/es stat in aber nitt zū verderben/vnd anders weder einē rechten treüwen hyrten zū leihen/das des armē volcks heyl ist. Ich sag dir fürwar/du seist geystlicher oder weltlicher lehen man/du würst nitt minder ja mer rechnung gott darumb müssen geben/wan dir ist der hyrt sampt den schäflin beuolhen/so hastu kein acht daruff/od hast selbs teyl vnd gemeyn mit/oder nimpst schencken vnd gaben/gottgeb wer es vnd wie mans weyde/oder wilt erwan kein competenz geben/du hast den zehenden selbs/ist dir nitt gelegen vil hynweg zugeben.

**W**er hat dich heysen den zehendē nemen vom volck/vñ es vñnersehē lassen? Jo sprichst/der Bapst hats disen herz



ren/dē styfft/od kloster zū leben gebē. Wer hats in geheys-  
sen: freylich mit Christus vn̄ seine Apostelen/die allein dem  
arbeiter im gortwort/die narūg zū gesagt haben/so nimpt  
ers jnen. Darumb müßz es jnen freilich der teüfel geheys-  
sen haben. Ja sprichstu/es seind alle geystliche güter sein.  
Sprich ich zūm ersten/Es ist nichts sein/das er es sol an-  
ders weder nutzlich vn̄ gewinlich dem herren brauchē/wie  
ihener getreuer haufsknecht im Euangelio. Es hat Chri-  
stus niemants ichts beuolhen zū zerfförung. Zūm anderē  
sagich/Büeff vnd sigel wer güte dar bey/das alle zeitliche  
güter der geystlichen/sein weren/jr werdents mit alles mit  
den sprüchen daruff jr bochen/vsrichten vnd verantwor-  
ten/ Ich gib dir die schlüssel/wen du bindest/der ist entbun-  
den/freylich von seiner hab/vnnd seligkeit. Weyd meine  
schaff/ja frissz sye/ Der eüch hört ic. aber nit das gemeyn  
liedlin/Trag här. Der geyst würtz eüch leren ic. Ja wol  
der teüfel/vnd eben der selbig. Wan̄ wer wolt sunst anders  
geleret haben alle Pfarzhen in der Christenheit verwüsten/  
vnd mit sampt anderen geystlichē güteren an eüch ziehē/  
damit man von jnen allen gelt haben müg: wer do künne/  
es sey ja Scryfft/kloster/auch weltliche. so nimpt man das  
gelt/vnnd last sye incorporieren/beuulhet sye jnen zū verse-  
hen/durch andre/dem sye ein competentz/das ist ein volkū  
men vstkūmen lassen sollen/wie sye dan̄ thūnd/das sye sich  
des hungerstūm er weren mügen/vnd beuelhen eben dem  
wolff die schaff. Vnd ob schon der pfarzherz sich möcht be-  
klagen/er hette kein competentz/kein vstkūmen/so hatt jn  
der selbig wolff zūuor in den eyd gebundē/das er keine for-  
derē wolle. Also müßz er sich des bettels/des trinckgelts be-  
helffen/müßz seiner genadē geleben. Wil er aber nit/so far  
er hyn/man findt alweg ein güte eynfaltigē herrdomine/  
der es nimpt/denckt villeicht/es ist weger/weder soltestu  
der seiw hütē/od sunst baurē arbeit thūn/zū der en er seure



Kunsthalb kun besser were. S ellend/do solt man yn sehē/  
 das ist der handel vñ der mangel in d̄ Chriſtēheit/vber den  
 ich also jamerlich geschryen hab vñ noch schrey/wil auch  
 nit vff hören(hoffich) die weil ich atem hab. wañ warlich  
 das sind die rechte Türcken/wol schädlicher weder die vß  
 Eriechē land/weliche mir den leib vñ das güt villeicht süch  
 en/so verderbē die vns die seelē auch darzu. Das ist d̄ hanz  
 del darüb ich Ketzer gescholtē bin/von des mägels wegen/  
 ist die entböruung yetz in d̄ wellt. vñ würt auch nit besser/es  
 werde dan gewegert. Das ist die vsach/das sye sage man  
 wöll Buntschüch machē/so man das gröst vbel vñ verderz  
 ben der gantzē Chriſtenheit anzeygt.

Wie dunckt dich aber/ob es dar zu käme/das ein refor  
 maz in disen dingen geschähe/man verordnete die zehendz  
 en widerumb zu iren pfarben/oder beschnitte sye mit also  
 genaw/das mit der geschickſten/gelerſten priesterſchafft  
 das arm volck verschen würd/das die armen pfefflin nitte  
 vff dem gutz/vff der finantz/vff dem raub dürfften sitzen.  
 Wer meynstu der anders erdacht hat die vil stempeneyen/  
 die gützeren/weder allein die hungerigen prediger. ist in  
 en güt gewesen/wo mit sy sich haben künden neeren/es ha  
 bens ire Patronen wol mügen leiden/da mit sy deſter Daß  
 schinden möchten. Hat er sich des trinckgelts mögen erne  
 ren/haben sy im deſtminder lons vom zehenden geben/ja  
 oft lassen sye im das trinckgelt auch nit gar/sonder schla  
 gen jätlich ein summa gelts daruff. ic. Schneiden also da  
 sy gar nit gesäyet habē/d̄ arm schweyß müß sich verschrei  
 ben zu gebē/da er etwo keins pfennigs gewiß ist. Summa  
 sumaru/du darffest es niemāt hye klage/wed deiner eygnē  
 schuld. Meynstu ob es ein klein ding sey dz das eynig gots  
 wort/dar durch wir müſſen selig werdē/dē aller schlechſtē  
 hauffen vnder d̄ priesterſchafft sol beuolhē werden. Es ist  
 kein herz/kein stat/kein dorff/mā schickt den aller bestē mit



reden vnd nit wissen in zeitlichen leiblichē dingen / vnd wir  
beuelhen das ewig wort gottes / Gottes / nit eins yrdischē  
tödliehen fürstē / Gottes gottes wort / daran die eer got-  
tes / vnd vnser aller heyl gelegen ist / den aller minsten vnd  
vbelkünēsten / vnd wöllen dānocht güt hyrtē sein / darffs  
niemāts von vns sagen. Wan es vmb zeitlich güt zū thun  
were / wölte wir es gern leiden / es trifft aber das ewig le-  
**W**as sollen die gelertē doctores vff den styff (ben an-  
ten: wem sind sye nütz: anders dan das sye fressen vñ sauff-  
en / vnd die pfarrhē schindē / vnder dem titel ires doctorats:  
weliches niergents zū nütz / weder vff zū weyden das / dar  
durch dz gots wort solt gepflāzt werdē. Wie düctt dich / ob  
nit die doctorat vff den styffē dz gots wort mer vndtrückt  
habē dan dolet etwas: wan jr künst ist allein fināzerey / wie  
sy die styff vnd klöster / darinnen sye seind / reich künden ma-  
chen / alle zehendē vnd güter an sich ziehen. Da hār kumpt  
es das vff etlichen styfften Doctores zū gelassen werden /  
es müssen aber Juristen sein / das sy mit iren fināzen dem  
styff nütz seient. Sy hennin lieber doctor / wem bistu nütz:  
wen lerestu: gegem wem übestu dein künst: anders weder  
wie du Gott vertreibest / vnd im sein heyliges wort vstiltg-  
est: ein gemalter doctor wer besser / wan so er schon nū nütz  
te / so schüde er doch nichts. **S**ūmasummarū / es ist alles  
da hyn gericht / dz das gotz wort vnder gāg / ich sagte gern  
klöster / styff / orden / secten / vnd der teüfel vber ein hauff  
en / vniuersiteten dar zū.

**W**ye meynstu / ob kein klöster weren / vorab die grossen  
feystē abteyen / vnd ließ die zehendē wid zū jrē pfarrhē fal-  
len / verwechslet der edelleüt zehendē mit den landtschaff-  
ten / stett / schlösser vnd dörfen / die sye haben. Also möcht  
man die pharrhē wider wol versehen / vnd die yetzund faul  
fressig münch seind / weren frumē herliche pfarrer / vñ wey-  
deten die schäflin Christi / hettē dar von jr narüg / ob schon



der stift nit so vil weren/mit so vil personē/schick te sy hyn  
 us/in omnē terram/vffs landt/in die welt. ic. Wie ob sy ge  
 ordnet weren als zücht heuser/darinnen frummer leüt kind/  
 edel oder vnedel erzogen würden/bitz sy dem volck nütz we  
 ren/braucht man als dan ein yedē noch seiner geschicklich  
 keit/war zü er nütz were. Ja sprichst/es habens vnser e  
 ren also gestift/darumb künden vnd sollen wirs nit ende  
 ren. Ich weyß es nit. Wolan/sye habes gestift wie sy wöl  
 len/sy habens gut gemeynt/wiewol es vbel geratē ist. Ist  
 es aber jr meynung gewesen/das sye also ein faulen vnnütz  
 en hauffen haben wollen stifften/durch den Gott mer ge  
 lestert/weder gelobt würt/die seinem wort zü nachteyl vff  
 erdrich leben/so seind sye freylich vnfruchtig vnd mit Christiē  
 gewesen/ist man schuldig solichs zü wegemen/wie alle an  
 dre heydenische ding vom teufel vffbracht.

**E**s ist nichts das du sagest/Ja es ist für die armen seelē  
 für die man singen vnd lesen sol. Ich sag/es ist des teufels  
 gespenst/alles das/was zü nachteyl dem gotz wort diener.  
 Wil hyemit nit abgebrochē haben/das frum leüt in stifftē  
 oder klösteren bey einander woneten/singen vnd läsen/ist  
 auch löblich. Aber wie Paulus zü den Coünthiern/vnich  
 auch hyeoben gesagt. Müßz eben dz singen vñ lesen durch  
 die besten vñ gelertesten geschehen. Hastu darumb gestu  
 diert/dz du da standest vñ singest/bitz man dir den presentz  
 pfenig gibt/das ein yeder bachät wol kündt: Man macht  
 Doctores/das sye nütz seient der Christenheit/also lauten  
 ire irramēt vnd eyde/so man sye promouiert. nit darumb  
 das sye da standen wie die götzen. Weiter/Müßz eben das  
 singen vñ lesen also geschehē/das dar durch das gotz wort  
 sol vff gehebt vnd veracht werdē: das freylich ein mort ist  
 vber alle mort/vñ des leiphafftigen teufels werck. Tün ist  
 jm ye also/dan sye sich des zü üben selbs/beschamen. Auch  
 welicher zü jnen kümpt/wil er nit veracht sein/müß er sich



sein auch ab thun vnd beschämē. Ich hab einē gekant/der  
wol predigen kont/vnd man in auch gern hörte/lange zeit  
pfarher in einer löblichē statt gewesen. So bald er aber  
vff ein Stryfft kame/vnd sich zu zeitē mit predigen Gott zu  
lob ließ hörte/wie bald ward im gesagt/er solt sich des nach  
gültigen dings ab thun/es stünd einem Chorherrenitt zu/  
er solte sich seinem stand nach halten/als er inen auch vol  
gere/vmnd die herliche stym Chusti erlag vmd erstumpfte/  
durch des zeitlichen prachts willē/darumb das er yetz vnd  
vff ein jar zweyhundert gulden weiter zu verzeren hett von  
Christo/solt er sich seins worts beschämen. O du vn seliger  
stand/durch des willen man sich des gortwort zu predigen  
sol beschämen. Syhe zu lieber freündt/ ob einer nit billich  
sprech/die selbigen Canonicatē weren vom leibhaftigen  
teüfel gestiftet: dar durch das gortwort müß gschwoigē sein.  
das doch zehentausentmal besser ist geprediget/weder wie  
es die Chorherre singē/wan sye im schon recht thertē/wie  
Paulus sagt: Nats aber d teüfel nit weydlich troffen mit  
seinē herlichē chorstiftē/die sich des predigens müssen be  
schämē/doch haben sye die gnad das sy sich der gült nit be  
schämen. O teüfel teüfel/du ertz bößwicht/wie hastu dich  
so sein künden in die sach schicken/wie kündstu Christu das  
vertribē haben/weder durch deine styffe/vnd dein klöster:  
vff welche gar nahe alle nutzūg vffs gortwort ver ordnete  
gezogē wūden/vnd die niesser sich dannocht seins worts  
beschämptē. Es sey dan sach das es widerumb dar zu kum  
das wer kan vnd mag/widerumb predig/vff dem land vū  
in stetten/vnd man auch die nutzungen widerumb da hyt  
last reychen/danēhār sy ab gefinantz sind/so ist es vmb  
den chüstlichen glauben gethan.

¶ Wölte gott/das er wan ein edler herr Graff oder Fürst/  
die sach angriff/vmnd selbs vff seiner pfarr/deren sye dan



auch gemeynlich haben/an fieng zū predigen/ob ettwan  
 ein ander auch des gleichen thette/ich hoffte es würd bald  
 das predigen nit mer als ein schmählich ampt sein wie biß  
 hār. Vnd ob schon einer vff seinē dorff/wie ein andrer welt-  
 licher regierender edelman sässe/hette gleich seinē zehendē  
 vß dem er sich nerete/vnd dem volck darumb dienete (dar-  
 umb auch der zehend im neüwen testament zū gelassen ist/  
 wie ob gesagt) were es im ein schand: Veyn freylich/son-  
 der ein grössere eer/weder das er da vmb gadt/in einem  
 grawen weissen/oder gesprecklechten beltz/wie ein ande-  
 re gredt. Mich dunckt es stünde dem adel bassz an/Christo  
 dapfferlich in seinem wort zū dienen/weder dem teüfel im  
 kuzhüt. Wann ich warlich sorg/das es wenig anders sey/  
 wo man es erwegen solt gegen dem Euangelio/ja wann  
 sye auch selbs solten richter sein/köndten sye es nit besser  
 achten. Vñ gieng inen doch nichts an der nützung ab/  
 sonder das so yetzt vff den stifften vñnd in klösteren in eytel  
 üppigkeit verzeren/brauchten sye Gott vnd seinem wort/  
 zū lob vñnd für dernüß/das es frucht brächt in dem volck.  
 Außß der weltlich edelman/vff dem dorff wonen bey seinē  
 en armē leüten/es were d̄ geistlich auch wol daruff/scham-  
 pte sich der sach nit/sonder achte es mer für ein eer/das er  
 dem obersten künig Christo Ihesu in seinem wort vñnd be-  
 uelch diene. S̄ viel löblich würde die kirch regiert/vñnd jr  
 auch wenig in zeitlichen güteren abgon/weder das die rö-  
 mischen finanzier mit den stifften vñnd klösteren jr prattick  
 vñd schinderrey (ich sagt gern schelmerrey) nit also möcht-  
 en treiben. Es würde nit absents geben/es müßten presents  
 sein/gegenwürtiglich selbs versehen. Sumasummarū/  
 es möchten die güter gar nahe alle den geystlichen bleibē/  
 wie sye yetz vñnd seind/sye würden aber nützllicher braucht/  
 namllich Gott zū lob/vñ dem armē vöcklin zū nutz. Ist es  
 nit erlicher einē edelman/er übe sich in den sachē seines her-



ren/von dem er seine lehen hat/weder das er jm das lehen  
ab schelmete: wann es an die not gieng/zöge er hinder sich/  
wölt nit dran: Also auch wir geystlichen/dieneten dapffer  
dem herren Christo/darumb wir auch die narung nemen/  
das lehen der zehenden/oder wie die verordnet weren. Ist  
es nit zu erbarmen das alle edle durch die welt/die ire lehe  
haben von iren herren/arbeiten vnnnd dienen jnen treulich  
darumb: In allein in der geystlicheit verimeynē wir es sey  
genüg das wir es habē/vn nichts darumb thūgen: Es ist  
nit damit vffgericht/ein edelman sol lehe habē vn ein pfaff  
pfründen. Es stat auch dar bey/es sol ein edelman seinem  
herren dienen/seinē nutz fürderen vn seinē schaden wendē/  
das sye auch thünd. Wie thūns aber wir pfaffen: Soll ich  
nit sagen es sey des tüfels werck: vn vorab so nötigers ist  
vmb die geystlichen lehen zu thūn weder vmb die weltlichē  
en/so dißz die seel/ihenigs nür den leib antrifft.

**I**n so sprichst/wir thūn auch etwas darumb. Ach gott es  
ist nichts gegen dem das man thūn solte. Es ist nit also  
von Gott eüwerē lehenherre vffgesetzt/Gott hat kein  
sonderen orden im newen testament yngesetzt/anders we  
der das gotz wort handeln. So trachten wir nür der nutz  
ung nach/fressen alle zehenden vff in der welt/vn richten  
es mit einē kalten liedlin vff/das wir etwo selbs nit wissen  
was es ist/ich geschweig das volck. Wie wol stünd es ein  
edelman an/so in sein lehen herzmante in das felt zu streitē  
vnder ritt dar für hinaus jagen vnd sunst kurzweil nach/  
gott geb wie es seinem herre gieng. Darumb dencket liebē  
herren (ich red yetz mit den grossen thūmherre vorab) das  
der herz nit hat gesprochen/Gend hyn in die welt/vnd singē  
das niemant verstor/niemant dar ab gebessert würt/son  
der predigen das Euangelium allen creaturen/das zehen  
tausent mal besser ist/als sanct Paul sagt. vnd wir nemen  
dienutzig/die vff solichs zehētusentfeltig kostlicher werck  
gericht ist



vnd gebē jm kum dar für dz sumpel oder eyntostig/ ja auch  
 das selb nit/ ja wol als gar vergebēs nemen wir es. Es we  
 re eben/ als so ich soldt nāme vff zehen pferdt/ vnd schickte  
 jm ein kuchen buben/ oder als bald niemants in das feldt.  
 Ich glaub auch vestiglich/ das die chustheit niemer mer  
 ab genūmen hette/ wo nit die stiftungen/ in denen es alles  
 vff singen vnd lesen allein gericht würt/ vff kumen weren.  
 wan die selbē stiftungen haben darnach nit gnüg gehabt  
 an dem ihenigen/ so jnen zū gestift/ sonder auch vmb sich  
 fressen/ dem gotz wort auch sein narüg/ das ist die zehenden  
 entzogen. Es ist freylich das singen vnd lesen nit mit den  
 zehenden/ sonder vast mit eygnen güteren/ die vnser forde  
 ren daran geben/ vffgestift worde/ aber mit subtilē practi  
 cken haben sye es an sich zogen/ wie andre ding mer/ land  
 vnd leüt/ deren sye im Euangelio munderē grundt habē.  
 Vnd ob schon vnser forderen die zehenden also vß eygnē  
 gewalt dar zū geben/ haben sye es doch nit macht gehebt/  
 wie sy es auch nit recht verstandē. Das sye aber widerüb  
 sprechē/ d Bapst hats verwilligt/ sag ich wie vor/ wer hat  
 es jnen geheysen/ das er verwillige das dem gotz wort sein  
 narüg entzogen werd/ vñ ein geseng dar für vff gerichtet.  
 vvilleicht hette er nit so vil mögen dar von habē/ wo die Col  
 legia vnd stiftungē nit also vff gangē weren. Ja das gotz  
 wort dapfferlich geprediget/ hette es nit gestattet/ als es  
 auch nach heüt beitag dar wider billet. Darumb hats der  
 teüfel wol an gesehen/ das er nit zū vor das gotz wort vff  
 hūbe/ so würt er es darnach künden machen wie es jm ge  
 fiel/ vil vnütlicher/ vnnützer officia ynsetzen/ denen allen  
 nichts beuolhē ist im gotz wort/ das doch Gott eynig ynge  
 setzt hat. Was sollen ämpter on arbeit/ Seind die ämpter  
 allein darumb/ das sye vil zins vnd gült einnemen.  
**S**ūmasummarū/ der handel ist nit gnüg zū beklagen/  
 was vbel vß dē vndgäg des gotz worts genolgt ist. welches



so es widerumb vffgieng / vnd allein das recht eerlichst vñ  
best ampt in der Christliche kirchen geacht würde / were es  
Bald vmb des teufels regimēt gethan. Darumb wüet er  
auch yetzūd also / so er sycht das er widerüb här für tringt  
Wañ er weyßt wol das jm sein vireyl / durch das wort nä-  
heret. Er mag lieber sehē zehēt ausent klöster vñ stift / dar  
innē man nür singt / weder nür zehē prediger / die das gots  
wort dapfferlich sagen. Dañ er weyßt wol / wañ man läg  
singt / so verstadts das volck nit / vñ vñleichte auch nitt die es  
singt / würt jm da mit nichts ab Brochen / so er durchs gots  
wort müß darnider ligen. Was seind für singer vñ leser ge-  
wesen / da mit das Euāgelii vffgangen ist: allein das gots  
wort hats thon / vnd so vil mer der selbigē singer vff gestiff-  
tet seind / so ist die liebe dest mer in aller welt erkaltet. Was  
kan ein rede krafft haben / die niemāts verstadt: Vñ sag  
här / meynstu ob ich vnrecht geredt hette / das Euāgelii  
were in etlich hūdert jaren nit recht geprediget wordē. Es  
ist prediget wordē / aber wie: es ist auch gesungē wordē / ge-  
küßet / vñ in silber vñ golt gefasset wordē / was hat es aber  
die arme hūgerige seel geholffen: Vñ ob schon vñ vil et-  
wo einer gewesen / d es dapfferlich vñ recht geprediget hat  
was hat aber d selbig möge erschieße: Der teufel hats wol  
lassen predigē / jm on schadē / es müß predigt werde / dz sein  
reich vñ d welt kum / wie yetz anfahet / es ist sunst nit predi-  
¶ **W**olan sag mir / ist es vorzeitē läg prediget wordē (get.  
warüb thut mā dañ so vñgeheür vber vns yetz: Vñ pre-  
digē wir es ye auch. es müß es entweds die vougē nit recht  
gepregiget habē / od wir yetz nit: Vñ predigē wirs yetz /  
wañ wir wöllē ye nichts ands zū lassen / kein ands Euāge-  
liū neben dē Euāgelio Christi / vñ Begerē allein vnser ding  
vffs euāgelii zū richtē / vñ daruß zū bewerē / des jre ein teyl  
nit wol erleidē mügē. Jre was ist ands / dz es die pharisei-  
er gleisner vñ gemalie heyligē so vbel verdreüßt / so mā jre



ein wenig ynredt/vñ inē jr ding verwürfft/wed dz sye das  
 Euāgelium nie recht gehört/sye were sunst entweder nie zū  
 gleißner worden/od aber weren sein gewont. Itē was hat  
 man mit souil meschen gesatzē gethon (vnd alle Cāzlen er  
 schellt) so man das Euāgelium prediget hat: Wider welis  
 che so man yetz prediget (wie sy dan das Euāgelium mit ne  
 ben jm mag leiden) so rümpfft man sich dar ab /ist ein güc  
 zeychē/das es vor hyn selten gehört ist wordē. Es ist not ge  
 wesen das es nit gar vngeprediget blibe/wañ er hat ye sein  
 reich daruff vñnd daruß auch zūm teyl müssen bestätigen.  
 Es seind ye vil stend in geystlichkeit/die sich vff dem Euā  
 gelio gegründt rümen/als Bapst umb/Bistumb/ıc. von  
 welche: man nichts wüste/wo das Euangelium nit were.  
 Ob sye aber seind wie sye sein solten/vnd das Euāgelium  
 vß weißt/do bleibt es stecken/da hören wirs nit gern/doch  
 müssen wirs danocht behaltē/vñ bleibē lassen. wañ man  
 fragte sunst bald/wo hāt wir geystlichē genāt entsprungē  
 werē. Wir gebrauchē vns d geschufft gern/so fer sye nutz  
 lich vnd dienstlich ist/vnseren pracht bestätigt vnd erhal  
 tet/so weit sye auch das selbig zū thun vß gelegt mag wer  
 den (wiewol sye es nimmergēts thut/vnd nūr mit gewalt dar  
 zū gezwungen werden müß/wie oft gesagt) müß sye von  
 gott sein. Man hat sye auch in solichen puncten zūm dick  
 eren mal hoch vff genutzt vñ dapfferlich geprediget/dessz  
 halb ich nit klag/dz sy nit geprediget sey/aber also/das we  
 ger nit were. Wo sy aber zūwider gesin ist vnserē pracht/ge  
 satzē beschwerdē/da hand wir sy wol lassen bleibē/vnange  
 rürt/da hat sy geheysen Toli me tägerē/vorab wer es nit  
 hat mit geschwingē gloßen künden vß streichē. da von vil  
 zū sagen were. Vnd was soll ich sagen/der puncten vß der  
 geschriff/die stracks dem widerchrist entgegen seind/hā  
 ben wir wenig geachtet. Wie heyst nūn das/das heylige  
 Euangelium vnd Chustum predigen/so man den grōßten



feindt Christi vnangerürt laßt/ ja auch nicht erkennet. Es  
heißt eben prediget/ wie man ein gridigē laußt/ oben hyn.  
**W**olhyn züm beschluß/ laß dichs nit wunderen ob ichs  
auch spräch/ es sey das Euangelium vnder getruckt gewe  
sen/ vnd habs menschē gefatz für truckt. Wie dunckt dich/  
ist es nit in dem eynigen stuck war/ das man scheydet von  
einander/ das Gott züsamē gefügt hat./ wie ob gesagt vō  
der genatterschaft. Jtē so einer frumen dochter zū gesagt  
ist die **L**e/ soll das wort vnd gotts gebott (Gelobē vnd hal  
ten) nichts gelten: sonder er mag von jr gon in ein kloster/  
darin ma allein mit menschengsatz regierte/ vnd also das  
göttlich gsatz zerbrechē: als ob die **L**e stünd nit im gelübd/  
sonder vff der consumatz/ das ist vff den eelichen wercken.  
Der gleichē wider den willen vatter vnd mütter/ sol vnd  
mag ein kind in ein kloster gon/ stracks wider das gebott  
gottes/ **W**an sol vatter vñ mütter ceren/ freylich ein hü  
sche eer/ da mit du in faulen tagē dein leben lang versehen  
seiest/ achtest wenig wie es vatter vñ mütter gāg. **W**eynst  
das die eer vatters vnd mütter allein vff dem stand das du  
inen nit flüchest/ sy nit schiltest/ oder schlagest/ sonder mer  
das du in eerlichen dingē jrs willens lebest/ inen trostlich  
seiest/ in jrem alter hād treychūg thüest/ mit deiner arbeit/  
wie sye dich auch mit arbeit vßbracht/ vnd vß dem koth er  
zogen haben. **U**n so du inen widerumb dasselbig erstatte  
solt/ so trollestu dich dar vō/ das du versehē seiest/ achtest  
nit wie es vmb sye stand. **J**a sprichstu/ es ist ein heyliger or  
den/ ich mag inen wol nützlich sein/ mit/ gott für sy bitten.  
**A**ch deins ellendē bittēs/ gābestu inen zū essen dar für/ trō  
stest sy in jrem alter/ mit nordürfftiger hilff. **L**ieber besyhe  
mir das. xv. Capitel **M**atthei/ vñ das. vij. **M**arci. **D**as du  
aber für dich zeihest den spruch/ **W**elcher nit vatter vnd  
mütter verlaßt durch meiner willē. ic. fālestu gar weit. **J**ch  
frag dich züm ersten/ ob du sy durch gottes willē verlassest



vnd nit mer durch deiner willen: Frag weiter / ob das heysß  
 vatter vnd mütter verlassen durch gots willen / do du kein  
 andere vsach hast weder das kloster / vñ sye deiner hilff be  
 dürffen: Vñ warumb solt es nit billich also verständen wer  
 den / wo dich vatter vnd mütter vnrechts hießen / zñ üppig  
 keit ziehen / zñ sünden vff pflanzē wölten / wie es yetz auch  
 vast geschicht. da sol vatter vnd mütter verlassen werde /  
 doch nit also / das du jnen notturfftige hilff vnd trost wol  
 test entziehē / es wer dan das es nit sein möcht on nachteyl  
 der eeren gottes vnd deiner seclē heyl. Darumb verflucht  
 seien disen redē / Ja wan vatter vnd mütter vnder der klo  
 ster thürschwelle lägen / vñ woltē werē das jr kind nit hyn  
 yn gieng / sollte das kind ee vber sye trettē / vñ hyn yn gon.  
 O des gots lesterigē worts / O jr endtchüsslichē bauch vāt  
 ter / die soliche red vff drey gen. Seyg mir zñ vor an das dein  
 kloster lebē von Gott sey: Ich wil dir anzeygē / das die eer  
 so vatter vñ mütter beschehen sol / von Gott gebottē / vnd  
 das kloster leben / vorab wie es yetz darumb stadt / den me  
 renteyl wider gott vnd vom teüfel sey. Wie wan ich sagte /  
 so vatter vñ mütter jrs kinds notdürfftig weren / oder sähē  
 das es in schandē missbraucht würde / od sunst jm zñ nach  
 teyl seins heyls das kloster diene / widerumb häruf nemē  
 solten / auch mit gewalt wo es nit anders sein möcht. Der  
 spūch Christi (Niemants schlecht sein handt an den pflüg  
 vñ sycht widerüb hinder sich / ist geschickt zñm hymelreich)  
 würt hye nichts weren. Seyg mir zñ vor / das du nit zñ ewi  
 ger verdammuß grabest mit den fürchē die man mit dem  
 klosterpflüg machet.

¶ Wolan / das sag ich auch zñ fellig / so ich Beklag / wo vnd  
 wie das Euangelium nit geprediget wordē ist / so man wider  
 die gebott gottes / das kloster leben vff gemutzt hat / in we  
 lichts so vil frummer leüt (vs vnuerstandt des rechten gots  
 dienst / vñ vnwissenheit des jamers so darinnen ist) kumen /  
 T iij



vnd aber yetzund sich solichs ires gottloßen wesens/so gemeynlich darin geübt/erinneren/vnd darauß lauffen/sich des apostürlersichē wesens abthün/so schreiet yederman vber sye/so man mer Gott loben solt/das sye von dem gottloßen leben entbünden weren/gottgeb was sye hyerauß anfiengē/sy möchtē kün wol ergers thün/wed also in d ewigē gleißnerēy/der witwē heüser fressen. Vñ wundert mich warumb man einē güten Brüder oder tochter vbel redt/die vß deren vnd andren vsachen bewegt/hārauß künen/es sey jo durch erlaubniß des Papssts oder nit. Vnd aber niemant beredt das/so ein ganz kloster vol münch vß laufft/vnd weltlich pfaffen werde. Ist nit/das vil der höchstē vnd reichstē styfft yetzund in der Christenheit/münch gewesen sind: Ab disen ergert sich niemāts/vnd aber ein armes münchlin oder mündlin/die der gegenwürtigē not vñ gewissen verdammniß entlauffen/sollē als vbel gethan haben: Ein armes vögelin entpflücht/vnd du beschreiest es. vñ ein gätzes nest fleüg vß/des achtestu nit. Was sol ich sagen/es schilt sye niemāts mer vßgelauffen münch od nunnē/dān eben die ihenigen/so selbs münch gewesen/wān mā hinder sich wil sūchē. Vñ was sol ich sagē/es ist durchs predigen ein zeit lang geschehen/gar nahe yederman verwānet vff eygne vnd von der geschüfft vnbekante werck/das vnder tausenden kün einer in Christū glaubē zur seligkeit genüßsam geachtet hat. Dar zu soliche werck/ja eben (wie ein artickel lautet/das ich gesagt haben sol) so nötig vnd hārt gemacht/das das gotz wort dahinden bliben ist/doch wie das/hastu dolet mee wol verstanden.

¶ Welicher nün diser yetz erzeltē vnd gleicher stempencyē keine prediget/sonder allein die gschüfft/wers vnrecht/so er sagt (wie auch vō mir im artickel lautet) ich wil den kern en predigē/vñ jm aber also thette: Kün ist ye das gotz wort d kern/vñ menschē gesatz eitel spreüer/wie d prophet sagt. Dar zu auch vergebēs man gott mit mēschē gesagē (wie



D her spricht) eert. Es sind aber eitel mensche gesatz alles  
 was Bapst/ Bischoff ic. gesetzt habē/ vorab wo sy dē gortz  
 wort nit gemāß sind. Wolhyn ob sy schō gemāß/ was dürf  
 fen sy sich jr dan berümē/ warüb gebē sy nit die eer Gortz ic.  
 Darumb habē sy vil gesatz gemacht/ so bestellē sy auch pre  
 diger dar zū/ derē sy auch leyder vil gehebt habē/ hoff jr sol  
 len minder werdē. Ich (wil gott) würd hyn für jres gsatzs  
 nichts vberal predigē/ es sey dan gemāß dē göttlichē wort.  
 so dan wil ichs durch gottes worts willē auch predigē. Nie  
 mit wil ich (wie oft gesagt) d vätter güte satzung vnd ord  
 nung nit verachte/ ich wil aber das man kein notstal daruß  
 mache. Hastu güte ordnung/ wiltu dan vbercyn/ so gebeits  
 Bey. v. s. vñ mach kein beschwärmis der cōsciēz daruß/  
 wiltu echt nit der mensch der sünd/ oder endtchrist genent  
 sein. Nyemit sey veranwort der. xiiij. artickel.

**Der fünffzehend artickel:** nach dem  
 er mit vil wonē mir zūgelegt/ wie ich den geyslichē standt  
 gschmāche habē sol/ das dan nit ist. Sagt er ich hab dz bü  
 chlin vom bischofflichē standt/ das durch den Luther vß  
 gangē/ gelobt/ vñ gesagt/ man solt es mit güldenē büchsta  
 bē schreibē. Sprich ich dz er redet wie den mercreyl bis hār  
 er auch gelogē hat. Ich sag aber/ dz ichs wed gelobt noch  
 gscholtē hab. sond vil mer ein traurē/ dz es leyd als war ge  
 wesen ist/ als grob es von sachē geredt hatt/ wie dan ich be  
 kē gesagt habē vor einē büchladē/ do ich auch darumb ge  
 fragt ward/ wie es mir genel: do sagt ich also/ Ich wölt al  
 les mein güte geben/ das es als vast erlogen were/ als grob  
 es ist. Das ist die substanz der wort die ich geredt hab. we  
 liche wie ich bekē/ also red ichs auch noch/ ich wölt ettwo  
 mich auch erneren/ ja es wer darumb aller welt güte zū ge  
 ben/ das es nit also war were/ es würd freylich bas in der  
 Chrustenheit seon. Da mitt wil ich aber niemants geschul  
 diget haben/ lüg aber ein yeder für sich selbs/ wir wissen ye



wol was/vñ wie Bischöff sein sollen/wañ eben die heylig  
geschafft die Bischöff macht/vñd vff die sach die Bischöff  
gründen/die sagt auch wie sye sein sollen. Seindt sye also/  
so ist es mit lieb/vñ ist's büchlin erlogen/wil ich mein leben  
lang meins güts entberē/vñ soll ich ja Bettlen gon. Wolan  
hastu es nit glesen/so lyß es noch/es ist warlich grob/gott  
wöll das es erlogē sey/oder züm minsten/ob schon biß här  
etwas wars dar an ist gewesen/das es hynfür erlogē wer  
de. Wie künnten die Bischöff dē Luther ein größerē Bosheit  
thün/weder sy möchten in zü einem lügner in disem büch  
lin: Sye müßten sich aber warlich anders darein schicken  
weder biß här/doch hoff ich Gott werd noch gnad geben.  
acht auch Luther würt auch gern ein lügner sein wöllen/  
wie auch Paulus anathema/ein fluch von seiner Brüder  
wegen begerte zü sein.

**D**er sechtzehendt artickel ligt auch  
nit recht. Warñ wolte ich so vnuernüfftig sein/das ich  
Bischöff vñd Bapst hanff Butzen vñd laruen nennete/es  
seind doch vnserē geystliche oberen/so weyß ich wol/das  
man nit sol vbel reden den oberen/wie auch sanct Paulus  
sagt Act. xxij. Es ist ein herlich ding vmb ein Bapst/wañ  
er ist der do sorg tragen sol vber die gantze Chrustenheit. ein  
Bischöff des gleichen vber ein gantz land/darumb sy bil  
lich sollen geert werden/wo man sye fünde. Wie aber/wo  
einer sich vñd des Bapsts oder Bischöffs gestalt verkley  
det vñd wers nit: wer er nit ein larue: Was ist ein larue an  
ders/weder ein gestalt oder ein verkleydung in ein fremb  
de gestalt: Item wen der selbig vnder der laruischē gestalt  
erschreckte die frumen/manchē byderman/dz er nit dürff  
te die warheit sagen/oder müßte die warheit verleüctnen/  
oder sich chüstlicher ding mässigen/ja er ist Bapst/Bisch  
off/du müßt jm gehorsam sein/vñ aber diser hielt in für ein  
rechten



rechten Bischoff / des gebott man solte gehorsamē / als ob  
 er von Gott redete / were es nit gleich einem hanffburzen /  
 ab dem die güten sägeln erschrecken. Vñ lüg ob es nit etz  
 wo möcht also gangen sein / vil die sich für Bischoff vß ge-  
 ben / wenig die der Bischoffeygne ämpter treiben / ja nür  
 der weltlichen fürsten ämpter / als sye auch yetz / vorab vn-  
 sere teütsche Bischoff dar für geacht sein wöllen. Wolan  
 so dise sich der ämpter selbs nit brauchen / vñnd doch vnder  
 dem selben titel vñd namen wandlen / vñnd alle menschen  
 schrecken / ab Billichen dingen / wie kan es anders sein: Sy  
 wöllen yetz alle menschen schrecken ab den bücherē Luthere  
 ri / sye tretē aber nit här für / das sye es mit der geschufft wi-  
 derfechten / so sye doch wissen / das allein das gortwort je  
 schwert ist / mit welichem jr ein teyl / so sye zū fechten mit ge-  
 schickt / vñnd es aber jren Vicarien beuelhen / die selbigen  
 auch nit kōnden / od nit wöllen / vileicht jrs abgāgs durch  
 soliche leer fürchten / was kan man anders dencken / wañ  
 das der teüfel in der vasnacht laruē vmb lauff / vñ die kind-  
 der schrecken wöll. Schrecken sye nit die armen pfefflin vn-  
 ser junckheren / die Vicarien reuerēdissimouñ / mit jrem ty-  
 rannizieren. Er ist flux citiert / so bald einer das maul vff  
 thüt / od schleyffens här zū / wie die kelber / wie wol soliche  
 in vnserem Bistumb noch nit vil gehört / gott wends weiter  
 Es ist ein wūderbarlichs ding / das sy es alles mit dē eisenz  
 en schwert yetz erfechtē wöllen / die ding so den glaubē be-  
 rüren / der da nür im hertzen ist / das niemāts zwingē mag.  
 wañ wie der Apostel spricht / so glaubt man mit dem hertz-  
 en. Vñd ob sye schon ein ja od ein bekantniß mit dem müd  
 här auß bringen vff jre vngegründte sachen zū besochzen /  
 oder zū bekennen / was geschicht anders weder das sye die  
 leit zū liegen vñd triegen zwingen. Ist nit zū erbarmen /  
 das sampt Bischoff vñd jre Vicarien mit der geschufft nit  
 mer kōnden fechten. welche so sy es nit kōnden / wer wil es



dañ thün. Darumb hat 8 teüfel die sach gar wol bedacht/  
do er das gebott in die welt getrungen hat/man sol 8 geyst  
lichen oberkeit gehorsamē in allen dingen/ob sy schon kein  
gorzwort oß geschüfft fürerē. Wan also hat er ein ynbruch  
gemacht/das sye nitt mer habendürfft gelert sein/in der  
geschüfft/nür das sye könten gebieten/weliches dañ bald  
gelert. Es gebeüt einer in einē tag wol als vil/als zehē dau  
sent halten mögen ire leben lang. Aber vß vnd mitt der ge  
schüfft handeln/braucht arbeit/welcher so sye sich haben  
wöllen entschlagē/haben sye erdacht/mit gebortē die sach  
zü treiben. zü welichein sye das eisene schwert braucht/da  
mit sye es in die leüt möchten zwingen/darumb sye auch  
land vnd leüt habē vberkūmen. Welche ich (wie ob gsagt)  
inen wol gönnetē/theren im nür recht/vnd vermischeren  
nit vnder einander die zwey schwerter/das geystlich vnd  
weltlich/gebrauchten ein yedes zü seinē werdt. Das eisen/  
ein zeitlichen lieblichē friden zü erhalten. Das geystlich/  
(das ist das gorzwort) züm glauben. Nün wöllen syeden  
glaubē mit dem schwert behalten/den teüfel mit eisen han  
wen/rüffen dar zü fürsten vnd herren auch an/sagē es sey  
den chüstlichen glauben zü erhalten/so es nür ist iren zeit  
lichen pracht zü handhabē/wöllen dannocht also sein er  
ber Bischöff vnd Bapst sein. Der teüfel hats wol an gese  
hen/wiles im so hynaus gon.

**W**olan/das ich die warheit sag/so hab ich die Bischöff  
gar nit gemeynt/da ich vom hanffburzē gesagt hab/auch  
nit den Bapst in sonderheit/sonder des teüfels oder Endt  
chüsts regiment/ab dem die güten frūmen Bischöff vnd  
andere geschēhet haben/vil gēhon vnd gelassen/das sye  
wissentlich selbs für vnrecht erkent haben. Es hat sich Be  
gebē/als ich von vil vnbillichē dingē sagte/schand vnd las  
ter/das yetz in 8 chüstheit fürgieng/vn fragte also/war



umb daß vnserer Bischöff solichs duldetē/ sagt ich/ dz mit  
 kein zweifel were/ von vil frommen Bischöffen/ die mit groß  
 sem schmerzē solichs lieffen für gon/ das sy noch trāct we  
 ren im glaubē/ den hanff butzē zu vbel fürchtetē/ ich nante  
 aber nit wer der hanff butz were/ es möchtēs aber die ver  
 standenen wol mercken/ das ich das Römisch regiment  
 meynete/ vnder welchem vnserer frommen Bischöff also ge  
 fangen seind/ das sye sich nit dürffen recht regen/ wie wir  
 daß täglich sehen/ was vnbilligkeit vñnd beschwernuß die  
 Bischöff müssen von den Römischē tyrannen leiden. Ich  
 hab auch dar bey gesagt/ ich wolt das der mal eins die Br  
 schöff dapfferlich handleten noch nutz den armen leuten/  
 vñnd ob schon der Pappst mit seinen Büeffen sy wolt ab trei  
 ben/ solten sy in freündlich irer billicher handlung Berich  
 ten/ als iren mitbrüder/ der daß mit allen mangel als wol  
 wyßre als sye/ die den landen gefessen/ vñnd die tägliche not  
 sehen. So würd er (sagt ich) on zweifel inen treulich folg  
 en/ wo er als ein rechter diener Christi handlen wolte. Wo  
 aber das nit/ sonder wolte fürtrucken mit seinē vermeyn  
 ten vngegrüngen Bann/ solten sye im dapfferlich vnder  
 das anzlit ston/ wie auch sant Paulus Petro/ der der erst  
 Pappst soll gewesen sein/ thette/ vñnd im sagen/ Tu non  
 secundum veritatem ambulas. Du wandlest nitte noch  
 der warheit. Sagt auch/ dz sy dar an jr gantz Bistumb  
 setzen solten/ das ist/ ee des Bistumbs sich verwegen/ es  
 würd inē Christus ein bessers gebē in ewiger seligkeit. wün  
 schet vñ herzē/ dz ein solicher Bischoff 8 mal eins hārfür  
 trāctē/ vñ ob er schon vmb Bistumb kame/ was wer es/ so  
 möcht er doch am iüngstē tag sprechē/ Herr durch deinē  
 willē bin ich vñ das Bistumb kumen/ hab verlassen güt vñ  
 eer. wie kōnt ers Bāß vertauscht habē. Aber nun so fürch  
 tē wir alle dē elendē hāff butzē/ sagt mir das 8 Pappst were/  
 sagt auch noch nit/ sonder ich acht das es der sey/ der also



menigklich abschreckt / von der dapfferkeit zu handeln in 8  
Chustenheit / ist es nun der Bapst oder sein regiment / dem  
ichs auch mer zu gib (wan ich kan auch wol decken das er  
selbs auch nur für ein menschen sey / der zum dickeren mal  
auch bey der nasen geführt würt) so ist es so vil dest böser /  
das der sich für ein Vicarien Christi in der welt vßgibt / wi  
der Christi selbs handelt / als dan leyder vil geschicht täg  
lichs / das der teüfel oder der endtchrist / vnder der gestalt  
Christi / vnd Petri vnd Pauli sich also verbirgt / vnd dann  
sich die leüt so vbel fürchten / vnd ist doch nit weder der teü  
fel vnder eins engels gestalt. Darumb were güt das man  
im die laruen redlich vom anzlit thert / wie man dan auch  
täglich thüt vnd thün soll / mit dē gorz wort / sunst mit kein  
anderē schwert / im würt wee genug geschehen / wan man  
in kenneit / vnd dann nit mer wil fürchten / als dan kein zweis  
fel ist / so bald man in kante / würd man in nit mer fürchtē /  
wie die vogel auch des hanff butzen gewonē. So wer aber  
sein regiment vß / darüb fürcht er das gorz wort vbel er dan  
das schwert / er weyßt wol das er müßz vnd sol on handt  
zerstört werden / allein durch den atem des munds / das ist  
mit dem wort. Darumb verbeütet man dan das predigen /  
dem der sich zu weit hynauß thüt / er müß schweigē od ver  
triben sein / wie dan oft gesagt.

**D**arumb lauter diser punct im artickel / ich hab gsagt /  
das die suffragia oder opffer in der kirchē geschē für die  
seelen nichts nütz sey / vn als trinck gelt geachtet. Sag ich  
der suffragia halb / das ich nit wisse / was er mit verstadt.  
Ists aber das er gemeynt die fürbitt für die ab gestorbnē /  
so hab ich daoben daruff geantwort / das ich für die seelen  
zu bittē / mit ab geschlagē hab. wie aber / auch gehört. War  
zu aber das opffer in der messz güt sey / hab ich recht vnd  
freündtlich dar von gesagt / nämlich dz es sey ein Ceremo  
nial / das ist ein geyst geberd / wie vil andere in der kirchen



mee/die jre Beteütüg haben/durch die wir auch als die vn  
uoltkümene vermanet werden/also auch sey das opffer ein  
Beteütung oder ein eüßerliche Bekenmüg vnfers glaubens  
an das war lebendig opffer /Christum Ihesum/dessen ge  
dechnuß wir in der messz begon/so wir für die abgestorbe  
nen Gott bitten/vnd in ermanē vnfers vnd der ab gestor  
benē glaubēs/wie ob gesagt. Sagt auch dar bey/es möge  
auch wol andere Beteütung mer haben/wöll ich lassen die  
anderen vßlegen/die es wissen wo zu es mer güte sey. Doch  
sagt ich eins weyß ich war zu es gewißlich güte ist/des ich  
dich auch darff vertrösten/nämlich das der pfarher vnd  
seine helffer dester Bassz ein vßkümens habē/sich dester Bassz  
ernerer nügen. Wan seittemal die pfarhen so jämerlich  
Beschnitten sind/alle zehende vnd gefelle vß denen die die  
ner des gotz worts erzogen sein solten/in die styffe/klöster/  
vnd andre versamlügen verwädelte seien/hat man die selbi  
gen seelsorger od die pfarher/vnd nordüßfütige diener/vffs  
opffer/vnd andere der gleichen gefelle/so das volck vß eyn  
faltigē güten willen biß hār geben hat/verwisen.vnd inen  
auch das selbig in vil pfarhen/wo es reylich zütragē hat/  
auch nitt gar gelassen/gleich wie ein handtwercker seine  
knecht allein vffs trinckgelt dingt/das man in auch nitt  
von recht schuldig ist/also auch hie. Darüb habē sich müs  
sen die pfarher allerley selbs erdachter fünd gebrauchē/vō  
opffer/vñ von anderē dingē predigē/vil geltsuchtiger hād  
thierüg nebē dem gotz wort vffrichten/das opffer/die leb  
seel/jarzeit/vñ was d gleich breüch sind/als nordüßfütige  
vñ den abgestorbenē nügliche ding ynfüren. Wer kans al  
les erzelen/was der hūger die armen berupfften pfarher  
geleret hat/dar von offte gsagt ist. desshalb ichs billich dem  
trinckgelt vergleicht hab/vff welichs die armen pfarher  
lin von pfarhengsten oder wer die sind/so solliche fell wiß  
gott/eer/vnd recht/ynnemen/verwiset sindt. Wie duncke



dich aber: wer hat dichs geheyssen: freylich der teüfel/ vnd  
hatts schon der Pappst getho/ so ist er mit anders/ wañ  
er in sollichem dem teüfel gedient hat. Vñ wer do sagt das  
er sein macht oder gewalt hab/ der würt mit jm Betrogen/  
sye kein macht habe zu zerstückung/ sonder allein zu erbauw-  
ung. Dar von oben vil gesagt.

¶ Das hab ich aber dar bey geredt/ dz seitmal es da hyn  
geratē/ das die armē pfartherlin vffs opffer/ wie die dienst  
knecht vffs trick gelt verweisen sindt. sol rechte die gemeyn  
ein solliche (als den jhenigē der jnen mit dem gotz wort dien  
et/ mit den sacramentē tag vnd nacht/ frū vnd spadt/ müß  
gehorsam sein) ziehen vnd erneren/ so doch billich von dem  
altar essen sol/ der dem altar dient/ auch vß dem göttlichē  
gesatz/ vñnd sollen eben thūn/ als ob man einē armen man  
steirere dem das sein mit gewalt genomen were/ wañ die  
armen schweyß müssen ye auch gessen haben. Vñ die weil  
die verdampften Curtisanē so vntreiw seind/ sol rechte das  
volck mit dem armen pfeßlin deß barmhertziger sein/ Bis  
erwo ein andre ordnūg würt in der Christenheit.

¶ Also vñnd der gleichen red hab ich gethon/ wie meynstu  
aber/ wer hat dich heissen melcken/ scherē/ vñ mezigē die  
schaff/ vnd sye vff durre weid schlahē: Ich hör wol jr wölt  
verderbē die Christenheit/ vnd man solte es nit von eüch sa-  
gē: Wā weyßt auch wol das jr selbs nit vil vffs opffer hal-  
ten/ wañ man eüch warlich selten opfferen sycht/ anders  
dā das jr s gern erhieltē/ da mit jr auch dar durch erhal-  
ten würdē/ wie wir andere ding mer vff nutzen/ darumb  
das sy vns nutzē/ sunst jr gar wenig achtē. wañ man sycht  
ye selten/ dz die vil vermachē vñ opfferē/ die sich dar von jr  
lebelang ernert habē/ es sey dā nach jrē tod/ so sye es or-  
das lassen müssen. verordnē sy es ebē als nützlich hynweg/  
als jhenige vñ derē stüfftigē sy es genomen habē/ vñ schmi-  
ren sich also mit jrē eygnē schmaltz. da von jm ein yed selbs



nach trachte. **Sūmasummarū**/es ist mit diser klag vbers  
opffer wie mit jrē anderē klagē vber das vasten vñ bettē ic.  
vñ ist doch nimāts d mīnder vastet dan eben sye. Wolhyn/  
ich hoffes sey vs̄ diser vnd vorgonder rede genūg verant-  
wort diser artickel.

**Vff den sybentzehenden artickel**: so  
er sagt/ich sey ein nachuolger/günner/annemer/vñ predi-  
ger des vorgeñētē Luthers/vñ seiner yrūgen/das sey ein  
gemeyn geschrey/ist gnūg geantwort. Ich hab Luthers le-  
renit anders nach geuolgt/günnet/angenōmē vñ prediget  
weder als ferzich sye war befundē hab/vnd dem gotz wort  
gemāß. durch weliches willen ich auch eins mīnderē lere  
wōlt an nemē/als wir dan biß hār freylich vil noch gültig  
er blinden fürer zūgelassen/die warlich gelogē haben/das  
mans griffen hat. Es seind vns aber nit schedliche lügen  
gewesen als nūr des Luthers warheiten/die darūb allein  
lügen vñ yrungē sein müssen/das sye vns schädlich seind/  
vñ wir es dar für/on alle geschufft/vernunfft vñ kunst er-  
kennē. Wolan es ist gnūg/wan man es dar für haben wil.  
Es verstēds aber yetz die vngelertē leyen/vñ eiuwer eygne  
cōsciētz vberzeūgt eūch/wie wol jrs vertrucken. Des ge-  
meynē geschreys acht ich nit/dan es gadt nūr vnder denē  
fast/die do sorgen/die warheit wōll inen zū starck werden.  
Nūn wolan schreien sy schon/ich predig des Luthers yr-  
thumb/so sind noch vil frūmer verstēdiger leūt dar gegē/  
die sagen wie sye auch mercken/ich predig die Eūāgelische  
vñ biblische warheit/vff die ich mich begib vnd grund/do  
werdē sy mich findē/vnd auch bleibē lassen/sye wōllen mir  
dan gewalt thūn/mūß ich lassen geschēhē was gott gfelt.

**Der achtzehend artikel** ist zwar wie  
die anderen gar nahe alle. Ich hab alle zeit der lieben heys



ligen/vñ zñ in der miter gottes mit rechtē eeren gedacht.  
Das ich aber sol gesagt haben / sy hand nit für vns zñ bit-  
ten/hat nie kein biderman von mir gehört/wundert mich  
wie diser so spitzige oren gehebt/dz er allein gehört / das nit  
etlich tausent. Die heyligē nit an zñ betten hab ich gesagt/  
also sagt auch yederman. Dan anbetten ist ein eer / die al-  
lein Gott zñ gehört / keiner creaturen / wie würdig die sey.  
Das ist wol war / ich hab gesagt / das allein Christus ist d  
nam durch den wir selig werden / allein von Christo sagt  
die geschriff / vnd von heyligen gar nichts / es sey dan das  
sye mit gewalt hār zñ gezwungen werde / welches dan nit  
von nöten ist / es sey dan denen die jren jarmarck vñ wech-  
selbanck mit den liebē heyligē haben wöllen vffrichtē. Ich  
acht auch sye hetten niemer so fast für die heyligē gefochte  
wo sye sich nit mee selbs weder die heyligē gesücht hetten/  
Wie man noch sycht / dz ebē die jhenigen für die heyligē se-  
chten / die jr geniessen / oder die vberredt werdē / sye entpha-  
hen gütrhat von jnen. Vñ was were doch not die geschriff  
vff die heyligen zñ zwingen / so wir doch Christum haben /  
der vns allein angebotten würt / das wir stracks wegs ein  
zügang zñ jm / mit steiffen vertrauwen haben sollen / d dar  
um dahyn gesetzt ist / das sein eygen ampt ist / der auch die  
selbig ere allein haben / vnd niemants anders geben wil /  
wie die geschriff vol ist. Vnd ob schon der heyligen fürbitt  
etwas stat haben sol / das ich auch nit abschlag / so ist doch  
vnausprechlich mer die fürbit Christi / der vns auch dar zñ  
Berüfft vñ lader. Kümēt zñ mir alle die do beschwert seind /  
ich wil eüch erquicken.

**W**an es ein ding vmb Christum were / wie vmb die vn-  
träglichen fürsten vnd herzen / für die zñ kōmen alle arbeit  
vnd not ist / wie wir sehen / so hett es ein meynüg / wie dann  
die güten heylgen kremer für wenden / freylich nit on gotz  
lesterüg / das sye Christu schetzen bey der tyrannische für-  
sten vñ



sten vnd herren ic. vntrüglichen weisen. Warlich wañ wir  
 zü Christo nit ein leichterē zügang hettē / weder zü vnseren  
 weltlichen vnd geyslichen fürsten vnd herren / müßten wir  
 vbel beston / vnd vorab wo die heyligē auch wolten vorhyt  
 die hend geschmirt haben / wie dan yezūd gar nahe an al  
 len höffen d sicc ist. Ach gott wie ein saurer weg würde vns  
 erst gon himel sein. Wie wol mich duncken wil / es sey eben  
 die selbig meynig worden / wañ sy haben schon ire schaff  
 ner / die es von jrent wegē vff allen kirchweüngen vn patro  
 cinie entpfahē / ob aber vß jrem geheys / wissen sye wol / ich  
 glaubs freylich nitt. Glaub auch nit das es jnen die lieben  
 heyligen (ob schon durch jr für fürbitt etwo den leüten ge  
 holffen würd) für güit hetten / das ire diener gelt darumb  
 nāmen. Wie auch Heliseus nit für güit hette / das seine die  
 ner vom Naaman Syro / gelt namen / als in der prophet  
 vom vßsatz gereyniget hett. Wañ ich acht / sye haben vast  
 die art jrs meisters Christi / der vns vergebens in seinē Blüt  
 geweschē hat / wie woltē sye dan erst kauffleüt sein / ire ge  
 nad so sy von gott habē vergebēs vnd on allen verdienst /  
 vmb gelt verkauffen. Es ist zü erbarmē / das wir vnser e sa  
 chen vff so gar faule fundament gesetzt haben

Was sol ich sagen / ick merck wol / welcher yezt Christū  
 prediget / d müß wider die heyligē sein. Wie wañ ich spräch /  
 Ich bin gesant / zü predigen das Euāgelium / vnd nit die  
 heylgen. Wie wañ ich sagt / das heyligē predigē / hette das  
 Euāgelium fast zü ruck geworffen / vnd Christum dar zü.  
 Darumb ich nit als vbel geschworen hett / wañ ich sagte /  
 das Euāgelium were in fünffhundert jaren vndertrückt  
 gewesen. Sag mir / ob es nit allein nitt dem heyligen pre  
 digen vast geschehen sey: Wann sunst nichts anders we  
 re da mit es vndertrückt worden were / wie wol man das  
 Euāgelium mit der heyligē gedechtnüß auch wol predigē  
 kan / so man die genad des Euāgelij den lieben heyligē von



Gottbewisen här für zeucht/sye zü einẽ exempel/der gna-  
den gottes dar stellet/wie gott wüderbarliche ding durch  
sein gnad in jnen gewürckt hat/das sy so steiff im glauben  
verharret haben/wie sye in welden/in wüstenẽ mit 8 thye-  
rer heütt bekleydet/vmb gangen seind/deren die welt nit  
würdig gewesen ist/dz sy weder eisen noch feür/noch dur-  
achtung ic. hat mögen absönderẽ/vonder liebe die do ist in  
Christo Ihesu/vnd also solicher heyligen glaubẽ fürstellẽ  
vnd ynbildẽ dem volck/das wir auch also ansehẽ jren wã-  
del vnd den glauben so sy gehebt haben/nachvolgen/vnd  
sye dan also in solichen gnadẽ loben in Gott/vnd Gott in  
jnen/wie vns dan die geschrifft heyst vnd nachlast.

**E**Solichs heyligen predigen were recht vnd löblich/vnd  
Euangelisch. Aber mir vil von jrem verdienst sagen/so es  
doch alles vß gnaden ist (wan was verdient würt/gehört  
ein lon vff/vnd das leiden so yemãts vfferden leidet/vnge-  
gemãß ist gegẽ der glory die zükünfftig ist) Item wie hoch  
sye im hymel sitzen/wie nahe bey gott/für was sye zü Bittẽ  
habẽ/was jnen Gott für ein besond ampt zügeteylt hat ic.  
da von weyßt das Euangelii nichts/ja die gãtz götlich  
geschrifft/weder was vnseren letsten lererẽ getrdumet hat  
Sümasumarũ/eygẽ nit hat 8 heyligẽ eer so hoch vff ge-  
murt/es sey ja als die da habẽ die heyligẽ für jrẽ gelt kurzẽ  
gebraucht/oder die jhenigẽ/so sunst zeitliche ding bey jn-  
en gesücht haben. Wenig findt man die die heyligen anruff-  
fen vmb geystlicher güter willen. Darumb sagt ich vff ein  
zeit wie ich auch noch sag/ich wil gern ginnen/das man  
die heyligẽ anruff/es verseehe sich aber einyeglicher/das  
er nit entweders in abgötterey fall/oder in gottes lesterung  
in solichem anruffen. In abgötterey/wo einer sich selbs  
sücht/nit Gott/als dan so offtt vnd dick geschicht/so wir  
so gar hefftiglichen vns selbs in den heyligen süchen/vnse-  
rer krankheit gelediget werden/zeitlich güte beschert wer-



denic. Syhe/ es ist der abgötterey als nahe/ das es rüret/  
 wañ abgötterey ist ye nit anders wed ein andre gott eeren/  
 als dein leib/ dein bauch/ wie auch s. Paulus sagt/ Deren  
 bauch jr gott ist. Aber zimlicher weyß/ vñ vnser not zu wē  
 den bitten/ doch geordnet in den willen gottes/ gadt hyn/  
 es geschicht aber feltē in heyligen/ sonder so wir sorgen es  
 sey nit gottes will/ gott wöll es vns nit gebē/ sond er hab  
 vns zu gefügt/ wie wir dan nit on gorlesterüg/ got mer zu  
 legē das er vns vbels zu süg/ wed güts/ vermeyne wir/ wie  
 wöllens die heyligen vberreden/ als ob die heyligē eins an  
 deren willens weren weder gott. Doch haben sy ein feins  
 glöflin funden/ ja gott wöll/ das seine heyligen also geert  
 seien/ vñ also erkent werden von den menschen. Wolan/  
 schufft solt darumb anzeygt werden. Ich wil dir wol dar  
 wider zeygen/ das alle geschufft vff Chrustum dienet/ vñ  
 nit ein büchstabē vff soliche zeitliche heyligē eere/ es ist jnē  
 ein andre eer bereyt im hymel. Vñ was solich sagen/ mā  
 besche mir den vsgang/ vñ der heyligen schaffner beuch  
 vñ leben/ vñ andere büberey vñ abgötterey/ die daruff  
 entsprungē ist/ solt einer wol bald mercken/ vñ den handel  
 argkwönig halten. Dar von auch doben.

**C**hristus aber das wir der seelen heyl süchē/ in den heyligen/  
 welichs dan auch selten geschicht/ so ist es aber genürlich/  
 das wir in einē anderē namen seligkeit süchen/ dan in Chri  
 sto/ so doch der nam Chrusti der eynig ist/ in dem wir sollen  
 selig werden. Also hab ich gesagt/ das es gefärllich ist/ mit  
 den heyligen/ das man nit zu weit vff diser seit/ durch das  
 süchen in abgötterey fallen/ oder vff jhenige seiten/ in gor  
 lesterung. Wer das mittel kōndt treffen/ wölt jm ginnen/  
 sücht vñ eret heyligen vñ wen er wolte neben gott/ doch  
 das gott sein eer mit entzogen würd. Wolan/ so es nū so  
 gefärllich ist mit der heyligē dienst/ vñ die geschufft mit dar  
 von sagt/ sonder allein von Chrusto/ auch die heyligē selbs



von Christo heylig seind worden / vnnnd der selbig Christus  
doch als gern vnd willig ist zü helfen als ye / dunckt mich  
güt sein vns genzlich vff in länen / da wir nit mögen sälen  
Wir werden in Christo auch alzeit die heyligen finden / wie  
ob gsagt. Doch wil ich nit ab schlahē / wie ich auch nie dar  
wider gewesen bin / dz wir auch zü den heyligen gottes vns  
wende / das sy Gott für vns bitten / vß dem gemeyne spruch  
das der herr sagt / wir sollen alle für einander bitten / vnnnd  
syen nit vßgenommen seind / wöllen wirs in solicher eynfalt  
lassen anhyngon / Biz wir Bessers vndericht werden.

**Der neündtzehendt artickel ist vor**  
hyn verantwortet / vnnnd sag noch / Welicher nit wider die  
göttlichen gebott sich vermähelet / wo es geschicht on ver  
achtung vnd ergerniß / hat nit tödtlich gesünder. Darbey  
du auch wol decken magst / das er nit vast vnrecht gethon  
hatt / warum wolt er sich lassen scheydē : warumb wolt er  
den menschen mer gehorsamē weder Gott / wie ob gesagt.  
Das alles ich nit zü verachtüg der kirchen sonderlich ge  
redt / hab es sey dan das einer die kirch veracht / wan er die  
warheit sagt / gott geb was yederman constituiert vnd ge  
setzt hab. Es ist auch das volck nit also verfürst so man inē  
die warheit sagt / sonder vil mer seind die ihenen verfürer  
vnd verachter v edlen gesponsen Christi Jhesu / so die war  
heit zü sagen verhindernen oder verbieten / Lügt zü jr gesel  
len. Wer hat mer die kirch in schanden vnnnd verachtung  
bracht / weder jr mit eüvren geltsuchtigen vntzäglichen /  
vnd auch dar zü vngegründten gesagen / wolhyn es würt  
sich finden. Das er aber sagt / ich hab Hans mengen gera  
then / vnd daruff gestiffet / das er sein geuatterē sol nemē /  
thüt man mir vnrecht. Er hat sy gar nahe ein halb jar ge  
habt / ee er mit mir ye kein wort dar von geredt hatt. War  
ist es / da man in lang vor gericht vmbzogen hatt / vnnnd er



mich auch raths fragt / sagt ich im er solte sy Bey seiner see  
 len heyl nit verlassen / sonder ee sich lassen vertreiben vß dē  
 land ꝛc. Lieber wie solt ich im anders gethon haben: Solt  
 ich in wider gottes gebott geheysen thün zū verdammniß  
 seiner vnd meiner armen seelen: Er Begerte Brot / vnnnd ich  
 solte im nach eiuwē rath ein steyn biete: Ich bin nit darwi  
 der gewesen / das er die. lxxx. güldē gāb / darumb in der Vi  
 carius vmb die vnzucht gestrafft hat / ich hab im / aber wē  
 deraten das weib zū lassen / vnnnd das vß dem Euangelio.  
 Was gadt es mich an was ein ander im Decretal gelesen  
 hat / die weder er noch yemants schuldig ist zū halten / ja  
 wol ee zū meiden / als den todt vnd teüfel / wo sye vns leren  
 wider gottes gebott. Warumb machen sye es nitt / das sye  
 nit wider das Euangelii sciend / sunnst haben wir nichts  
 dar mit zū schaffen / wir wollen auch kein soliche gesatz ma  
 cher für ein chüstliche kirchē halten. Das rede ich nitt frā  
 uenlich Lutherizando / du ellender Lutherizado. Ich hör  
 wol / wā einer die warheit yezūd sagte / so müste er gleich  
 lutherisieren. Also hettē jr gesellē ein güten gewin am Lu  
 ther / das man erst die warheit gar nit sagen töste / die mā  
 doch zū vor gesagt hat. Kurtzumb / machet eiuwer sartzun  
 gē vor gleich der Euāgelischen warheit / oder nements nit  
 in syn das wirs annemen wollen / predigen / oder den leütē  
 dar zū rathen ꝛc. Da von auch oben. Dye mit sey diser ar  
 tickel verantwortet.

**Der zventzigst artickel ist auch nur**  
 die zal zū erfüllen. Wie dunckt dich / ich würd mir in nit las  
 sen nemen den Lauther / nit darumb (wie offte gesagt) das  
 ich im so anhengig sey / sonder das ich in noch vast steiff ge  
 funden hab / vnd seine leer warhafftig / d heyligē geschriffte  
 gemāß / kan aber yemants anders ettwas vbels dar in fin  
 den (weder das er jren etlichen die kichen verderbt) zeyge



ers an. Es were groß güt darüß zü geben/wer es möglich  
das man in vberwünde. Aber ich sorg es müßte das Luan  
gelumm falsch sein /doch wil ich gern zü sehen /sye rümpff-  
en sich dar ab/ich sorg aber/wan sye sich zü tod rümpffen/  
würt es dannocht nit gschehē. Darumb wer eben als güt  
sye setzē ire hertzen zü rüwen/vnd gedächte an den spruch  
Gamalielis /d sprach/ Sinite /Lond für gon/ist es vß gott  
Aber sye wöllents nit lassen für gon/vnnd künden es doch  
nit wendē. Desshalb einer schier mocht gedēcken sye wöl-  
ten gott widstreben. Nün lügt zü/er sychts/er hat zü hoch  
gebauwen/hauwē nit zü hoch/wan jr schon wie die risen  
die berg vff einäder legen /oder wie Adams kinder ein thur-  
ren bauwen/so werden jr in dannocht nit von dem hymel  
treiben/Gott geb vns allen seiner erkantnuß/Amen.

**I**m ein vnd zventzigstem artickel  
würt angezeyt wie genaw sye vff mich gelauffert haben/  
das sye mir jren kuntschaffter nach geschickt hond /do ich  
der mal eins vberfeldt gerittē bin. Wolan/es hat in not ge-  
thon/sye hetten gern visach wider mich gehabt /darumb  
haben sye sich allenthalbē müßten bewerben. Was ich nün  
zü Schletstat geredt hab/Bin ich nit mer yngedenck. Aber  
hette ich gewüßt das sye jren notarien da hetten gehebt/so  
wölt ich mich auch nit einem gegensreiber versehen ha-  
ben/villeicht würdē sich die registter nit gleich züsamen sa-  
gen. Wolan/im sey gleich also/das ich doch nit bestand/  
was wiltu mir darumb thun: Solten güte herren vnd ge-  
sellen die etwan in freündtschafft zü samē kâmen nit dürf-  
fen jnen ire wort gleich in argem vff genümen werdē: Ob  
einer nit ein bûb in d heüt geacht würdē sol/der vß einer gü-  
ten freündlichē geselschafft vnsehädliche wort vff rasplet  
die selben also mit ragender zügen vff das aller vnglimpff-  
igest vß tregt: Welcher ist da mer schuldig/die da vnbehüt



sam vnd doch vnſchädlich redē: oder die vff ire red ſchelck-  
 lich lanſteren / ſy zū verunglimpffen: Wiewol möglich iſt/  
 das einer etwan vnbehütſamlich nit der meynung die ge-  
 ſellſchafft zū verunglimpffen / ſoliche geſchehene red nach  
 geſagt habe / vñnd andere ſo es von diſen hören / jr gyffe  
 nachmals vß diſer red ſaugen. Im ſey nūn wie im wölle/  
 es ſeind vnſer bey einander geweſen güt herren vñnd geſel-  
 len die mir zū lieb da waren. Nun iſt möglich das diſes vñ  
 anders geredt worden ſey / wan wir ye des Euangeliums  
 yngedenck wurden / vñnd der endtchriſtlichen tyranny / die  
 es mit höchſtem fleiß vñnd ernſt gern vndertrucken wölte.  
 Item wie ſye mit ſeltzamen griffen vmbgangē / da mit ſye  
 vordem wort gottes / jr eygnes wort / geſatz / vñnd tantmāz-  
 ren / dar mit jres Bauchs heyl vñnd ſeligkeit / Biß hār geſtan-  
 den / erhalten möchtē. Redeten auch vnder anderem / wie  
 allein das gotz wort dapfferlich vñerschrocklich geprediget  
 ſollichem irem wüten vñnd tyrannizierē widerſtandt thun  
 möcht vñ würd. Wan ſeitmal der endtchriſt warlich vor-  
 handen were / vñnd villeicht lange zeit ynher regiert hette /  
 vñnd nūr mangel were / das in noch niemāts kante / ſonder  
 er ſich noch biß hār vnder der geſtalt des warē Chriſti ver-  
 borgen hette / ſo were not das man im die laruē vom angs  
 lict danne zöge / würd man in kennen / vñnd also ſich ſo bald  
 menigklich vor im hüten kōnte. Solches entdecken möcht  
 aber nit geſchehen anders dan mit dem predigen des gotz-  
 worts / welches inen ſo eygentlichē anzeygt / das es auch  
 ein kindt nit wol anders kōnte verſton / wan das es ebē vff  
 in reitete. Auch ſolt vñnd möcht er nit anders gerōdt wer-  
 den dann mit dem gotz wort / wie der Apoſtel Paul ſpricht.  
 Schwert vñnd eiſen hauwē in nit / dan er iſt ein geyst / wie  
 wol er in fleiſchlichē menſchē regiert. Diſe vñnderē gleichē  
 wort / redē wir vom endtchriſt / vñnd wie man im zukun-  
 men möchte / vñnd vnder anderem ye einer den anderen



Das gortz wort vner schrocken vñ dapperlich/wie die Billich  
keit vnd not erfordert/zñ predigen vermanete/ists möglich  
das ich vnder andren wortē auch vileicht dise wort geredt  
habe/ich wils nit widersprechē/wañ mir das wörtlin sant  
kürm/nit vngemeyn ist/das bekēne ich/wañ ich bin ye ein  
mensch/der auch zornütige Bewegung hat (appetitū ir-  
scibilen) denen ich von wegen menschlicher Blödigkeit/vñ  
des alten Adams/ß in mir noch fast regiert/gar schwäch  
lich widerstandt thū/Gott wöll gnad geben. Ich setz/das  
vß einem rechten ernst vñd eyfer/den ich hab von wegen  
des vndertrucktē gortz worts/durch den fürsten diser welt/  
den Endtchrist vñd die seinen/mir vnder anderen reden/ß  
ganz gewonlichē wörter eins hārauß gewyacht sey/ Ist es  
ein wunder: Wie wil einer seinē ernst anders zeygen euffer-  
lich/weder mit wortē: weliche so er häfftiglich vñd mit  
ernst redet/ist es ein wunder das er eben die selbigen wort  
braucht/die jm gewon seind/dañ die natur durch ymwort-  
ung des geysts gottes darumb nit verenderet ist/vorab in  
denen dingen die der gnad nit wider seind/als do ist reden/  
vñd der red eygenschaft. Vñd wie wāñ ich schon voll des  
heyligen geysts were/meynstu das er ein anderen mündt/  
wort/sprach/geberd/in der sprach hoch/nider/laut/leyß/  
senfft/hart ic. vñ was der eygenschaft sind/darumb brau-  
chen würde: so were mir doch die natur vñd eygenschaft  
vmb sunst geben/dürfft sye nymē brauchē/so der geyst got-  
tes vß mir redte. Tün sehend wir allenthalben das wider-  
spiel/wāñ eben die glyder vñd deren eygenschaft/brauh-  
t er in ein yeden zñm lob gottes/die er jm hat angeschaffen  
von natur. Er kan als wol vß einem teütschen teütsch re-  
den/als vß ein latinischē latein ic. Dāñ die weil er alle spra-  
chen geschaffen hatt/kan er sye auch alle reden. Da hār  
kumpre/das auch vnder den jüngerē Christi/vñd für vñ  
für/der geyst durch einen häfftiger geredt hatt dāñ durch  
den andren



den anderen / darumb ein prediger zün zelten hefftiger ist  
 dan der ander / schafft freylich / das auch die natur dessel-  
 bigen darnach ist / welche der geyst gottes beruffen kan vñ  
 bewegen / als wan er etwo ein ding wil hefftig geredt habe  
 berufft vnd bewegt er einē / der von natur auch hartredig  
 oder hefftig ist / das er also desselbigen harte vñnd hefftige  
 natur zū seinem werck brauch / das dann vñlleicht solicher  
 hefftiger red bedarff / von wegen der harten menschen ge-  
 gen denen ein sanffte red nichts schafft. In harte knöchel  
 vñnd ost / gehörien harte schwäre art / dar zū auch mit harte  
 streichē gfürt. Das gortwort ist ein wolfschneidēs schwert.  
 doch wo es nit häfftig gfürt würt / vñnd häfftige streych  
 da mit gethon werde / schafft es etwo auch nichts. Gleich  
 wie ein wolfschneidende arst / wo man sye nit mit einē dapff  
 erem streych fürte / sonder nür senfft vffs holtz lies fallen /  
 zespielt sye es niemer / vorab die harten knöchel.

**W**olhyn / das rede ich zür gleichniß / das der geyst got-  
 tes / der zū aller zeit die harte hertzen mit seinē wort zerspalt  
 ten vñnd zertrent (wie Paulus sagt) die seel vom geyst zū-  
 wendig ic. fürt auch etwo das selbig wort mit harte strey-  
 chen / so er es einē in seinē müdt gibt / vñ von natur rauhe /  
 häfftig / in seiner red ist / vff das die harten köpff vñnd hertzen  
 zerspieltē / welche durch weyche streich vileicht sich nie-  
 mer ergebe / wie wir dan sehē / das man sich bis hār an senff-  
 te red nit vil kert hatt / ja vil mer verachtet / vñnd namllich  
 was des endtchristischen gesinds ist / das vileicht Gott ye-  
 zund also antastet / entweder zū Bekerung / oder das sye  
 mer vrsach darauff haben jrer verdāniß / wie auch da obē  
 gesagt. Summa / der geyst gottes versücht alles da mitt  
 er sein wort in vns bringe / darumb er auch allerley instrum-  
 ent vñnd werckzeüg (wie er die geschaffen) braucht. Also  
 achtich / er eben mich / der etwas hefftiger in der red binn-  
 nit on vrsach bewegt vñnd gebraucht / wan auch hye vil her

y



ter Knöchel vnd hertze sindt / wider die ich geredt hab / vnd  
so vß cyfer vnd ernst der eeren gotz / mein red zünor von na-  
tur hart / auch destheffriger worden / deßzhalb nit ein kleme  
Klag vber mich gangen / vnd mer dann wider andere / die  
noch etliche höhere puncten gerürt haben. Vnd wie wan  
ein zu zeiten etwas häruff wüschste / das seiner sindlichen  
natur gewönlliche wort weren (wie dan kein mensch / noch  
gantz der bösen natürlichen Bewegungen vber ist / die weil  
er noch im fleisch ist) das villeicht der teüfel & allezeit gern  
das gotz wort schandte / es sampt mitt anderen gewonten  
wortē häruff truckte / vñ es im gott etwo auch verhēckte /  
vß seinē wüderbarlichen vrtēyl / freylich das der selbig dar-  
durch seinē mangel erkenet / vnd sich destmunder vber hübe  
durch hoffart / welche dan auch fast mit laufft in disen din-  
gen / oder das & teüfel den verwoffenē ein vrsach gäbe das  
gotz wort mit sampt seinen predigern zu schmähen / vñ sich  
ab jnen verergeren.

**S**umma / die vrtēyl gottes seind vns vn bekant. Er ist  
auch darumb mit aller ding pur / von allen menschliche Be-  
wegungen / darüb das einer das gotz wort prediget / wann  
es predigens die menschen / vnd nit die puren geyst oder en-  
gel. Nun würt man ye im fleisch die bösen begyrdē sindē  
wie herlich ja der mensch ist / des sich auch Paulus beklā-  
get / wie mag es dan ein gestalt haben vmb vns armen sün-  
der: Ist ein wunder das vnserē böse neygungen etwo vß  
breche: Wolte man nür prediger habē / die solicher neygün-  
en / ja aller sünd ledig weren / müßt man sye vßerhalb der  
welt süchē. Darumb nym mit vns auch sürgüt / ob schon  
der teüfel etwo ein vnbehüt sam wort vß vns truckt / so ge-  
denck das wir noch nit engel seien.

**W**ie nym / so ich gleich vß einē rechten eyferen wider den  
Endtchrist vnd alle die ihenigen die dem gotz wort zu wider



seind/geredt/vnnd ist mir ein künig hārauf gewüschst/ob  
 es auch möglich sey/das es mir verzigen würd: so es doch  
 nit mit mütwil/sonder wie gesagt/vß einem rechten hitzi-  
 gen eyfer vn̄ ernst/wider die gotz vnd seines heyligē worts  
 lesterer geschēhe ist. Nathathias wüschte hāfür/vn̄ stach  
 in einem hitzigen eyfer/ein juden vor dem altar zu tod/da  
 er sahe/das er vor seinem angesyht den abgöttern opffer-  
 te. Wie wan ich od̄ ein anderer/der grössere vbel syhet täg-  
 lich für gon/in widersprechug gottes/seinem wort/seinem  
 Euangelio) vnbehüttsam were seiner innerlichen Beweg-  
 ungen: Wie meynstu/wan̄ ich geschworen hette/Ihesus/  
 getz güte/od̄ sunst ein Begeinisch schwürin/vnd hette dar  
 neben in einer gleißnerey die leüt betrogen/wie bis hā das  
 selbig Begeinisch vöcklin gethon hatt. O wie vil tausent/  
 sind durch die apostüzerische Begimische art verfür̄t wor-  
 den: O wie haben die ertz gleißner vnder den namen Ihes-  
 sus/vnd anderer Begeinischer angenümener weisen/so vil  
 leüt vmb das jr beschiffen: ja die gantz welt gar nahe ver-  
 für̄t. O wie habē die würdigē geystlichen genēit/das arm  
 volck züm dickeren mal verban̄t/vermaledeiet/vertriben  
 von jren güteren: Wie dick hatt man sye für gericht vnnd  
 recht vmb triben: vnnd biz vff das marck hynein gemer-  
 gelt/vnd aber alles mit sensstten geschlachten worten. Es  
 ist einzarts vöcklin/ce jren einer ein schwur thette/er ver-  
 tribe ee einen Bauren von hauf̄ vnd von hoff/mitt seinem  
 sanstten Begeinischen geschwetz. Was meynstu schadens/  
 das dise begimische wort thon habē: Were nit weger/das  
 etwo einer sanct künig geflücht hette/vnnd hett deine for-  
 deren nit betrogen/vmb hauf̄/hoff/acker/matten/land  
 vnd leüt/stett/schlösser vnd dörf̄er/weder das er mit dem  
 sensstten namen Ihesus ynher kummen ist/den selbigen zu  
 seinem geitz mißbraucht/deine soderen betrogen in einem  
 schaffs kleydt/jnen abgefressen/des du nun yezund man-



gelen müß. Syhe das sind die frumen heyligen von denen  
geschriben stadt Matthei am. xxiij. wider die der herr zum  
achten mal wec schreiet/die der wirtwen haüßer fressen/vn-  
der dē schein des langē gebetts/die bey dem tēpel zu schwe-  
ren klein vnd gering achte/aber bey dem gold des tempels  
zu schwerē/groß machen. Auch beim altar schwerē ist nit  
aber bey dem opffer schwere/müß vbel gethon sein. Wan  
wo inen das selbig ab gieng/weren sye verdorbē/den tem-  
pel aber vnnnd den altar tregt in andas niemants hynweg  
Es sind eben die frumen/die do verzehende die müntz/eniß  
vnd künich/vnd lassen aber dahindē das schwärß in dem  
gesatz/die barmherzigkeit vnd den glauben. Wan zu zeitē  
wenig barmherzigkeit vber die armē (vorab ire zins leüt)  
gefunden würdt. Sūmasūmarū/es seind die do sehen ein  
steüblin in dem aug jres buiders/vnd haben sy ganze bal-  
cken in iren.

¶ Wan wil ich mich hye nit entschuldiget habē/ob ich vñ  
behüttsamlich also geredt hette/Ich müß aber meine jüch-  
heren dannoch sagen/so sye sich also glaßschön duncken/  
vnd also geflissen seind alle ding zu straffen/auch die affe-  
ctus/das ist die vnbehüttsamen bewegungen. Wo seind sye  
also geflissen die ertzpfründē fresser zu straffen/die die gāz  
welt in leidē bungen/die das ergest volck seind/das vff gotz  
ertrich lebt/wan durch sye ist das gotz wort gar nahe in al-  
le welt vertilgt. Syhestu nit in Straßburg vñ ander swo  
da etlich haben tausent gülden/etliche vil hundert/die do  
nichts anders darumb thünd/wan fressen vnd sauffen/et  
wan so sye geystlich wollen sein/so die presenz güte ist/singē  
sy goett ein liedlin oder Patrem dar an. ic. Syhe du armer  
mensch/hastu mein künin/oder mein steüblin so bald gese-  
hen/vnd syhest nit bas vmb dich/das vbel der ganzē Chi-  
stenheit. Setz ein bull vff die nasen/vnd syhe wo der man-  
gel ist. Also thünd sy auch/wo ein armes dorffpesslin sich



ein wenig vber sycht/do sind sy flux vff jm/da ist kein gnad.  
 aber die erzbüben/die die ganz welt vßsaugen/muß man  
 genad herz/würdiger herz/nennen. Ja sprichstu/sye gond  
 mich nichts an/sy seind gefreit vom Bapst/sa vom teüfel  
 der hellt sye als die seinen/frey/die weil er mag/möstet sye  
 hye wie die becker seiw/das er dar nach dester besserē speck  
 mache. Verflucht sey das ampt darinn sich einer mitt dem  
 marck seins nechsten neren müßz/die armē ellenden straf-  
 fen/vnd die grossen hurnüßlen müßz lassen durch wischē.  
 Ich möcht kein richter sein/der do nür die armen vnschul-  
 digen oder kleinschuldigen müste plagen/vñ darneben die  
 grossen dieb nit dürffte antastē.

**C** Darumb lieben gesellen/hand jr meinē künin/vß eyfer  
 häruf gewünscht/gehört/so hören auch die not/dar wider  
 ich also geeeyfert hab/wider die erz entchüstischen verder-  
 ber der Chüsteheit. Habt jr gehört das ichs geredt/so hört  
 auch warumb/oder jr müßnt vnwilliglich zū seiner zeit  
 ein stym hören/mit derē jr zū ewiger verdammüß genrteyle  
 werdē/wie jr mich vmb meins steüblins willin/so hoch an  
 Elagen vnd verdammen.

**Vff den. xxij. artickel: das ich die ge-**  
 satz der Bapst/vnd ire bullen/hab genent Epistelen/oder  
 Brieff Manichei/dar durch die Bapstliche satzung ketzerisch  
 der Bapst ein ketzer verargwont würd. Redt aber der wi-  
 derteyl (wie er biß här gewont) die wort nit wie sye gefallē  
 seind. War ist/da ich vnder anderem yngeden et worden  
 bin/des vngheüren tyrannischē verbitē der leer Lutheri  
 des testaments durch in verteütscht/vnd anderer Bücher  
 in der heyligen geschriffte gegründet/on alle s anzeygen der  
 falscheit oder vnwarheit/vber das Begeben vnd Begeren/  
 so er thon hat/vnd aber biß här jm nimants gezeygt/klar-  
 lich vñ öffentlich (wie er) dar gethon/villeicht nit gekönt



oder gemöcht hatt (wie wol vil / aber mit langen spiessen /  
vnd bleien dolchen / das ist / mit langē härkūnenē brauch /  
mit der vätter vnd leser spruch / sich haben vnderstanden /  
den felsē der der warheit zū bestreitē / solichs aber in chriſt  
lichem glauben nit giltet / der lang spieß thūts nit. Wan al  
so hettē die jūden / heyden / auch der teufel mit allē sūnderē  
rechter weder die Chriſten. Der bleien dolch widerlegt sich  
vorab wo er nit gehöret ist / das ist / Vätter spruch gelten  
nichts / wo sye vff gesatz vnd zū glauben tringē wöllen / es  
sey dan / das sye zū vor gehöret seind / mit dem sīahel d̄ hey  
ligen geschufft / das ist / gegründet in der geschufft / wie sye  
dan auch selbs ire gschufft nit anders wöllen gehalten wer  
den / wie S. Augustin das eygēlich lernet) bin ich weiter  
in solchen reden auch yngedenck worden der Bullē / so oit  
alles anzeygen der vsach / nū vff verdammen dūngt. wes  
liches so vom obersten Bischoff zū hören spörtlich / die weil  
doch die mīnderen schuldig seind / irer leer vnd glaubens  
rechnūg zū geben / wie Petrus vnd Paulus leerē / hab ich  
gesagt / das man ein soliche Bull nit soll halten / als vom  
Bapst vsgangē / wan nit zū vermūtmassen / das d̄ Bapst  
ein solichen brüeff / so blūdt vnd yngesydert / mit vsachen  
der gschufft / auch in so treffelichen dīngen des glaubens /  
yber das gebirg / in frembde land lies fliegē / wir auch ein  
sollichem zū glauben nit schuldig. Gleich wie auch S. Au  
gustin sich nit wolt keren / an den brüeff Manichei / welich  
es dan eben nit vil anders ist.

Das ist beyleuffig die red gewesen vff das mal. Was ist  
es aber anders / so ein Bull yngegründt in d̄ geschufft / da  
här fleigt / vnd das volck zū glaubē vnd haltē tringen wil /  
weder eben ein soliche Epistel oder brüeff Manichei / vff we  
liche auch seine iūnger hieltē / vnd sich auch dar vō nit wol  
ten lassen tringē / sonder in für ein Apostel Christi vñ nach  
volgig sein geschufft für die heylig gschufft selbs vermeyn



ten zu haltē/wie auch yetz und iren vil mer vff des Paps-  
 Bull (wie vngegründt sye ja sey) haltē weder vffs Euāge-  
 liū selbs. Desshalb sye billich dem selbigē Brieff/8 do genāt  
 ward Epistola fundamēti manichei/der Brieff des grūds  
 manichei/vergleicht würt/vñ auch nit höher geacht. Wi-  
 der welichē Brieff Manichei vñ seine anheger/als Faustū  
 Felicē/Secundū/vñ andere/8 heylig Augustinus dapff-  
 erlich stritte vñ mit vnd durch die heylig gschafft./inen den  
 Brieff/vñ andere vngegründte meynūg harnider legte vñ  
 auch die ihenigē die solichē Brieff hoch vffnutzten/nit für  
 die chrißliche kirch wolt haltē. welicher chrißlicher kirchē/  
 (vñ nit disen mit irem Brieff) er glaubte/von derē er auch  
 das Euāgeliiū genōmen hatt/das er auch behaltē wolt/  
 vñ die auch nit für warhafftig haltē/die ein andere meyn-  
 ung (als nāmlich des Manichei grundt Epistel) ynfüren  
 woltē. dan die selbige Epistel nit mit der warhfftigē kirchē  
 beston möchte/als dan mag gelesen werdē in dem bñch Cō-  
 tra Epistolā Manichei/que vocatur fundamenti.

¶ Ist jm nit auch also hyer: Die kirch hat das Euāgeliiū  
 von anfang ynher erkent/as warhafftig. welicher kirchē/  
 so auch andre menschen zugehört vermant worden seind/  
 vnd ire von wegen der vnwidersprechlichen warheit/des  
 Euāgelij/vß dē liecht/so Gott in jnē angezündt geglaubt  
 habē sye auch das selbig Euāgelium bis hār/wie auch die  
 glaubigē alzeit thūn werdē/dar für gehalten/sich daruff  
 als vff ein felsen gegründt/es auch für ein gewisse regel vñ  
 streichstein gehabt/dar bey zu erkennen/wer von der rech-  
 ten kirchen sey oder nit/wie wol sy es von der rechtē kirchē  
 antrage/auctoritet od dapfferkeit/vermant/angenōmen  
 haben/wie dan auch S. Augustin spricht. Ich glaubte dē  
 Euāgelio nit/mich vermante od bewegte dan 8 kirchē au-  
 crouitet. Welchē spruch ich nit gleich verwürff/auch die wi-  
 derwertigē dem Euāgelio nit darauß bringē mögen was  
 sye vermeynē/sonder vil mer was wider sy ist/wie nacher



folgt. wañ das annemen nit also verstanden werden sol/  
das sye es eben als wol hettē nit mögen annemen/vñ dan  
nocht ein chrißliche kirch bleibē/sonder vil mer vß dem an  
nemen/sye erst ein rechte ware chrißliche kirch wordē/wie  
auch alle in der/der das gotz wort erkēnt vñnd glaubt/ein  
Christ ist. Es ist auch das annemen nit anders weder ein  
erkennen. welichs erkennen/durch die ersten geschē/vñ  
soliche erkānte warheit/mit aller trübsal vñd widerwer  
tigkeit/auch durch den tod Bezeugt/seind billich vermant  
oder bewegt der heylg Augustinus/mit sampt andren frū  
men/vñ das Euāgelii zu hören sich beflissen. Durch wel  
ches gehōr/er im auch glaubt/wañ d̄ glaub ist vß dem ge  
hōr/wie Paulus sagt. Also vß dem gehōr/nit vß der kirch  
en auctoritet oder antragen/hat er es angenōmen/vñ im  
glaubt. Aber vß der kirchē auctoritet vñ antrāgē ist er wol  
bewegt vñ vermāt es zu hören. durch welches gehōr/wie  
ob gesagt er glaubt hatt. Ein gleichniß. Es verlassen vñ  
des Euāgeliums willen die leüt vatter/mütter/er/gūt/  
auch das lebē. würd ich also durch solicher dapfferer leüt  
auctoritet vermāt zu hören/was doch das für ein lere sey/  
vmb deren willen die leüt so grosse ding thū/vñd hōre sye  
auch/würd also durch dz selbig gehōr gefangē d̄ lere auch  
zu glauben/das ist on zweifel der verstandt dises spruchs/  
vñ nit der den sye meynē/das durch der kirchē willen/er es  
angenūmen hab/sonder durch der kirchen willē vermant  
oder bewegt zu hören/wie gesagt. der gleichē wir auch täg  
lich vermāt zu hören/vñ also durch gehōr kumen zum glau  
ben. Sūmasūmarū/das gehōr bringt den glaubē/nitt ebē  
die auctritet dises oder iheniges/er sey joch hoch od nider.  
Sye vermag aber wol zu bewegen/das wir hören/vorab  
wo sy der dapfferkeit/wie die erst kirch gewesen/die jr blüt  
vergossen vñ gestorbē/so die yetzige die sich vast vff bleigē  
für die kirch/jnen nit lassen ein finger schwāren durchs  
Euāgeliums



Euangeliums willē. Wolhyn wie S. Augustin zūnor ver-  
 mant/glaubt hat/also sollen wir auch vß solicher verma-  
 nūg hören vñ glaubē/vñ im ewigklich anhangē. Dñ weli-  
 cher vns anders vermant /es sey durch Bullē oder brieff/  
 gar nit glauben/vnangesehen/das die so soliche brieff vß-  
 schicken/sich auch für die kirch vß gebē/vnd dardurch ver-  
 meynen/man soll vñ müß inen glaubē/mutzen stetigs vff  
 den spruch Augustini/als ob er auch dahin reychte/dz ein  
 yegklicher d sich für die kirch vß gebe/die recht kirch were/  
 vñ was er gebött oder sagte/man im es glaubē müste /die  
 weil dem Euangelio vß d kirchē auctoritet glaubt sein sol.  
**W**as solich sage/sy zeygē vns zūnor an/das sy die kirch  
 seien/so wöllē wir inē glaubē. Das werde sy aber nit th̄in/  
 sye thūgen es dan vß dem Euangelio von d ersten kirchen  
 angenommen vñ erkent. welchem so sye gemāß/vñ die weil  
 sye gemāß reden vnd handlē/wöllē wir in auch glaubē/  
 vnd sye für die kirch haltē. So bald sy aber das nit/sy mer  
 für dieb vñ reuber /die vnder den schaff kleyderē in her tra-  
 ben/vnd zucken. Solte ein yegkliche versamlūg gleich die  
 kirch sein/vñ vber das Euāgelii gleich mögē vireylē/ an-  
 nemē/ abthūn/daruon vñ darzū thūn/nach irem gefallē/  
 warūb wer d Türcken versamlūg nit auch ein christliche  
 kirch: wan sye auch vom Euāgelio nit wenig haben/wie  
 dan jr Alkoran vßweist.vnd wir sye darūb nit für Chustē  
 haltē darūb sy es nit ganz vñ gar haltē wie wir. Dñ aber  
 wir vermeynē Christen zū sein vñ woltē auch gewalt habē  
 darīn vmbgon zū grüblē noch vnserē gefallen. Es gilt nit  
 wir sint die kirch/darūb so zymē vns im Euāgelio vmb zū  
 gon wie wir. wöllē /etlich sprūch ab zū thō /zū enderē /oder  
 rāth daruß zū machē/wie es gedūckt. Es habens doch die  
 vorigē von d kirchē thon/soltē wir nit auch gewalt haben?  
 Sprūch ich zūm ersten/sye sind nit darīn vmb gangē grüb-  
 len/wie wir thūn od gern thettē/auch (wie ob gesagt) habē



syen im durch jr annemen / nit erst sein warheit vnd krafft  
geben / sonder vil me / so es vorhyn / ja vō ewigkeit hār war  
hafftig vnd krefftig gewesen / es also erkennet. Zum ande-  
ren / ist es eben als vil geredt / die vorige kirch hat das Euā-  
gelii erkent für das gotzwoort / vnd man hat im glaubt / vñ  
jrer vermanig / darüb wir / so wir ye auch die kirch seien /  
mögen wir es wider ab thün / od darin vmbgon grublen /  
noch vnserem gefallen. Es ist ein feine folg / vñ des teufels  
schül gleret / aber vil ein bessere folg die hārnach. Es habēs  
die vougen frummen vätter erkennet / nit vñ eygenem ge-  
duncken / oder vñ eygner vernunfft / sonder vñ der genad  
gottes / vñ göttliche ynsprechē / dz es sey die warheit / dar-  
umb sye jr auch anhengig / für vnd für sich daruff / als vñ  
ein felsen gelassen / wie dan alle lerer / vorab die alten steiff  
thün. Darumb hat niemāts macht einē büchstabē dar vō  
zu enderē. vnd welcher nit steiff dem selbigē anhangt / das  
Bekennet / sich daruff gründet / der selbig ist nit allein nit die  
kirch / sonder ein verfolger d̄ rechtē waren chustheit / ob er  
schon Pappst / Bischoff / od was titels / od alle bey eināder  
versämlet seien. Sprichst / sye habēs angenōmen vnd sind  
die kirch gewesen. Wolan / wilten die kirch sein / so behalts  
steyff vñ bekens / wie auch sye / wānes ein geyst ist / d̄ vorige  
kirchē / vnd d̄ yetzigen. welche zwo kirchē wo sy eināder wi-  
der seind / ist ein zeychē / das entweder dise oder die vorige  
kein kirch ist. wā d̄ geyst gottes im selbs nit widwertig ist /  
sond̄ eynhellig von anbegin d̄ welt. Ist nūn ein zwytracht  
des geyst zwischē der yetzige vnd vorigen kirchen (wā die  
yetzige wōlts gern abthün / schafft jr veruolgen / die jheni-  
ge hats angenōmen) so müssen sy auch wider eināder sein  
vnd nit ein kirch von einē geyst / sonder etne von dem geyst  
gottes / die and̄ vom teufel / wā das sind ye die zwen haubt-  
fürsten in diser welt. Vñ welche solich für die rechte war-  
baffige kirch welen / anders weder die vouge / von deren



ich gar vil löblicher thatē hōre vnd lyß/namlich das sye jr  
 blūt vergossen habē/reylliche wie d̄ bach /gūt vñ eer verlas  
 sen ic. Die yetzige aber so sich dar für vßgibt /im nit ein löf  
 fel schwenckte /ich gschweig leib vnd gūt an das Euāgeli  
 um satzte /sonder vil mer leib vñ gūt zūnemē vnderstadt/  
 denen so im treulich anhangē. Wir seind warlich fein gesel  
 len/wir haben vns vß dem Euāgelio gemōstet /ist vns ein  
 gūt Euangelium gewesen /die weil es vns zūtragen hat/  
 vñ wir vnder dem schein des Euāgelij /schier die gātz welt  
 vnder vns bracht habē. Nūn so man vns ein wenig etwas  
 mit straffen wil /vnser vngeschicklich lebē tadelen /fragen  
 wir wo es hār kum /wir seien vber das Euāgelium /wir mö  
 gens nach vnserē gefallen enderen /wir sind die kirch /derē  
 man glaubē geben muß ic. Fürwar wir seind dāctbar leüt  
 Es hat vns in eer vñ gūt gesetzt /yetz fragē wir wo es hār  
 kum e /gleich wie ein vatter der vns erzogē /in eer vnd gūt  
 bracht /welcher so er vns in etwas vngbürlichen dingen  
 straffe /wolten wir in verleüctnen /vnd sagen /Was habē  
 wir dan mit im zūschaffen. O lesterung vber alle gotzleser  
 rung /vñ muß d̄ frum vatter Augustinus mit seinē spūch  
 helfen jr büberey bestetigē. Es ist nit sein meynung gewe  
 sen. Wie meynstu /wann er die yetzige kirch (so sich vßgibt  
 für die recht kirch) gesehē hett /ob er nit als bald gsagt het  
 vnd sye vergleicht der kirchen vnd versamlūg Manicheo  
 rum /vnd jr auctouitet gar nichts zūgeben /sonder ire bosz  
 heit /mit dem Euāgelio /das vß seiner eygnē warheit /bey  
 allen glaubigen warhafftig erkennt würt /gestrafft /wie  
 er dan durch alle seine geschufftē /vß dem Euāgelio /Pau  
 lo /vnd propheten herlich die sünd gestrafft /vnd gnad an  
 zeygt. Meystu wenn S Augustin die yetzige vertretende  
 kirch representatiuā ecclesiam gesehen /das er gesprochen  
 hette. Ich glaubte dem Euāgelio nit /mich ermante dan  
 der kirchen auctouitet ic. Liber was auctouitet /möcht in



doch da bewegt habē zū hören/vñ nachmals zū glaubē/da  
nichts anders gefundē vnd gesehē were/weder was wider  
gott vnd d̄ seelē heyl were (als sy auch freylich vnsm̄ig mit  
sten sen/es weren ja türcken/heydē od̄ jnden/die vß vnserē  
chrißlichē regimēt/vorab wie es vnder d̄ chrißlichstē geyst-  
lichkeit zūgadt das Euāgelii zū hören/vñ jm zū glaubē be-  
wegt würden/die weil sye sähē das niemāts mer darwider  
thette) aber dē Euāgelio würd er ee für sich selbs geglau-  
bet habē/vnd sich nit daran gekert/gott geb was jm das  
gotlos völklin gesagt hette/sonder hett vil mer gesprochē  
wie er auch gesagt/Sed abest vt Euāgelio nō credā/illi  
em credēs nō inuenio/quō possum etiā tibi credere. Es sey  
fer von mir/das ich dem Euāgelio nit glaubte/sonder so  
ich jm festiglich glaube/so kan vñ mag ich ye dir nit glau-  
ben. Wie meynstu ob nūnich vñ eināder auch also sagten/  
(du gebest dich vß wo für du wöllest/schickest vß für bueff  
was du wöllest) es sey weit von mir das ich dem Euāgelio  
nit glaube/wan̄ so ich dem selbigē ye glaubē gebē müß vñ  
sol/so find ich nit das ich dir vñ deinē Bullen vnd bueffen/  
glaubē gebē kan. Also vnd der meynūg nym̄ auch mein red  
an/die ich gethon hab von d̄ Bull. Ich hab nit gesagt das  
sye k̄zerisch sey/wie d̄ bueff Wanichei/sond̄ ich würd/vñ  
wir alle sollē vns nit k̄erē/an was bueff vnd Bullē es seien  
die nit gotz wort mit bingē/gleich wie dē bueff Wanichei  
Augustinus auch nit wolte glaubē/also auch wir nit ein  
yeglichē bueff oder Bullē vngegründt da hār fliegēd. Es  
sol vns allein das Euāgelii/das ist das gotz wort zwingē/  
dem wöllen vñ sollen wir auch gehorsamē/in den d̄ngē so  
vnser seelē heyl betreffen/vñ nit einē yeglichē bueff Wan-  
ichei etc. Wie meynstu nūn/so ich vff diße meynūg geredt hett  
ob es vnrecht were? Ir wöllēt vil mit Bullē vnd bueffen vß  
richtē/die in d̄ geschriff nit gegründt seien/darumb leiden  
auch dz man sy vergleich allen andrē vngegründtē geschriff-  
ten/sy seien ja vō k̄zerē/als Wanicheus od̄ sunst. meynstu



aber dz es kinder spiel sey in solichē schwerē sachē des glaub  
 ens/so vngegründt dahār farē/leren vñ gebietē als ob die  
 seligkeit daran stündeso sich doch befundt vñ d̄ geschufft/dz  
 wider spiel. Nach zūnordene brieff vñ bullē gleichförmig  
 vñ gegründt in d̄ geschufft/wiltu echt vns etwas dar mit  
 abtreiwē od vfflegē/od du würst nit schaffen/es müßz ye  
 das Euāgelii für gon/wider welches wir deine brieff nit  
 werdē hörē/mind weder Augustinus den brieff Manichei.  
 ¶ Also hastu die meynūg des articckels auch/in welchē du  
 mir meine wort vntreulich dar gebē hast. Ich hab des Ba  
 pstes brieff od bullē vñ seine sartzungē nit genent brieff Ma  
 nichei.wo sy aber in d̄ geschufft vngegründt od widerwer  
 tig gefundē dānocht zwingē vñ dunge woltēt /als nötige  
 ding zūr seligkeit/vñ ich od eināder sye vergliche dē brieff  
 Manichei od anderē falschē geschufftē/so lernē sy daran  
 das sy es hyn für vñ besserē grūd versehē/od mit jren bullē  
 vñ brieffen daheim bleiben/wir wissen das Euāgelii/wo  
 hār es ist/aber jre bullē vñ brieff machen grossen argwon/  
 das sy von yngebē des fürstēs diser welt entsprūgē seient.  
 Hiemit wil ich auch weder Bapst noch Bischöff ketzer ge  
 schuldiget habē/wān möglich ist das on jr wissen vñ willē  
 oder rechte berichtūg des hādels man soliche censuren vñ  
 bullen hārauf bring.weliche so widerwertig der heyligē ge  
 schufft gefundē/wer es aber ein wūder das sye ketzerisch/  
 vñ d̄ Bapst oder Bischöff vnder deren namen sy vñ gon/  
 für ketzer gehalten würdē: Darūb in auch not were solichs  
 an jre hōfen baß dan biß hār versāhen. Vñ dieweil sy selbs  
 Bapst vñ Bischöff seien vñ von jren selbs handē rechnūg  
 erfordert würd/es nit also gētzlich an ander leūt ließen Vñ  
 wiewol im ist/dz sy es nit alles durch sich selbs thun möcht  
 en/sond wie ein wagēman mit seinē rossen nit selbs dē wa  
 gē von stat zeucht/aber er nit darumb bey dem wein sitz/  
 vñ laßt sye allein/sonder stätigsbey jnen ist/vñ sye regiert.



also soltes auch hyc zu gon/nit den wage der Christenheit  
andere beuelhe/vn er dieweil mit den tricken dieser welt/die  
zukunfft des herren verachte/vn in aber der herr vberleite/  
vn in sein teyl mit der gleichneren gabe/da dan sein wirt wey  
nen vnd zanlassen. Mat. xxiiij. Wolan/ich hab sy nie also  
weder genent/noch darfur gehalten/was ja mein articulier  
im. xxiiij. artickel ynher luge/ich hab Adrianu ein ketzer  
genent im vorzeyche S. Laurenzen/in gegenwertigkeit vi  
ler mit lauter stym zc. Was sol ich sagen er mocht ein mordt  
auch vff mich liegen/er wurdts aber velleicht nit beweren.  
Vom Pappst Adriano hab ich nie weder vbel noch wol ge  
redt. wie ich auch noch bey der zeit weß wol noch vbel von im  
halten hab möge/sond allzeit gewünscht/dz er mit wercke er  
straffe/des sich weniglich zu im versyche vn vertröste/wie  
ich auch wünsch vn beger/gott geb im gnad dar zu Amē.

**Im. xxiiij. artickel zeygt mein kläger**  
an/das ich von wegen des vbels/so in gemeldte articulen  
vber mich geklagt begäge/billich sol noch in halt des Pappst  
lichen mādats/vn andie der geystlichen recht penē gestraffe  
werde/vn gleich vff dieser that verbannt/vn meiner pfründ  
en (derē er nit vil funde wirt) beraubt sein zc. wie er auch zu  
beschlusß dieser artickel beger/vom richter erkent werden  
soll. Wolan/allein in diesem artickel städich bloß/wo sy der  
vorige verantwortung nit annemē/sond müßz gedultiglich  
erwartē des vireyls/vor der mich auch kein appellatio (sorg  
ich) schirmē werd/der sententz sey dan zu orhyn erstattet/  
nach ire gefalle. Es ist aber gut dz sy dānocht vngeschafft  
habē/vn wann sy mich scho auch tödtē/wann als dan würd  
ich erst lebēdig/vn in die apostolos für das iüngst gericht  
insinierē/ebē für der richter/den sy yezūd (wo sy für farē)  
mit sampt seine gsatz verwerffen. Vff welichs gericht vn  
richter wie wol sy velleicht nit vil halten/stond sye doch sein  
nit on sorgē/das weyß ich. da hyn sye auch müßzn an jr v



ceyl lassen richtē. Da würt sy nit helfen / es ist beschlossen  
man sol mit niemants weiter disputierē ic. freylich ein be-  
schlussz stractst wider die geschrifft / welche sagt / Wan sol  
ein yede vsach gebē do begert / wie wol mā nit vsach d  
gschrifft begert / sond jrer sazūg / ob sy d geschrifft derē wir  
gern glaubē / gemāß seie. das vns auch vñ einē yede zū wis-  
sen not ist. damit kein andē Euāgelii nebe disem (vnder we-  
lichs wir geschworē) yngefürt würt. Aber wie hett mā die  
welt bassz mögē geschweygē / wan mit solichē verbottz. Es  
ist nit gesagt / solt ein weltlicher oberer allzeit vsach geben  
seiner gebottz. Sag ich / es ist hye weit anders / es trifft hye  
ewigs lebē an / dort ist es nūr vñ eitel zeitliche dng zū thūn  
deren abgāg man wol mag vñ soll gedultigklich leidē / wie  
vns d herlerner / das wir auch durch Brüderliche liebe vñ  
eynigkēit zūerhaltē gern thūn wöllē / die wir auch yedman  
erbietē / den glaubē aber wōllen wir vnversert haben / als  
wenig als vnserē angapffel. Darūb rüre inē vns niemāts  
an / er sey gleich Bapst / Bischoff / od Keyser. Dissz red ich  
auch zūfellig / so ich von d Appellation sag / für den jüngstē  
richter / wan vordem selbigen / bin ich meiner sach gewissz /  
wan sy ebē auch sein eygen sach ist. Vñ welches richters  
Euāgelio / so ich meine artickel genügsamlich verantwor-  
tet / vo eüch aber vnangemumē / sonder verachtet (darūb  
es vileicht nit zūstimpt / mit eüwerē zūgesetzte euāgelio) so  
würt hār widerūb eüch das selbig eüwer zūgesetzte Euāge-  
lium / wie groß es jo ist / nit schirmen / sonder es würt mit  
samt eüch meine strēgē richterē / wo jr es nit mit penitēz  
fürtūmen von Christo / den jr yetzūd nit wōlt vber eüch las-  
sen regnierē ewigklich verflucht vnd verworffen / wie S.  
Paulus sagt. Dar vor eüch vñ vns alle gott behüt Amen.

¶ Wir vorbehalten dise mein antwort zū Besserē / wie  
im das der widersächer in seiner klag auch thon hat.





